

সরস গল্প

মিত্র ও ঘোষ

১০ শ্রীমাচরণ দে স্ট্রীট, কলিকাতা—১২

মূচী

গল্পের নাম	পত্রাঙ্ক
কর্তার কীর্তি	১
তিমিঙ্গিল	১১
প্রতিদ্বন্দ্বী	১৮
আদিম নৃত্য	২৩
ভেনডেটা	২৯
মনে মনে	৩৮
কুতুবশীর্ষে	৪৭
বি	৫২
টুথব্রাশ	৫৮
আরব সাগরের রসিকতা	৬২
গ্নেমিক	৬৫
রূপকথা	৭০
গ্রন্থিরহস্ত	৮৬
আধিদৈবিক	৯১
ভূত-ভবিষ্যৎ	৯৬
পরীক্ষা	১০৬
ভক্তিভাজন	১১৭
যশ্বিন্ দেশে	১২৩
ভাল বাসা	১৩১
অসমাপ্ত	১৩৮
ভূতোর চন্দ্রবিন্দু	১৪৪
মুখোস	১৫০
সেকালিনী	১৫৫
এপিঠ ওপিঠ	১৬৩
সন্দেহজনক ব্যাপার	১৬৬
বহু বিদ্বানি	১৭১
জটিল ব্যাপার	১৭৭
গ্রন্থকার	১৮৪

প্রকাশকের নিবেদন

বাংলা কথাসাহিত্যে শরদিন্দু বন্দ্যোপাধ্যায়ের আবির্ভাব একটি স্মরণীয় ঘটনা। সাধারণ গতানুগতিক পথে তিনি চলেননি—কতকগুলি বিশেষ পথ বেছে নিয়েছিলেন বলে তাঁর আবির্ভাবের সঙ্গে সঙ্গেই তিনি খ্যাতি ও জনপ্রিয়তা অর্জন করতে পেরেছিলেন। সাহিত্যরাসিক সমালোচকরাও তাঁকে সেদিন জয়মালা পরাতে ইতস্তত করেননি। ঐতিহাসিক গল্প বঙ্কিম-যুগের পর প্রায় যখন সেকালে বলে গণ্য হচ্ছিল এবং গোয়েন্দাকাহিনীকে লোকে ইতরদাধারণের পাঠ্য বলে একটু অশুকম্পার চোখে দেখতে শুরু করেছিল, তখন সাহিত্যরচনার এই দুটি পদ্ধতিকেই বেছে নিয়ে তিনি তাতে নতুন প্রাণ সঞ্চার করলেন। এতদ্বারা এ-ও প্রমাণ করে দিলেন যে, লেখকের যথার্থ শক্তি থাকলে এবং নূতন আঙ্গিকে অধিকার থাকলে যে-কোনো বিষয়বস্তু নিয়েই সংসাহিত্য রচিত হতে পারে।

শরদিন্দুবাবুর রচনার আর একটি বিশিষ্ট দিক হল হাস্যোজ্জ্বল কৌতুকসের দিক। বাংলাদেশে অল্প যে-ক'জন শক্তিমান ও কীর্তিমান লেখক সাহিত্যের এই দিকটি নিয়ে পরীক্ষা করেছেন তিনি তাঁদেরই একজন। এ দিকেও তাঁর প্রতিভা অবশ্যস্বীকার্য। স্তরস্তর তাঁর মত লেখকের প্রতিভার সব দিকের নমুনা কোনো একটি শ্রেষ্ঠগল্প-সঙ্কলনের মধ্য দিয়ে নেওয়া যায় না বলেই আমাদের বিশ্বাস। সেইজন্মই তাঁর সরস গল্পের একটি বিশেষ সঙ্কলন প্রকাশ করে পাঠকদের উপহার দেবার চেষ্টা করেছি এই বইটিতে। সে চেষ্টা কতদূর সার্থক হয়েছে তা পাঠকেরাই বিচার করবেন। ইতি।

কর্তার কীর্তি

বর্ধমান জেলার ধনী ও বনিয়াদী জমিদার বাবু হুব্বীকেশ রায় তাঁহার জ্যেষ্ঠ পুত্র হেমসুকে বাড়ি হইতে দূর করিয়া দিয়াছিলেন। ইহার কারণ, সে তাঁহার মনোনীত পাত্রীকে উপেক্ষা করিয়া একটি আই-এ পাস করা মেয়েকে নিজের পছন্দ করিয়া বিবাহ করিয়াছিল।

ভয় নাই, ইহা পিতৃরোধপীড়িত হেমসুকের দুর্দশার কারণ কাহিনী নয়। হেমসুকে শেষ পর্যন্ত অর্থাভাবে দ্বী-পুত্রকে পথে বসাইয়া উষ্মনে প্রাণত্যাগ করিতে হয় নাই। বিবাহের পূর্বেই সে কলিকাতার একটা বড় কলেজে অধ্যাপনার কাজ পাইয়াছিল; তাহা ছাড়া পরীক্ষার কাগজ দেখিয়া ও ঘরে বসিয়া শিক্ষকতা করিয়াও যথেষ্ট উপার্জন করিত। স্ততরাং পিতা ত্যাগ্যপুত্র করিয়া ঘরের বাতির করিয়া দিলেও, অর্থের দিক দিয়া অন্তত তাহার কোন ক্লেশ হয় নাই।

হুব্বীকেশবাবুর মতো বদরাগী অগ্নিশর্মা লোক আজকালকার দিনে বড়-একটা দেখা যায় না। পুরাকালে বদ-মেজাজী বলিয়া দুর্বাসা মূনির একটা অপবাদ ছিল বটে, কিন্তু তিনিও অকারণে কাহাকেও অভিসম্পাত দিয়াছিলেন বলিয়া আমাদের জানা নাই। হুব্বীকেশবাবুর কারণ-অকারণের বালাই ছিল না, তিনি সর্বদাই চটিয়া থাকিতেন। শুনা যায়, সতের বৎসর বয়সে তাঁহার একদ্বার টাইফয়েড হয়, সারিয়া উঠিয়া তিনি তেঁতুলের অংশ দিয়া ভাত খাইবার ইচ্ছা জ্ঞাপন করেন। ডাক্তারের আদেশে তাঁহার সে ইচ্ছা পূর্ণ হইল না, ফলে সেই যে তিনি চটিয়া গিয়াছিলেন সে রাগ তাঁহার এখনও পড়ে নাই। একাদিক্রমে এত বৎসর রাগিয়া থাকার ফলে তাঁহার গৌণ সমস্ত পাকিয়া গিয়াছিল এবং মাথার সম্মুখ দিকে চুল উঠিয়া পরিকার ও চিকণ হইয়া গিয়াছিল। চক্ষু দুটি সর্বদাই কষারিত হইয়া থাকিত।

রাগের মাত্রা বাড়িয়া গেলে তিনি ঘরের আসবাব-পত্র ভাঙিতে আরম্ভ করিতেন। বাড়ির ভগ্নপ্রবণ জিনিসগুলি প্রায় শেষ করিয়া আনিয়াছিলেন, এমন সময় একদিন দৈবক্রমে হাতের কাছে একটা কাচের গ্লাস পাইয়া প্রথমেই সেটা ভাঙিয়া ফেলিলেন। ইহাতে ইন্দ্রজালের মতো কাজ হইল। কাচ ভাঙার শব্দে কর্তার অর্ধেক ণাগ পড়িয়া গেল—সেদিন আর তিনি অন্য

কিছু ভাঙিলেন না। অতঃপর তাঁহার রাগের মাত্রা চড়িয়া গেলেই বাড়ির বেকে একটা কাচের গেলাস তাঁহার হাতে ধরাইয়া দিয়া সবেগে প্রস্থান করিত। তিনি সেটা মেঝের আছড়াইয়া ভাঙিয়া ফেলিতেন। এই অভিনব উপায়ে বাড়ির টেবিল, চেয়ার, আয়না, ঝাড় ইত্যাদি দামী আসবাব অনেকগুলি রক্ষা পাইয়াছিল।

দুই মাস অন্তর কলিকাতা হইতে এক গ্রোস করিয়া নূতন কাচের গেলাস আনানো হইত। তাহাতেই কোন রকমে কাজ চলিয়া যাইত।

রংগ যখন কম থাকিত, তখন তিনি তাঁহার খামবেদ্যারা গয়ারামকে ‘শুয়ারকা বাচ্চা’ না বলিয়া শ্রেফ ‘হারামজাদা’ বলিয়া ডাকিতেন। তখন বাহিরের গোমস্তা হইতে ভিতরে গৃহিণী পর্যন্ত স্বস্তির নিশ্বাস ফেলিয়া বাঁচিতেন।

দুই বৎসর পূর্বে হেমন্ত যখন জানাইল যে, সে পিতৃনির্বাচিতা কলাবতী নাম্নী একাদশবর্ষীয়া মেয়েটিকে বিবাহ করিবে না, পরন্তু বেথুন কলেজের একটি অষ্টাদশী মাতৃহীনা কুমারীকে বধূরূপে মনোনীত করিয়াছে তখন কর্তা ক্রতশ্রম্পরায় তেইশটা গেলাস ভাঙিয়া ফেলিলেন। কিন্তু তাহাতেও যখন ক্রোধ প্রশমিত হইল না, তখন তিনি হেমন্তের ঘরে ঢুকিয়া একখানা ছয় ফুট লম্বা ভিনিসীয় আয়না পদাঘাতে ভাঙিয়া ফেলিয়া দ্বারের দিকে অঙ্গুলি-নির্দেশপূর্বক ঘোর গর্জনে কহিলেন, “বেরিযে যা এখনি আমার বাড়ি থেকে, এক কাপড়ে বেরিযে যা! তোরা মতো শুয়ারের মুণ দেখতে চাই না।”—বলিয়া হ্রেষাধ্বনির মতো একটা শব্দ করিলেন।

হেমন্ত সেই যে এক কাপড়ে বাহির হইয়া গেল, তাহার পর আজ পর্যন্ত পিতৃভবনে পদার্পণ করে নাই।

হেমন্তের বিবাহের সমস্ত ঠিক হইয়াই ছিল,—তাহার মাসির বাড়ি হইতে বিবাহ হইবে। বিবাহের দিন-দুই পূর্বে গৃহিণী কাঁপিতে কাঁপিতে কর্তার নিকট গিয়া বালিলেন, “আমি কালীঘাট ঘাব—মানত আছে। শিশিরের সঙ্গে আমার পাঠিয়ে দাও।”

রাগী হইলেও হৃষীকেশবাবু অত্যন্ত কূটবুদ্ধি; গৃহিণীর আজ্ঞা শুনিয়া তিনি হ্রেষাধ্বনিবৎ শব্দ করিলেন, কটমট করিয়া তাকাইয়া বালিলেন, “মানত আছে, শিশিরের সঙ্গে পাঠিয়ে দাও! চালাকি? আচ্ছা আমিই সঙ্গে করে নিই যাকি। দেখি কেমন কালীঘাটের মানত!—গয়া শুয়ারকা বাচ্চা কোথায় গেল?”

গৃহিণী চক্ষে অঞ্চল দিয়া দ্রুতপদে প্রস্থান করিলেন। গয়া দ্বারের বাহিরে এক গেলাস সরবৎ হাতে লইয়া দাঁড়াইয়া ছিল, ঘরে ঢুকিয়া কর্তার হাতে দিতেই তিনি সেটা দেখালে মারিয়া ভাঙিয়া ফেলিলেন, স-গর্জনে বলিলেন, “ম্যান্ডেজারকে ডাক!”

ম্যান্ডেজার আসিলে তাহাকে হুকুম দিলেন, “খিড়কি আর সদর দেউড়িতে চারটে করে খোঁটো দারোয়ান বস। বড়ী না পালায়!—আর গয়া হারামজাদা তামাক দিয়ে থাক।”

‘হারামজাদা’ শুনিয়া সকলে বুঝিল গৃহিণীর চক্রান্ত ধরিয়া ফেলিয়া কর্তা মনে মনে খুশি হইয়া উঠিয়াছেন।

গৃহিণীর কালীঘাটে পূজা দিতে যাওয়া হইল না। ওদিকে হেমন্তর বিবাহ হইয়া গেল।

ইহার পর দুই বৎসর কাটিয়াছে। গৃহিণী বাড়ির মধ্যে কর্তার নজরবন্দি আছেন, একদিনের স্ত্রুও কোথাও যাইতে পারি নাই। এমন কি ভগ্নীপতির অতবড় অসুখেও তাঁহাকে বোনের বাড়ি যাইতে দেওয়া হয় নাই। কিন্তু শিশিরকে বাড়ির মধ্যে অন্তরীণ রাখা শক্ত। সে কলেজে পড়ে, তাই বাধ্য হইয়া তাহাকে কলিকাতায় মাসির বাড়ি থাকিতে দেওয়া হইয়াছে। যা হোক, হৃদকেশবাবু তাহাকে ডাকিয়া শাসাইয়া দিয়াছেন যে, কোনদিন যদি সে হেমন্তর বাড়িতে যায় কিংবা তাহার সহিত বাক্যালাপ করে তাহা হইলে তাহাকেও তিনি ত্যাজ্যপুত্র করিয়া বাড়ি হইতে দূর করিয়া দিবেন।

কিন্তু সম্প্রতি কয়েকদিন হইতে বাড়ির মধ্যে ভিতরে ভিতরে কি-একটা ষড়যন্ত্র চলিতেছে, কর্তা তাহা বেশ বুঝিতে পারিয়াছেন। গত শনিবার শিশির আসিয়াছিল, সে মার কানে ফুস্ফুস করিয়া কি বলিয়া গেল, সেই অবধি গৃহিণী অতিশয় চঞ্চল ও বিমনা হইয়া বেড়াইতেছেন। গৃহকর্মে তাঁহার মন নাই; একদিন ক্রন্দনরত অবস্থায় কর্তার কাছে ধরা পড়িয়া গিয়াছেন। কিন্তু বহু উৎপীড়ন ও তর্জন করিয়াও কর্তা ভিতরের কথা কিছুই বাহির করিতে পারেন নাই। তাঁহার সকল প্রাণই গৃহিণী উদাস মৌনব্রত অবলম্বন করিয়া সহ করিয়াছেন। তাহাতে আর কিছু না হোক, বাড়িতে কাচের গেলাসের সংখ্যা ভয়ানক দ্রুত কমিয়া আসিতেছে।

একে তো এইরূপ অবস্থা, তাহার উপর আজ সকালে উঠিয়াই কর্তা একেবারে সপ্তমে চড়িয়া গিয়াছেন। হতভাগ্য সরকার সকালবেলা হুকুম

লইতে আসিয়া কর্তার সম্মুখেই হাঁচিয়া ফেলিয়াছিল। আর ঘর কোথা? কর্তা একেবারে হুংকার দিয়া উঠিলেন, “বেয়াদব, উল্লুক কোথাকার! এত বড় আন্দোলন! গয়া শ্রমিকরা বাচ্চা কোথায় গেল?”

সরকার তেঁা প্রাণ লইয়া পলায়ন করিল, কিন্তু কর্তার সে রাগ সমস্ত দিনে পড়িল না। আজ কিনা সন্ধ্যার সময় আবার শিশির আসিল! নিজের বসিবার ঘর হইতে তাহার গলার আওয়াজ শুনিতে পাইয়া কর্তা তাহাকে ডাকিয়া পাঠাইলেন। শিশির ঘরে ঢুকিতেই তিনি আরম্ভ করিলেন, “তুই হেমন্তের বাড়িতে ঘাস? সত্যি কথা বল হতভাগা, নইলে” আজ তোকে মেরেই খুন করব।”

কুড়ি বছরের ছেলে শিশির পিতার মুখের পানে হতভম্ব হইয়া তাকাইয়া রহিল, তাঁহার প্রশ্নের হাঁ-না কোন উত্তরই দিতে পারিল না।

‘হুম্বীকেশবাবু তাঁহার কণ্ঠস্বর তারা গ্রামের ধৈবতে তুলিয়া বলিলেন, “কয় হুকুমে তুই সেখানে গিয়েছিলি” রে পাজি, নচ্ছার! কি বলেছিলাম তোকে আমি! আমার হুকুম হুকুম নয়, বটে?”

শিশির গৌজ হইয়া দাঁড়াইয়া রহিল। হুম্বীকেশবাবু এক পদাঘাতে জলন্ত কলিকাতা গড়গড়াটা দূরে ফেলিয়া দিয়া বলিলেন, “কি করতে তুই গিয়েছিলি সেখানে, বল আমাকে! আজ তোরাই একদিন কি আমারই একদিন! নিজের মার কাছে এসে ফিস্ ফিস্ করে কি বলেছিস? বল শীগগির হতভাগা, নইলে গাছে বেঁধে তোর গায়ে জলবিছুটি দেওয়াব।”

শিশির ভিতরে ভিতরে মরীয়া হইয়া উঠিল। সে দু-হাত শক্তভাবে মুঠি করিয়া বলিল, “আমি এখন থেকে দাদা-বৌদির কাছেই থাকব ঠিক করেছি। আর—আর মাকেও তাঁদের কাছে নিয়ে যাব।”

হুম্বীকেশবাবু একেবারে লাফাইয়া দাঁড়াইয়া উঠিলেন, “কী, এতবড় আন্দোলন!”

শিশির গৌ-ভরে বলিয়া চলিল, “আমাকে থাকতেই হবে,—বৌদির শরীর খারাপ, তাঁর—তাঁর—ছেলে হবে—”

হুম্বীকেশ আবার চিংকার করিবার জন্ত হাঁ করিয়াছিলেন, সেই অবস্থাতেই হঠাৎ বসিয়া পড়িলেন। সংবাদটা পরিপাক করিতে মিনিটখানেক সময় লাগিল তারপর পুনশ্চ গর্জন ছাড়িলেন, “ছেলে হবে তো তোর কি রে শ্রমিক?”

শিশির বলিল, “দাদা সমস্ত দিন বাড়ি থাকেন না, বৌদি একলা তাই আমাকে থাকতে হবে। আর মাকেও—”

“বেরোও! বেরোও! এই দণ্ডে আমার বাড়ি থেকে দূর হ—নইলে চাবকে লাল করে দেব। শূঁয়ার, পাজি, বোম্বটে কোথাকার! যাবিনে? গম্বা শূঁয়ারকা বাচ্চা কোথায় গেল, নিয়ে আর আমার হাণ্ডার—”

শিশির আর অপেক্ষা করিল না, যেমন অসিয়াছিল তেমনি বাহির হইয়া গেল। মার সহিত সাক্ষাৎ পৰ্বন্ত করা হইল না।

সমস্ত রাত্রি হুৰীকেশ বাড়িময় দাপাইয়া বেড়াইলেন। সেদিন আর ভয়ে কেহ তাঁহার কাছে গুলাস লইয়াও অগ্রসর হইতে পারিল না।

পরদিন বেলা নয়টার সময় স্নানাহার করিয়া তিনি ম্যানেজারকে ডাকিয়া পাঠাইলেন, বলিলেন, “আমি কলকাতা যাচ্ছি, সন্ধ্যা নাগাদ ফিরব। তুমি সাবধানে থেকে—গিন্নী না পালায়। আর শিশির লক্ষ্মীছাড়া যদি বাড়ি ঢুকতে চায়, মেঝে তাড়াবে।—গাড়ি যুততে বেলো।”

ম্যানেজার ভয়ে ভয়ে বলিলেন, “মোটর-কোম্পানির এজেন্টকে আজ ডেকেছিলেন, সে এসেছে। তাকে—”

হুৰীকেশবাবু বলিলেন, “তাকে চুলোয় যেতে বেলো। আমি কলকাতায় যাচ্ছি, নিজে দেখে মোটর কিনব। গাড়ি যুততে বেলো।”—বলিয়া চেকবহি-খানা পকেটে পুরিলেন।

ম্যানেজার “যে আজ্ঞে” বলিয়া প্রস্থান করিলেন।

গাড়িতে স্টেশনে যাইকৃত যাইতে হুৰীকেশ নিজের মনে গর্জিতে লাগিলেন, “কি আশ্চর্য! আমার সঙ্গে চালাকি! দেখে নেব। আমার বো—আমার নাতি! আমি হুৰীকেশ রায়—দেখে নেব কে কি করতে পারে।”

বেলা প্রায় দেড়টার সময় একখানা ঝকঝকে নূতন ফিয়াট গাড়ি কলিকাতায় প্রোফেসর হেমন্ত রায়ের বাড়ির সম্মুখে আসিয়া দাঁড়াইল। গাড়ির আরোহী গলা বাড়াইয়া দেখিলেন, ছোট স্বদৃশ্য বাড়িখানি, চারি ধারে একটুখানি সংকীর্ণ ঘাসের বেঠনী; সামনে লোহার ফটক বন্ধ।

হুৰীকেশবাবু গাড়ি হইতে নামিলেন। ফটক খুলিয়া সম্মুখের বন্ধ দরজায় সজোরে কড়া নাড়িলেন। একটা ছোকরা গোছের চাকর দ্বার খুলিয়া সম্মুখে কথায়িত-নেত্র বন্ধ ও তাঁহার পিছনে একখানি দায়ী নূতন মোটরকার দেখিয়া সসম্মানে জিজ্ঞাসা করিল, “কি চাই বাবু?”

শরদিন্দু বন্দ্যোপাধ্যায়ের সরস গল্প

লইতে আসিয়া কর্তার সম্মুখেই হাঁচিয়া ফেলিয়াছিল। আর ঘায় কোথা ? কর্তা একেবারে হংকার দিয়া উঠিলেন, “বেয়াদব, উল্লুক কোথাকার ! এত বড় আত্মপর্থা ! গয়া শূয়ারকা বাচ্চা কোথায় গেল ?”

সরকার ভো প্রাণ লইয়া পলায়ন করিল, কিন্তু কর্তার সে রাগ সমস্ত দিনে পড়িল না। আজ কিনা সন্ধ্যার সময় আবার শিশির আসিল। নিজের বসিবার ঘর হইতে তাহার গলার আওয়াজ শুনিতে পাইয়া কর্তা তাহাকে ডাকিয়া পাঠাইলেন। শিশির ঘরে ঢুকিতেই তিনি আরম্ভ করিলেন, “তুই হেমন্তর বাড়িতে যাস ? সত্যি কথা বল হতভাগা, নইলে আজ তোকে মেরেই খুন করব।”

কুড়ি বছরের ছেলে শিশির পিতার মুখের পানে হতভম্ব হইয়া তাকাইয়া রহিল, তাহার প্রশ্নের ই-না কোন উত্তরই দিতে পারিল না।

‘হৃষীকেশবাবু তাঁহার কণ্ঠস্বর তারা গ্রামের ধৈবতে তুলিয়া বলিলেন, “কার হুকুমে তুই সেখানে গিয়েছিলি” রে পাজি, নচ্ছার ! কি বলেছিলাম তোকে আমি ! আমার হুকুম হুকুম নয়, বটে ?”

শিশির গৌজ হইয়া দাঁড়াইয়া রহিল। হৃষীকেশবাবু এক পদাঘাতে জলন্ত কলিকাতার গড়গড়াটা দূরে ফেলিয়া দিয়া বলিলেন, “কি করতে তুই গিয়েছিলি সেখানে, বল আমাকে ! আজ তোরই একদিন কি আমারই একদিন ! নিজের মার কাছে এসে ফিস্ ফিস্ করে কি বলেছিস ? বল শীগগির হতভাগা, নইলে গাছে বেঁধে তোর গায়ে জলবিছুটি দেওয়াব।”

শিশির ভিতরে ভিতরে মরীয়া হইয়া উঠিল। সে দু-হাত শক্তভাবে মুঠি করিয়া বলিল, “আমি এখন থেকে দাদা-বোদির কাছেই থাকব ঠিক করেছি। আর—আর মাকেও তাঁদের কাছে নিয়ে যাব।”

হৃষীকেশবাবু একেবারে লাফাইয়া দাঁড়াইয়া উঠিলেন, “কী, এতবড় আত্মপর্থা !”

শিশির গৌ-ভরে বলিয়া চলিল, “আমাকে থাকতেই হবে,—বোদির শরীর খারাপ, তাঁর—তাঁর—ছেলে হবে—”

হৃষীকেশ আবার চিংকার করিবার জন্ত ই। করিয়াছিলেন, সেই অবস্থাতেই হঠাৎ বসিয়া পড়িলেন। সংবাদটা পরিপাক করিতে মিনিটখানেক সময় লাগিল, তারপর পুনশ্চ গর্জন ছাড়িলেন, “ছেলে হবে তো তোর কি রে শূয়ার ?”

শিশির বলিল, “দাদা সমস্ত দিন বাড়ি থাকেন না, বোদি একলা, তাই আমাকে থাকতে হবে। আর মাকেও—”

“বেরোও! বেরোও! এই দণ্ডে আমার বাড়ি থেকে দূর হ—নইলে চাবকে গাল করে দেব। শূয়ার, পাঞ্জি, বোম্বটে কোথাকার! ঘরবিনে? গয়া শূয়ারকা যাচ্চা কোথায় গেল, নিয়ে আয় আমার হাণ্ডার—”

শিশির আর অপেক্ষা করিল না, যেমন অসিয়াছিল তেমনি বাহির হইয়া গেল। মার সহিত সাক্ষাৎ পৰ্যন্ত করা হইল না।

সমস্ত রাত্রি হুদীকেশ বাড়িময় দাপাইয়া বেড়াইলেন। সেদিন আর ভয়ে কেহ তাঁহার কাছে গেলো নাই।

পরদিন বেলা নয়টার সময় স্নানাহার করিয়া তিনি ম্যানেজারকে ডাকিয়া পাঠাইলেন, বলিলেন, “আমি কলকাতা যাচ্ছি, সন্ধ্যা নাগাদ কিরব। তুমি সাবধানে থেকো—গিন্নী না পালায়। আর শিশির লক্ষীছাড়া যদি বাড়ি ঢুকতে চায়, মেরে তাড়াবে।—গাড়ি যুততে বেলো।”

ম্যানেজার ভয়ে ভয়ে বলিলেন, “মোটর-কোম্পানির এজেন্টকে আজ ডেকেছিলেন, সে এসেছে। তাকে—”

হুদীকেশবাবু বলিলেন; “তাকে চুলোয় যেতে বেলো। আমি কলকাতায় যাচ্ছি, নিজে দেখে মোটর কিনব। গাড়ি যুততে বেলো।”—বলিয়া চেকবহি-খানা পকেটে পুরিলেন।

ম্যানেজার “যে আজ্ঞে” বলিয়া প্রস্থান করিলেন।

গাড়িতে স্টেশনে যাইতে যাইতে হুদীকেশ নিজের মনে গর্জিতে লাগিলেন, “কি আশ্চর্য! আমার সঙ্গে চালাকি! দেখে নেব। আমার বৌ—আমার নাতি! আমি হুদীকেশ রায়—দেখে নেব কে কি করতে পারে।”

বেলা প্রায় দেড়টার সময় একখানা বাক্সকে নতুন ফিয়াট গাড়ি কলিকাতায় প্রোফেসার হেমন্ত রায়ের বাড়ির সম্মুখে আসিয়া দাঁড়াইল। গাড়ির আরোহী গলা বাড়াইয়া দেখিলেন, ছোট্ট সুদৃশ্য বড়িখানি, চারি ধারে একটুখানি সংকীর্ণ ঘাসের বেঠনী; সামনে লোহার ফটক বন্ধ।

হুদীকেশবাবু গাড়ি হইতে নামিলেন। ফটক খুলিয়া সম্মুখের বন্ধ দরজায় সজোরে কড়া নাড়িলেন। একটা ছোকরা গোছের চাকর দ্বার খুলিয়া সম্মুখে কবানিত-নেত্র বৃদ্ধ ও তাঁহার পিছনে একখানি দামী নতুন মোটরকার দেখিয়া সসন্ত্রমে জিজ্ঞাসা করিল, “কি চাই বাবু?”

হৃষীকেশবাবু উত্তর না দিয়া ভিতরে প্রবেশ করিলেন। চাকরটা বলিল, “বাবু বাড়ি নেই, কলেজে গেছেন। তাঁর ফিরতে দেরি আছে।”

হৃষীকেশ কর্ণপাত না করিয়া ভিতরের দিকে চলিলেন। চাকরটা এই অদ্ভুত বৃক্ষের স্নাচরণ দেখিয়া তাড়াতাড়ি সম্মুখের পথ আগলাইয়া রুক্ষস্বরে কহিল, “ওদিকে কোথায় চলেছেন? ওটা অন্দরমহল। বাবু বাড়ি নেই, এ-সময় আপনি কি চান? আপনার নাম কি?”

হৃষীকেশ শুধু একটি হ্রেষাধ্বনি করিয়া চাকরটার, কর্ণধারণপূর্বক এক ধারে সরাইয়া দিলেন। তারপর সম্মুখের সিঁড়ি দিয়া গট্ গট্ করিয়া উপরে উঠিতে লাগিলেন।

উপরের একটা ঘরে তখন মেঝের উপর মাত্র বিছাইয়া পা ছড়াইয়া বসিয়া প্রতিমা ভেলভেটের জুতার কাপড়ে রেশমের ফুল তুলিতেছিল। কুশাদী স্নন্দরী, বুদ্ধির বিভাষ মুখখানি জলজল, চুলগুলি পিঠের উপর ছড়ানো, নূতন সৌভাগ্যের কোন লক্ষণই এখনও দেহে প্রকাশ পায় নাই; তাহাকে দেখিলেই মন খুশি হইয়া উঠে। তাহার হাঁটুর কাছে মাথা রাখিয়া শিশির কড়িকাঠের দিকে চোখ তুলিয়া লম্বা ভাবে শুইয়া ছিল। গতকল্য বাবার সহিত যে ব্যাপার ঘটয়া গিয়াছে তাহা বৌদিদিকে বলা যাইতে পারে কি না, সে মনে মনে তাহাই গবেষণা করিতেছিল। কিছুক্ষণ ভাবিয়া সে স্থির করিল—না, বলিয়া কাজ নাই। বৌদিদি দুঃখ পাইবেন মাত্র, আর কোন ফল হইবে না। দাদাকে চুপি চুপি এক সময় বলিলেই হইবে।

বৌদিদির সন্তান-সন্তানবনার কথা গত সপ্তাহে দাদার মুখে শুনিয়া শিশির আপনা হইতে ছুটিয়া মার কাছে গিয়াছিল। মাও শুনিয়া আনন্দে ও আশঙ্কায় অতিশয় চঞ্চল হইয়া উঠিয়াছিলেন, কিন্তু কর্তার রোধ-বহি ডিঙাইয়া কিছু করিতে সাহস করেন নাই। গতকল্য শিশির দৃঢ়প্রতিজ্ঞ হইয়া আবার বাড়ি গিয়াছিল—যেমন করিয়াই হউক মাকে লইয়া আসিবে। তারপরেই সেই বিভাট! মার সঙ্গে শিশির দেখা পর্বস্ত করিতে পাইল না।

এই কথাটাই মনের মধ্যে তোলাপাড়া করিতে করিতে শিশির বলিল, “আজ্ঞা বৌদি, মা যদি এখন কোন রকমে হঠাৎ এসে পড়েন?”

সম্মুখের দেয়ালে খণ্ড ও শাণ্ডীর এন্লার্জ্ করা ফটোগ্রাফ টাঙানো ছিল। সেই দিকে চোখ তুলিয়া কিছুক্ষণ শাণ্ডীর ছবির দিকে চাহিয়া থাকিয়া একটি ক্ষুদ্র নিশ্বাস ত্যাগ করিয়া প্রতিমা বলিল, “তা যদি হত, ঠাকুরপো—”

শিশির সহসা কহুইয়ে ভর দিয়া উঠিয়া বলিল, “আচ্ছা, মাকে যদি চুরি করে নিয়ে আসি—বাবা কিছু টের না পান?”

জিভ কাটিয়া প্রতিমা বলিল, “বাপ রে! তাহলে কি আর রক্ষে থাকবে? বাবা তাহলে কাউকে আস্ত রাখবেন না।”

বস্তুত, চোখে না দেখিলেও শব্বরের মেজাজ সৰ্ব্বদা কোন কথাই প্রতিমার অজ্ঞাত ছিল না। তাহাকে বিবাহ করার ফলেই যে স্বামীর সহিত শব্বরের এমন বিচ্ছেদ ঘটিয়াছিল তাহা সে বিবাহের সময় হইতেই জানে। হেমন্ত অবশ্য কোনদিন এ-সম্বন্ধে তাহাকে কোন কথা বলে নাই, কিন্তু শব্বরঘরের জন্ত সর্বদাই প্রতিমার প্রাণ কাদিতে থাকিত। রাগী হউন, কিন্তু শব্বর যে কখনই মন্দ লোক নহেন ইহা তাহার দৃঢ় বিশ্বাস ছিল। শব্বর-শাশুড়ীর আদরে বঞ্চিত হইয়া এই মেয়েটি যে মনের মধ্যে কতখানি বেদনা পোষণ করিয়া রাখিয়াছিল, তাহা তাহার স্বামীও কোনদিন জানিতে পারে নাই। অত্যন্ত বুদ্ধিমতী বলিয়া সে ও-ভাবে কখনও ইঙ্গিতেও প্রকাশ করে নাই, পাছে স্বামী উদ্ভিন্ন হন।

শিশির আবার কড়িকাঠের দিকে চাহিয়া শুইয়া ছিল, প্রতিমা ছলছল চক্ষে বলিল, “আমার ভাগ্যে সে কি আর হবে, ঠাকুরপো? বাবা-মাকে আমি এজন্মে চোখে দেখতে পাব না।”—বলিয়া একটা উচ্ছ্বসিত দীর্ঘশ্বাস ত্যাগ করিল।

এমন সময় নিচে হ্রোধানির মতো শব্দ শুনিয়া শিশির তড়াক করিয়া উঠিয়া বসিল। এ শব্দ তো ভুল হইবার নয়! সে প্রতিমার কানের কাছে মুখ লইয়া গিয়া বলিল, “বাবা! বাবা এসেছেন!”—বলিয়াই এক লাফে পাশের ঘরে ঢুকিয়া ভিতর হইতে দরজা বন্ধ করিয়া দিল।

প্রতিমার মুখ সাদা হইয়া গেল, বুক টিবিটিব করিয়া উঠিল। সে উঠিয়া দাঁড়াইয়া মাথায় আঁচল টানিয়া দিতেই হ্রদীকেশবাবু ঘরের মধ্যে আসিয়া দাঁড়াইলেন। প্রতিমাকে আপাদমস্তক নিরীক্ষণ করিয়া বজ্রগন্তীরস্বরে কহিলেন, “আমার নাম শ্রীহ্রদীকেশ রায়। আমি, বর্ধমান থেকে আসছি।”—বলিয়া একটা চেয়ার টানিয়া লইয়া তাহাতে উপবেশন করিলেন।

এইখানে প্রতিমা একটু অভিনয় করিল। মনে যে ভয়ের সঞ্চার হইয়াছিল, তাহা জোর করিয়া চাপিয়া সে স্তব্ধভাবে ফিরিয়া মুখের ঘোমটা সরাইয়া দিল। বিষয়-আনন্দ-ভক্তি-লজ্জা-মিশ্রিত চক্ষে হ্রদীকেশবাবুর মুখের দিকে এক মুহূর্তে

শরদিন্দু বন্দ্যোপাধ্যায়ের সরস গল্প

চাহিয়া থাকিয়া অর্ধশূট স্বরে উচ্চারণ করিল—“বাবা !” তারপর গলায় আঁচল দিয়া তাঁহার পায়ের উপর মাথা রাখিয়া প্রণাম করিল।

অয়্যদুগারী ভিলুভিয়াসের মাথার উপর উত্তর-মেকুর সমস্ত বরফ চাপাইয়া দিলে কি ফল হয় বলিতে পারি না, হৃষীকেশবাবুরও মুখের কোন ভাব-পরিবর্তন দেখা গেল না। তিনি ক্ষীণভাবে একটু হ্রেষাধ্বনি করিয়া বলিলেন, “তুমিই আমার পুত্রবধু? তোমার নাম কি?”

“আমার নাম প্রতিমা”—বলিয়া সে তাঁহার পায়ের কাছেই বসিয়া পড়িল! এইটুকু অভিনয় করিয়াই তাহার উক্ক ছুটা খর-খর করিয়া কাঁপিতেছিল।

হৃষীকেশবাবু চাহিয়া দেখিলেন—হাঁ, নাম সার্থক বটে। বধুর মুখ দেখিলে চোখ জুড়াইয়া যায়। শুনিয়াছিলেন বধু আই-এ পাস, কিন্তু কৈ তাহার আচরণে বিজ্ঞাভিযানের কোন চিহ্নই তো নাই। তিনি এক দম্পিতা তীক্ষ্ণভাষিনী যুবতী মনে মনে কল্পনা করিয়া রাখিয়াছিলেন। কিন্তু একি? হৃষীকেশবাবু মনে মনে একবার হ্রেষাধ্বনি করিলেন, কিন্তু তাহা পুত্রদের উদ্দেশে। হতভাগারা তাঁহাকে বলে নাই কেন!

প্রতিমা শব্বরের মুখের দিকে একবার চাহিয়া, উঠিয়া দাঁড়াইয়া মূহু কণ্ঠে বলিল, “আপনি বড্ড ঘেমেছেন, জামাটা খুলে ফেললে হত না, বাবা?”

হাতপাখা আনিয়া সে বাতাস করিবার উপক্রম করিতেই হৃষীকেশবাবু বলিয়া উঠিলেন, “থাক্ থাক্, তোমায় আর কষ্ট কষ্টতে হবে না, মা। আমি নিজেই বাতাস খাচ্ছি।”—বলিয়া ফেলিয়া হৃষীকেশবাবু একেবারে শুভিত হইয়া গেলেন। এ ধরনের কথা গত তেত্রিশ বৎসরের মধ্যে তাঁহার মুখ দিয়া একবারও বাহির হয় নাই।

পাশের ঘরের দরজায় কান লাগাইয়া শিশির নিম্পন্দ বক্ষে এতক্ষণ শুনিতে ছিল; এবার সে পা টিপিয়া টিপিয়া সরিয়া গিয়া দেয়ালে-টাঙানো রামকৃষ্ণ পরমহংসদেবের ছবির সম্মুখে দাঁড়াইয়া প্রাণপণে হুর্গানাম জপ করিতে লাগিল।

হৃষীকেশবাবু গায়ের জামা খুলিয়া মাতুরের উপর বসিলেন, পাখার হাওয়া খাইতে খাইতে জিজ্ঞাসা করিলেন, “সে শয়তানটা ফিরবে কখন? তোমাকে বুঝি এই রকম একলা কেলে রেখে যায়?”

চোখের জল ও মুখের হাসি একসঙ্গে নিরুচ্ছ করিয়া প্রতিমা নিরুত্তরে বসিয়া রহিল।

হৃষীকেশবাবু গলা এক পর্দা চড়াইয়া দিয়া বলিলেন, “স্টুপিড, বদমায়েশ সব।

শিশিরটাকেও বাড়ি থেকে ছুঁতে দিয়েছি। এমন যৌ আমার কাছ থেকে লুকিয়ে রেখেছিল! আজই আমি তোমাকে বাড়ি নিয়ে যাব, দেখি কোন্ ব্যাটা কি করতে পারে।”

শুভ্রের মুখের দিকে চাহিয়া প্রতিমা আর অশ্রু সংবরণ করিতে পারিল না, ঝঝঝঝ করিয়া কাঁদিয়া ফেলিল। হৃষীকেশবাবু তাহাকে কোলের কাছে টানিয়া আনিয়া নিজের খানের খুঁট দিয়া তাহার চোখ মুছাইয়া দিয়া সগর্জনে কহিলেন, “কৈদো না। আমি এই হেমন্তটাকে দেখে নেব। সব ঐ ছোঁড়ার শয়তানি—আমি বুঝেছি। গিন্নীও এর মধ্যে আছেন। আমাকে এতদিন বলেনি কেন? ষড়যন্ত্র! যত সব চোর-বোম্বের দল, নইলে এই বৌকে আমি ছু-বচ্ছর বাইরে ফেলে রাখি?”

প্রতিমা শুভ্রের কোলের উপর উপুড় হইয়া পড়িয়া রুদ্ধস্বরে বলিল, “বাবা, আমাকে বাড়িতে মার কাছে নিয়ে চলুন।”

“যাবই তো। এখনি নিয়ে যাব। আমি হৃষীকেশ বায়, আমি কি কার তোয়াক্কা রাখি?” জামাটা গায়ে দিতে দিতে পুনরায় বলিলেন, “তোমায় নিয়ে যাব বলে নতুন মোটর কিনে নিয়ে একেবারে এসেছি। ট্রেনে তো আর তোমার যাওয়া হতে পারে না।”

হৃষীকেশ উঠিয়া দাঁড়াইলেন। প্রতিমা ধতমত ভাবে একবার ঢোক গিলিয়া বলিল, “এফুনি? কিন্তু বাঁবা—”

হৃষীকেশবাবু চড়া স্বরে বলিলেন, “কিন্তু কি? সেই রাস্কেলটার অহুমাতে নিয়ে তবে তোমাকে নিয়ে যেতে হবে? (হেঁচকে কহিলেন) আমি এই তোমাকে নিয়ে চললাম, ওদের যদি ক্ষমতা থাকে মোকদ্দমা করুক গিয়ে।”

প্রতিমা আর দ্বিধা করিল না, যেমন ছিল তেমনি বেশে শুভ্রের সঙ্গে নামিয়া চলিল।

সদর দরজা পর্যন্ত গিয়া হৃষীকেশবাবু থমকিয়া দাঁড়াইয়া পড়িলেন। উদ্বিগ্ন-ভাবে পুত্রবধূর দিকে তাকাইয়া কহিলেন, “কিন্তু শুনেছিলাম—ঐ শিশির হতভাগা বলছিল যে, তুমি নাকি—তোমার নাকি—? কোন ভয়ের কারণ নেই তো যা? মোটরে প্রায় ষাট মাইল যেতে হবে। যদি কষ্ট হয়—যদি কোন রকম—”

আরক্ত মুখ কোনমতে ঘোমটার ঢাকিয়া প্রতিমা তাড়াতাড়ি গাড়িতে গিয়া উঠিল।

শরদিন্দু বন্দ্যোপাধ্যায়ের সরস গল্প

ভিনটায় সময় হেমন্ত বাড়ি ফিরিতেই শিশির ছুটিয়া গিয়া তাহাকে জড়াইয়া ধরিয়া বলিল, “দাদা! বাবা এসেছিলেন, বৌদিকে বাড়ি নিয়ে গেছেন। বলে গেছেন, আমাদের ক্ষমতা থাকে তো যেন মৌকন্দমা করি।”—বলিয়া উচ্চৈঃস্বরে হাসিয়া উঠিল।

ভাইয়ের কাছে সমস্ত আত্মোপাস্ত শুনিয়া হেমন্ত স্মিতমুখে বলিল, “সব ভো তুই-ই করলি। এখন আমি কি করব উপদেশ দে।”

অতঃপর দুই ভায়ে আধঘণ্টা ধরিয়া পরামর্শ করিয়া বিকাল পাঁচটার গাড়িতে বর্ধমান রওনা হইল।

রাত্রি আটটার সময় বৌমার তত্ত্বাবধান করিবার জন্ত অন্তরে প্রবেশ করিয়া কর্তা দেখিলেন দুই ভাই হেমন্ত ও শিশির মায়ের ঘরের মেঝেয়-আহারে বসিয়াছে। গৃহিণী সম্মুখে বসিয়া খাওয়াইতেছেন এবং নববধূ একথানা রেকাবি হস্তে ঝারের পাশে দাঁড়াইয়া আছে। হৃষীকেশবাবু ভীষণ ভ্রুকুটি করিয়া কহিলেন, “এ দুটোকে কে বাড়ি ঢুকতে দিলে? নিশ্চয় খিড়কি দিয়ে ঢুকেছে। ছ—আম্পর্ধা! এখনি ওদের বেরিয়ে যেতে বলা।”

হেমন্ত ও শিশির কথা কহিল না, হেঁটমুখে আহার করিতে লাগিল। গৃহিণী বলিলেন, “কেন যাবে?—যাবে না। আর যায় যদি, বৌমাকে নিয়ে যাবে। আমিও যাব। দেখি তুমি কি করে আটকাও!”

হৃষীকেশবাবু কটমট করিয়া তাকাইয়া বলিলেন, “হু! ভাবি আম্পর্ধা হয়েছে। আচ্ছা, এখন কিছু বলছি না, বৌমার শরীর খারাপ, কিন্তু এর পরে—। বৌমা, তুমি শোও গে যাও, হতভাগাদের আর পরিবেষণ করতে হবে না।” বলিয়া মধ্যম রকমের একটা হ্রেষাধ্বনি করিয়া তিনি প্রস্থান করিলেন।

কিছুক্ষণ পরে বৈঠকখানা হইতে কর্তার গলা শুনা গেল, “গয়া হতভাগা কোথায় গেল, তামার্ক দিয়ে যাক।”

গয়াবামের এতবড় সৌভাগ্য জীবনে কখনও হয় নাই। সে নববধূ ঠাকুরাণীর পায়ের কাছে টিব করিয়া একটা গড় করিয়া বাহিরে ছুটিল।

হেমন্ত ও শিশির মায়ের মুখের দিকে চাহিয়া হাসিল। গৃহিণী চোখের জল মুছিয়া ভাঙা গলায় বলিলেন, “যাও বৌমা, তোমার শ্বশুর হুকুম দিয়ে গেলেন, আজকের মতো শুয়ে পড়োগে মা, কাল ওদের পরিবেষণ করে খাইও।”

তিমিঙ্গিল

ভিঁমি মংস্তাই যে পৃথিবীর বৃহত্তম জীব, এ বিষয়ে জ্ঞানী ব্যক্তিরা একমত। আমি কিন্তু নিতান্ত অজ্ঞ হওয়া সত্ত্বেও বলিতে পারি যে, তিমিঙ্গিল নামধারী আর একটি অতি বৃহদায়তন জীব আছে যাহারা তিমি মংস্তাকে গিলিয়া খায়। বিশ্বাস না হয়, অভিজ্ঞান দেখুন।

অপিচ, তিমিঙ্গিল যদি থাকিতে পারে, তবে তিমিঙ্গিল-গিল (যাহারা তিমিঙ্গিলকে গিলিয়া খায়) থাকিবে না কেন? এবং তিমিঙ্গিল-গিল থাকা যদি সম্ভবপর হয় তবে তিমিঙ্গিল-গিল-গিল থাকিতেই বা বাধা কি?

এইভাবে প্রশ্নটাকে অনন্তের পথে ঠেলিয়া লইয়া যাওয়া চলিতে পারে। কিন্তু তাহাতে অন্তর্কথ কতকগুলো গিল-গিল-গিল বাড়িয়া যাওয়া ছাড়া আর কোনই লাভ হইবে না। আমাদের প্রতিপাদ্য এই যে, জগতে সর্বত্রই বৃহৎকে বৃহত্তর গ্রাস করিয়া থাকে। অর্থাৎ—বীরভোগ্যা বসুন্ধরা।

শ্রীযুক্ত নিশিকান্ত গুপ্ত মহাশয় বিছানায় চিৎ হইয়া শুইয়া চিন্তা করিতে-ছিলেন। রাজি এগারোটা বাজিতে সাতাশ মিনিট সময়ে তিনি হঠাৎ তড়াক করিয়া শয্যায় উঠিয়া বসিলেন। ঘরে আর কেহ থাকিলে মনে করিত, নিশিকান্ত-বাবু বুঝি বৈদ্যাতিক ‘শক্’ খাইয়াছেন। হইয়াছিলও তাই। তাঁহার মস্তিষ্কের ভিতর দিয়া চলিশ হাজার ভোটের প্রচণ্ড একটি আইডীয়া খেলিয়া গিয়াছিল।

• নিশিকান্তবাবু একজন লক্ষপ্রতিষ্ঠ দালাল; ব্যবসা-সম্পর্কীয় সকল বিজ্ঞার ছনরী। তাঁহার বয়স পঞ্চাশের কাছাকাছি। ক্রয়-বিক্রয় তেজী-মন্দা বাজার-জ্ঞান সম্বন্ধে তাঁহার সমকক্ষ কলিকাতা শহরে বড় কেহ ছিল না। এই সূক্ষ্ম বাজার-জ্ঞানের ফলে গত পঁচিশ বৎসরে তিনি কত লক্ষ টাকা মুঞ্চয় করিয়াছিলেন, তাহা তিনি ও ইম্পিরিয়াল ব্যাঙ্কের কর্তৃপক্ষ ছাড়া আর কেহ জানিত না। যাহারা কর্নওআলিস স্ট্রীটে তাঁহার চমৎকার সুসজ্জিত দোতানা বাড়িখানা দেখিত, তাহারা সহিংসভাবে জন্মমান করিত মাত্র।

কিন্তু গত কয়েক বৎসর ধরিয়া বাজারের এমন অবস্থা হইয়াছে যে, নিশিকান্ত বাবুর চিন্তে স্থখ নাই। কাজ-কর্ম প্রায় বন্ধ আছে। কারণ কাজ করিতে গেলেও লাভের মাত্রা এত কম হইয়াছে যে খরচা পোষায় না। ব্যবসার জগৎটা যেন ধীরে ধীরে প্রলয়পয়োধিজলে ডুবিয়া বাইতেছে।

নিশিকান্তবাবুর অবস্থা অর্থোপার্জনের কোনও প্রয়োজন নাই; ব্যাক হইতে ছয় মাস অন্তর যে সুদ বাহির করেন তাহাতে তাঁহার পাঁচটা হাতী পুষিলেও বায়সকোচ করিতে হয় না। কিন্তু নিশিকান্ত কর্মী পুরুষ, অর্থোপার্জনের নেশা তিনি পঁচিশ বৎসর ধরিয়া অভ্যাস করিয়াছেন। তাই, আফিমের মৌতাতের মত উপার্জনের মোহই তাঁহাকে বেশি করিয়া চাপিয়া ধরিয়াছে। অথচ দারুণ পরিতাপের বিষয় এই যে, বর্তমান মন্দার বাজারে উপার্জন একেবারেই নাই।

নিশিকান্ত জগন্নাথী অবসাদের মধ্যে কোথাও একটু আশার আলো দেখিতে পাইতেছিলেন না, এমন সময়ে রাত্রি এগারোটা বাজিতে সাতাশ মিনিটে তাঁহার মাথায় চল্লিশ হাজার ভোটের বিদ্যুৎ খেলিয়া গেল।

আলোক-বিভ্রান্তের মত নিশিকান্ত কিছুক্ষণ বিহানায় জড়বৎ বসিয়া রহিলেন। তাঁহার মাথায় ঘুরিতে লাগিল,—মোমবাতি! হ্যান্ডিকেন লঠন!!

হাত বাড়াইয়া তিনি বেড্-স্লইচ্ টিপিলেন; রক্তবর্ণ নৈশ দীপ মাথার উপর জলিয়া উঠিল। নিশিকান্ত প্রায় দশ মিনিট মুগ্ধ তন্ময় ভাবে সেই দিকে তাকাইয়া রহিলেন; তারপর ধীরে ধীরে আবার শয়ন করিলেন।

বালিশের পাশে তাঁহার নোটবুক ও পেন্সিল থাকিত। নিশিকান্ত বকের তলায় বালিশ নিয়া উপুড় হইয়া শুইলেন, তারপর নোটবকের পাতা উন্টাইতে লাগিলেন। নোটবকের অবোধ্য ইঙ্গিতে তাঁহার ব্যর্থতা-সংক্রান্ত যাবতীয় গুপ্ত কথা লেখা ছিল, তিনি সেইগুলি পড়িতে পড়িতে মনে মনে হিসাব করিতে লাগিলেন। প্রথমে হিসাব করিলেন, কত টাকা তিনি ইচ্ছা করিলেই ব্যাক ও অন্ত্রান্ত স্থান হইতে বাহির করিতে পারেন। হিসাব বোধ করি বেশ মনোমত্ত হইল, কারণ তিনি পরিতোষের নিশ্বাস ত্যাগ করিলেন।

অতঃপর তিনি নোটবকের পাতায় পেন্সিল দিয়া আর এক-জাতীয় অঙ্ক কষিতে আরম্ভ করিলেন। বোধ হয় এটা খরচের হিসাব। সমস্ত যোগ করিয়া পাঁচ লক্ষ টাকার কিছু বেশি হইল। নিশিকান্ত খাতা হইতে মুখ তুলিয়া বিড় বিড় করিয়া কি বলিলেন, তারপর নোটবহি বন্ধ করিয়া বালিশের পাশে রাখিয়া দিলেন। তাঁহার মুণ্ডিত মুখে দশ হাজার দীপশক্তির যে হাসিটি ফুটিয়া উঠিল তাহার কাছে রক্তবর্ণ নৈশ দীপের প্রভা একেবারে ম্লান হইয়া গেল।

তিনি মনে মনে বলিলেন,—‘তিন দিনে বাহান্তর হাজার টাকা! যানে—রোজ চব্বিশ হাজার!’

নিশিকান্তবাবু জী পাশের ঘরে শয়ন করিতেন, মাঝের দরজায় পর্দায় ব্যবধান। নিশিকান্তবাবু দ্বিতীয় পক্ষ—তবে ভার্য্যাটি নেহাৎ তরুণী নয়, বয়স বত্রিশ তেত্রিশ। তিনি অত্যন্ত সৌখিন এবং বন্ধা, এই জন্ত বাংলা সাহিত্যে তাঁহার প্রবল অঙ্গুরাগ। প্রায়ই মাসিক পত্রিকায় কবিতা লেখেন।

নিশিকান্তবাবু ঘাড় ফিরাইয়া দেখিলেন, পর্দার নিচে দিয়া আলো দেখা যাইতেছে। বুঝিলেন, গৃহিণী এখনও মাসিক পত্র শেষ করেন নাই। জিজ্ঞাসা করিলেন,—‘হ্যাঁগা, জেগে আছ ?’

পাশের ঘর হইতে হ্যাঁগা উত্তর দিলেন,—‘হুঁ ।’

আলুথালু বস্ত্র কোমরে জড়াইয়া নিশিকান্ত জীর ঘরে গেলেন। জী পিঠে বালিশ দিয়া অর্ধশয়ান অবস্থায় শয্যায় দেহ প্রসারিত করিয়া ছিলেন, মাথার শিরঃর একটা ত্রিপদের শীর্ষে বৈজ্ঞাতিক ল্যাম্প জলিতেছিল। জী কাগজ হইতে মুখ তুলিয়া নিশিকান্তবাবু চেহারা দেখিয়া দ্রব্যং জকুটি করিলেন।

নিশিকান্ত আলোর নিকটে গিয়া সূইচ টিপিয়া আলো নিভাইয়া দিলেন, আবার জালিলেন, আবার নিভাইয়া দিলেন।

বিরক্তভাবে গৃহিণী বলিলেন,—‘ও কি হচ্ছে ?’

নিশিকান্ত বলিলেন,—‘বেশ—না ? এই ইলেকট্রিক ব্যাতি। সূইচ টিপলেই নিবে যাত্র আবার সূইচ টিপলেই জলে ওঠে ।’

জী ধমক দিয়া বলিলেন,—‘এত রাত্রে হল কি তোমার ?’

নিশিকান্ত জীর শয্যার এক পাশে আসিয়া বসিলেন ; একটু ঘেন অন্তমনস্ক-ভাবে বলিলেন,—‘আমি ভাবছি একটা ছাপাখানা করতে কত খরচ লাগে ।’

জীর হাত হইতে মাসিক পত্র পড়িয়া গেল। তিনি সচকিতে উঠিয়া বসিলেন। বহুদিন হইতে তাঁহার বাসনা নিজের ছাপাখানা করিয়া একটা মাসিক পত্রিকা বাহির করেন ; মাসিক পত্রে কেবল কবিতা ছাপা হইবে। পত্রিকার নাম হইবে—‘মন-কুসুম’—সম্পাদিকা হইবেন স্বয়ং শ্রীমাধুরী দেবী।

স্বামীকে এই সুন্দর পরিকল্পনার কথা বলিয়াছিলেন। কবিতার মাসিক পত্র কিরূপ চলিবে সে-বিষয়ে নিশিকান্তবাবু মনে কোনও মোহ ছিল না। অথচ জীর একটা সখ মিটাইবার ইচ্ছা তাঁহার ঘে একেবারেই ছিল না তাহা নয়। কিন্তু বাজার মন্দা বলিয়া নিশিকান্ত গা করেন নাই।

মাধুরী দেবী এক নিশ্বাসে বলিলেন,—‘সত্যি কিনবে ?—আমার কতদিনের ঘে সখ ! ‘মন-কুসুম’—কেমন নামটি হবে বল ত ? নিচে লেখা থাকবে—

সম্পাদিকা শ্রীমাধুরী দেবী! খরচ এমন কিছু নয়; সেদিন নীলকান্ত-প্রেনের মালিক আমার কাছে এসেছিল। তারা প্রেস বিক্রি করতে চায়, কোথা থেকে শুনেছে আমি কিনতে পারি। খুব বড় প্রেস—ইংরেজী বাংলা সব আছে; নতুন দাম সাতাশ হাজার টাকা। বলছিল আঠার হাজার পেলেই বিক্রি করবে। তা—কর্ষামাজা করলে হয়ত কিছু কমেও দিতে পারে।’

নিশিকান্ত দ্বৈত চিন্তা করিয়া বলিলেন,—‘খবর নিও যদি বারো হাজারে ছাড়ে তো নিতে পারি।’

মাধুরী দেবী বলিলেন,—‘অত কমে দেবে কি? আচ্ছা—’

নিশিকান্ত শয্যাপ্রাপ্ত হইতে উঠিলেন। মাধুরী দেবী তাঁহার হাত টানিয়া ধরিয়া বলিলেন,—‘এখন শুতে চললে?’

নিশিকান্ত আলস্ত ভাঙিয়া বলিলেন,—‘হ্যাঁ আর ঢাখ, কাল দুই টিন ভাল কেরোসিন তেল আর গোটা দশেক হ্যারিকেন লঠন কিনে আনিও। অপর পাঁচ বাঙাল মোমবাতি।’ বলিয়া নিগূঢ় ভাবে হাস্য করিতে করিতে তিনি নিজের শয্যায়া গিয়া শয়ন করিলেন।

অতঃপর সাতদিন ধরিয়া নিশিকান্তবাবুর ভোমরা রঙের সিঁড়ি-বাতির গাড়িখানি মধু-সুস্বাদু মৌমাছির মত কলিকাতার পথে পথে গুলুগলু করিয়া উড়িয়া বেড়াইল। নিশিকান্তবাবু কোথায় কোথায় গেলেন ও কাহার সহিত নিভৃতে কি কথা বলিলেন তাহা ব্যক্ত করা আমাদের সাধ্য নয়—সাধ্য হইলেও বলিতাম না। পরের গুহ্য কথা প্রকাশ করিয়া দিতে আমরা ভালবাসি না। এই সব ঘটনাবলীর ফলে নিশিকান্তবাবুর ব্যাঙ্ক হইতে লক্ষাধিক টাকা অপসৃত হইয়া কোন্ মৌচাকে সঞ্চিত হইল তাহাও বলিব না। ঘুঘির পুংলিঙ্গে যে-শব্দ উৎপন্ন হয় তাহাকে আমরা অত্যন্ত ঘৃণা করি।

‘তারপর মাল খরিদ আরম্ভ হইল। নিশিকান্তবাবু যে যে মাল খরিদ করিয়া বাজার কোণঠাসা করিলেন তাহার ফিরিস্তি দিব্যর প্রয়োজন নাই; তিনি বাজার উজাড় করিয়া গুদামজাত করিলেন। বড় বড় দেশী বিলাতী ব্যবসায়ীরা জ্বা তুলিল, মনে মনে হাসিল—কিন্তু অকপট আনন্দে হাত ঘসিতে ঘসিতে মাল সরবরাহ করিল। কেবল নিশিকান্তবাবু কেরোসিন তেলের দিকে গেলেন না; অনেক মূলধন চাই, লাখে কুলাইবে না। অগ্রসর চিন্তে তিনি মনে মনে বলিলেন,—‘করে নিক্ ব্যাটারি কিছু লাভ।’

দশদিনের দিন নিশিকান্তবাবুর সমস্ত আয়োজন সম্পূর্ণ হইল। তিনি শুদামে গিয়া মাল পরিদর্শন করিলেন, অফিসে বসিয়া খাতাপত্র তদারক করিলেন; তার-পর চেয়ারে চেষ্টান দিয়া একটি স্থূলকায় সিগার ধরাইয়া বসিলেন,—‘এইবার।’

সেইদিন রাত্রি সাতটার সময় কলিকাতা শহরের সমস্ত বিদ্যুৎবাতি নিবিয়া গেল। রাত্রি দশটার সময় রাস্তার গ্যাস বাতিও হঠাৎ দপদপ করিয়া চক্ষু মুদিল—তিনদিনের মধ্যে আর জ্বলিল না!

আলোকহীন মহানগরীর বর্ণনা আমরা করিব না। অন্ধকারের যে একটা রূপ আছে—কালিয়া লইয়া যাহাদের কারবার তাঁহারা সে রূপ নয়ন ভরিয়া দেখুন এবং বর্ণনা করুন। নিশিকান্তবাবুর মত আমরা আলোর কারবারী। রাস্তা এবং ঘর অন্ধকার; ট্রাম বন্ধ। হ্যারিকেন লঠন ও মোমবাতির দর ব্যাণ্ডের মত লাফাইয়া লাফাইয়া চড়িতে লাগিল। অথচ ঐ দুইটি ঐয নিশিকান্তবাবুর গুদামে বন্ধ। তিনি অল্পে অল্পে ছাড়িতে আরম্ভ করিলেন।

দ্বিতীয় রাতেও যখন আলো জ্বলিল না, তখন চারিদিকে বিরাট হৈ হৈ পড়িয়া গেল। আশ্চর্য দৈব দুর্ঘটনায় গ্যাস ও ইলেকট্রিক যন্ত্র এমন খারাপ হইয়া গিয়াছে যে, কিছুতেই মেরামত হইতেছে না। কিন্তু গৃহস্থের আলো চাই। লঠন ও মোমবাতির দাম এমন একটা কোঠায় গিয়া উঠিল যে, কল্পনা করাও কঠিন। নিশিকান্তবাবু মাল ছাড়িতে লাগিলেন, এবং ব্যাঙ্কে টাকা পাঠাইতে লাগিলেন। যে সব বড় বড় ব্যবসাদার একগাল হাসিয়া নিশিকান্তকে মাল বিক্রয় করিয়াছিল, তাহারা হাত কামড়াইন্তে লাগিল।

দ্বিতীয় দিন সন্ধ্যার সময় নিশিকান্তবাবু হিসাব করিয়া দেখিলেন, তাঁহার মূলধন উঠিয়া বারো হাজার টাকা উদ্ধৃত হইয়াছে। তাছাড়া এখনো ষাট হাজার টাকার মাল গুদামে মজুত।

বারো হাজার টাকা পকেটে লইয়া নিশিকান্তবাবু অফিস হইতে বাড়ি ফিরিলেন। স্ত্রী তিনটা লঠন জালিয়া স্বামীর জন্ত স্বহস্তে চা তৈয়ার করিতেছিলেন, তাঁহার কোলে নোটের তাড়া ফেলিয়া দিয়া হাসিতে হাসিতে বলিলেন,—‘এই নাও।’

মাধুরী দেবী একমুখ হাসিয়া স্বামীকে অভ্যর্থনা করিলেন,—‘আজ সরকারকে পাঁজারে খোঁজ নিতে পাঠিয়েছিলুম, একটা হ্যারিকেনের দাম পাঁচটাকা! —হ্যাঁগা, আর ক’দিন?’

তৃতীয় দিন সন্ধ্যার সময় নিশিকান্তবাবুর গুদাম খালি হইয়া গেল।

শেষ কিস্তির ঘাট হাজার টাকা ব্যাঙ্কে পাঠাইবার সময় ছিল না।

এই টাকাটাই নিশিকান্তবাবুর মূল লভ্যাংশ। এত টাকা এখন কোথায় রাখিবেন—নিশিকান্ত একটু চিন্তা করিলেন। চেক নয়, নগদ টাকা। অফিসের লোহার সিন্দুকে রাখিয়া গেলেও চলে, কিন্তু—হুঁ একটা সংবার নিশিকান্তর স্বরণ হইল। অঙ্ককারের সুযোগ লইয়া চোর গুণ্ডার দল খালি অফিস-বাড়ি ইত্যাদি ভাঙিয়া লুট করিতেছে—বড় বড় দুই তিনটা অফিসে এইরূপ ব্যাপার হইয়া গিয়াছে। নিশিকান্ত নোটের গোছা পকেটে পুরিয়া লইলেন। বাড়িতে রাখিলে সব চেয়ে নিরাপদ হইবে। বাড়িতে পাঁচটা গুঁরা দরওয়ান, দশটা চাকর আছে, ; তাহার উপর আবার হুঁজন কন্সটেবলকে খরচা দিয়া পাহারা দিবার জন্ত নিয়োগ করা হইয়াছে।

নিশিকান্ত অফিস হইতে বাহির হইয়া যখন মোটরে চড়িলেন তখন সন্ধ্যা উত্তীর্ণ হইয়া গিয়াছে; মোটরের কাচের ভিতর দিয়া দুধারি রাস্তার চৌহারা সকৌতুকে দেখিতে দেখিতে চলিলেন। কলিকাতা যেন রাত্রিবোগে ভৌতিক শহরে পরিণত হইয়াছে। বড় বড় দোকানের বিদ্যুদজ্বলিত হাসি আর নাই, অধিকাংশই বন্ধ। যেগুলি খোলা আছে তাহাতে মোমবাতি ও লণ্ঠন জলিতেছে। পথে গাড়ি মোটরের চলাচলও কম। মানুষ বাহারা ঘাতাঘাত করিতেছে তাহাদের নিশাচর প্রেত বলিয়া ভ্রম হয়।

কলেজ-স্ট্রীট বাজারের নিকটে পৌঁছিয়া নিশিকান্তবাবুর ভারি কৌতূহল হইল। কোনও একটা বড় কাজ করিয়া সাধারণের মতামত জানিবার ইচ্ছা স্বাভাবিক। তিনি মোটর হইতে নামিলেন। একটা ক্ষুদ্র দোকানে আলো জলিতেছিল, তাহার সম্মুখীন হইয়া জিজ্ঞাসা করিলেন,—‘মোমবাতি আছে?’

দোকানদার বলিল,—‘আজ্ঞে আছে, তিনটাকা বাণ্ডিল।’

নিশিকান্ত পকেট হইতে তিনটাকা বাহির করিয়া দিয়া ছদ্ম বিরক্তির কণ্ঠে বলিলেন, ‘দিন এক বাণ্ডিল। যত সব চোরের পাল্লায় পড়া গেছে। ইংরেজীতে থাকে বলে ‘শার্ক’ এই ব্যবসাদারগুলো হচ্ছে তাই।’

দোকানদার নেহাৎ অশিক্ষিত নয়, একটু রসিক; বলিল, ‘শার্ক তো পড়ে আছে মশাই, ব্যবসাদারেরা থাকে বলে তিমি মাছ—তাই! আস্ত গিলে খায়। নিন এক বাণ্ডিল।’

নিশিকান্ত দোকানদারের কথাগুলি চাখিয়া চাখিয়া উপভোগ করিলেন;

নীরেন ও মিলু। নৃসিংহবাবু অন্তহিত হইবার সঙ্গে সঙ্গে ইহারা ঝগড়া আরম্ভ করিত।

ঝগড়ার কোন ঠেতু ছিল না, নিতান্ত অকারণেই পরস্পরের ছুতা ধরিয়া ইহারী ঝগড়া করিত। নীরেন মিলু অপেক্ষা ছয় সাত বৎসরের বড়, কিন্তু সেজন্ত তাহাদের বাধিত না। বছর আঠেক আগে যখন এই বাড়িতে তাহাদের প্রথম দেখা-সাক্ষাৎ হয়, তখনই এই কলহের সূত্রপাত হইয়াছিল। নবাগত নীরেন মিলুকে দেখিবামাত্র বলিয়াছিল—এই ছুঁড়ি, তুই বুঝি এ বাড়ির বি ? আমার জুতো ভাল করে বুরুশ করে রেখে দে তো।

দশবর্ষীয়া মিলু কিছুক্ষণ ঘৃণাপূর্ণ চক্ষে চাহিয়া থাকিয়া বলিয়াছিল,—মামা একটা বাদর পুষবেন বলেছিলেন ; তুমি বুঝি সেই বাদরটা ?

আড়াল হইতে নৃসিংহবাবু এই কথোপকথন শুনিয়া অতিশয় সন্তুষ্ট হইয়াছিলেন এবং তদগোঁই তাঁহার মনে একটা কুটিল অভিসন্ধি জাগিয়াছিল।

অতঃপর নীরেন ও মিলু একত্র বড় হইয়াছে ; দুজনেই এখন কলেজে পড়ে। কিন্তু তাহাদের বিরোধ কিছুমাত্র কমে নাই। চোখোচোখি হইলেই তাহারা ঝগড়া করে ; এমন কি বেশিক্ষণ চোখোচোখি না হইলে দুজনেরই মন ছটফট করিতে থাকে। তখন একজন আর একজনকে খুঁজিয়া বাহির করিয়া সাড়ম্বরে কলহ আরম্ভ করিয়া দেয়।

তাহাদের মনোভাব লক্ষ্য করিয়া বাড়ির বি অল্পদা ছড়া কাটিয়া মস্তব্য করিয়াছিল—

“মরি কি ভাবের হলোহলি

না দেখলে আগে মরি, দেখলে চুলোচুলি।”

নৃসিংহবাবু অবশ্য বিজ্ঞানে মগ্ন আছেন ; তাহার ভাব দেখিয়া মনে হয় না যে তিনি এসব কিছু লক্ষ্য করেন। পায়রা ও ধরগোসের মত ইহারা দুজনেও বেন তাঁহার জীবনযাত্রার আনুষঙ্গিক অভ্যাস হইয়া দাঁড়াইয়াছে।

নীরেন ও মিলুর কলহের ক্রমবিকাশ আনুপূর্বিক বর্ণনা করা ক্ষুদ্র পরিসরে সম্ভব নয়। প্রথম কিছুদিন তাহারা নিরলসভাবে মারামারি করিয়াছিল। একবার নীরেন মিলুর উরুতে ছুরির এক কোপ বসাইয়া দিয়াছিল ; পরিবর্তে মিলু নীরেনের হাত কামড়াইয়া রক্তারক্তি করিয়া দেয় ; দুজনের দেহেই সে ক্ষতচিহ্ন এখনও বর্তমান আছে। কিন্তু যতই তাহাদের বয়স বাড়িতে লাগিল, যুদ্ধের রীতিতেও ক্রমশ পরিবর্তন দেখা দিল। এখন আর কেহ কাহাকেও

দৈহিক আক্রমণ করে না, যুদ্ধের অস্ত্রগুলি অপেক্ষাকৃত হৃদয় আকার ধারণ করিয়াছে। মনের প্রগতির ইহাই ইতিহাস।

সেদিন সকালে নুসিংহবাবু তাঁহার একটিমাত্র কোণা যথারীতি প্রসাধন-পূর্বক ল্যাবরেটোরিতে প্রস্থান করিবার পর, মিলু নীরেনের ঘরে গিয়া দেখিল নীরেন তখনও ঘুমাইতেছে। মিলু কিয়ৎকাল চিন্তিত ভাবে তাহার দিকে তাকাইয়া রহিল। একটা খরগোস আনিয়া তাহার বিছানায় ছাড়িয়া দিবে? না, সেটা নূতন কিছু হইবে না, কারণ কিছুদিন পূর্বে নীরেনই ঐ কার্খটি করিয়াছিল। তাহার অত্মকরণ করিলে নীরেন খুশি হইবে।

সহসা মাথায় কোন বুদ্ধি গজাইল না। তখন মিলু নীরেনের নাকে একটা খড়কে কাঠি প্রবেশ করাইয়া দিয়া বলিল,—কুন্তকর্ণ, ওঠ—আটটা বেজে গেছে।—বলিয়া প্রস্থান করিল।

নীরেন ধড়মড় করিয়া উঠিয়া বসিল, নিজাক্ষায় নেত্রে ঘরের দিকে চাহিয়া অর্ধক্ষুণ্ট স্বরে বলিল,—এঃ কুন্ট—এনিং হই প্রচণ্ড বেগে হাঁচিয়া ফেলিল।

মুখ-হাত ধুইয়া সে টেবিলের সম্মুখে বসিল এবং গভীর মনঃসংযোগে কি লিখিতে আরম্ভ করিল।

কয়েক মিনিট পরে মিলু আসিয়া জলখাবারের রেকাবি টেবিলের উপর রাখিতেই নীরেন অসম্পূর্ণ লেখাটা লুকাইয়া ফেলিল। মিলু কিন্তু এক নজর লেখাটা দেখিয়া লইয়াছিল, বলিল,—কি লেখা হচ্ছিল? পত্ন? আ মরে যাই! কার নামে পত্ন লেখা হচ্ছে?

নীরেন বলিল, যার নামেই লিখি না—

মিলু ফস্ করিয়া কাগজখানা কাড়িয়া লইয়া পড়িল—

“একটি বালিকা—নামটি তাহার মিলু,

মন্তকে তার নাই এককোটা মিলু—”

নীরেনের নাকে কাঠি দিয়া মিলু যে বিজয়গর্ভ অমুভব করিতেছিল তাহা লুপ্ত হইয়া গেল, সে দুহাতে কাগজখানা ছিঁড়িতে ছিঁড়িতে ক্রোধ-অবরুদ্ধ স্বরে বলিল,—আচ্ছা আমিও জানি। মাথায় ঘিলু আছে কি না দেখিয়ে দেব।

তখনকার মত বিজয়ী নীরেন দস্ত বাহির করিয়া হাসিল এবং পরম পরিতৃপ্তি সহকারে জলযোগ আরম্ভ করিল।

দুজনেই যথাসময়ে কলেজে গেল; নীরেন যাইবার সময় মিলুর দিকে

চাহিয়া একটু মুচকি হাসিয়া গেল। মিলু নিজালু বিড়ালীর মত কেবল চক্ষু কুঞ্চিত করিল।

নীরেন বৈকালে কলেজ হইতে ফিরিয়া দেখিল তাহার টেবিলের উপর একটি ছয়পংক্তির কবিতা শোভা পাইতেছে।—

“একটি যুবক—নামটি তাহার নীর,
ক্যাবলার রাজা, চাষা, অসভ্য, ভীর,
মহিলাগণের সম্মান নাহি জানে;
বুদ্ধি এবং শিক্ষার দোষ—মানে—
মানুষ না হয়ে ভালুক হত যদি
নাচ দেখিতাম আনন্দে নিরবধি।”

নীরেন কবিতা-পাঠ শেষ করিয়াছে, এমন সময় মিলু প্রবেশ করিয়া বলিল,—
কেমন কবিতা ?

নীরেন দাঁত কড়মড় করিয়া বলিল,—আমার ছন্দ চুরি করেছিস।

মিলু বিদ্রূপপূর্ণ ক্রান্তঙ্গী করিয়া বলিল,—ইঃ—ওঁর ছন্দ ! বাজার থেকে
উনি কিনে এনেছেন।

নীরেন উত্তপ্ত স্বরে বলিল,—তুই একটা চোর।

মিলু ততোধিক উত্তপ্ত স্বরে বলিল,—তুমি একটা ডাকাত।

নীরেন চেয়ারে বসিয়া বলিল,—তুই প্যাঁচা।

মিলু তাহার সম্মুখে আর একটা চেয়ারে বসিয়া বলিল,—তুমি হাঁড়িটাঁচা।

দুজনেরই রক্ত গরম হইয়া উঠিল।

—তুই ইঁদুর।

—তুমি টিকটিকি।

—তুই ক্যাঙারু।

—তুমি গণ্ডার।

এইভাবে কিছুক্ষণ চলিল। ক্রমে পশুপক্ষীর নাম ফুরাইয়া আসিতে
লাগিল, তখন মিলু জিভ বাহির করিয়া নীরেনকে ভ্যাংচাইয়া দিল। নীরেন
প্রথমটা খতমত খাইয়া গেল, তারপর সেও দীর্ঘ জিহ্বা বাহির করিয়া দিল।
বিরোধ এতটাই চরমে অনেক দিন উঠে নাই।

এই সময় নৃসিংহবাবু কক্ষে প্রবেশ করিয়া দেখিলেন, মিলু ও নীরেন চক্ষু
দৃঢ়ভাবে বন্ধ এবং জিহ্বা নিষ্কাশিত করিয়া মুখোমুখি বসিয়া আছে। তিনি

ধূর্ত বৈজ্ঞানিক, চট করিয়া ব্যাপারটা বুঝিয়া লইলেন। আনন্দে তাঁহার 'মস্তকের' একটিমাত্র কেশ কণ্টকিত হইয়া উঠিল।

তিনি হর্ষোৎফুল্লস্বরে ডাকিলেন, মিলু, নীরেন!

উড়য়ে জিহ্বা সম্বরণ করিয়া চুপ্ মেলিল।

নৃসিংহবাবু বলিলেন, বড় খুশি হয়েছে। তোমরাই আমার থিয়োরি প্রমাণ করতে পারবে। আমি তোমাদের দুজনের বিয়ে দেব—পরম্পরের সঙ্গে। হাঃ হাঃ হাঃ!—তিনি প্রস্থান করিলেন।

মিলু ও নীরেন পরম্পরের দিকে চাহিয়া হাসিতে আরম্ভ করিল। প্রস্তাবটা আকস্মিক বটে, কিন্তু সেজন্য কেহ বিস্মিত হইল না। নৃসিংহবাবুর সকল কার্যই অপ্রত্যাশিত, কিন্তু তাই বলিয়া তাহা অমান্য কদিবার কল্পনাও কখনো ইহাদের মাথায় আসে নাই। তিনি ইচ্ছামত পায়রা ও খরগোসের বিবাহ দিতেন, কেহ আপত্তি করে নাই; এক্ষেত্রেও কেহ আপত্তি করিল না। বরং সারাজীবন ধরিয়া দুজনকে জ্বালাতন করিতে পারিবে এই আনন্দেই আত্মহারা হইয়া পড়িল। উভয়েই একই সঙ্গে বলিয়া উঠিল, এবার মজা টের পাবে।

ফুলশয্যার রাত্রে নীরেন খাটে বসিয়া পা দুলাইতেছিল, মিলু প্রবেশ করিতেই গম্ভীর স্বরে বলিল, আমি হচ্ছি তোমার স্বামী, শীগগির প্রণাম কর।—বলিয়া নিজের পায়ে দিকে আঙ্গুল নির্দেশ করিল।

মিলু তৎক্ষণাৎ ভালমাহুষের মত গলায় আঁচল দিয়া প্রণাম করিল; তারপর উঠিবার সময় নীরেনের পায়ে চিমটি কাটিয়া দিল। নীরেন লাফাইয়া উঠিল,—উঃ! তারপর দুই বাহুর দ্বারা পলায়নপরা মিলুকে চাপিয়া গাঢ় স্বরে বলিল, তবে রে—

দুজনের দাম্পত্য জীবন আরম্ভ হইয়া গেল।

আশা করিতেছি ইহাদের দাম্পত্যজীবন অগ্ন্যাগ্ন সাধারণ দাম্পত্যজীবন হইতে পৃথক হইবে না। কারণ নারী ও পুরুষের প্রতিদ্বন্দ্বিতা প্রকট বা প্রচ্ছন্ন বাহাই হোক—সার্বজনিক; মিলু ও নীরেন সাধারণ পাঁচজনের মতই ঝগড়া করিয়া, ভালবাসিয়া পরম্পরকে জয় করিবার চেষ্টা করিয়া জৈব ধর্ম পালন করিবে।

আমরা অবশ্য বিবাহ দিয়াই সরিয়া পড়িলাম।

আদিম নৃত্য

পুরুষমার্কডসা প্রেমে পাড়লে প্রেমসীর সম্মুখে নানাবিধ অঙ্গ-ভঙ্গী সহকারে নৃত্য করিয়া থাকে। কিন্তু মিলন ঘটিবার পর নৃত্য করিবার মত মনোভাব আর তাহার থাকে না। প্রেমযুদ্ধা স্ত্রী-মার্কডসা তাহাকে গ্রাস করিয়া উদরসাৎ করিয়া ফেলে।

যাহার আঁটটা পাঁ এবং যোলটা হাঁটু আছে, সে যে সুযোগ পাইলেই নৃত্য করিবে তাহাতে বিষয়কর কিছু নাই। পরন্তু অতগুলো পা ও হাঁটু না থাকা সত্ত্বেও মানুষ অল্পরূপ অবস্থায় ঠিক অল্পরূপ কাঁধই করিয়া থাকে। ডারুইন মহাশয়ের কথা সত্য হইলে স্বীকার করিতে হয়, মার্কডসাবু সঙ্গে আমাদের রক্তের সম্বন্ধ আছে; হয়ত নারীজাতির সম্মুখে নৃত্য করিবার স্পৃহা আমরা উত্তরাধিকারসূত্রে লাভ করিয়াছি; এবং নারীজাতিও যখন আমাদের সঙ্গে মত নৃত্য দেখিয়া বেবাক গ্রাস করিয়া ফেলে তখন তাহারা তাহাদের আদিম অতিবৃদ্ধ-পিতামহীর মৌলিক প্রবৃত্তিরই অঙ্গসরণ করে।

কিন্তু এ-সব বাজে কথা। কাজের কথা এই যে, আমরা অহরহ নানা কলাকৌশল দেখাইয়া নারীকে ধাপ্পা দিবার চেষ্টা করিতেছি; কিন্তু ধাপ্পা টিকিতেছে না, নারীর মোহমুক্ত চোখে বারবার ধরা পড়িয়া বাইতেছে। উদযুগ্মকরের গলায় যিনি মালা দিবেন তিনি জানিয়া বুদ্ধিঘাই দিবেন।

শ্রীমতী লুতারাগী ও শ্রীমান বীরেশ্বরের মধ্যে প্রণয়ঘটিত একটা জটিলতার সৃষ্টি হইয়াছিল। বলিয়া রাখা ভাল যে, এই প্রেমের প্রতিবন্ধক—আর্থিক সামাজিক ঐহিক দৈহিক পৈতৃক বা পারিত্রিক—কিছুমাত্র ছিল না। কিন্তু প্রতিবন্ধক না থাকিলেই যদি মিলন ঘটিত, তবে আর ভাবনা ছিল কি?

যা হোক, কবির ভাষায়—

খাঁচার পাখী ছিল সোনার খাঁচাটিতে

বনের পাখী ছিল বনে।

নৃত্য-কলিকাতায় পিতৃভবনরূপ স্বর্ণপিঞ্জরে কালচারের ঝাললঙ্কা লালঠোটে ধরিয়া খুঁটিয়া খুঁটিয়া আহাৰ করিত, এবং জমিদারের ছেলে বীরেশ্বর বনে বনে শিকার করিয়া বেড়াইত। সহসা কি করিয়া দুজনের দেখাশুনা হইয়া গেল।

তারপরই উক্ত প্রণয়ঘটিত জটিলতা। এবং তারপরই বীরেশ্বর লুতার সম্মুখে—মেটাকরিক্যালি—নাচিতে শুরু করিয়া দিল।

লুতার ঠোঁটে হাসি, চোখে কৌতুক; সে এই নৃত্য উপভোগ করিতেছে, কদাচিৎ হাততালি দিয়া তাহা জানাইয়া দেয়। উৎসাহিত বীরেশ্বর আরও বেগে নৃত্য করে। নাচিতে নাচিতে লুতার কাছে ঘেষিয়া আসে কিন্তু লুতা মুহূর্ত্ত হাসিয়া অলক্ষিতে সরিয়া যায়। নর্তক ও দর্শকের মধ্যে ব্যবধান পূর্ববৎ থাকিয়া যায়—কমে না।

কিন্তু ব্যাপারটা ক্রমে মেটারলিকীয় রূপকের মত দুর্বোধ হইয়া দাঁড়াইতেছে! স্পষ্টভাবে না বলিলে চশমাপরা অস্পষ্টদর্শী পাঠক বুঝিবেন না।

একদিন সন্ধ্যার পর লুতাদের ড্রইংরুমে লুতা ও বীরেশ্বর বসিয়া ছিল; লুতার ডাক্তার বাবাও এতক্ষণ ছিলেন, কিন্তু হঠাৎ ফোনে রোগীর আস্থান পাইয়া তিনি বাহির হইয়া গিয়াছেন।

বীরেশ্বর উঠিয়া আসিয়া লুতার পাশের চেয়ারে বসিল। তাহার গায়ে সিল্কের পাঞ্জাবী, ঢিলা আস্তিনের ভিতর হইতে সাড়ে তিন ইঞ্চি চওড়া কজি সমেত বাহুর খানিকটা দেখা যাইতেছে। সে ঈষৎ হস্তসঞ্চালনে বাহুর আরও খানিকটা মুক্ত করিয়া দিয়া অলসকণ্ঠে বলিল,—‘আজ ব্যায়াম সজ্জের মিটিঙে বক্তৃতা দিতে হল।’

বিশ্বয়-প্রশংসা-তরলিত স্বরে লুতা বলিল,—‘আপনি বক্তৃতা দিতেও পারেন?’

একটু হাসিয়া বীরেশ্বর বলিল, ‘পারি যে তা নিজেই জানতুম না; কিন্তু বলতে উঠে দেখলুম, পারি।’

‘কি বক্তৃতা দিলেন?’

‘এই—স্বাস্থ্য, ব্যায়াম, শিকার সম্বন্ধে দু-চার কথা। সকলেই বেশ মন দিয়ে শুনলে।’

লুতা বলিল, ‘আপনি শুনেছি একজন মস্ত শিকারী। কি শিকার করেন?’

বীরেশ্বর তাচ্ছিল্যভরে বলিল, ‘বাঘ ভালুক—তা ছাড়া আর কি শিকার করব! সিংহ তো আমাদের দেশে পাওয়া যায় না।’

উৎসুকভাবে লুতা জিজ্ঞাসা করিল, ‘কটা বাঘ মেরেছেন?’

‘গোটা আষ্টেক হবে।—আমার বাড়িতে যদি কখনও যাও, দেখবে তাদের মুগ্ধস্বক চামড়া আমার ঘরে সাজানো আছে। যাবে লুতা? একদিন চল না।’

লুতা হাসিল। প্রেমের জবাব না দিয়া বলিল, ‘আপনার খুব সাহস—না?’

লনাট ঈষৎ কুঞ্চিত করিয়া বীরেশ্বর বলিল, ‘সাহস! কি জানি! আছে বোধ হয়। কখনও ভয় পেয়েছি বলে তো স্বয়ং হয় না।’ তারপর লুতার মুখের দিকে চাহিয়া বলিল, ‘এবার তোমার জন্তে একটা বাঘ যেবে নিয়ে আসব, কি বল?’

লুতা আবার হাসিল; উজ্জল চপল হাসি। বলিল, ‘সত্যি?’

‘হ্যাঁ।’—লুতার একখানা হাত নিজের হাতের মধ্যে তুলিয়া লইয়া বীরেশ্বর বলিল,—‘বাঘের বদলে তুমি আমায় কি দেবে বল?’

আন্তে আন্তে হাত ছাড়াইয়া লুতা বলিল, ‘কি দেব? বাঘের বদলে কি দেওয়া যেতে পারে? अच्छা আপনাকে ভাল একটা প্রশংসাপত্র দেব।’

‘তার বেশি আর কিছু নয়?’

লুতা মুখটি ভালমাহুষের মত করিয়া বলিল, ‘প্রশংসাপত্রের চেয়ে বেশি আর আপনার কি চাই? ওর চেয়ে বড় আর কি আছে!’

বীরেশ্বর ক্ষণ হইল, ঘড়ির দিকে তাকাইয়া বলিল, ‘আজ উঠতে হল; সটুড়ে আটটা বেজে গেছে। পঞ্চাশ মাইল স্পীডে মোটর চালিয়ে যদি যাই, তবু বাড়ি পৌছতে দুঘণ্টা লাগবে।’

গাড়িবারান্দার সম্মুখে আয়নার মত ঝকঝকে দীর্ঘাকৃতি একখানা মোটর দাঁড়াইয়া ছিল, লুতা বীরেশ্বরকে বিদায় দিতে আসিয়া বলিল, ‘কি চমৎকার গাড়ি! নতুন কিনলেন বুঝি?’

‘হ্যাঁ। বারো হাজার টাকা দাম নিলে। মন্দ নয় জিনিসটা।’

তারপর বীরেশ্বর বোধ হয় পঞ্চাশ মাইল স্পীডে বাড়ির দিকে রওনা হইল।

লুতা ফিরিয়া আসিয়া বসিল। তাহার মুখে মনালিসার গুঁড় রহস্যময় হাসি।

ও হাসিটা কিন্তু মনালিসার নিজস্ব নয়; সকল নারীই সময় বুঝিয়া ঐরকম হাসিয়া থাকে।

লুতার বাবা ফিরিয়া আসিয়া জিজ্ঞাসা করিলেন,—‘বীরেশ্বর চলে গেছে?’

‘হ্যাঁ।’—ছটাত্ত হাসিয়া ফেলিয়া লুতা বলিল, ‘বীরেশ্বরবাবুর মতন এমন সর্বগুণমণ্ডিত লোক দেখা যায় না। তিনি বক্তৃতা দিতে পারেন, বাঘ মারতে পারেন, পঞ্চাশ মাইল স্পীডে গাড়ি চালাতে পারেন, শুধু নাচতে পারেন কি না এ খবরটা এখনও পাইনি। বাবা, বীরেশ্বরবাবুর ভেতরের সত্যিকার মাহুষটি কেমন?’

বাবা চিন্তা করিয়া বলিলেন, 'জানি না।'

লুতার চোখদুটি এবার ক্রুদ্ধ ও সজল হইয়া উঠিল—কেন ওরা কেবলি অভিনয় করে! কেন এত ষড়্ধ করিয়া সত্যকার মানুষটিকে লুকাইয়া রাখে? ছদ্মবেশের এই ভাঁড়ামি দেখিয়া লুতার লজ্জা করে, আর তাহাদের নিজের লজ্জা নাই?

কিন্তু লুতা মুখে কিছু না বলিয়া ধীরে ধীরে ঘর হইতে উঠিয়া গেল।

দিন সাতেক পরে বীরেশ্বর ফিরিল। তাহার মোটিরের পিছনে একটা প্রকাণ্ড বাঘের মৃতদেহ বাঁধা।

লুতা দ্বিতলের জানালা হইতে দেখিয়াছিল, কিন্তু নামিয়া আসিতে বিলম্ব করিল। যখন নামিল তখন বীরেশ্বর তাহার বাবার কাছে বাঘশিকারের গল্প করিতেছে।

লুতাকে দেখিয়া বীরেশ্বর বলিল,—‘তোমার বাঘ এনেছি।’

লুতা জীজ্ঞাসিত, সে বিষয় প্রকাশ করিল। তারপর কৌতূহল, ও শেষে আনন্দ জ্ঞাপন করিয়া বীরেশ্বরের বীরত্বের মূল্য অথবা বাড়াইয়া দিল। বাঘ পরিদর্শন হইল। তারপর বীরেশ্বর আবার বাঘশিকারের গল্প আরম্ভ করিল।

লুতার বাবা কার্জের লোক, ক্রমাগত বাঘশিকারের গল্প শুনিবার তাহার অবকাশ নাই। তিনি এক কাকের অপমৃত হইয়া পড়িলেন।

কাহিনী শেষ করিয়া বীরেশ্বর বলিল, ‘এবার তোমার বাঘ তুমি নাও।’

লুতা বলিল, ‘আমার বাঘ! বাঘের গায়ে কি আমার নাম লেখা আছে?’

‘নাম লিখতে আর কতক্ষণ লাগে। বল ভো এখনি—’

‘তার দরকার নেই।—লাকি-বোনুটা আমায় দেবেন।’

বীরেশ্বর লুতার হাত চাপিয়া ধরিয়া বলিল,—‘লুতা, এবার তোমার পালা। তুমি আমায় কি দেবে?’

হাত টানিয়া লইয়া লুতা বলিল,—‘ও—ভুলে গিয়েছিলুম। পাড়ান, প্রশংসাপত্রটা লিখে পাঠিয়ে দিচ্ছি।’ বলিয়া সহস্র মুখে উপরে চলিয়া গেল।

স্বতরাং দেখা যাইতেছে, ঐহিক এবং দৈহিক, পৈতৃক এবং পারত্রিক প্রতিবন্ধক না থাকিলেও প্রণয়ের পথ কষ্টকাবীর। ক্রুদ্ধ বীরেশ্বর বাঘ লইয়া

ফিরিয়া গেল এবং দশদিন ধরিয়া মেজাজ এমন তিরস্কি করিয়া রাখিল যে আত্মীয় পরিজন সকলেই সন্দেহ করিল মৃত বাঘের প্রেতাত্মা তাহার স্বক্কে ভর করিয়াছে।

কিন্তু এগারো দিনের দিন হঠাৎ তাহার রাগ পড়িয়া গিয়া আবার নৃত্যালিপ্সা জাগিয়া উঠিল।

সে টেলিফোনে লুতাকে ট্রাক-কল দিল। ওদিকে এই দশ দিনে লুতাও কিছু ম্রিয়মাণ হইয়া পড়িয়াছিল। নৃত্য দেখিলে রাগ হয়, আবার না দেখিলেও মন খারাপ হইয়া যায়—ইহাই নারীজাতির স্বভাব।

বীরেশ্বর টেলিফোনে বলিল, ‘তোমার লাকি-বোন তৈরী হয়ে এসেছে।’

উদগ্রীব স্বরে লুতা বলিল, ‘তৈরী হয়ে এসেছে! কোথা থেকে?’

‘স্নাকরা-বাড়ি থেকে। একটা ব্রোচ। পাঠিয়ে দিতে পারি?’

লুতার কণ্ঠ মধুর হইয়া উঠিল,—‘আপনার বুঝি কাজ আছে? নিজে আসতে পারবেন না?’

‘কাজ!’ বীরেশ্বর লাফাইয়া উঠিল, ‘তোমাঃ ঘড়িতে কটা বেজেছে?’

‘তিনটে বেজে পাঁচ মিনিট। কেন?’

‘আচ্ছা, চারটে বেজে পাঁচ মিনিটে আমি গিয়ে পৌছুব।’

‘অ্যাঁ! এক ঘণ্টায় সম্ভব মাইল! না—না—’

কিন্তু বীরেশ্বর আর কিছু শুনিল না, টেলিফোন ফেলিয়া গ্যারাজের দিকে ছুটিল।

ঠিক চারটে বাজিয়া তিন মিনিটে লুতাদের বাড়ির সম্মুখে একটা বিরাট শব্দ হইল। লোমহর্ষণ কাণ্ড! সম্ভব মাইল নিরাপদে আসিয়া বীরেশ্বরের মোটর লুতার দ্বারের কাছে চিং হইয়া পড়িয়াছে। একটা লোহাবোঝাই তিন-টন লরী যাইতেছিল, তাহারই সহিত ঠোকাঠুকি।

মোটরের তলা হইতে বীরেশ্বরের সংজ্ঞাহীন দেহ বাহির করা হইল, তারপর ধরাধরি করিয়া লুতাদের বাড়িতে তোলা হইল। বাড়িতেই ডাক্তার। তিনি পরীক্ষা করিয়া বলিলেন, ‘ভয় নেই। মুখের আঁচড়গুলো মারাত্মক নয়; তবে বাঁ পায়ে টিবিয়া ভেঙে গেছে।’ বলিয়া ধমুটকারের ইন্জেকশন্ প্রস্তুত করিতে লাগিলেন।

লুতা জিজ্ঞাসা করিল, ‘প্রাণের ক্ষয় নেই?’

‘নাঃ। কিছুদিন বাবাজীকে একটু খুঁড়িয়ে চলতে হবে—এই পর্যন্ত।’

বীরেশ্বরের নৃত্য-জীবনের যে এই সন্ধে অবসান হইয়াছে তাহা কেহ লক্ষ্য করিল না।

এক ঘণ্টা পরে বীরেশ্বরের জ্ঞান হইল। তখন সে সর্বাক্কে ব্যাণ্ডেজ লইয়া বিছানায় শুইয়া আছে। লুতা তাহার পাশে একটি টুলের উপর উপবিষ্ট।

লুতা জলভরা চোখে বলিল, ‘কেন এত জোরে গাড়ি চালিয়ে এলেন? না হয় দুঘণ্টা দেরি হত?’

চিরন্তন প্রথমত বীরেশ্বর ‘আমি কোথায়’ বলিল না। বলিল, ‘আমার সারা গা এত জালা করছে কেন?’

লুতার বুক তুলিয়া উঠিল, সে বলিল,—‘টিক্কার আয়োড়িন।’

বীরেশ্বর বলিল, ‘আমার মুখখানা কি কেটেকুটে একেবারে বিত্রী হয়ে গেছে?’

‘হ্যাঁ—কিন্তু ও কিছু নয়। বাবা বললেন সেরে যাবে।’

বীরেশ্বর দীর্ঘনিশ্বাস ফেলিল, ‘আর কি হয়েছে?’

‘আর বা পায়ে ফ্র্যাকচার হয়েছে।’

মর্মভেদী স্বরে বীরেশ্বর বলিল, ‘ডাক্তারের জন্তে খোঁড়া হয়ে গেলুম!’

লুতা উদ্বেলিত হৃদয়ে চূপ করিয়া রহিল। অনেকক্ষণ বীরেশ্বরও চূপ করিয়া রহিল; তারপর তাহার মুদিত চোখে দুই বিন্দু অশ্রু দেখা দিল। সে চোখ বুজিয়াই বলিল,—‘লুতা, আমরা ভারি বোকা।’

লুতা জিজ্ঞাসা করিল, ‘কেন?’

বীরেশ্বর বলিতে লাগিল, ‘কেন? আমরা যাকে ভালবাসি তাকে ভাল-বাসার কথা স্পষ্ট করে বলা দরকার মনে করি না—কেবল নিজের যোগ্যতাই প্রমাণ করতে চাই। তাই, আজ বলবার অবকাশ যখন হল তখন আর সে-কথা মুখ থেকে বার করবার উপায় নেই।’

মুহূর্ত্তে লুতা বক্সিল,—‘কেন উপায় নেই?’

অধীর ক্ষুব্ধকণ্ঠে বীরেশ্বর বলিল, ‘বোকার মত কথা বলো না লুতা। কি হবে বলে? বললেই বা শুনবে কে? ভাড়া বাঁশির বেহুরো আওয়াজ কার শুনতে ভাল লাগে!’

লুতা বলিয়া উঠিল, ‘আমার ভাল লাগে—তুমি বল।’

‘লুতা!’ বীরেশ্বর প্রায় চীৎকার করিয়া উঠিল।

বাঁশি ভাঙিয়াই যে তাহার বেহুরা আওয়াজ শ্রবে ফিরিয়া আসিয়াছে,

লুতা তাহা বলিল না। সে উঠিয়া বীরেশ্বরের ব্যাণ্ডেজ-বাঁধা মস্তকটি বৃকের মধ্যে জড়াইয়া লইল, বলিল, ‘অত চৈচিও না—পাশের ঘরে বাবু আছেন। এতদিন খালি ছেলেমানুষি করলে কেন? কেন নিজের সত্যিকার পরিচয় দিতে এত দেরি করলে?’

কিন্তু বীরেশ্বরের সত্যিকার পরিচয় দেওয়া তখনও শেষ হয় নাই। সে কিছুক্ষণ দাঁতে দাঁত চাপিয়া চূপ করিয়া রহিল, তারপর চাপা স্বরগার স্বরে বলিয়া উঠিল, ‘লুতা, মাথা ছেড়ে দাও—উঃ—উঃ—অত জোরে চেপে না—বড্ড লাগছে—’

লুতারাগী দুর্বল অসহায় পুরুষকে তাহার বুড়ু বক্ষে গ্রাস করিয়া লইল। এইরূপে প্রকৃতির আদিমতম বিধান সার্থক হইল এবং প্রত্যাহ হইতেছে।

ভেন্ডেটা

১

ত্রিশ-চল্লিশ বছর আগেকার কথা।

ওলগোবিন্দ ঘোষ ও কুঞ্জকুঞ্জর কর পাশাপাশি জমিদার ছিলেন। উভয়ের নামই বিখ্যাত-উৎপাদক। আসল কথা, ওলগোবিন্দবাবু ছিলেন ওলাই চণ্ডীর বরপুত্র; এবং কুঞ্জকুঞ্জরবাবু শান্তিভাবাপন্ন বৈষ্ণববংশের সন্তান।

ঊনপুরুষ ধরিয়া দুই বংশে কলহ চলিতেছিল। শতাধিক বর্ষ পূর্বে কুঞ্জকুঞ্জরের বৃদ্ধপিতামহ ওলগোবিন্দের বৃদ্ধপিতামহের পুত্রের (অর্থাৎ পিতামহের) বিবাহের বোভাত উপলক্ষে নিমন্ত্রণ রক্ষা করিতে আসিয়া নববধূ দেখিয়া প্রশংসাচ্ছলে বলিয়াছিলেন,—‘ছেলের কথা কিছু বলব না, বাপকা বেটা; কিন্তু ভায়া, বৌ ইয়েছে যেন মুক্তোর মালা।’

রসিকতাটি বুঝিতে বরপুত্রের একটু দেরি হইয়াছিল, সেই অবকাশে রসিক ব্যক্তিটি নিজের জমিদারীতে ফিরিয়া গিয়াছিলেন।

তার পর হইতেই পুরুষ-পরম্পরায় কলহ চলিয়া আদিতেছে।

বর্তমানে ওলগোবিন্দের সহিত আদালতে ছাড়া কুঞ্জকুঞ্জরের সাক্ষাৎ হইত না—তাহাও কালেভদ্রে। কিন্তু দেখা হইলে, যুযুধান যুগের মত উভয়ে ঘোর গর্জন করিতেন।

৩০

শরদিন্দু বন্দ্যোপাধ্যায়ের সরস গল্প

পার্বদ ও শুভাধ্যায়গণ উভয়কে দূরে দূরে রাখিত।

কিন্তু বিধির বিধান কে খণ্ডন করিতে পারে?

ওলগোবিন্দ একদা দেওঘরে এক বাড়ি খরিদ করিলেন। বাড়ির চারিদিকে প্রকাণ্ড বাগান—পাঁচিলে ঘেরা। বাগানে ইউকালিপ্টাস, ঝাউ পৈপে কলা—নানাবিধ গাছ।

ওলগোবিন্দ সপরিবারে একদিন হেমন্তকালে নব-জীত বাড়িতে আসিয়া উঠিলেন। তাঁহার ভারি বাগানের সখ—বাগান দেখিয়া অত্যন্ত মুগ্ধ হইলেন।

পাঁচিলের পরপারে আর একটা বাড়ি; অতুরূপ বাগানযুক্ত। সন্ধ্যাকালে ওলগোবিন্দ দারোয়ান সঙ্গে সেই পাঁচিলের ধারে বেড়াইতে বেড়াইতে পাঁচিলের ওপারে আর একটি মূর্তি দেখিয়া স্তম্ভের মত দাঁড়াইয়া পড়িলেন।

তারপর ওলগোবিন্দ ঘোর গর্জন করিলেন।

প্রত্যুত্তরে কুঞ্জকুঞ্জর ঘোরতর গর্জন করিলেন।

কিন্তু মধো পাঁচিলের ব্যবধান—তাই সেযাত্রা শাস্তিরক্ষা হইল।

ওলগোবিন্দ নিজের দারোয়ানের দিকে ফিরিয়া বলিলেন,—‘ভেঁপু সিং, এই বুড়াকো রাস্তামে পাওগে তো টাক ফাটা দেওগে।’ বলিয়া ভেঁপু সিং-এর হাতে একটি কোদালের বাঁট ধরাইয়া দিলেন।

ওদিকে কুঞ্জকুঞ্জর নিজের দারোয়ানকে বলিলেন,—‘মুদং সিং, এই বুড়াকো রাস্তামে দেখোগে তো ভুঁড়ি ফঁস দেওগে।’ বলিয়া মুদং সিং-এর হাতে একটি ভোঁতা খুরপি ধরাইয়া দিলেন।

এইরূপে যুদ্ধ ঘোষণা করিয়া দিয়া উভয়ে স্ব স্ব গৃহে প্রবেশ করিলেন। ওলগোবিন্দ নিজের পুত্র প্রিয়গোবিন্দকে বলিলেন—‘কুঞ্জ শালা পাশের বাড়িতে উঠেছে।’ কুঞ্জকুঞ্জর নিজ কন্যা সুধামুখীকে বলিলেন,—‘ওলা শালা পাশের বাড়িতে আড্ডা গেঁড়েছে।’

২

জীজাতির কৌতূহলের ফলে জগতে অসংখ্য অঘটন ঘটিয়া গিয়াছে। পাশের বাড়ি সম্বন্ধে মেয়েদের কৌতূহল আর পর্যন্ত কেহ রোধ করিতে পারে নাই; বুধাই অবরোধ-প্রথা, হারেম, ঘোমটা, বোরখার সৃষ্টি হইয়াছিল।

ওলগোবিন্দের বাড়িতে তিনটি স্ত্রীলোক;—ওলগোবিন্দের স্ত্রী ভাষিনী ও

দুই কত্কা। কত্কা দুইটি বিবাহিতা—গিরিবানী-জাতীয়া। শ্রিয়গোবিন্দ তাহাদের কনিষ্ঠ।

কুঞ্জকুঞ্জরের গৃহে তাঁহার স্ত্রী ও পাঁচ কত্কা। তাহাদের মধ্যে সর্বকনিষ্ঠা স্খামুখীই কেবল অনুঢ়া।

দুই পরিবারের একত্রে নয়টি স্ত্রীলোকের কোতূহল একসঙ্গে আগ্রত হইয়া উঠিল। পাচিলের আড়াল হইতে উকিঝুঁকি আরম্ভ হইল।

ক্রম মূখ-চেনাচেনি হইল।

ভামিনী অগ্রপক্ষের কৰ্ত্তা সম্বন্ধে মত প্রকাশ করিলেন,—‘মিন্‌ষের কাঁটাটার মত গোপ দেখলেই ইচ্ছে করে ঝাড়ু দিয়ে পরিষ্কার করে দিই!’

গৃহিণী সম্বন্ধে বলিলেন,—‘মরণ আর কি!’

স্খামুখী সম্বন্ধে বলিলেন,—‘বেশ মেয়েটি!’

কুঞ্জকুঞ্জরের গৃহিণীও মত প্রকাশ করিলেন; ওলগোবিন্দ সম্বন্ধে বলিলেন,—‘মিন্‌ষের পেট দেখনা—যেন দশমাস!’

গৃহিণী সম্বন্ধে—‘মরণ আর কি!’

শ্রিয়গোবিন্দ সম্বন্ধে—‘বেশ ছেলেটি!’

তারপর স্খগোপনে রমণীদের মধ্যে আলাপ হইয়া গেল। কৰ্ত্তারা কিছুই জানিলেন না।

কেহ যদি মন্ত্ৰে করে, নীরীরা স্বামীর শত্রুকে নিজের শত্রু বলিয়া মূৰ্খ করে—তবে তাহারা কিছুই জানে না। হিন্দুনারী স্বামীর চিত্তায় সহমরণে যাইতে প্রস্তুত; কিন্তু শত্রুপক্ষের নারীদের সঙ্গে গোপনে ভাব করিবার বেলা তাহাদের নীতিজ্ঞান সম্পূর্ণ পৃথক। এই জগত্‌ই কবি ভর্তুহরি বলিয়াছেন—
কি বলিয়াছেন এখন মনে পড়িতেছে না। তবে প্রশংসাত্মক কিছু নয়।

৩০

ওদিকে কৰ্ত্তারা পরস্পরকে জ্ঞান করিবার মংলব আঁটিতেছেন।

উকিল মোস্তার হাতের কাছে নাই, তাই মোকদ্দমা বাধাইবার সুবিধা হইল না। উভয়ে অগ্র উপায় চিন্তা করিতে লাগিলেন।

জগতে একটা আশ্চর্য ব্যাপার দেখা যায়, শত্রুকে কথায় অহিনিশি চিন্তা করিতে করিতে চিন্তার ধারাও একই প্রকার হইয়া যায়। তাই পরস্পরের

অনিষ্ট চিন্তা করিতে করিতে ওলগোবিন্দ ও কুঞ্জকুঞ্জর একই কালে একই সঙ্কে উপনীত হইলেন।

গাছ।

কাগান নিমূল করিয়া দাঙ।

চিন্তাকে কাঁধে পরিণত করিবার সময় কিন্তু দেখা গেল ওলগোবিন্দই অগ্রণী! ইহার গুটিকয় কারণ ছিল। প্রথমত—ওলগোবিন্দ পুত্রবান্—সুতরাং তাঁহার তেজ বেশি। কুঞ্জকুঞ্জর উপযুপরি পাঁচটি একত্বার পিতৃহীন লাভ করিয়াছেন। সকলেই জানেন, ক্রমাগত কত্যা জন্মিতে থাকিলে উৎসাহী ব্যক্তিরও কর্মপ্রেরণা কমিয়া যায়। দ্বিতীয় কথা—ওলগোবিন্দকে শত্রুদলন কার্যে সহায়তা করিবার জন্ত সাবালক পুত্র ছিল—কুঞ্জকুঞ্জরের তাহা ছিল না।

• ফলে, একদিন গভীররাত্রে ওলগোবিন্দ সাবালক পুত্রের হাতে একটি কাটারি দিয়া বলিলেন,—‘ঝাউগাছগুলো!—একেবারে সাবাড় করে দিবি—একটাও রাখবি না।’

কর্তব্যপরায়ণ পুত্র পিতার আজ্ঞা শিরোধার্য করিয়া কাটারি হস্তে গ্রহণ করিল। প্রিয়গোবিন্দকে দেখিলে কানাবিয়ান্কার কথা মনে পড়ে। কর্তব্যে কঠোর! The boy stood on the burning deck.

8

পরদিন প্রাতঃকালে কুঞ্জকুঞ্জর দেখিলেন, তাঁহার ঝাউগাছগুলি কতদূর ভাবে কাং হইয়া শুইয়া আছে। তাঁহার গৌরব ঝাউয়ের মতই কণ্টকিত হইয়া উঠিল; মাথায় চুল ছিল না বলিয়াই কিছু কণ্টকিত হইতে পাইল না।

তিনি চলনোমুখ ইঞ্জিনের মত শব্দ করিতে লাগিলেন।

তারপর দারোয়ানকে ডাকিয়া বলিলেন,—‘মুদং সিং, দেখ্তা হ্যায়?’

মুদং সিং বলিল,—‘হজুর!’

কুঞ্জকুঞ্জর বলিলেন,—‘ঐ বুড়টা কিয়া?’

‘আলবাং। বে-শক্।’

‘হাম্ভি বুড়টাকো দেখ্ লেঙ্গে!’

মুদং সিং বলিল,—‘তাঁবেদার মোজুদ হ্যায়।’

কুঞ্জকুঞ্জর ভাবিলেন, মুদং সিংকে* দিয়াই প্রতিশোধ লইবেন। কিন্তু কিছুক্ষণ বিবেচনার পর দেখিলেন তাহা উচিত হইবে না। চাকরকে দিয়া

বে-আইনী কাজ করানো মানেই সাক্ষীর সৃষ্টি করা। তাহাতে কাজ নাই।
যাহা করিবার তিনি নিজেই করিবেন।

ওলগোবিন্দ সে রাত্রি স্তূথনিদ্রায় ঘাপন করিলেন। প্রাতঃকালে উঠিয়া দেখিলেন, তাঁহার কদলীকুঞ্জে কুঞ্জকুঞ্জর প্রবেশ করিয়া একেবারে তচ্চন্ করিয়া গিয়াছে। কলাগাছগুলি নিতম্বিনীর উরুস্তম্ভের মত পাশাপাশি পড়িয়া আছে।

পদ্মাবতী-চরণ-চারণ-চক্রবর্তী শ্রীকৃষ্ণদেব কবি এ দৃশ্য দেখিলে হয়ত একটা নূতন কাব্য লিখিয়া ফেলিতেন। কিন্তু ওলগোবিন্দের চক্ষুঘর লাট্রর মত বন্ বন্ করিয়া ঘুরিতে লাগিল।

তিনিও চলনোন্মুখ ইঞ্জিনের মত শব্দ করিলেন।

তারপর বাড়ির ভিতর হইতে বন্দুক আনিয়া দমাদম আকাশ লক্ষ্য করিয়া ছুঁড়িতে লাগিলেন।

কুঞ্জকুঞ্জর হটিবার পাত্র নয়। তিনিও বন্দুক আনিয়া আকাশ লক্ষ্য করিয়া ছুঁড়িলেন। ঘোর যুদ্ধ চলিল কিন্তু হতাহতের সংখ্যা শূন্যই রহিল।

বিক্রম প্রকাশ শেষ করিয়া দুইজনে আবার চিন্তা করিতে বসিলেন।
ওদিকে স্ত্রীমহলে কি ব্যাপার চলিতেছে কেহই লক্ষ্য করিলেন না।

৫

যুদ্ধ-বিগ্রহ একটু ঠাণ্ডা আছে।

কুঞ্জকুঞ্জর দুইপক্ষই বন্দুক লইয়া সারারাত বারান্দায় বসিয়া থাকেন এবং
মাঝে-মাঝে আকাশ লক্ষ্য করিয়া গুলি ছোঁড়েন।

কিন্তু দুইপক্ষই সুরোগ খুঁজিতেছেন।

ওলগোবিন্দের লক্ষ্য কুঞ্জকুঞ্জরের পুষ্পবর্ষা শিউলিগাছটির উপর।

কুঞ্জকুঞ্জরের নজর ওলগোবিন্দের স্তম্ভর কুশাঙ্গী তরুণীর মত ইউক্যালিপ্টাস
গাছের উপর।

একদিন ওলগোবিন্দের স্ত্রী আসিয়া বলিলেন,—‘কী ছেলেমানুষের মত
ঝগড়া করছ—মিটিয়ে ফেল। সুখা মেয়েটি চমৎকার—প্রিয়র সঙ্গে—’

ওলগোবিন্দ চক্ষুঘর লাট্রর মত ঘূর্ণিত করিয়া বলিলেন,—‘স্ববরদার!’

ওদিকে কুঞ্জকুঞ্জরের গৃহিণী বলিলেন,—‘বুড়োয় বুড়োয় ঝগড়া করতে লজ্জা
করে না—মিটিয়ে ফেল। প্রিয় ছেলেটি চমৎকার—সুখার সঙ্গে—’

কুঞ্জকুঞ্জর গুলি কণ্টকিত করিয়া বলিলেন,—‘চোপরও!’

কিন্তু প্রিয়গোবিন্দ এসব কিছুই জানে না (স্বধা জানে)। প্রিয়গোবিন্দ পিতৃভক্ত যুবক, তার উপর কর্মকুশল। ওলগোবিন্দ যখন কেবল শূণ্ণ বন্দুক ছুঁড়িতে ব্যাপৃত ছিলেন, প্রিয়গোবিন্দ সেই অবকাশে শিউলিগাছ কাটিবার উপায় স্থির করিয়া ফেলিয়াছে।

প্রিয়গোবিন্দ লক্ষ্য করিয়াছিল যে রাত্রি তিনটার পর কুঞ্জকুঞ্জর আর বন্দুক ছোঁড়েন না। অতএব তিনটার পর তিনি ঘুমাইয়া পড়েন সন্দেহ নাই। প্রিয়গোবিন্দ স্থির করিল, পিতাকে না বলিয়া শেষরাত্রে অভিযান করিবে। পিতাকে বলিলে তিনি হয়ত তাহাকে বন্দুকের মুখে ঘাইতে দিবেন না।

সেদিন চাঁদিনী রাত্রি—কৃষ্ণপক্ষের তৃতীয়া কি চতুর্থী। ভোর রাতে উঠিয়া প্রিয়গোবিন্দ করাত হাতে লইল; তারপর নিঃশব্দে পাঁচিল ডিঙাইয়া কুঞ্জকুঞ্জরের বাগানে প্রবেশ করিল।

জ্যোৎস্না ফিন ফুটিতেছে; কেহ কোথাও নাই। প্রিয়গোবিন্দ পাঁচটিপিয়া টিপিয়া শিউলিগাছের দিকে অগ্রসর হইল।

শিউলিগাছের তলায় উপস্থিত হইয়া দেখিল—

৬

একটি মেয়ে ফুল কুড়াইতেছে।

প্রিয়গোবিন্দ পলাইবার চেষ্টা করিল।

কিন্তু পলাইবার সুবিধা হইল না। স্বধাও তাহাকে দেখিয়া ফেলিয়াছিল। এবং চিনিতে পারিয়াছিল। প্রিয়গোবিন্দ স্বধাকে আগে দেখে নাই

আমাদের দেশের পুরুষেরা স্ত্রীলোক দেখিলে উকিঝুঁকি মারে একরূপ একটা অপবাদ আছে; মেয়েদের সম্বন্ধে কোন অপবাদ নাই, অথচ—

অন্ত স্বধা জিজ্ঞাসা করিল,—‘কি চাই?’

‘প্রিয়গোবিন্দ করাত পিছনে লুকাইল; বলিল,—‘কিছু না।’

স্বধা,—‘তুমি আমার শিউলিগাছ কাটতে এসেছ!’ বলিয়া কাঁদিয়া ফেলিল।

প্রিয়গোবিন্দ স্তম্ভিত হইয়া বলিল,—‘মানে—এ গাছ কার?’

‘আমার!’

‘মানে—তুমি কে? এ গাছ তো কুঞ্জরবাবুর!’

‘আমি তাঁর ছোট মেয়ে। আমার নাম স্বধা।’

‘ও—মানে, তা বেশ তো।’

সুধা চক্ষু মুছিয়া বলিল,—‘তোমরা কেন আমাদের ঝাউগাছ কেটে দিয়েছ?’

প্রিয়গোবিন্দ ক্ষীণস্বরে বলিল,—‘আমাদের কলা গাছ—’

‘তোমরা তো আগে কেটেছ!’

প্রিয়গোবিন্দ নীরব। সুধার মুখে একটু মেয়েলী চাঞ্চা হাসি দেখা দিল। বিজয়িনী! পুরুষ ও হাসি হাসিতে পারে না।

সুধা আবার ঝাউগাছ ফুল কুড়াইয়া রাখিতে লাগিল; যেন প্রিয়গোবিন্দ নামক পরাভূত যুবক সেখানে নাই।

প্রিয়গোবিন্দ বোকার মত এক পায়ে দাঁড়াইয়া রহিল। একবার করাত দিয়া পিঠ চুলকাইল।

শেষে ঢোক গিলিয়া বলিল,—‘তুমি রোজ এই সময় ফুল কুড়োতে আসো?’

সুধা মুখ তুলিয়া বলিল,—‘হাঁ—কেন?’

প্রিয়গোবিন্দর কান ঝাঁ ঝাঁ করিয়া উঠিল; সে তোংলাইয়া বলিল,—‘তবে আ-আমিও রোজ এ-ই সময় গাছ কাটতে আসব।’ বলিয়া এক লাফে পাঁচিল ডিঙাইয়া পলায়ন করিল।

সুধা আবার হাসিল। বিজয়িনী!

৭

সুন্দরমহলের যড়যন্ত্র ভিতরে ভিতরে জটিল হইয়া উঠিতেছে। ‘The plot thickens!’

একদিন কুঞ্জকুঞ্জের কুলপুরোহিত হাওয়া বদলাইতে আসিয়া উপস্থিত হইলেন। তাঁহার হঠাৎ ডিস্‌পেপসিয়া হইয়াছে।

ওদিকে কর্তারা রাত্রি জাগিয়া ও বন্দুক ছুঁড়িয়া ক্রান্ত হইয়া পড়িয়াছেন। সাতদিন পরে দুজনেই ঘুমাইতে গেলেন। যুদং সিং ও ভেঁগু সিং বাগান পাহারা দিতে লাগিল।

তিন দিন ঘুমাইবার পর দুই কর্তা আবার চাক্ষা হইয়া উঠিলেন। তখন আবার তাঁহাদের প্রতিহিংসা-প্রবৃত্তি চাগাড় দিল।

ইতিমধ্যে প্রিয়গোবিন্দ রোজ শেষরাতে শিউলিগাছ কাটতে যাইতেছিল। ওলগোবিন্দ তাহা জানিতেন না; তাই তিনি তাহাকে ডাকিয়া পরামর্শ করিলেন। প্রিয়গোবিন্দ শিউলিগাছের প্রতি দারুণ বিদ্বেষ জ্ঞাপন করিয়া

জানাইল, ওদিকে তাহার নজর আছে; সুবিধা পাইলেই সে শিউলিগাছের মূলে কুঠারাম্বাত করিবে।

ওলগোবিন্দ হুট হইলেন।

ওদিকে কুঞ্জকুঞ্জর একজন মুন্সী পাইয়াছেন—পুরোহিত মহাশয়। তিনি ইউক্যালিপ্টাস গাছ সম্বন্ধে নিজের দুরভিসন্ধি প্রকাশ করিলেন।

পুরোহিত মহাশয় অত্যন্ত সাদাসিধা লোক, তার উপর ডিস্পেনসিয়া-রোগী; তিনি বলিলেন,—‘এর আর বেশি কথা কি! ভাল দিন দেখে কেটে ফেলুলেই হল। দাঁড়াও আমি পাজি দেখি।’

পাজি দেখিয়া পুরোহিত বৃক্ষচ্ছেদনের উৎকৃষ্ট দিন দেখিয়া দিলেন; এমন সহন্য অথচ ধর্মপ্রাণ সহায়ক পাইয়া কুঞ্জকুঞ্জরের উৎসাহ শতগুণ বাড়িয়া গেল।

স্থির হইল সোমবার রাত্রি একটার সময় শুভকর্ম সম্পন্ন হইবে। গুলিগোলা বন্ধ আছে, ওলগোবিন্দটা নিশ্চয়ই এখনও ঘুমাইতেছে; সুতরাং নিকিয়ে কার্য সম্পন্ন করিবার এই সময়।

কিন্তু জ্যোৎস্না বহুবিঘ্নানি।

বিশেষত নারীজাতি একজোট হইয়া যাহাদের পিছনে লাগিয়াছে তাহাদের জয়ের আশা কোথায়?

রাত্রি একটার সময় কুঞ্জকুঞ্জর করাত লইয়া নিবিঘ্নে পাঁচিল পার হইলেন। কিন্তু ইউক্যালিপ্টাস গাছের কাছে যেমনি দাঁড়াইয়াছেন, অমনি ওলগোবিন্দ আসিয়া তাঁহাকে দৃঢ়ভাবে আলিঙ্গন করিয়া ধরিলেন। কুঞ্জকুঞ্জর করাত দিয়া তাঁহার কান কাটিয়া লইবার চেষ্টা করিলেন। কিন্তু সে চেষ্টা সফল হইল না। ভেঁপু সিং দারোয়ান তাঁহাকে পিছন হইতে আলিঙ্গন করিয়া ধরিল।

‘এই ভাবে বুক-পিঠে আলিঙ্গিত হইয়া কুঞ্জকুঞ্জর বাড়ির মধ্যে নীত হইলেন। তাঁহাকে একটি চেয়ারে বসাইয়া, তাঁহার পায়ে দড়ি বাঁধিয়া দড়ির অন্য প্রান্ত নিজ হস্তে লইয়া ওলগোবিন্দ আর একটি চেয়ারে বসিলেন। বন্দুক তাঁহার কোলের উপর রহিল।

দুইজনে পরস্পরের মুখ অবলোকন করিলেন।

চারি চক্ষুর ঠোকাঠুকিতে একটা বিস্ফোরক অগ্ন্যুৎপাত হইয়া গেল না, ইহাই আশ্চর্য। ওলগোবিন্দ চক্ষু ঘূর্ণিত করিয়া বলিলেন—‘বুদ্দিনানা অফ্ দি

ব্রহ্মাইটস্ ইন্টু দি যুল্‌ঘুলি অফ্‌ চাট্‌নি কাবাব। ভেয়ে কেটে গদি ঘেনে-
ধা—! গিজিতাকশিন্!—তাঁহার উদর জীবন্ত ফুটবলের মত লাফাইতে
লাগিল।

কুঞ্জকুঞ্জর কিছুই বলিলেন না।

ওলগোবিন্দ তখন ঈবৎ প্রকৃতিস্থ হইয়া ভেঁপু সিংকে বলিলেন,—‘প্রিয়কে
ডাক!’

প্রিয় আসিল।

ওলগোবিন্দ গর্জন করিয়া বলিলেন,—‘শিউলিগাছ।’

কাসাবিয়ান্‌কা তৎক্ষণাৎ পিতৃ-আজ্ঞা পালন করিতে ছুটিল।

৯

পূনের মিনিট কাটিয়া গেল। ওলগোবিন্দ দুই মিনিট অন্তর ফুটবল নাচাইয়া
হাসিতে লাগিলেন,—‘হিঃ! হিঃ! হিঃ!’

তারপর ওলগোবিন্দ বলিলেন,—‘ভেঁপু সিং, থানামে খবর দেও! এই
চোট্টাকো জেলমে ভেজেঙ্গে!’

‘ঘো ছকুম’ বলিয়া ভেঁপু সিং প্রশ্নান করিল।

আরও পনের মিনিট অতীত হইল। ওলগোবিন্দ পূর্ববৎ দু-মিনিট অন্তর
হাসিতে লাগিলেন।

কুঞ্জকুঞ্জর কেবল ঘন ঘন নিশ্বাস ত্যাগ করিতে লাগিলেন।

হঠাৎ উভয়ের কর্ণে দূর হইতে একটা শব্দ প্রবেশ করিল—‘লু—লু—লু—’

দু-জনে শিকারী কুকুরের মত কান খাড়া করিলেন। শব্দটা যেন কুঞ্জ-
কুকুরের বাড়ি হইতে আসিতেছে।

ওলগোবিন্দ একটু অস্থিত্তি বোধ করিতে লাগিলেন। দুপুর রাতে ও আবার
কিসের শব্দ! শেয়াল নাকি? প্রিয় এতক্ষণ ওখানে কি করিতেছে?

তিনি ক্রুদ্ধ হইয়া উঠিতে লাগিলেন। অমুসন্ধান করিতে যাইবারও উপায়
নাই—কুঞ্জকুঞ্জর পলাইবে।

এমন সময় ভেঁপু সিং হাঁপাইতে হাঁপাইতে ফিরিয়া আসিল; বলিল, ‘আয়
ছকুম, আপ বৈঠা হায়?’

ওলগোবিন্দ রাগিয়া বলিলেন,—‘বৈঠা রহেঙ্গে নেইত কি লাফাঙ্গে? ক্যা
হয়া?’

ভেঁপু সিং জানাইল ও-বাড়ির মাইজীলোগ দাদাবাবুকে পাকড়িয়া লইয়া
অন্দরমহলে প্রবেশ করিয়াছে !

তুই কৰ্তা একসঙ্গে লাফাইয়া উঠিলেন । ওলগোবিন্দের কোল হইতে
বন্দুক পড়িয়া গেল ।

ভেঁপু সিং তখনও বার্তা শেষ করে নাই, সক্ষোভে বলিল, উক্ত মাইজীলোগ
কেবল দাদাবাবুকে ধরিয়া লইয়া গিয়াই ক্ষান্ত হয় নাই, সকলে মিলিয়া উঠেঃস্বরে
তাঁহাকে ‘উল্লু উল্লু’ বলিয়া গালি দিতেছে ।

এই সময় কর্তারা স্বকর্ণে শুনিতে পাইলেন—‘উলু—উলু—উলু—’

তু-জনে পরস্পরের মুখের দিকে চাহিলেন ; তারপর, যেন একই যন্ত্রের দ্বারা
চালিত হইয়া দৌড়িতে আরম্ভ করিলেন । কুলুকুলুরের পায়ের দড়ি অজ্ঞাত-
সারেই ওলগোবিন্দের হাতে ধরা রহিল ।

তাঁহারা যখন কর্মস্থলে উপস্থিত হইলেন, তখন ভিন্‌পেপসিয়া-রোগাক্রান্ত
পুরোহিত মহাশয় শুভকর্ম শেষ করিয়াছেন ।

তুই বাড়ির গৃহিণীই উপস্থিত ছিলেন । কর্তাদের মূর্তি দেখিয়া তাঁহারা
পরস্পরের গায়ে হাসিয়া ঢলিয়া পড়িলেন ; বলিলেন,—‘আ মরে যাই ! বুড়ো
মিন্‌ষেদের রকম ত্যাং না ! যেন সন্ত !’

মনে মনে

দ্বিজেনের কথা

আজ অকিস থেকে বাড়ি ফিরতে বড্ড দেরি হয়ে গেল ।

মীনা দেরি হওয়া ভালবাসে না—তার মুখ একটু ভার হয়, চোখে গাভীর্ণ
ঘনিয়ে ওঠে । কিন্তু মুখ ফুটে ত কিছু বলবে না—কেবল ভেতরে ভেতরে জট
পাকাবে । আশ্চর্য মেয়েমানুষের স্বভাব । এই পাঁচ বছর বিয়ে হয়েছে, এর
মধ্যে একদিনও মীনা ঝগড়া করলে না ; রাগ হলেই মুখ টিপে থাকে, শুধু
আকারে ইজিতে জানিয়ে দেয় যে, রাগ হয়েছে । কোপো যত কুকুটিরচনা
বিগ্রহো যত মৌন—

কিন্তু আজ আর রাগ হতে দিচ্ছি না । দেরি হবার কারণটা পকেট থেকে
বাব করে অন্তমনস্কভাবে টেবলের ওপর রাখলেই রাগ গলে জল হয়ে যাবে !

আজ অকস্মে মাইনে পেঙ্গুম। পথে আসতে আসতে ভাবলুম, টাকা বাড়ি নিয়ে গেলে ত কিছুই থাকবে না, তার চেয়ে এই বেলা মীনার জিন্সে একটা কিছু সৌখীন জিনিস কিনে নিবোঁ বাই। সামনেই হীরালাল মন্ডিলালের দোকানটা পড়ল—সেখানেই ঢুকে পড়লুম। বেশি কিনিনি, সামান্য ১৫ টাকা দামের একটি ক্রচ—কিন্তু ভারি সুন্দর দেখতে। মীনা খুশি হবে।

বাড়িতে ঢুকে দেখলুম, মীনা একটা ডেক-চেয়ারে বসে নভেল পড়ছে। আমাকে দেখে ঘড়ির দিকে তীক্ষ্ণভাবে একবার তাকিয়ে বই নামিয়ে রৈখে বললে,—“এলে?”

এই ধরনের কথা আমার ভাল লাগে না। এলে? তার মানে কি? আমার আশাটা কি অভূতপূর্ব ব্যাপার, না আমার আজ ফেরবার কথাই ছিল না? আসলে খোঁচা দিয়ে কথা কওয়া মীনার একটা স্বভাব। আর বেশি হয়েছে কি? ঠিক সাড়ে পাঁচটার সময় বাড়ি ফিরব এমন লেখাপড়া ত কিছু করিনি।

একটা কৌচানো কাপড় হাতের কাছে রেখে—‘কাপড় ছাড়ো’—বলে মীনা ঘর থেকে বেরিয়ে গেল।

অর্থাৎ আমার ওপর ভীষণ বিরক্ত হয়েছেন সেটা জানিয়ে দিয়ে যাওয়া হল। বেশ, বিরক্ত হয়েছেন তা আর কি করব! তাই বলে আমি ত ঘড়ির কাঁটার মত চলতে পারি না। কলের পুতুল ত নই!

জঃ কাপড় ছেড়ে মুখ-হাত ধুয়ে বসেছি, মীনা খাবার আর চা নিয়ে এসে সামনে রাখলে। আজ দেখছি আবার মেহনতভোগ তৈরী হয়েছে। মনে আছে তা হলে। যাক ক্ষিদেটাও খুব পেয়েছে.....

ও—তাই বলি! খাবার ঠাণ্ডা হয়ে একেবারে শক্ত হয়ে গেছে। বোধ হয় দুপুর বেলা কোনও সময় অবসর মত তৈরি করে রাখা হয়েছিল। তা ত হবেই, আমি মুটে-মজুর লোক, খেটে-খুটে এসে ঠাণ্ডা বাসি যা পাব তাই দিয়ে পেটের গর্ত বুজিয়ে ফেলব, খাবার একটা কিছু পেলেই হল, এর বেশি প্রত্যাশা করাই অন্তায়.....যাক তবু চা-টা একটু গরম আছে। কি দরকার ছিল? ওটাও দুপুরবেলা তৈরি করে রাখলেই হত।

“আজ তোমার মাইনে পাবার দিন না?”

হঁ—লে কথাটি ঠিক মনে আছে! পকেট থেকে বার করে দিয়ে বললুম,—“এই নাও।”

টাকা শুনে ভুক ভুলে বললে,—“পনেরো টাকা কম যে?”

কৈকিয়ৎ চাই! নিজের টাকা যদি খরচ করি, তাও পাই-পয়সার হিসেব দিতে হবে। দূর কর ছাই, সংসার করাই একটা স্বকমারি

বললুম,—“খরচ করেছে।”

সপ্রস্তুতাবে মুখের দিকে চেয়ে রইল—অর্থাৎ এখনও কৈকিয়ৎ সন্তোষজনক হয় নি; কিসে খরচ করেছে, তা বলতে হবে! মীনার কি বিশ্বাস, আমি মদ থেকে টাকা উড়িয়ে দিয়েছি? না তার চেয়েও সাংঘাতিক জ্ঞানও কিছু?

উঃ! মেয়েমানুষের মতন সন্দ্বিগ্ন মন পৃথিবীতে আর নেই। না, আমি বলব-না, কিছুতেই বলব না,—দেখি, ও মুখ ফুটে জিজ্ঞাসা করে কি না। যদিও জানি, তা কখনই করবে না; মনে মনে গেরো দেওয়া যে ওর স্বভাব।

জিজ্ঞাসা করলে কি অপমান হত, না আমি মিথ্যে কথা বলতুম? জিজ্ঞাসা করলেই ত আমায় বলতে হত, যে, তোমার জন্তে গহনা কিনেছি—বেশ, ভালই হল। কাল ঐ লক্ষ্মীছাড়া ক্রচটা ফেরৎ দিয়ে জ্বাসব—বলব, পছন্দ হল না! মন্দ কি, ক-টা টাকা বেঁচে গেল।

টাকা নিয়ে দুপ দুপ করে সিঁড়ি দিয়ে ওপরে উঠে গেল। দমাস করে আলমারির দরজা বন্ধ করা হল; মানে, আমি কি রকম চটেছি, তুমি দেখ।

ফিরে এসে আবার দূরের একটা চেয়ারে বসল। মুখে কথা নেই, আমাকে দেখেই বোধ হয় সব কথা ফুরিয়ে গেছে। পাঁচ মিনিট ছুজনে চুপচাপ যাচ্ছে। ওর বোধ হয় আশা যে আমিই আগে কথা কইব। কিন্তু—কে কইব? আমাকে চিরদিন আগে কথা কইতে হবে, তার কি মানে?

অনেকক্ষণ পরে কথা কইলেন,—“খবরের কাগজ পড়বে?”

হঁ—খবরের কাগজ পড়ব! সোজা কথায় বললেই হয়, তোমার সংসর্গ আমার ভাল লাগছে না, তুমি যা হয় কর, আমি উঠে যাই। সমস্ত দিনের পর বাড়ি আসার কি চমৎকার সন্ধান। বোধ হয় নভেলটা শেষ হয় নি, তাই প্রাণ ছট্‌ফট করছে। তা আমি ত ধরে রাখিনি; ‘ওগো, তুমি আমায় ছেড়ে কোথাও যেও না’ বলে কাঁদিও নি। গলেই পারেন, ছুতো খোজবার দরকার কি?

মেয়েমানুষ জাতটার মত এমন কপট আর—; দূর হোক গে, এই জন্তেই লোকে সাধু-সন্ন্যাসী হয়ে যায়। আমারও আর ভাল লাগছে না, অকচিৎ ধরে গেছে।

যাই, খানিকটা বেড়িয়ে আনি। বাড়ি ত নয়—সাহারা। এরই জন্তে
মাহুয় পাগল!

উঠে জামা পরতে পরতে বললুম,—“বেড়াতে যাচ্ছি।”

কোনও জবাব নেই। বহুত আচ্ছা, তাই সই। যখন জুতো পরে ছড়ি
নিড়ে বেরতে যাচ্ছি, তখন, —“বামুন ঠাকুরের আজ দুপুর থেকে জয়—”

• বামুন ঠাকুরের জয়, তা আমি কি করব? আমি ধরন্তরি না কি? আসলে
তা নয়, কথার তাৎপর্যটা গভীর—অনেক দূর থেকে আসছে। কোনও কোনও
দিন বেড়িয়ে বাড়ি ফিরতে রাত্রি ন-টা বেজে যায়—আড্ডায় বসলে সহজে ওঠা
যায় না—তাই চেতিয়ে দেওয়া হল। আজ উনি নিজে রাঁধবেন, আজ যেন
ফিরতে দেরি না করি। আমার যেন নারী-শাসন তজ্জে বাস হয়েছে—সব সময়
কড়া শাসন। বন্ধু-বান্ধবদের সঙ্গে মেশবারও হকুম নেই। বেশ, তাই হল।
সন্ধ্যা পৌঁকেই ঘরের মধ্যে ঢুকে বসে থাকুব।

“বুঝেছি”—বলে ঘেরিয়ে পড়লুম।

...

...

...

ঠিক ন-টার সময় বাড়ি ফিরলুম। দেখি, গিন্নী রান্নাবান্না শেষ করে বসে
আছেন। তখনই খেতে বসে গেলুম। কি জানি, যদি দেরি করি, আবার
খাসা হতে কতক্ষণ!

গিন্নীটি আমার রাঁধেন ভাল। এই রান্নাই ত বামুনঠাকুর রাঁধে,—
ফিরে যেন যাচ্ছে তাই।

আমি ত কারুর সঙ্গে ঝগড়া করতে চাই না, তবে মীনা একটুতেই অমন
মুখ অঙ্ককার করে কেন? যেন কত বকেছি। আচ্ছা, আমারই না হয় ঘাট
হয়েছে, আমিই যেচে ভাব করছি।

খেয়ে উঠে মীনার হাত থেকে পান নিতে নিতে বললুম,—“উঃ—আজ কী
গরম! রাতে ঘুম হলে হয়।”

মীনা মুখ টিপে বললে,—“বেশ, আমি না হয় মেঝেয় মাহুর পেতে শোব।”

কি কথার কি উত্তর!

নাঃ—এদের মনের মধ্যে জিলিপির প্যাচ—এরা সোজা কথা বলতে জানে
না। উনি আমার পাশে শোন, তাই আমার গরম লাগে, অতএব মেঝেয়
মাহুর পেতে শোবেন! এত দিন যেন—কিন্তু কুছ পরোয়া নেই, সেই ভাল।
একলা শুতে চান, আমার আপত্তি কি। আমিই না হয় নিচে বসবার ঘরে

তক্তপোশের ওপর শোব। কারুর কোনও অহবিধে নেই—সব দিক দিয়েই ভাল। উনি সমস্ত ওপরতলাটা নিয়ে থাকুন।

বললুম,—“আমিই নিচে তক্তপোশে শোব। তোমার কষ্ট করবার দরকার নেই।”

তক্তপোশের ওপর নিজেই চাঁদর পেতে শুয়ে পড়লুম—কারুর সাহায্যের তোয়াক্কা রাখি না। উনি দোরগোড়ায় দাঁড়িয়ে দাঁড়িয়ে দেখলেন, তারপর একটী নিশ্বাস ফেলবার ভান করে ওপরে চলে গেলেন।

ছুনিয়াটাই ফাঁকি। এই যে দশটা-পাঁচটা অফিস করি,—কিসের জন্তে? এই ঘর-দোর, বন্ধু-বান্ধব, স্ত্রী-পরিবার—সব মিথ্যা! মায়া! বেদান্ত ঠিক বলেছে—মায়া—

খুম আসছে, রাত্রি এগারোটা বেজে গেল। ঘুমুই—হস্তোয়, কি, হবে ও কথা ভেবে! যত সব.....

আঁ!—কে—?

মিনতির কথা

সত্যি বাপু, এত দেরিই বা হয় কেন? পাঁচটার সময় ত অফিসের ছুটি হয়, তবে এতক্ষণ কি করেন? সারা দিনের পর তাড়াতাড়ি বাড়ি কিরা, ইচ্ছেও হয় না?

আমরাই শুধু ভেবে মরি। মেয়েমানুষ কিনা! পুরুষমানুষের দৃষ্টি নেই, চিন্তাও নেই। আমি যে সারাদিন একলা পড়ে থাকি, সেদিকে ভ্রক্ষেপও নেই। থাকবে কেন? দাসীবাঁদীকে কে কবে ভ্রক্ষেপ করে!

আচ্ছা, এতক্ষণ কি করেন? রাস্তায় রাস্তায় ঘুরে বেড়ান? বিশ্বাস হয় না। তবে? কি জানি, বুঝতেও পারি না; ভাবতেও ভাল লাগে না।

আজ সকাল সকাল খাবার তৈরি করে চাফের জল চড়িয়ে রেখেছি—ঠাণ্ডা খাবার খেতে পারেন না, আবার খাবার দিতে দেরি হলেও বিরক্ত হন—কিন্তু বুঝে বুঝে আজই দেরি করছেন। জানি ত ঠুকে—মাথার টনক নড়ে। আজ আমি ঠিক পাঁচটার সময় গরম খাবার তৈরি করে রেখেছি কিনা—আজ বোধ হয় ছ-টার আগে বাড়ি ঢোকাই হবে না।

কিছু বলতেও ভয় করে—এমন মুখ ভারী করে থাকবেন, যেন কি ভয়ানক অশ্রদ্ধা কথাই বলেছি। কিছুটা বলবার জো নেই, অমনি পুরুষমানুষের পৌরুষে

বা লাগবে। মুখ এতখানি হয়ে উঠবে। ও বকম মুখ অঙ্ককার করে থাকার চেয়ে বকাও ভাল। কেন বকেন না? বকলেই পারেন, ওরকম মুখ বুজি শান্তি দেওয়া আমি সহিতে পারি না।

ছ-টা বাজল, এখনও দেখা নেই। খাবারগুলো জুড়িয়ে জল হয়ে গেল। কেন যে এত করে মরি, তাও জানি না। স্ত্রীকে কষ্ট দেওয়া, মনে দুঃখ দেওয়া ওদের স্বভাব। যাই, খাবারগুলো ফেলে দিয়ে আবার নতুন করে তৈরি করি গে। ও পাস্তাভাত খেতে পারবেন কেন।

না, আজ সত্যি বকব। কেন উনি এত দোর করবেন? আমার কি কেউ নই? সমস্ত দিন পরে বাড়ি আসবেন, তাও দু'ঘণ্টা দেরি করে? কেন, বাড়িতে বাঘ আছে না, ভালুক আছে? দিনান্তেও দেখতে ইচ্ছে করে না? আমার ত—, না পুরুষমানুষের সে সব বালাই নেই। সে শুধু এই পোড়া মেয়েমানুষের।

এই পাঁচ বছর হল বিয়ে হয়েছে, এক দিনের জন্তে কখনও বাপের বাড়ি গিয়ে ইচ্ছেও হয়নি। আর উনি? বোধ হয় আমি বাপের বাড়ি গেলেই খুশি হন। বেশ, তাই যাব। আমাকে যখন ভালই লাগে না তখন থেকেই কি আর না থেকেই কি?

ঐ যে আসা হচ্ছে! মুখ হাসি-হাসি। তা ত হবেই—কত ঘুরে ফিরে বোড়ি, চেড়িয়ে আসা হল—মুখ হাসি-হাসি হবে না। আমাকে দেখলেই আবার মুখ গম্ভীর হয়ে যাবে।

না, মনের ভাব প্রকাশ করব না, প্রকাশ করেই বা লাভ কি? আমার রাগ-অভিমান কে গ্রাহ্য করে? তার চেয়ে একখানা বই নিয়ে বসি—যেন কিছুই হয়নি।

উনি এসে বাড়ি ঢুকলেন। মুখে অস্থতাপ বা লজ্জার চিহ্নমাত্র নেই, ঘেন্না দেরি করে এসে তারি বাহাহুরি করেছেন। ঘড়ির দিকে তাকিয়ে দেখলুম, সওয়া ছটা। বই মুড়ে রেখে খুব ঠাণ্ডা ভাবেই জিজ্ঞাসা করলুম—“এলে?”

অমনি মুখ অঙ্ককার হয়ে গেল, যেন কে হুইচ্ টিপে বিছাতের আলো নিভিয়ে দিলে।

কি বলেছি আমি? ‘এলে’ বলাকেই এত দোষ হল? তা ছাড়া আর কি বলতুম? যদি বলতুম, ‘এত দেরি করে এলে কেন’ তা হলেই কি ভাল হত?

তা নয়—আমাকে দেখেই মুখ অমন হয়ে গেল। আমি বাড়িতে না থাকলেই বোধ হয় খুশি হতেন।

কিন্তু তাই বলে আমি ত চূপ করে থাকতে পারি না। তাড়াতাড়ি কাপড় দিয়ে খাবার আনতে গেলুম। খাবার ত যা হবার তাই হয়ে আছে, চায়ের জলও উছন নিতে ঠাণ্ডা হয়ে এসেছে। আমার যেমন কপাল, তেমনই ত হবে।

“তাই এনে মুখের সামনে ধরে দিলুম। চোখ ফেটে জল আসতে লাগল। কি করব? এখন ত আর নতুন তৈরি করে দেবারও সময় নেই। খাবার মুখে দিয়ে একপাশে সরিয়ে রেখে দিলেন। আমি কি করব—ওগো, আমি কি করব? কেন তুমি এত দেরি করে এলে? আমারই খালি দোষ?”

আচ্ছা, আমরাই দোষ, ঘাট হয়েছে। কিন্তু বক্ছ না কেন? অমন মুখ বুজে শাস্তি দেবার কি দরকার?

যাক, তবু চা-টা একেবারে ঠাণ্ডা হয়ে যায় নি। এবার অল্প কথা বলি, যাবু যদি মনটা অল্প দিকে যায়।

জিজ্ঞাসা করলুম—“আজ তোমার মাইনে পাবার দিন না?”

কথার জবাব দিলেন না, উঠে গিয়ে পকেট থেকে টাকা বার করে হাতে দেওয়া হল। যেন টাকার জগ্গেই আমি মরে যাচ্ছিলুম, আমি খালি টাকাই চিনি। এত অপমান করা! টাকাগুলো জানালা গলিয়ে দুর্ব করে ফেলে দিতে ইচ্ছে করছে। উঃ—আমার মরণও হয় না!

টাকা গুনে দেখলুম—পনেরো টাকা কম। এই এক ঘণ্টার মধ্যে পনেরো টাকা কি করলেন? হাতে টাকা এলে আর রক্ষে নেই, অমনি নয়-ছয় করবেন। না রাপু, আমি আর পারি না। হয় ত কতকগুলো বই কিনে বসে আছেন কিম্বা কোনও বন্ধুকে ধার দেওয়া হয়েছে! বন্ধুকে ধার দেওয়া মানেই—

বললুম,—“পনেরো টাকা কম যে?”

উত্তর হল,—“খরচ করেছি”।

আমি যেন তা জানি না। খরচনা করলে টাকাগুলো কি পকেট থেকে জানা মেলে উড়ে যাবে? মানে, কিসে খরচ করেছেন তা বলা হবে না।—সত্যিই ত, আমাকে বলতে যাবেন কেন? ওঁর নিজের টাকা নিজে খরচ করেছেন—আনাকে তার হিসেব দিলে যে অপমান হবে! আমি ত ওঁর কেউ নই—জানবার অধিকারও নেই।

বাই, টাকাগুলো ওপরে বন্ধ করে রেখে আস, নইলে এখনই হয় ত মনে করবেন—কি মনে করবেন উনিই জানেন। মনের মধ্যে গিঁট দেওয়া স্বভাব ত।

ফিবে এসে বললুম। তবু মুখে কথা নেই। আচ্ছা, চূপ করে দুজন মুখোমুখি কতক্ষণ বসে থাকা যায়? আমার ওপর বিরক্ত হয়েছেন বললেই ত পারেন। আর, কথা কইতে ইচ্ছে না হয়, তাও খুলে বললেই হয়। না বাপু, মিহিমিছি অমন মুখ ভার করে থাকা আমার ভাল লাগে না।

খবরের কাগজটা টেবলের ওপর রাখা রয়েছে—বোধ হয় ঐটে পড়বার জন্তেই মন ছুঁকছুঁক করছে। তা পড়লেই ত পারেন। হাত-পা গুটিয়ে বসে থাকবারই বা কি মরকার?

বললুম,—“খবরের কাগজ পড়বে?”

মুখখানা আরও অন্ধকার হয়ে উঠল। কিছুক্ষণ চূপ করে বসে থেকে উঠে পড়লেন—কাপড়-জামা পরতে লাগলেন। তার পর মুখ কালো করে বললেন,—“বেড়াতে যাচ্ছি।”

আবার কি অপরাধ করলুম?

বেশ, বেড়াতে যাচ্ছেন যান—আমার সজ এক মিনিটও ভাল লাগে না, সে ত আমি-জানি—কিন্তু এ দিকে যে বামুন ঠাকুরটা ছপুর্ থেকে জরে পড়েছে, কঁধু উনি এসে একফোঁটা ওষুধ দেবেন, এই পিত্যোশ করে রয়েছে। আর উনি ওষুধ না দিলে এ বাড়ির কারুর সারেও না অস্থখ। এখন কি করি? উনি ত আড্ডায় চললেন,—সেই সাড়ে ন-টার সময় ফেরা হবে। ততক্ষণ বামুনটা এক ফোঁটা ওষুধ পাবে না?

ভয়ে ভয়ে বললুম,—“বামুন ঠাকুরের আজ ছপুর্ থেকে জর—”

‘বুঝেছি’ বলে বেরিয়ে গেলেন।

• বুঝেছি মানে কি? বামুন ঠাকুরের জর হয়েছে, এতে বোঝাবুঝির কি আছে? সব কথাই যেন হৈয়ালি। পাঁচ বছর ঘর করছি—বয়সও কম হল না, কিন্তু মনের অন্ত পেলুম না। না—আমার আর ভাল লাগে না, ইচ্ছে করে কোথাও চলে যাই।

কিন্তু যাবার কি উপায় আছে? চিরদিন ঘরে বন্ধ থাকবার জন্তে জন্মেছি, শেষ পর্যন্ত ঘরেই বন্ধ থাকব। বাইরের সমস্ত পৃথিবী ঠুঁদের, ঘরটি খালি আমাদের! তা আমি ত ঘরের বার হতে চাই না, কিন্তু উনি কেন

একদণ্ড ঘরে থাকবেন না? উনি থাকলে ত আমার আর কিছু দরকার হয় না।

বেশ, যেখানে ইচ্ছে থাকুন, যেখানে ভাল লাগে থাকুন। আমি একলাটি মরু জঙ্গলে থাকলে ঠিক কি? পুরুষ মানুষ যে—পাথর দিয়ে তৈরী।

না, আর ভাবব না। বাই কাপড় ছেড়ে রান্না চড়াই গে। আচ্ছা, শাবাদিন একলাটি থাকি—একটু দয়াও হয় না?

সেই ন-টা বাজল, তবে ফিরলেন। এক মিনিট আগে হবার ঘো নেই। সেখানে যে প্রাণের বন্ধুরা আছেন।

এসেই খেতে বসলেন—কথাকথতি কিছু নেই। তবু দেখতে পাই, বাইরে থেকে ফিরলেই মুখখানা প্রফুল্ল হয়। হবেই তো। বাইরে কত মজা—কত বন্ধু, হবে না? আমার সঙ্গে হেসে কথা কইতেই মাথাঘর আকাশ ভেঙে পড়ে। বেশ, আমিও কথা কইব না, শুনতে যখন ভালবাসেন না, তখন কাজুকি।

পান নিতে নিতে প্রথম কথা কইলেন। বললেন—“উঃ! আজ কি গরম! রাত্রে ঘুম হ’লে হয়।”

এ কথার মানে আমি আর বুঝতে পারি না? গরম এমন কিছু নয়। আমি পাশে শুই বলেই ঘুম হয় না! বেশ, তাই সই। আমি না হয় আলাদাই শোব—তাতে কি? এক বিছানায় শুতে যখন কষ্ট হয়, তখন আমি মেঝেতেই শোব।

বললুম—“আমি না হয় মেঝের মাছুর পেতে শোব।”

না, তাও হবে না। আমার সঙ্গে একঘরে শুতেও কষ্ট হবে! বললেন, —“আমিই নিচে তক্তাপোশে শোব। তোমার কষ্ট করবার দরকার নেই।”

নিজের বিছানা পেতে শোওয়া হল। বেশ! বেশ!

আমার চোখের জল না দেখলে ঠিক যে প্রাণে শান্তি হয় না। একলা ঘরময় ঘুরে বেড়াই—আর কি করব! ঘুম ত চোখে আসবে না।

শোব? উনি নিচে তক্তাপোশে পড়ে রইলেন—আর আমি—

এগারোটা বাজল; এতক্ষণে বোধ হয় ঘুমিয়ে পড়েছেন। সারা দিন খেটে—

না, আমি পারব না—পারব না! কেন আমি দূরে দূরে থাকব? এই পাঁচ বছরের মধ্যে এক দিনও আলাদা শুয়েছি?...বাই, দেখি—

ঘুমিয়ে পড়েছেন। তক্তাপোশের বিছানা—একটা তোশকও নেই, শুধু

সতরঞ্চি আর চাদর। শক্ত কাঠ গায়ে ফুটছে, তবু ঘুমিয়ে পড়েছেন।
আচ্ছা, এ কেন? আমার ওপর রাগ করে নিজেকে শাস্তি দেওয়া—কি করতে?

পাশে শুতেই “আঁ, কে?”—বলে চমকে উঠলেন। তারপর উত্তার ঘোরেই ছুড়িয়ে ধরে বললেন, “মীনা।”

এই ত রাগের বহর—ঘুমলেই ভুলে যান।

আমি বললুম,—“চল, ঘরে শোবে চল।”

• এইবার ভাল করে ঘুম ভাঙল, বললেন,—“না, আজ এইখানেই শুই এস। আর ওপরে উঠতে পারি না।”

সেই ভাল।

কিন্তু একটি বৈ মাথার বালিস যে নেই? তা—

আমার কিছু কষ্ট হবে না।

কুতুব-শীর্ষে

দুইজনে লুকাইয়া ষড়যন্ত্র করিয়াছিলাম যে সন্ধ্যার সময় কুতুব-মিনারের ডগায় উঠিয়া নিরালায় দেখা-সাক্ষাৎ করিব। প্রণয়ী-যুগলের নিভৃত মিলনের পক্ষে এমন উচ্চস্থান আর কোথায় আছে? এখান হইতে নিচের দিকে তাকাইলে মানুষগুলোকে পিপীলিকার মত ক্ষুদ্র ও অকিঞ্চিৎকর দেখায়।

তাঁ ছাড়া, অত্র একটা কারণও ছিল। কুমারী বিদ্যোত্মরীর অর্থাৎ আমার বিন্দুর পিতা মহামহোপাধ্যায় জটায়ুর শাস্ত্রী মহাশয় আমাকে পছন্দ করিতেন না। বিন্দুর সহিত বিন্দুর পূজাপাদ পিতার এই মতভেদের কারণ—আমি নাকি পরিপূর্ণভাবে সাহেব বনিয়া গিয়াছি; মনুষ্যত্ব এবং আরও কয়েকটা স্বত্বস্ব আম্মার একেবারেই লোপ পাইয়াছে। তাই আমাকে বিন্দুর সান্নিধ্যে দেবিলেই মহামহোপাধ্যায় মহাশয়ের স্তূর্যাপোকার মত ভ্রূয়ল কপালের উপর কিলবিল করিয়া উঠিত। এবং তিনি গলার মধ্যে অক্ষুটস্বরে যে-সকল শব্দ উচ্চারণ করিতেন তাহা দেবভাষা হইলেও সম্পূর্ণ প্রসাদগুণবজ্জিত বলিয়াই আমার সন্দেহ হইত। শাস্ত্রী মহাশয় গোঁড়া হিন্দু, স্তূতরাং জবরদস্ত লোক—সম্প্রতি একটা প্রকাণ্ড কলেজের প্রধান সংস্কৃত-অধ্যাপকের পদ হইতে অবসর লইয়া একান্তমনে কেবল কন্যাকে আগলাইতেছেন।

বিন্দুর বয়স আঠারো বৎসর; গৌড়া হিন্দু শাস্ত্রী মহাশয় ইহা কিরূপে সম্বন্ধ কবিতেন, প্রশ্ন উঠিতে পারে। ইহার সহজ উত্তর আছে—ফলিত জ্যোতিষ মতে উনিশ বছর বয়সে বিন্দুর একটি প্রচণ্ড কাঁড়া আছে, সেই কাঁড়া উত্তীর্ণ না হওয়া পর্যন্ত জটায়র শাস্ত্রী কন্যার বিবাহ দিবেন না। তিনি কেবল তাহাকে হবিষ্য আহার করাইয়া বেদান্ত পড়াইতেছেন।

গতিক বুঝিয়া আমরা লুকাইয়া দেখা-শুনা আরম্ভ করিয়াছিলাম—কিন্তু তাহা এতই ক্ষণস্থায়ী যে তৃপ্তি হইত না। শেষে বিন্দুই এই মতলবটি বাহির করিয়াছিল। হবিষ্য ও বেদান্তের দ্বারা বুদ্ধি সম্ভবতঃ জড়িত হয়; কুতুব মিনারের শীর্ষে দেখা করিবার চাতুরী তাহার মস্তিষ্কেই উৎপন্ন হয়। ইহার পরম সুবিধা এই যে, জটায়র শাস্ত্রী কন্যাকে লইয়া সাক্ষ্য ভ্রমণ উপলক্ষে কুতুব মিনারের মূল পর্যন্ত পৌঁছিবেন; কিন্তু তিনি বিপুলস্বায় ও স্তম্ভ—কুতুব মিনারের ডগায় ওঠা তাহার কর্ম নয়; কন্যাটি তদ্বী ও নবমোষনা—সে পিতাকে নিচে ফেলিয়া ক্রীড়াচ্ছলে হাসিতে হাসিতে, চক্রায়িত সোপানশ্রেণী বাহিয়া উপরে উঠিয়া যাইবে। আর আমি পূর্ব হইতেই উপরে অপেক্ষা করিয়া থাকিব—

কৌশলটা বুঝিতে পারিয়াছেন?

কিন্তু এ কৌশলটাই এই কাহিনীর চরম প্রতিপাত্ত নয়—মুগ্ধবদ্ধ মাত্র। কুতুব শীর্ষে যাহা ঘটয়াছিল (রোমাঞ্চকর কিছু নয়; পাঠকপাঠিকা অথবা উৎসাহিত হইয়া উঠিবেন না) তাহাই সংক্ষেপে বর্ণনা করা আমার উদ্দেশ্য। অবশ্য ঘটনার অকুস্থল যে দিল্লী নগরীর উপকণ্ঠস্থিত স্বনামখ্যাত স্তম্ভ তাহা বোধ করি এতক্ষণে অনেকেই বুঝিতে পারিয়াছেন।

ষথাকালে দুই পকেটে নানাবিধ বিজ্ঞাতীয় মিষ্টান্ন ভরিয়া লইয়া কুতুব-শীর্ষে আরোহণ করিলাম। একটু আগে আগে আসাই সমীচীন; ভাবী শতবর্ষমহাশয়ের সহিত মুখোমুখি দেখা হওয়াটা বাঞ্ছনীয় নয়।

উপরে উঠিয়া কিন্তু দেখিলাম, আমারও আগে আর একজন এখানে আসিয়া হাজির হইয়াছে! অপরিচিত একজন ছোকরা সাহেব। আমাকে দেখিয়া সে ভ্রুকুঞ্চিত করিয়া মুখ ফিরাইয়া রহিল।

ছোকরা আমারই সমবয়স্ক হইবে। সাধারণত ইংরেজদের চেহারা যেমন হয়—নাক মুখ ভাল নয়, অথচ বেশ বলিষ্ঠ সুপুরুষ। অগ্ৰ সময় হইলে অবিলম্বে তাহার সহিত আলাপ জমাইয়া ফেলিতাম; কিন্তু এ সময়ে

তাহাকে দেখিয়া মনটা খিঁচড়াইয়া গেল। তুমি বাপু কিজন্য এখানে আসিয়া উঠিলে? ভারতবাসীর মুখে বিস্ময় করা ছাড়া আর কি তোমাদের জন্য কাজ নাই?

অন্ধকারের মাঝখানে গোলাকৃতি চন্দ্র, কোমর পর্যন্ত পাঁচিল দিয়া ঘেরা— যেন প্রণয়-পাখীর নিভৃত একটি নীড়। এখানে এই বস্তুতাত্ত্বিক ইংরেজ পাখও কী করিতেছে? বিন্দুর জন্ত যে চকোলেট আনিয়াছিলাম, বিমর্ষভাবে তাহাই কয়েকটা খাইয়া ফেলিলাম। লোকটা চলিয়াও ত যায় না! একটু বুদ্ধি থাকিলে আমার অবস্থা বুঝিয়া নিজেই ভদ্রভাবে নামিয়া যাইত। কিন্তু কেবল বাঁড়ের ডালনা খাইলে বুদ্ধি আসিবে কোথা হইতে?

লক্ষ্য করিলাম, সে ঘাড় ফিরাইয়া মাঝে মাঝে দেখিতেছে আমি চলিয়া গিয়াছি কি না। বোধ হয় কালা আদমি কাছে থাকার জন্ত সাহেবের কষ্ট হইতেছে। উঃ! এই পাপেই ত আর্ধাবর্ত ইহাদের হাত হইতে যাইতে বসিয়াছে।

কিন্তু আমি যে রাখ করিয়া নামিয়া যাইব তাহারও উপায় নাই—বিন্দু আসিবে। নিচে—স্তম্ভের কটি বেটন করিয়া আরও কয়েকটি রেলিং ঘেরা ব্যাল্কনি আছে বটে, কিন্তু সেখানে বিন্দুর সহিত একত্র দৃষ্ট হওয়ার সম্ভাবনা বড় বেশি। শাস্ত্রী মহাশয় চক্ষুতে নিয়মিত সর্পণ তৈল প্রয়োগ করিয়া দৃষ্টির তীক্ষ্ণতা অনাবশ্যক বজায় রাখিয়াছেন।

সিঁড়ির উপর দ্রুত লঘু পায়ের শব্দ! পরক্ষণেই কোঁতুক-হাসি-ভরা মুখ। তারঙ্গরই বিন্দুর হাসি মিলাইয়া গেল। সে থমকিয়া সাহেবের দিকে কটাক্ষপাত করিয়া বলিল, “এ আবার কে?”

বলিলাম, “একটা নৃশংস ইংরেজ। ইচ্ছে হচ্ছে এখান থেকে সটান রেলিং ডিঙিয়ে ওকে তোমার বাবার কাছে পাঠিয়ে দিই।”

বিমর্ষভাবে বিন্দু আমার পাশে আসিয়া দাঁড়াইল। দুইজনে স্তম্ভের পানে তাকাইয়া দাঁড়াইয়া আছি। পকেট হইতে সমস্ত টকী, চকোলেট ও ক্যারামেল বাহির করিয়া বিন্দুকে দিলাম। তাহার মুখে হাসি ফুটিল বটে, কিন্তু স্ত্রিয়মাণ হাসি। স্কন্ধ মুখে সে টকী চিবাইতে লাগিল।

আমি বলিলাম, “আজকের দিনটাই বুধা গেল।”

বিন্দু বলিল, “বাবাকে এদিকে আনতে যে কত কষ্ট পেতে হয়েছে!—”

বুঝিতে পারিলাম, পিতৃদেবতাকে কুতুব মিনারের সন্নিকটে আনিতে রাজি করা বিন্দুর পক্ষে সহজ হয় নাই। এত আয়োজন, এত কৌশল—সব ব্যর্থ! আমি কটমট করিয়া সাহেবের দিকে তাকাইলাম।

এই সময় সাহেব একবার ঘাড় বাঁকাইয়া আমাদের দিকে চাহিয়াই আবার মুখ ফিরাইয়া লইল। বিন্দু এতক্ষণ তাহার মুখ দেখে নাই, এখন ফিস্‌ফিস্‌ করিয়া বলিল, “লোকটাকে কোথায় ঘেন দেখেছি। মনে পড়েছে—এই ছোড়াই ফ্যানির পেছনে পেছনে ঘুরে বেড়ায়।”

জিজ্ঞাসা করিলাম, “ফ্যানি কে?”

“আমাদের বাগানের পাঁচিলের ওপারে একজন ফোজী সাহেব থাকে দেখনি? ফ্যানি তারই মেয়ে। এর সঙ্গে তার—”

“তা এখানে কেন? ফ্যানির কাছে গেলেই ত পারে।”

ফ্যানির কাছে কেন যাইতেছে না এই সমস্যা লইয়া কিছুক্ষণ তিক্ত মনে গবেষণা করিলাম।—ফ্যানি সম্ভবত উহাকে তাড়াইয়া দিয়াছে। ঠিকই কল্পিয়াছে—

বিন্দু নিচের দিকে একবার উঁকি মারিয়া হতাশ স্বরে বলিল, “বাবা ওপর দিকে চেয়ে আছেন; এবার নেমে যেতে হবে, নয় ত সন্দেহ করবেন—”

বিন্দুর হাত চাপিয়া ধরিয়া বলিলাম, “বিন্দু—”

“আঃ—ও কি করছ! এখন দেখতে পাবে লোকটা।”

মরীয়া হইয়া বলিলাম, “দেখুক গে। কোথাকার একটা বেআক্কেলে সায়েব রয়েছে বলে আতঙ্কিত প্রাণ খুলে কথা কহিতে পাব না! রইল ত রয়েছেই গেল। আমাদের কথা ত আর বুঝতে পারবে না।”

“না না—আজ না—সব মাটি হয়ে গেল। আমি যাই।” বিন্দু ছলছলে চোখে তাহার আশাহত হৃদয়টিকে আমার দৃষ্টির সম্মুখে মেলিয়া ধরিল।

“মুখপোড়া ডাক্তার!”—সাহেবটির দিকে বারি-বিদ্যুৎ-ভরা একটা কটাক্ষ নিক্ষেপ করিয়া বিন্দু নাসিলা গেল। আমি বজ্রগর্ভ অন্তর লইয়া দাঁড়াইয়া রহিলাম।

ক্রমে দেখিতে পাইলাম, বহদুর নিয়ে বিন্দু ও তাহার পিতাকে লইয়া মোটর চলিয়া গেল। তখন আমিও শেষবার সাহেবকে রোষকটাক্ষে ভস্মীভূত করিবার ব্যর্থ চেষ্টা করিয়া নানিবার উপক্রম করিলাম। সিঁড়ির মুখ পর্যন্ত গিয়াছি—

“মশায়, শুভ্রন—”

পশ্চাতে শূলবিদ্ধবৎ কিরিলাম।

সাহেব হাতগোড় করিয়া সলজ্জ অতিমুখে দাঁড়াইয়া আছে; পরিষ্কার বাংলায় বলিল, “আমাকে মাপ করতে হবে।”

কিছুক্ষণ হতভম্ব থাকিয়া বলিলাম, “কি ভয়ানক! অর্থাৎ—আপনি বাংলা বলছেন যে! মানে—তবে কি আপনি ইংরেজ নয়?” বিন্দুর সহিত সায়েব সম্বন্ধে কি কি কথা হইয়াছিল স্মরণ করিবার চেষ্টা করিলাম।

সাহেব বলিল, “ইংরেজ বটে, কিন্তু বাংলা জানি।—পাঁচ বছর বয়স থেকে শান্তিনিকেতনে পড়েছি।...কিন্তু সে যাক। আপনারা নিশ্চয় ভেবেছেন আমি একটা অসভ্য বর্বর, কিন্তু মাইরি বলছি—আমার চলে যাবার উপায় ছিল না।” বলিয়া সায়েব সলজ্জ মাথা নিচু করিল।

বিস্মিতভাবে বলিলাম, “ব্যাপার কি?”

“আমিও—” সাহেব হঠাৎ হাসিয়া ফেলিল, —“আপনার উনি—অর্থাৎ যে মহিলাটি এসেছিলেন তিনি ঠিক ধরেছেন—ফ্যানির সঙ্গে আমার—”

“এইখানে দেখা করবার কথা ছিল?”

“হ্যাঁ।—আমি তার জগ্নেই অপেক্ষা করছিলুম।”

ইচ্ছা হইল জিজ্ঞাসা করি ফ্যানি বেনাস্ত এবং হবিগ্য়ানের তত্ত্ব কি না। কিন্তু বলিলাম, “আপনাদের এত দূরে আসার কি দরকার? বাড়িতেই তো—”

স্কন্ধভাবে মাথা নাড়িয়া সায়েব বলিল, “আপনি ফ্যানির বাবাকে জানেন না—একটি আন্ত কাট-গোয়ার। একেবারে পাকা সায়েব। তাঁর বিশ্বাস আমি একেবারে নেটিভ হিন্দু হয়ে গেছি, ফ্যানিকে আমার সঙ্গে মিশতে দিতে চান না। তাই আমরা লুকিয়ে লুকিয়ে—”

মহানন্দে সায়েবের দিকে হাত বাড়াইয়া দিয়া বলিলাম, “বন্ধু, এমো শেক্‌হাও করি। আর যদি দেশী মতে কোলাকুলি করতে চাও, তাতেও আপত্তি নেই।”

কোলাকুলি শেষ হইলে সায়েব বলিল, “কেন যে ফ্যানি এলো না—হয়ত বুড়োটা...”

এমন সময় সিঁড়িতে ক্ষত লঘু জুতার খুটখুট শব্দ! পরক্ষণেই একটি তরুণী ইংরেজ মেয়ে ছুটিয়া আসিয়া প্রায় সায়েবের বকের উপর কাঁপাইয়া পড়িল, “ও জিমি, অ্যাম্ আই ভেরি লেট? বাই ড্যাডি—ওঃ!”

আমাকে দেখিয়া মেয়েটির মুখের হাসি নিবিয়া গেল ; জিমির বুকের নিকট হইতে ইক্ষিথানেক সরিয়া খাটো গলায় বলিল, “হোয়াট্‌স্‌ হি ডুয়িং হিয়ার ?”

জিমি অপ্রস্তুতভাবে আমার খানে চাহিয়া হাসিল। আমি বলিলাম, “জিমি, চললুম ভাই, আর থাকছি না—তোমাদের মিলন মধুময় হোক।”

কুতূবশীর্ষ হইতে ধীরে ধীরে নামিয়া গেলাম।

ঝি

বংশে সাত পুরুষে কেহ চাকরি করে নাই ; তাই প্রথম চাকরি পাইয়া ভয় হইয়াছিল, না জানি কত লাঞ্ছনা-গ্লান্নাই ভাগ্যে আছে।

মার্কেট আফিসে কেরানির চাকরি। ঝাঁহার চেম্বার^১ও সুপারিশে চাকরি পাইয়াছিলাম তিনি আফিসের বড়বাবু, আমার পিতৃবন্ধু—নাম গণপতি সরকার। ডেলুকি-টেলুকি দেখাইতে পারিতেন কি না বলিতে পারি না, কিন্তু তাঁহার চেম্বার সহজেই চাকরি জুটিয়াছিল। এমন কি আমাকে কর্তৃপক্ষের সহিত দেখা-সাক্ষাৎ করিতে হয় নাই।

গণপতিবাবুর চেহারাটি ছিল তাঁহার পাকানো উড়ানি চাদরের মতই ধোপহরস্ত এবং শীর্ণ নমনীয়ভায়-বন্ধিম ; তাঁহাকে নিংড়াইলে এক বিন্দু রস বাহির হইবে এমন সন্দেহ কাহারও হইত না। ক্রমশ জানিতে পারিয়া-ছিলাম তিনি বিলক্ষণ রসিক লোক, কিন্তু তাঁহার সরসতা ছিঁচকে চোরের মত এমন অলক্ষ্যে যাতায়াত করিত যে সহসা ধরা পড়িত না।

তাঁহার একটি মূত্রাদোষ ছিল, কথা বলিবার পর তিনি মাঝে মাঝে মুখের বামভাগে একপ্রকার ভঙ্গী করিতেন ; তাহাতে তাঁহার অধরোষ্ঠের প্রান্ত হইতে চোখের কোণ পর্যন্ত গালের উপর একটি অর্ধচন্দ্রাকৃতি খাঁজ পড়িয়া যাইত। এই ভঙ্গীটাকে হাসিও বলা যায় না, মুখ-বিকৃতি বলিলেও ঠিক হয় না—

যেদিন প্রথম আফিস করিতে গেলাম, গণপতিবাবু আমার সাজপোশাক পর্যবেক্ষণ করিয়া বলিলেন, “আর সব ঠিক আছে, কিন্তু লপেটা চলবে না ; কাল থেকে শু পরে আসবে। চলো, তোমাকে বড় সাহেবের সঙ্গে দেখা করিয়ে

আমি। সাহেবের সামনে বেশি কথা কইবে না; তিনি যদি রসিকতা করেন, বিনীতভাবে মুচকি হাসবে।”

বলিয়া তিনি গালের ভঙ্গী করিলেন।

বেশ ভয়ে ভয়েই সাহেবের সম্মুখীন হইলাম। তাঁহার খাস কামরায় প্রবেশ করিয়া কিন্তু একেবারে অবাক হইয়া গেলাম। সায়েব মোটেই নয়— ঘোরতর কাল। আদমি। চণ্ডীর মহিষাসুরকে জলজ্যাস্ত নবমূর্তিতে কল্পনা করিলে ইহার চেহারাখানা অনেকটা আন্দাজ করা যায়; বেঁটে, মোটা, গজকন্ড, চক্ষু দুটি কুঁচের মত লাল, তাহার উপর বিলাতী পোশাক পরিয়া অপূর্ব খোলতাই হইয়াছে। বয়স অনুমান করা কঠিন, তবে চল্লিশের নিচেই। প্রকাণ্ড টেবিলের সম্মুখে বসিয়া একমুখ পান চিবাইতেছেন এবং দেশলাইএর কাটি দিয়া দাঁত খুঁটিতেছেন।

পরে জানিতে পারিয়াছিলাম মিস্টার ঘনশ্রাম বোষ একজন অতি তুখড় ও কর্মনিপুণ ব্যবসায়ী, বছরে বার দুই বিলাত যান; সেখানে কোম্পানির বিলাতী কর্তৃপক্ষ তাঁহার কথায় গুঠে বসে। বস্তুত, বিলাতী সওদাগরী আফিসে একজন বাড়লীর এমন অখণ্ড প্রতাপ আর কখনও দেখা যায় নাই।

আমার সহিত প্রথম সাক্ষাতেই এমন ব্যবহার করিলেন যে একেবারে মুগ্ধ হইয়া গেলাম। ভয় ত দূর হইলই, ইনি যে একজন অত্যন্ত কদাকার ব্যক্তি একথাও আর মনে রহিল না! কথার অমায়িকতায় মুহূর্ত মধ্যে আমাকে বশীভূত করিয়া ফেলিলেন।

“এই যে বড়বাবু, এটি বৃথি আপনার নতুন অ্যাসিস্ট্যান্ট? বেশ বেশ!... দাঁড়িয়ে রইলে কেন হে?—ব’সো।.. বড়বাবু, আপনি আপনার কাজে যান না... বিয়ে করেছ? বেশ বেশ, আরে, তোমাদেরই ত বয়েস। এখন চাকরি হল, আর কি! মন লাগিয়ে কাজ করবে—বাস, দেখতে দেখতে উন্নতি; আমার অফিসে কাজের লোক পড়ে থাকে না...নাও, পান খাও...আরে, লজ্জা কিসের? তোমরা হলে ইয়ং ল্যাড, নতুন বিয়ে করেছ, পান খাও তা কি আর আমি জানি না? আমার অফিসে ডিসিনিপনের অত কড়াকড়ি নেই... নাও নাও—হে হে হে...”

তারপর সুখস্বপ্নের মত দিনগুলি কাটিতে লাগিল। চাকরি যে এত মধুর তাহা কোনদিন কল্পনা করি নাই। কাজকর্ম এমন কিছু নয়, একজন সুধারণ বুদ্ধিসম্পন্ন লোক দুঘণ্টার মধ্যে সমস্ত দিনের কাজ শেষ করিয়া

ফালতে পারে। তারপর অথও অবসর, সমবয়স্ক সহকর্মীদের সঙ্গে গল্প-গুজব, বানান্দার গিফা সিগারেট টানা। কর্তা প্রায়ই ডাকিয়া পাঠান, তাঁহার সামনে চেয়ারে গিফা বসি, তিনি পান দেন, বাই; কখনও বাড়ি হইতে ভাল পান সাঝাইয়া লইয়া গিফা তাঁহাকে দিই। তিনি খুশি হইয়া খুব রক্ততামাসা করেন; কখনও বা রাত্রির কথা জিজ্ঞাসা করেন। তাঁহার হাসি-তামাসা একটু আদিরস-ঘেঁষা হইলেও, ভারি উপদেষ্টা। বস্তুত, তিনি যে অদ্ভুত নিরহংকার অমায়িক প্রকৃতির মানুষ এ বিষয়ে কোনও সন্দেহ রহিল না।

গণপতিবাবু কিন্তু মাঝে মাঝে আমাকে সতর্ক করিয়া দিতেন, “ওহে বাবাজি, একটু সামলে চ’লো। কর্তা তোমাকে ভাল নজরে দেখেছেন খুবই আনন্দের কথা, কিন্তু যতটা রয়-সয় ততটাই ভাল। আঙ্কারা পেয়ে যেন বাড়াবাড়ি করে ফেলো না—নিজের পোজিশন বুকে চ’লো। কর্তা লোক ধারাপ নয়, কিন্তু কথায় বলে—বড় পিরিতি বালির বাধ...”

লক্ষ্য করিয়াছিলাম, তিনি কর্তার সহিত প্রভু-ভৃত্যের সম্বন্ধ একেবারে খাটি রাখিয়াছিলেন। কর্তা তাঁহার সহিতও হাস্য-পরিহাস করিতেন, কিন্তু তিনি বিনীত ভাবে মুচ্‌কি মুচ্‌কি হাসি ছাড়া আর কোন উত্তরই দিতেন না।

মাস তিনেক কাটিবার পর একদিন দুপুরবেলা অবকাশের সময় কর্তার ঘরে গিয়াছি; ঘরে পা দিয়াই কেমন ধেন অস্বস্তি বোধ করিলাম। কর্তা নিজের চেয়ারে ঘাড় গুঁজিয়া বসিয়া ছিলেন, আমার সাড়া পাইয়া চোখ তুলিলেন। তাঁহার চোখ দেখিয়া থমকিয়া গেলাম। জবাফুলের মত লাল চোখে আমাকে কিছুক্ষণ নিরীক্ষণ করিয়া কর্কশকণ্ঠে বলিয়া উঠিলেন, “কি চাপ ? এ ঘরে তোমার কি দরকার ?”

তাঁহার এ-রকম কঠোর কখনও শুনি নাই, খতমত খাইয়া গেলাম, “আজ্ঞে—আমি...”

তিনি লাকাইয়া উঠিয়া গর্জন করিলেন, “পান চিবুতে চিবুতে পাঞ্জাবি উড়িয়ে আফিস করতে এসেছ ছোকরা ? এটা তোমার শস্তরবাড়ি পেয়েছ বটে ! গায়ে হুঁ দিয়ে ইয়াকি মেরে বেড়াবার জন্তে আমি তোমাকে মাইনে দিই ? যাও, টুলে বসে কাজ করোপে। তোমার মত পুঁচকে কেয়ানি খবর

না দিয়ে আমার ঘরে ঢোকে কোন্ সাহসে ? ফের যদি এ-রকম বেচারা দেখি, দূর করে দেব...”

হোট্ট খাইতে খাইতে ঘর হইতে বাহির হইয়া আসিলাম।—এ কি হইল ?

নিঃসঙ্গে নিজের জায়গায় গিয়া বসিলাম। অভিকৃতের মত আধ ঘণ্টা কাটিয়া গেল।

আমি নূতন লোক, তাই বড়বাবুর পাশেই আমার আসন। চোখ তুলিয়া দেখিলাম তিনি গভীর মনঃসংযোগে খসখস করিয়া লিখিয়া চলিয়াছেন, আর সকলে নিজ নিজ কাজে মগ্ন, কেহ মাথা তুলিতেছে না। আমি কাদো-কাদো হইয়া বলিয়া উঠিলাম, “কি হয়েছে, কাকাবাবু ?”

তিনি লেখা হইতে চোখ না তুলিয়াই চাপা গলায় বলিলেন, “কাজ কুরো—কাজ করো...”

সেদিন সন্ধ্যার পর গণপতিবাবুর বাসায় গেলাম। তত্ত্বপোশের উপর বসিয়া তিনি তামাক খাইতেছিলেন, সদয়কণ্ঠে বলিলেন, “এসো বাবাজি।”

কিছুক্ষণ চুপ করিয়া বসিয়া রহিলাম ; লজ্জায় ধিকারে মুখ দিয়া কথা বাহির হইল না। শেষে অতি কষ্টে বলিলাম, “কি হয়েছে আমায় বলুন ! আমার কি কোন দোষ হয়েছে ?”

তিনি বলিলেন, “না—তোমার আর দোষ কি ? তবে বৈলিছিলুম, বড়র পিঙ্গলিতি বালির বাধ...”

“এর মধ্যে কোনও কথা আছে। আপনি আমাকে সব খুলে বলুন, কাকাবাবু।”

তিনি কিছুক্ষণ একমনে ধূমপান করিলেন।

“খুলে বলবার মত কথা নয়, বাবাজি।”

“না, আপনাকে বলতে হবে। কেন উনি আজ আমার সঙ্গে এমন ব্যবহার করলেন ?”

তিনি দীর্ঘকাল নীরব হইয়া বসিয়া রহিলেন ; কেবল তাঁহার গালে মাঝে মাঝে ঝাঁজ পড়িতে লাগিল।

“বলুন, কাকাবাবু !”

“কুমি ছেলের মতন, তোমার কাছে বলতে সংকোচ হয়। আসল কথা

—ঝি !” বলিয়াই তিনি চুপ করিলেন ; তাঁহার গালে একটা বড় রকম খাঁজ পড়িল ।

কিন্তু—ঝি ! কথাটা ঠিক শুনিয়াছি কি না বুঝিতে পারিলাম না । জিজ্ঞাসা করিলাম, “কি বললেন—ঝি ?”

গণপতিবাবু উর্ধ্বদিকে তাকাইয়া বলিলেন, “হ্যাঁ, কদিন থেকে বড় সায়েবের মন ভাল যাচ্ছে না...আয়া জানো—আয়া ? যে-সব ঝি সায়েবদের ছেলে মানুষ করে ? আমাদের বড় সাহেবের ছেলের আয়া ইশ্তাখানেক হল চাকরি ছেড়ে দিয়ে চলে গেছে ।”

মাথা গুলাইয়া গেল ; গণপতিবাবু এ সব আবোলতাবোল কি বলিতেছেন ? বুদ্ধিভট্টের মত বলিলাম, “কিন্তু—কিন্তু কিছু বুঝতে পারছি না ।”

গণপতিবাবু তখন বুঝাইয়া দিলেন । স্পষ্ট কথায় অবশ্য কিছুই বলিলেন না, কিন্তু ভাবে-ভঙ্গীতে, অর্থপূর্ণ ক্র-বিলাসে, সময়োচিত নীরবতায় এবং গালের বিচিত্র ভঙ্গীদ্বারা সমস্তই ব্যক্ত করিয়া দিলেন । সংক্ষেপে ব্যাপার এই—আমাদের বড়সাহেব বছর তিনেক আগে বিপত্তীক হন ; তাঁহার পত্নী একটি পুত্র প্রসব করিয়া স্মৃতিকাগৃহেই মারা যান । তারপর হইতে শিশুকে লালনপালন করিবার জন্ত ঝি—অর্থাৎ আয়া রাখা হয় । সেই ব্যবস্থাই এখন পর্যন্ত চলিয়া আসিতেছে । ঘনশ্যামবাবু অত্যন্ত যত্নসহকারে ঝি নির্বাচন করিয়া থাকেন । কিন্তু কোনও কারণে ঝি মনের মত না হইলে, কিংবা ছাড়িয়া গেলে সাহেবের মেজাজ অত্যন্ত খারাপ হইয়া যায়, এমন কি তাঁহার স্বভাবই একেবারে বদলাইয়া যায় । গত কয়েক মাস একটি ক্রিস্চান যুবতী কাজ করিতেছিল, কিন্তু সে হঠাৎ বিবাহ করিবার অজুহাতে কাজ ছাড়িয়া চলিয়া গিয়াছে ; অথচ মনের মতন নূতন ঝি পাওয়া যাইতেছে না । তাই এই অনর্থ ।

থ হইয়া বলিয়া রহিলাম । এও কি সম্ভব ! এই কারণে মানুষের চরিত্রে এমন পরিবর্তন ঘটিতে পারে ? কিন্তু গণপতিবাবু ত গুল মারিবার লোক নহেন । তবু এক সংশয় মনে জাগিতে লাগিল ।

বলিলাম, “কিন্তু উনি আবার বিয়ে করেন না কেন ?”

এ প্রশ্নের সূক্ষ্মর গণপতিবাবু দিলেন ।—ঘনশ্যামবাবুর স্বস্তর অঙ্গাপি জীবিত ; তিনি পশ্চিমবঙ্গের একজন প্রকাণ্ড জমিদার । তাঁহার সম্ভানসম্পত্তি কেহ জীবিত নাই, এই দৌহিত্রই—অর্থাৎ ঘনশ্যামবাবুর পুত্রই—তাঁহার

উত্তরাধিকারী। কিন্তু শশুরমহাশয় জানাইয়া দিয়াছেন যে, জামাতা বাবাজি যদি পুনরায় বিবাহ করেন তাহা হইলে তিনি তাঁহার সম্পত্তি দেবোত্তর করিয়া এক দুঃসম্পর্কের ভাগিনেয়কে সেবায়েৎ নিযুক্ত করিবেন।

সমস্তই পরিষ্কার হইয়া গেল। তবু একটা গোলচোখো রুদ্ধহাস বিষয় মনকে আবিষ্ট করিয়া রাখিল। এমন সব ব্যাপার যে দুনিয়ায় ঘটিয়া থাকে তাহার অভিজ্ঞতা তখন একেবারেই ছিল না।

তারপর পাঁচ ছয় দিন কাটিল। আফিসে যতক্ষণ থাকি, কাঁটা হইয়া থাকি; কি জানি কখন আবার মাথার উপর হুড়মুড় শব্দে আকাশ ভাঙিয়া পড়িবে। ইতিমধ্যে দু-তিন জন সহকর্মীর সামান্য ক্রটির জন্য অশেষ লাঞ্ছনা হইয়া গিয়াছে। চাকরি যে কী বস্তু তাহা হাড়ে হাড়ে বুঝিতে আরম্ভ করিয়াছি।

সেদিন আফিসে গিয়া সবেমাত্র নিজের আসনে বসিয়াছি, আদালি আসিয়া খবর দিল বড়সাহেব তলব করিয়াছেন। প্রীহা চমকাইয়া উঠিল। এই রে, না জানি কোথায় কি ভুল করিয়া বসিয়াছি, আজ আর রক্ষা নাই!

ফাঁসির আসামির মত কর্তার ঘরে গিয়ে ঢুকিলাম। তিনি নিজের চেয়ারে বসিয়া হেঁটমুখে দেওয়াজ হইতে কি একটা বাহির করিতেছিলেন, মুখ না তুলিয়াই প্রফুল্লকণ্ঠে বলিয়া উঠিলেন, “এই যে শৈলেন, লক্ষ্মী থেকে ভাল জর্দা আনিয়াছি—দেখ দেখি থেয়ে; মুক্তো-ভস্ম মেশানো জর্দা হে—বড় গরম জ্বিনিস!—হে হে হে...”

দেড় ঘণ্টা ধরিয়া এই ভাবে চলিল—ঘেন এ মাহুষ সে মাহুষ নয়। ইনি যে কম্বারও সহিত রুচ ব্যবহার করিতে পারেন তাহা কল্পনা করাও কঠিন। কোথায় সে ক্ষুধিত ব্যাঘ্রের মত হিংস্র দৃষ্টি, কোথায় সে কর্কশ দুঃসহ গলার আওয়াজ! তিনি আবার আমাকে তাঁহার সহনশীলতার প্রবল প্রাবনে ভাসাইয়া লইয়া গেলেন। তিনি মন্দ লোক একথা আর কিছুতেই ভাবিতে পারিলাম না।

ফিরিয়া আসিয়া নিজের আসনে বসিতে বসিতে উত্তেজনা-সংহত কণ্ঠে বলিলাম, “কাকাবাবু, ব্যাপার কি?”

গণপতিবাবুর কলমে একগাছি চুল জুড়াইয়া গিয়াছিল, সেটিকে নিব্ হইতে সস্তর্পণে মুক্ত করিয়া তিনি অবিচলিতভাবে আবার লিখিতে আরম্ভ করিলেন, আমার দিকে মুখ না ফিরাইয়াই ঘষা গলায় বলিলেন, “ঝি পাওয়া গেছে।”

বলিয়া গালের ভক্স করিলেন।

টুথ-ব্রাশ

প্রসঙ্গটি বৈষয়িক। অপিচ মনস্তত্ত্ব-ঘোণতত্ত্বের সঙ্গেও ইহার কিকিছু সম্বন্ধ আছে।

রসশাস্ত্র বিষয়বুদ্ধিকে অবজ্ঞা করিয়া থাকে। সুতরাং মাহুঘের মৌলিক মূল্য লইয়া দর-কষাকষি রসের হাটে চলিবে কি না তাহাতে সন্দেহ আছে। 'হিউম্যান' ত্যালুস' কথাটা শুধু বিদেশী নয়, অত্যন্ত অর্বাচীন।

... ..

স্ববোধবাবুর মস্তকে একটি অত্যাশ্চর্য টাক ছিল। টাক সাধারণত মস্তকের সমুখভাগে বঙ্গোপসাগরের আকারে পড়িয়া থাকে; ইহাই রীতি। স্ববোধবাবুকে দেখিয়া কিন্তু কেহই সন্দেহ করিতে পারিত না যে, তাঁহার টেরি-কাটা মস্তকের সমস্ত পশ্চাত্তাগটা উষর নির্লোম্ভতায় একেবারে ধু ধু করিতেছে। তাঁহার চরিত্রেও, বোধ করি, এমনই একটা ধোঁকা-লাগানো অু-গতাহুগতিক বৈচিত্র্য ছিল, সমুখ দেখিয়া সহসা পশ্চাতের খবর পাওয়া যাইত না।

আমার সহিত অল্পদিনের জ্ঞানই আলাপ হইয়াছিল; পশ্চিমের যে শহরে আমি বেড়াইতে গিয়াছিলাম, তিনি ছিলেন সেই শহরের একজন উন্নতিশীল ব্যবসাদার। ভদ্রলোকের বয়স পঁয়ত্রিশ হইতে চল্লিশের মধ্যে, ধীর প্রিয়ভাষী লোক, অত্যন্ত সাধারণ কথাও বেশ রস দিয়া বলিতে পারিতেন। আলাপের পূর্বে অল্প পাঁচজনের মুখে তাঁহার অখ্যাতি-সুখ্যাতি দুই-ই শুনিয়াছিলাম; তাহা হইতে এই ধারণা জন্মিয়াছিল যে, বার্ষসা-সম্পর্কে তিনি যেমন নিষ্ঠুর, তৎপূর্বে ও পরে তেমনই অমায়িক।

বাণিজ্য-ব্যপদেশে তাঁহার সংস্পর্শে আসি নাই বলিয়াই, বোধ হয়, স্ববোধবাবুকে আমার ভাল লাগিয়াছিল। কার্পণ্য-দোষ তাঁহার ছিল না; প্রতি সন্ধ্যায় তাঁহার বাড়িতে বহু ভদ্রবেশী অভাগতের ভিড় জমিত। স্ববোধবাবুর আধুনিক ও হুচটুলা স্ত্রীকে কেন্দ্র করিয়া একটি সামাজিক আসর গড়িয়া উঠিয়াছিল। তিনি নিজেও এই অঙ্কঠানে যোগ দিতেন; তাঁহার মোলায়েম হাসি-ভাসা এই সন্ধ্যা সভার একটা উপভোগ্য উপাদান ছিল।

কেন জানি না, তাঁহাকে এই মজলিসে বায়ুমণ্ডলে রবাবের রঙিন বেলুনের মত নির্লিপ্ত সহজতায় ভাসিয়া বেড়াইতে দেখিয়া আমার মনে হইত, যেন

তিনি মনের মধ্যে প্রত্যেকটি মানুষের প্রত্যেক কথা ও কার্য গুণন করিতেছেন, তাহার মূল্য ধার্য করিতেছেন। এ বিষয়ে মুখে তিনি কিছুই বলিতেন না, তবু তাঁহার মনের এই তুলসাদগুটি যে সর্বদা সক্রিয় হইয়া আছে, তাহা অস্বভাব করিয়া আমি একটু অস্বস্তি বোধ করিতাম।

একদিন তিনি মুহু হাসিয়া আমাকে বলিয়াছিলেন, “আচ্ছা, আপনি ছড়ি ব্যবহার করেন কেন, বলুন দেখি?”

মুক্তিসম্মত কোনও উত্তরই ছিল না। বেড়াইতে বাহির হইবার সময় একটা ছড়ি হাতে না থাকিলে কেমন ফাঁকা ফাঁকা ও নিঃসঙ্গ মনে হয়— এইটুকুই বলিতে পারি।

তাহাই বলিয়াছিলাম। উত্তরে তিনি আমার পানে সেই গুণনকর্য্য দৃষ্টি ফিরাইয়া একটু হাসিয়াছিলেন মাত্র, কিন্তু তাঁহার কাছে এই অকারণ ছড়ি বহন করিয়া বেড়ানো যে একান্ত অনাবশ্যক শক্তিক্ষয়, তাহা অস্বভাব করিয়াছিলাম।

মহাশয়চরিত্রের গূঢ় মর্ম উন্মোচন করিতে যাহারা অভ্যস্ত, তাঁহারা হৃদয়তত্ত্ববোধবাবুর বিচিত্র টাক ও অগ্ন্যান্ত বাহ্য অভিব্যক্তি হইতে তাঁহার প্রকৃতিগত বৈশিষ্ট্য ধরিয়া ফেলিতে পারিবেন, কিন্তু এক মাসের পরিচয়ের ফলে তিনি আমার কাছে যেন একটু আবছায়া রহিয়া গিয়াছেন। এমন কি, শেষের যে গুরুতর ঘটনাটা একসঙ্গে বজ্র-বিদ্যুতের মত তাঁহার মাথার উপর ফাটিয়া পড়িয়াছিল, তাহার উগ্র আলোকেও লোকটিকে স্পষ্টভাবে চিনিতে পারি নাই। হৃদয় আমারই নিবৃত্তি, কোনও বস্তুকে ঘাচাই করিয়া তাঁহার প্রকৃত মূল্য নির্ধারণ করিবার বিত্তা এত বয়সেও অর্জন করিতে পারি নাই। অথচ শুনিয়াছি, এই বিত্তাটাই নাকি চরম বিত্তা—শিক্ষা, সংস্কৃতি, এমন কি দর্শন-শাস্ত্রেরও শেষ সাধনা।

... ..

গুরুতর সংবাদটি আমাকে যিনি প্রথম দিলেন, তিনি সম্ভবতঃ স্বেবোধবাবুর ব্যবসায়-ঘটিত বন্ধু; উদ্বেজনা-উদ্ভাসিত মুখে বলিলেন, “খবর শুনেছেন বোধ হয়?”

“কিসের খবর?”

“শোনে নো নি তা হলে।”—হাস্তোজ্জ্বল ক্ষুদ্র চক্ষু দুইটি আকাশের পানে তুলিয়া তিনি একটি দীর্ঘশ্বাস ফেলিলেন, “বড়ই দুঃসংবাদ। স্বেবোধবাবুর স্ত্রী—, তাঁকে কাল রাত্তির থেকে আর পাওয়া যাচ্ছে না।”

“সেকি! কোথায় গেলেন তিনি?”

“বা শুনছি—এক ছোকরা খুব ঘন ঘন বাতায়াত করত, তার সঙ্গেই নাকি কাল রাখে—” তাঁহার বাম চক্ষুটি হঠাৎ মুদিত হইয়া গেল।

মোটের উপর খবরটা যে মিথ্যা নয়, তাহা আরও কয়েকজন জ্ঞানাইয়া গেলেন। কেহ স্ত্রী-স্বাধীনতার দিক্কার দিলেন; কেহ বা গলা খাটো করিয়া প্রকাশ করিলেন যে, ঠিক এই ব্যাপারটি যে ঘটিবে, তাহা তিনি পূর্বে এক বৎসর পূর্বে ভবিষ্যদ্বাণী করিয়াছিলেন। যে ব্যক্তির মস্তকের পশ্চাদিকে টাক, এবং বক্ষে টাক না পাইলে স্বজাতি বাঙালীর নামে যে মোকদ্দমা করিতে দ্বিধা করে না, তাহার স্ত্রী যে—ইত্যাদি।

স্ববোধবাবুর কথা ভাবিয়া হুঃখ হইল। নিরপরাধ হইয়াও বাহারা অপরাধীর অধিক লজ্জা ভোগ করে, তাঁহার অবস্থা তাহাদেরই মত। সহানুভূতি জানাইবার বন্ধুর হয়ত অভাব হয় না, কিন্তু মুখের সহানুভূতিকে, চোখের বিক্রপ যেখানে প্রতি মুহূর্তে খণ্ডিত করিয়া দিতেছে, সেখানে সহানুভূতির মত নিষ্ঠুর পীড়ন আর নাই। তাই মজা-দেখা বন্ধুর মত সমবেদনার ছুতায় তাঁহার বাড়িতে গিয়া ধুইতা করিতে সংকোচ বোধ হইতে লাগিল।

তবু না গিয়াও থাকিতে পারিলাম না। মনের গহনে একটা নিষ্ঠুর স্থাপন ঘুরিয়া বেড়াইতেছে, স্ববোধবাবুর মর্মপীড়া প্রত্যক্ষ করিবার জন্য দে-ই বোধ হয় সন্ধ্যার সময় আমাদের তাঁহার বাড়িতে টানিয়া লইয়া গেল।

অল্প দিনের মত বাড়িতে মজলিসী বন্ধুরা কেহ নাই। বারান্দায় একাকী বসিয়া স্ববোধবাবু মস্তকের পশ্চাদ্ভাগে হাত বুলাইতেছেন; আমাদের দেখিয়া অন্ত্রাশ্রু দিনের মত সহাস্র সমাদরে আহ্বান করিলেন, “আসুন আসুন!”

স্ত্রী কুলত্যাগ করিলে মানুষ ঠিক কি-ভাবে আচরণ করিয়া থাকে, তাহার অভিজ্ঞতা না থাকিলেও স্ববোধবাবুর ভাবগতিক স্বাভাবিক বলিয়া বোধ হইল না। যেন কিছুই হয় নাই। হাসিমুখে দুই চারিটা সাময়িক প্রশংসার আলোচনা, এমন কি একবার একটা রসিকতা পর্যন্ত করিয়া ফেলিলেন।

বেজায় অস্বস্তি অহুভব করিতে লাগিলাম। বাহার হুঃখে সান্তনা দিতে আসিয়াছি, তিনি যদি হুঃখটাকে গায়েই না মাখেন, তবে সান্তনা দিব কাহাকে? অপদস্থের মত নীরবে হেঁটমুখে বসিয়া রহিলাম, প্রশ্নটা উত্থাপন করিতেই পারিলাম না।

দিনের আলো নিপ্রভ হইয়া আসিতেছিল। কিছুকণ নীরবে কাটিবার

পর এক সময় চোখ তুলিয়া দেখিলাম, স্ববোধবাবু তাঁহার তোল-করা চক্ষু দিয়া আমার মনের কথাটা ওজন করিতেছেন। মুখে একটু হাসি।

চোখোচোখি হইতেই তিনি মুদুস্বরে হাসিয়া উঠিলেন; তারপর বাগানের একটা ইউক্যালিপ্টাস গাছের ডগার দিকে তাকাইয়া থাকিয়া বলিলেন, “আমার টুথ-ব্রাশটা কে চুরি করে নিয়ে গেছে, খুঁজে পাচ্ছি না।”

অপ্রত্যাশিত প্রসঙ্গে চমকিয়া উঠিলাম, মুখ দিয়া আপনিই বাহির হইয়া গেল, “টুথ-ব্রাশ!”

তিনি তেমনই অর্ধ-নিলিপ্তভাবে বলিলেন, “হ্যাঁ, টুথ-ব্রাশ। তুচ্ছ জিনিস, সংসারযাত্রা নির্বাহের একটা সামান্য উপকরণ; যে লোকটা চুরি করেছে, তার কচির প্রশংসা করতে পারি না। কিন্তু তবু সাবধান হওয়া দরকার। ভাবছি, আর টুথ-ব্রাশ কিনব না।”

অবাক হইয়া তাঁহার মুখের পানে তাকাইয়া রহিলাম। আমার দিকে সহসা চক্ষু নামাইয়া তিনি বলিলেন, “আপনি কখনও দাঁতন ব্যবহার করেছেন? শুনেছি, স্ন্যন্থের দিক দিয়েও ভাল। মনে করছি, এবার থেকে ইউক্যালিপ্টাসের দাঁতন ব্যবহার করব। সস্তাও হবে, আর কিছু না হোক, চুরি যাবার ভয় থাকবে না। দাঁতন কেউ চুরি করবে না!”—বলিয়া হঠাৎ একটু জোরে হাসিয়া উঠিলেন।

....

...

...

...

তারপর স্ববোধবাবুর সহিত আর দেখা হয় নাই। তবে খবরের কাগজে মাত্রো মাঝে তাঁহার নাম দেখিতে পাই; তাহাতে মনে হয়, তাঁহার মোহমুক্ত বিষয়বুদ্ধি তাঁহাকে বৈষয়িক উন্নতির পথেই লইয়া চলিয়াছে।

তিনি আবার টুথ-ব্রাশ কিনিয়াছেন, অথবা দাঁতন দিয়াই কাজ চালাইতেছেন; সে সংবাদ কিন্তু খবরের কাগজে পাই নাই।

আরব সাগরের রসিকতা

আরবদেশের হাশুরসের সহিত পরিচয় নাই; কিন্তু একবার আরব সাগরের রসিকতার পরিচয় পাইয়াছিলাম।

অনেক দিন ধরিয়া আরব সাগরের তীরে বাস করিতেছি, কিন্তু এক দিনও সমুদ্র স্নান হয় নাই। বন্ধুরা খোঁচা দিয়া প্ররোচিত করিতেছিলেন। গ্রহিণীর আধুনিক বান্ধবীরাও যে-ভাবে কথা কহিতেছিলেন, তাহা তাঁহার প্রতিমধুর লাগিতেছিল না,—“এত দিন বসে-তে আছেন, নৌ-বেদিং করেননি?..... ভয় করে বুঝি? তা করবারই কথা—যারা আগে কখনও সমুদ্র বেধিনি, তাঁদের ভয় করবে বৈ কি।”

একদিন গ্রহিণী বলিলেন, “ওগো, সমুদ্রে স্নান না করলে আর ত মান থাকে না। চলো এক দিন।”

আমি বলিলাম, “বেশ ত, চলো। কিন্তু বেদিং কস্ট্যাম্ কিন্তে হবে যে।”

গ্রহিণী উত্তপ্ত কণ্ঠে বলিলেন, “ওই বেহায়া পোশাক পরে আমি নাইবো? কেটে ফেললেও না।”

“কিন্তু—”

গ্রহিণী কিন্তু সতেজে ঐ বিলাতী বর্বরতা প্রত্যাখ্যান করিলেন। তিনি গলায় স্নান করিয়াছেন, পদ্মায় স্নান করিয়াছেন—সমুদ্রে তাঁহার ভয় কি? তিনি বাঙালীর কুলবধু, নিজের চিরাত্ম্য সাজ-পোশাকেই স্নান করিলেন। যে যা খুশি বলুক।

ভালই হইল। বেদিং কস্ট্যামের আজকাল দাম কম নয়। একটা দম্কা খরচ বাঁচিয়া গেল।

সমুদ্র আমার বাড়ি হইতে পোয়াটাক মাইল দূরে। ইতিপূর্বে কয়েক বার বীচে বেড়াইতে গিয়াছি; স্থানটা দেখাশুনা আছে। বেশ নির্জন স্থান; তবে সকালে-সন্ধ্যায় স্নানার্থীর ভিড় হয়। আমরা পরামর্শ করিয়া পরদিন ঠিক দুপুরবেলা বাহির হইলাম। এই সময়টায় ভিড় থাকে না। সমুদ্রের সহিত প্রথম ঘনিষ্ঠতা একটু নিভৃত হওয়াই বাঞ্ছনীয়। তখন জানিতাম না যে, সে দিন ঠিক দুপুরবেলাই জোয়ার আসিবার সময়।

বীচে উপস্থিত হইয়া দেখিলাম, দিঙ-মণ্ডল পৰ্বন্ত সমুদ্র ঘেন মাতাল হইয়া টলমল করিতেছে। বড়-বড় ঢেউ বেলাভূমিকে আক্রমণ করিতেছে, বালুর উপর স্তম্ভ ফেনের একটা সীমা-রেখা আঁকিয়া মিয়া কিরিয়া ধাইতেছে, আবার তৎক্ষণাৎ কিরিয়া আসিয়া ঝাঁপাইয়া পড়িতেছে। ঢেউয়ের পর ঢেউ।

বীচে কেহ নাই। এপাশে ওপাশে অনেক দূরে জলের মধ্যে দু-একটা মূণ্ড উঠিতেছে না মিতেছে দেখিলাম। বীচের পিছনে নারিকেল-কুঞ্জের মধ্যে একস্মারি ছোট ছোট কেবিন; ঘাহারা নিয়মিত সমুদ্র-স্নান করিতে চায়, তাহারা ঐ কেবিন ভাড়া লয়।

এক খেতাবী যুবতী শিশু দিতে দিতে একটি কেবিন হইতে বাহির হইয়া আসিলেন। পয়নে গোলাপী রঙের বেদিং কস্ট্যাম, মাথায় বুবারের টুপি, কোমরে একটি বড় টার্কিশ তোয়ালে জড়ানো। আমাদের দিকে ঘাড় বাঁকাইয়া ফিক্ করিয়া একটু হাসিয়া নৃত্যচঞ্চল চরণে তিনি সমুদ্রের দিকে অগ্রসর হইলেন।

গৃহিণী চাপা তর্জনে বুলিলেন, “মরণ নেই বেহায়া ছুঁড়ির! খবরদার বলছি, ওদিকে তাকাবে না।”

হেঁটমুণ্ডে জলের দিকে চলিলাম। গৃহিণী শাড়ির আঁচল কোমরে জড়াইয়া লইলেন। ভাগ্যক্রমে আমি হাফ-প্যান্ট পরিয়া আসিয়াছিলাম।

জলের কিনারা পৰ্বন্ত আঁসিয়া গৃহিণী কিন্তু আর অগ্রসর হইতে চান না। আমারও সুবিধা বোধ হইতেছিল না। কিন্তু এত দূর আসিয়া কিরিয়া যাওয়া অসম্ভব। ওদিকে খেতাবী তরঙ্গের মধ্যে ঝাঁপাইয়া পড়িয়াছে! ঢেউয়ের নাগর-দোলায় দোল খাইতেছে—যেন গোলাপী রঙের একটি মংগুনারী!

গৃহিণীকে বলিলাম, “এসো, ডাঙায় দাঁড়িয়ে কি সী-বেদিং হয়?”

• জলের পানে সশঙ্ক দৃষ্টিপাত করিয়া গৃহিণী বলিলেন, “ঢেউগুলো বড় বড় বড়।”

“তা হোক না—সমুদ্রের ঢেউ বড়ই হয়। ঐ দেখ না, ও মেয়েটা কেমন ঢেউ খাচ্ছে।”

“আবার ওদিকে তাকাচ্ছ!”

“না না, ও অনেক দূরে আছে। এখান থেকে বিশেষ কিছু দেখা যায় না।—এসো।”

হাত ধরিয়া টানিয়া তাঁহাকে জলে লইয়া গেলাম। বেশি নয়, হাঁটু জল পর্যন্ত গিয়াছি কি, বিল্টাট বসিয়া গেল। প্রকাণ্ড একটা ডেউ আসিয়া আমাদের ঘাড়ের উপর ডাঙিয়া পড়িল। গৃহিণী পড়িয়া গেলেন; ডেউ তাঁহার মাথার উপর দিয়া চলিয়া গেল। ডেউ ফিরিয়া গেলে তিনি হাঁজোড়-পাঁচোড় করিয়া উঠিয়া দাঁড়াইতেই আর একটা ডেউ আসিয়া আবার তাঁহাকে আছাড় মারিয়া ফেলিল। তিনি চীৎকার করিতে লাগিলেন, “ওগো আমাকে ধরো—আমি যে খালি পড়ে যাচ্ছি! কোথায় গেলে তুমি—আমাকে ফেলে পালালে?”

তাঁহাকে ধরিবার মত অবস্থা আমার ছিল না। প্রথম গোটা দুই ডেউ অতি কষ্টে সামলাইয়া গিয়াছিলাম বটে, কিন্তু তৃতীয় ডেউটা সমস্ত লগুভণ্ড করিয়া দিল। ডেউয়ের তলায় গড়াইতে গড়াইতে আমি প্রায় ডাঙায় গিয়া উঠিলাম। দু-এক ঢোক লোণা জলও পেটে গিয়াছিল। কোনমতে উঠিয়া বসিয়া চক্ষু খুলিয়া দেখি, গৃহিণী তখনও এক হাঁটু জলে আছাড় খাইতেছেন। ডেউগুলি এত দ্রুত পরস্পরায় আসিতেছে যে, তিনি পলাইয়া আসিতে পারিতেছেন না! তাঁহার কণ্ঠ হইতে অনর্গল চীৎকার নিঃসৃত হইতেছে, “ওগো, কেমন মাফুষ তুমি! আমাকে ফেলে পালালে! আমার যে কাঁপড় খুলে যাচ্ছে—”

শব্দায় কণ্টকিত হইয়া দেখি, জলের মধ্যে লোমহর্ষণ ক্রাণ্ড ঘটিতেছে। সত্যিই গৃহিণী বিবসনা হইতেছেন! ডেউগুলি দুঃশাসনের মত ছুটিয়া আসিয়া তাঁহার বসন ধরিয়া টানিতেছে। আঁচল শিথিল হইয়া গেল! আর একটা ডেউ—তিনি প্রাণপণে শাড়ির প্রান্ত আঁকড়াইয়া আছেন। আর একটা ডেউ—বাস! নারীর লজ্জা-নিবারণকারী শ্রীমধুসূদন বোধ হয় কাছাকাছি ছিলেন না; দুঃশাসনরূপী আরব সাগর গৃহিণীর শাড়ি কাড়িয়া লইয়া প্রস্থান করিল।

মরীয়া হইয়া জলে লাফাইয়া পড়িলাম। অনেক নাকানি-চোবানি খাইয়া শেষ পর্যন্ত গৃহিণীকে একান্ত নিরাশ্রয় অবস্থায় ডাঙায় টানিয়া তুলিলাম। তিনি নেহাৎ তরী ন’ন—কিন্তু যাক!

চারি দিক ফাঁকা, কোথাও এতটুকু আড়াল-আবডাল নাই। উপরন্তু, ভোজবাজির মত ঠিক এই সময় কোথা হইতে কতকগুলো লোক জুটিয়া গেল! তাহারা কাতার দিয়া দাঁড়াইয়া তামাসা দেখিতে দেখিতে নিজেদের

ভাষায় (সম্ভবত আরবী) মস্তব্য প্রকাশ করিতে লাগিল। কোরব-সভায় দ্রৌপদীর বস্ত্রহরণ-কালে পঞ্চপাণ্ডবের মনের অবস্থা কিরূপ হইয়াছিল তাহা অসুমান করা কঠিন হইল না। ব্যাকুল ভাবে চারি দিকে তাকাইলো—হে মধুসূদন, তুমি কত দূরে!

হঠাৎ দেখি, দূর হইতে খেতাজী মেয়েটা ছুটিয়া আসিতেছে। খিল খিল করিয়া হাসিতে হাসিতে সে তাহার বড় ভোয়ালেখানা গৃহিণীর গায়ের উপর ফেলিয়া দিল।...

সেদিন ভোয়ালে-পরিহিতা গৃহিণীকে সঙ্গে লইয়া পদব্রজে কি করিয়া গৃহে ফিরিয়াছিলো, সে প্রশ্ন করিয়া পাঠক-পাঠিকা আর আমাকে লজ্জা দিবেন না। তাঁহাদের প্রতি অনুরোধ, তাঁহারা যেন মনে মনে চোখ বুজিয়া থাকেন।

প্রেমিক

গল্পের শেষে একটি করিয়া মরাল বা হিতোপদেশ জুড়িয়া দিবার ফন্দিটা বোধ হয় বিষ্ণুশর্মা আবিষ্কার করিয়াছিলেন। সে অবধি, লাগায়ৎ বর্তমান কাল, যিনিই গল্প লিখিয়াছেন, তিনিই এই ফন্দিটি কাজে লাগাইবার চেষ্টা করিয়াছেন; অর্থাৎ সূত্র হইতে ক্রমাগত মুখ খারাপ করিয়া শেষের কয়েক ছন্দে দুই চারিটি তত্ত্বকথা ছাড়িয়া পিত্ত রক্ত করিয়াছেন। ইহাই বর্তমান কথাসাহিত্যের বৈদর্ভী রীতি।

মাতাল সারা রাত্রি মাতামাতি করিয়া প্রাতঃকালে গঙ্গান্নান সারিয়া ঘরে ফিরিতেছে।

ইহার প্রতিকার আবশ্যক। যদি কিছু উপদেশ দিব্য থাকে, গোড়াতেই সারিয়া লইতে হইবে। আরম্ভে নিষভক্ষণ সকল রসশাস্ত্রের বিধি হওয়া উচিত। অথ—

প্রেমের ঠাকুর শ্রীগৌরাজের কয়েক শতাব্দী পরে আবার বাংলাদেশে নূতন করিয়া প্রেমের বান ডাকিয়াছে, কেহ কেহ ইহা লক্ষ্য করিয়া থাকিবেন। শাস্তিপূর ডুবুড়ু, নদে ভেসে যায়। মাঠে, ঘাটে, ট্রামে, রিক্সায়, কলেজে,

সিনেমায়, তরুণ-তরুণীরা অনবরত প্রেম করিতেছে। এত প্রেম কিন্তু ভাল নয়। সাধু সাবধান! কোনও বস্তুর অত্যধিক প্রাচুর্য ঘটিলে জ্ঞানী ব্যক্তির সন্দেহ হয়, ইহাতে ভেজাল আছে। বর্তমানে প্রেমের কারবারে কতখানি ভেজাল চলিতেছে তাহা পরীক্ষা করিয়া দেখিবার সময় উপস্থিত হইয়াছে।

বস্তুত, অহৈতুকী প্রীতি যে এই নম্বর সংসারে অতীব দুর্লভ তাহা বহু মহাজন স্বীকার করিয়া গিয়াছেন। চণ্ডীদাস হিসাব করিয়া দেখাইয়াছেন যে, মনের মানুষ মাত্র 'কোটিকে গুটিক' মিলে। বিদ্যাপতি ঠাকুর তো পরিষ্কার বলিয়াই দিয়াছেন যে, প্রাণ জুড়াইতে লাখের মধ্যে একটি মানুষও তিনি পান নাই। স্তবরাং, আজকাল যে সব তরুণ তরুণী পথে ঘাটে এই দুর্লভ বস্তু জুড়াইয়া পাইতেছে, তাহাদের কি বলিব? ভ্রাস্ত? মূঢ়? না—স্বার্থপর? .

আধুনিকদের ভ্রাস্ত বা মূঢ় বলিলে চটাচটি ইহঁদের সম্ভাবনা। তার চেয়ে তাহাদের ভণ্ড, স্বার্থপরত্ব, মৎসববাজ, কুচক্রী বলাই শ্রেয়।

শ্রীমান্ বিমানবিহারীর সহিত কুমারী অনিন্দ্যার প্রণয় ঘটবার উপক্রম হইয়াছিল। যেহেতু বিমান কুকুর ভালবাসিত, সেহেতু অনিন্দ্যার সহিত তাহার প্রেম ঘটবার যথেষ্ট কারণ ছিল। কেহ ভুল বুঝিবেন না। অনিন্দ্যা মানব-নন্দিনী। অনিন্দ্যার একটি কুকুর ছিল। কুকুরটিই এই যোগাযোগের যটক।

আরম্ভে 'পাত্র-পাত্রীর কুল-পরিচর দান করাই বিধি। কিন্তু বিমান ও অনিন্দ্যার কুলজি ষাঁটিবার আঁদের সময় নাই। মনে করিয়া লওয়া যাক, বিমান স্বায়ত্ত্ব মন্ত্রণায় auto-fertilisation প্রক্রিয়ার দ্বারা জন্মগ্রহণ করিয়াছিল—তাহার বাপ-পিতামহ কস্মিন্ কালেও ছিল না। অনিন্দ্যাও বৃন্তহীন পুষ্পসম আপনাতে আপনি বিকশিত হইয়াছিল। তাহাতে আগাদের কাহিনীর কোনও ক্ষতি হইবে না।

একদা শহরের নির্জন প্রান্তে নবরচিত এক পার্কে বেড়াইতে বেড়াইতে বিমান লক্ষ্য করিল, একটি বেকির উপর এক তরুণী বসিয়া আছে, তাহার পায়ের কাছে খরগোসের মত ছোট একটি কুকুর খেলা করিতেছে। বিমানের পদব্ধ অজ্ঞাতসারে তাহাকে সেই দিকে লইয়া চলিল; একদৃষ্টে কুকুরের পানে তাকাইয়া সে বেকির এক প্রান্তে বসিয়া পড়িল। কুকুরের গায়ে কুচকুচে কালো কৌকড়া লোম, চোখ দুটি তরমুজ বিচিত্র মতো। মুগ্ধ ভাবে তাহার দিকে হাত

বাড়াইতেই সে টুকটুকে রাঙা জিভ বাহির করিয়া তাহার হাত চাটিয়া লইল। বিমান আবেগরুদ্ধ স্বরে বলিল, “কি হৃন্দর কুকুর! পিকেনীজ বুকি?”—বলিয়া কুকুরের স্বত্বাধিকারিণীর দিকে চোখ কুলিল।

দেখিল, কুকুরের স্বত্বাধিকারিণী টুকটুকে রাঙা ওষ্ঠাধর বিভক্ত করিয়া মিশমিশে কালো চোখে কোঁতুক ভরিয়া হাসিতেছে। তাহার কোঁকড়া ঝামর চুলগুলি ছলিয়া উঠিল; সে বলিল, “না, সাম্যামীজ।”

তরুণীর কর্ণস্বরে কি ছিল জানি না, বিমান তীরবিক্ষের মত চমকিয়া উঠিল, তারপর কুকুরের পানে একাগ্র দৃষ্টিতে চাহিয়া বলিল, “তাই হবে। আমার ভুল হয়েছিল।—নাম কি?”

তরুণীর গালছুটি মুচকি হৃদসিতে টোল খাইয়া গেল, “কার নাম জিজ্ঞেস করছেন? আমার?”

বিমান লাল হইয়া উঠিল, “না না—মানুে—ওর একটা নাম আছে তো—তাই—”

তরুণী টিপিয়া—টিপিয়া হাসিল, বলিল, “ওর নাম কমঝুম। আর আমার নাম—অনিম্যা।”

বিমান অতিমাত্রায় উল্লসিত হইয়া বলিয়া উঠিল, “কমঝুম! ভারি চমৎ—! অর্থাৎ কিনা অনিন্দ্যা। ভারি চমৎকার নাম তো—”

“কোন নামে চমৎকার?”

বিমান ভীষণ লজ্জিত হইয়া পড়িল, তাহার কান ঝাঁ ঝাঁ করিতে লাগিল। সে সম্মুখে বুকিয়া কমঝুমকে আদর করিতে করিতে তোংলার মত অর্ধবিভক্ত ভাষায় বলিল, “জ্যা—দ দ দ—যানে দ-ছুটো নামই চমৎকার—”

অনিম্যা স্মিতমুখে উঠিয়া দাঁড়াইল। বলিল, “চল কমঝুম, বাড় যাহ।—নমস্কার।”

হিরণ্যমী শাললতার মত জঙ্ঘমা, ফুট-বিকশিত-যৌবনা অনিন্দ্যা চলিয়া গেল; কমঝুম তাহার চারিপাশে একটি কালো প্রজাপতির মত নৃত্য করিতে করিতে গেল। যতক্ষণ দেখা গেল, বিমান বেকিতে বসিয়া সেইদিকে তাকাইয়া রহিল।

পরদিন—আবার সেই দৃশ্য। আবার সেই ধরনের কথাবার্তা। অনিন্দ্যার গুল্লুল মুখ কোঁতুকে টোল খাইয়া যায়, টুকটুকে ঠোট-ছুটি বিভক্ত হইয়া দাঁত-

গুলিকে ঈষৎ ব্যক্ত করে; বিমান ক্ষণে ক্ষণে লাল হইয়া উঠে—অপরিচিতা তরুণীর সহিত রসলাপ করা তাহার অভ্যাস নাই; কমঝুম দুজনকে ঘিরিয়া খেলা করে, বিমানের হাত চাটিয়া দেয়।

এইভাবে আরও কয়েকদিন কাটিল। বিমান ও অনিন্দ্যার মধ্যে বেশ ভাব হইয়াছে—বিমান আর ততটা সংকোচ করে না। বরং একটা অপূর্ব মোহ দিবারাজ তাহাকে আচ্ছন্ন করিয়া রাখিয়াছে। বিমান চরিত্রবান্ যুবা, কিন্তু তাহার ভয় হইতেছে চরিত্র বৃদ্ধি আর থাকে না। এদিকে অনিন্দ্যার মিশমিশে কালো চোখে কিসের রং ধরিয়াছে। সমস্ত দিনটা ঘেন সন্ধ্যার প্রতীক্ষাতেই কাটিয়া যায়। সন্ধ্যায় পার্কে বেড়াইতে যাইবার পূর্বে প্রকাণ্ড আয়নার সম্মুখে ঘুরিয়া-ফিরিয়া নিজেকে দেখে, একখানা কাপড় ছাড়িয়া আর একখানা পরে, কানের ছল খুলিয়া ঝুমকা পরে, ঝুমকা খুলিয়া কানবালা পরে—

একদিন অনিন্দ্যা বলিল, “আপনি ত প্রথম দিনই আমার নামটা জেনে নিলেন। নিজের নাম বলেন না কেন?”

কমঝুমকে কোলে লইয়া বিমান বসিয়া ছিল, চমকিয়া বলিল, “আমার নাম বি-বিলুতি মিত্র।”

“কলেজে পড়েন বুঝি?”

আবার চমকিয়া বিমান বলিল, “হ্যাঁ,—পোস্ট-গ্রাজুয়েট।”

সন্ধ্যা হইয়া গিয়াছিল—মাজকাল রোজই বাড়ি ফিরিতে দেয়ি হইয়া যায়। জনহীন পার্ক একেবারে নিস্তব্ধ হইয়া গিয়াছিল। আকাশে চাঁদ নাই। অনিন্দ্যা বিমানের পাশে একটু ঝেঁষিয়া বসিল। হাঁটুতে হাঁটু ছোঁয়াছুঁয়ি হইয়া গেল।

দুজনে কিছুক্ষণ নীরব। তারপর বিমান একটা দীর্ঘশ্বাস ফেলিল।

অনিন্দ্যা বলিল, “নিশ্বাস ফেললেন যে?”

বিমান অবরুদ্ধ আবেগের প্রাবল্যে রবীন্দ্রনাথের করিতা ভুল আবৃত্তি করিল—

“—বাহা পাই তাহা ভুল করে পাই,

বাহা চাই তাহা পাই না।”

আবার কিছুক্ষণ নীরব। পূর্বাকাশ ধীরে ধীরে উদ্ভাসিত হইয়া উঠিতেছে—

চাঁদ উঠিবে। অনিন্দ্যা অক্ষুট আধ-বিজড়িত স্বরে বলিল, “আপনি কখনও ভালবেসেছেন?”

আকস্মিক উত্তেজনার ফলে মানুষের বাহ্য অভিব্যক্তি কখনও কখনও উৎকট আকার ধারণ করে। বিমান সহসা ঘুমন্ত রুমঝুমকে দুহাতে বুকে চাপিয়া ধরিল, ঘন ঘন নিশ্বাস ফেলিতে ফেলিতে প্রজ্বলিত চক্ষে অনিন্দ্যার পানে চাহিল। দাঁতে দাঁত চাপিয়া বলিল, “এ পৃথিবীতে টাকা না থাকলে কাম্য বস্তু লাভ করা যায় না। আমার টাকা নেই। কেন মিছে আমাকে লোভ দেখাচ্ছেন?”—বলিয়া রুমঝুমকে অনিন্দ্যার কোলের উপর ফেলিয়া দিয়া প্রায় ছুটিতে ছুটিতে চলিয়া গেল।

রাত্রে ঘুমাইয়া বিমান স্বপ্ন দেখিল—কালো কৌকড়া চুল, শিশমিশে ছুটি চোখ, লাল টুকটুকে—

ঘুম ভাঙিয়া গেল। উত্তপ্ত মস্তকে জল দিয়া সে আবার ঘুমাইল। আবার স্বপ্ন দেখিল—

সকালে উঠিয়া বিমান উদ্ভ্রান্তের মত ভাবিল,—আর ত পারা যায় না। লোভ সংবরণ করা বড় কঠিন, চরিত্র ত রশাতলে গিয়াছেই—মনের অগোচর পাপ নাই—তবে আর বাহিরে সাধু সাজিয়া লাভ কি? বাহা হইবার হোক—আজই, হাঁ আজই সে এই কার্য করিবে। সন্ধ্যার পর পার্কে কেহ থাকে না—সেই সময়—

কামনার বিষে যখন অন্তর জর্জরিত, তখন অতিবড় সাধু ব্যক্তিরও হিতাহিত জ্ঞান থাকে না। ঘৃত ও অগ্নির স্যামিধ্য অতি ভয়ংকর। কত সচরিত্র যুবা—। কিন্তু থাক, শেষের দিকে আর হিতোপদেশ দিব না।

সন্ধ্যার পর আবার দুজনে পাশাপাশি বসিয়া আছে। অনিন্দ্যার চুলের দৌরভ বিমানের নাকে আসিতেছে। একরাশ নরম রেশমের মত রুমঝুম জাহার কোলে ঘুমাইতেছে।

পার্ক অন্ধকার, জনমানব নাই। অনিন্দ্যা কম্পিত-স্বরে জিজ্ঞাসা করিল, “কাল আমার কথার জবাব না দিয়ে চলে গেলেন যে?”

অন্ধকারে হাতে হাত ঠেকিল, বিমান তাহার হাত চাপিয়া ধরিয়া বলিল, “জবাব কি বুঝতে পারো নি?”

“না, বলুন না শুনি।” বিমানের তপ্ত মূঠির মধ্যে অনিন্দ্যার হাতখানি ঘেঁষে মাথনের মত গলিয়া গেল।

“অনিম্মা, তোমাকে আমার মনের কথা বুঝিয়ে দেব। কিন্তু তুমি আমায় ক্ষমা করতে পারবে?”

“হয়ত পারি, শুনিই না আগে।”

“তবে তুমি একটু বসো। আমি এখনই আসছি।”

“কোথায় যাচ্ছেন?”

“রুমঝুমের বোধ হয় তেঁটা পেয়েছে, ওকে একটু জল খাইয়ে আনি।”

বিমান চলিয়া গেল। তারপর পনেরো মিনিট—আধ ঘণ্টা—একটি কক্ষবক্ষা তরুণী অন্ধকার পার্কে একাকিনী প্রতীক্ষা করিতেছে! কোথায় গেল বিমান?

বিমান তখন শহরের অগ্র প্রান্তে নিজের ঘরে বিছানার উপর শুইয়া রুমঝুমকে চটকাইতেছে, “রুমঝুম, তোকে আমি চুরি করে এনেছি! তোর ঘর কেমন করবে না? ফিরে যেতে ইচ্ছে করবে না? আর কখনও আমার পার্কের জিসীমানায় যাব না। কি বলিস? অনিম্মা নিশ্চয় খুব রাগ করবে;—কিন্তু তোকে ছেড়ে যে আমি এক দণ্ডও থাকতে পারছিলুম না!”

রূপকথা

গায়ের দোকানের অভ্যন্তর। ঘরটি বেশ বড়। কয়েকটি মার্বেলটপ্ টেবিল ও তদুপযোগী চেয়ার ঘরের মধ্যে ইতস্তত সাজানো। ঘরের অপর প্রান্তে একটি রান্নাঘর—খোলা দ্বারপাথে কিয়দংশ দেখা যাইতেছে। রান্নাঘরের দেওয়ালে টাঁজানো সারি সারি সস্প্যান ও কাঠের টেবিলের উপর কেটলি পরিচ পেয়লা ইত্যাদি আংশিকভাবে দৃষ্টিগোচর হইতেছে।

দোকানের নাম ‘ত্রিবেণী-সঙ্গম’। কলিকাতার শিক্ষিত যুবক-যুবতীদের চা ও অল্পরূপ খাণ্ডানীয় সরবরাহ করিয়া ইহার সর্বজনপ্রিয় স্বত্বাধিকারী অল্পকালের মধ্যেই প্রভূত বশ ও প্রতিষ্ঠা লাভ করিয়াছেন। ত্রিবেণী-সঙ্গমের একটি বিশেষ আভিজাত্য আছে—সকল দ্রব্যেরই দাম প্রায় ডবল। স্তূতরাং নাধারণ চা-খোরদের পক্ষে এ স্থান অনধিগম্য, কিন্তু বান্ তরুণ-তরুণীরাই এই ‘ত্রিবেণী-সঙ্গম’ সঙ্গত হইয়া থাকেন।

বেলা দুটা বাজিয়া গিয়াছে—দোকানের এবং সেই সঙ্গে একটি বিরাট উদরের স্বত্বাধিকারী বেণীখুড়ো ওয়র্ফে বেণীমাধব চক্রবর্তী একটি লম্বা টেবিলের

উপর শয়ন করিয়া পিরান ও কাপড়ের ফাঁকে নাভিমণ্ডল উদ্‌ঘাটিত করিয়া নিজা যাইতেছেন। তাঁহার নাসিকার উদাস্ত-অহুদাস্ত স্বর একটানা করাতের মত ঘরের গুরুতাকে কর্তন করিতেছে।

দোকানের একমাত্র ভৃত্য বিজ্ঞাধর—একাধারে পাচক এবং পরিবেষক—অন্ত একটা টেবিলের উপর পা তুলিয়া দিয়া, চেয়ারের পিছনের পায়-যুগলের উপর দেহের সমস্ত ভার অর্পণ করিয়া দিয়া মুহূ-মন্দ দুলিতেছে ও একমুনে একটি বহুব্যবহারে মলিন ও ছিন্নপ্রায় পত্র পাঠ করিতেছে। বিজ্ঞাধর যুবায়র—দেখিতে সুখী, তাহার গায়ে সস্তা ছিটের পিরান, কাপড়ের কোঁচার অংশটা দুপাট করিয়া কোমরে জড়ানো।

বিজ্ঞাধর চিঠিখানার আশ্রয় গ্রহণ করিয়া বিড় বিড় করিয়া বলিল,—গন্ধ ছিল এখন প্রায় উবে গেছে। জাসমীনের গন্ধ। গুরুমা হলে কি হয়, প্রাণে সখ আছে। (পত্র খুলিয়া পাঠ) ‘বন্ধুবর!’ ইঃ যেন বন্ধুবরের জন্ত বুক ফেটে যাচ্ছিল। বন্ধুবর না লিখে শুধু বর লিখলেই ত ত্যাগী চুকে যেত। (দীর্ঘশ্বাস ফেলিয়া) না, অ-লিখরে কেমন করে? সে ত আর আমি নই, সে যে আর একজন। লিকলিকে চেহারা, যাড়ছাঁটা চুল, কোট-সোয়েটার পরা, মেয়েলি মেয়েলি গড়ন—দেখলেই জুতো-পেটা করতে ইচ্ছে করে। মুখখানা পেছন থেকে দেখতে পেলুম না। দেখিনি ভালই হয়েছে! ঘাড়ের চুলগুলো যেন মূর্গীর বাচ্চার মত, মুখখানাও নিশ্চয় প্যাঁচার বাচ্চার মত হবে। দুঃ-হোক গে! (পত্র পাঠ) ‘আমি স্কুলের শিক্ষয়িত্রী, বাট টাকা মাহিনা পাই। তার উপর সম্পূর্ণ আত্মীয়স্বজনহীন—বংশমর্যাদাও কিছু নাই। যিনি আমার স্বামী হইবেন তাঁহাকে দিবার মত আমার কিছুই নাই। রূপ ক’দিনের? গুণও নাই। তাই স্থির করিয়াছি ইহজীবনে বিবাহ করিব না। নিঃস্ব ভাবে রিক্ত হস্তে কাহারো গলগ্রহ হইতে চাহি না। ছোট ছোট মেয়েদের গুরুমা হইয়াই আমার জীবন কাটাইতে হইবে। তবে যদি দৈবক্রমে কোনদিন অর্থশালিনী হই, তবেই ঋণহীনে ভালবাসি তাঁহার চরণে নিজে উৎসর্গ করিয়া ধন হইতে পারিব। ইতি—

বিনীতা

মঞ্জু

হঁ! এতদিনে তাঁহার চরণে নিজে উৎসর্গ করা হয়ে গিয়েছে। এখন ত আমার বাট টাকা মাহিনের গুরুমাটি নয়,—লক্ষপতি। সে বেটাচ্ছেলে নিশ্চয়

আরও দুখানা মোটর কিনেছে। এতদিন হয়ত ছেলেপুলে—দূর! এই ত মোটে তিনমাস! কিন্তু আমার মনে হচ্ছে তিনশ' বছর! চুলোয় যাক গে, আমি ত বেশ আছি। নিজে রোজগার করে খাচ্ছি, কোনও ভাবনা নেই। বৈচে থাক' বেগীখুড়ো আর ত্বর রেস্তোরাঁ! (কিছুক্ষণ নিশ্চিত বেগীকে নিরীক্ষণ করিয়া) খুড়োর নাকে রক্তনচৌকি বাজছে। ওর 'পেটে বোধ হয় একটা ব্যাগপাইপ লুকানো আছে—ঘুমলেই বাজতে আরম্ভ করে। (সম্মেহে) খুড়োর আমার ভেতরে-বাইরে সমান—পেটেও ব্যাগপাইপ প্রাণেও ব্যাগপাইপ! অথচ সারাটা জীবন হোটেল করে কাটিয়ে দিলে। এই ছুনিয়া! (কিছুক্ষণ চিন্তামগ্ন থাকিয়া) কোথায় দিল্লী আর কোথায় কলকাতা! খুব লম্বা পাড়ি জম্বানো গেছে, এখানে চেনা লোকের সঙ্গে খামকা মাথা ঠোকাঠুকি হবার ভয় নেই। উপরন্তু যে রকম গৌফ আর জুলপি গজানো গেছে, দেখা হলেও কেউ সহজে চিনতে পারবে না। উপরন্তু গোদের গুপের বিষ-ফোড়া আছে—ইউনিকর্ম। ছদ্মবেশ দিব্যি পাকা রকম হয়েছে। (চিঠিখানা মুড়িতে মুড়িতে) আমি ত খাসা আছি—কিন্তু আর কিছু নয়, মজ্জ্বারাগী কেমন আছেন, কি করছেন তাই জানতে মাঝে মাঝে ইচ্ছে হয়। হয়ত সে বেটা মাতাল—আমার টাকাগুলো নাহক শুড়ির বাড়ি পাঠাচ্ছে—ওকে হয়ত যন্ত্রণা দিচ্ছে! যাক গে। যেমন কর্ম তেমনি ফল, আমি আর কি করব? মাতালের ত্রীচরণে যখন নিজেকে উৎসর্গ করেছেন তখন মাঝে মাঝে লাথি-কাঁটা খেতে হবে বৈ কি! টাকাগুলো হয়ত এর মধ্যে সব ফুঁকে দিয়েছে, মজ্জ্বারাগী আমার যে গুরুমা সেই গুরুমা। না, অর্ন্তটা পারবে না। দু'লাখ টাকা তিন মাসের মধ্যে উড়িয়ে দেওয়া সহজ মাতালের কর্ম নয়।—

দেয়ালে টাঙানো জাপানী ঘড়িতে ঠং করিয়া আড়াইটা বাজিতেই বেগী-মাধবের নাসিকান্ধমি অর্ধপথে হৌচট খাইয়া থামিয়া গেল। চক্ষু রগড়াইতে রগড়াইতে উঠিয়া বসিয়া দিগন্তপ্রসারী একটি হাই তুলিয়া বলিলেন, বিত্তে, ওঠ বাবা ওঠ, আর দেরি করিসনে, আড়াইটে বেজে গেল উননে আগুন দে। এখুনি ছোঁড়াছুঁড়িরা—কি বলে ভাল—ভদ্রলোক আর ভদ্রমহিলারা আসতে আরম্ভ করবে।

বিত্তা। তার এখনও ঢের দেরি আছে খুড়ো।

বেগী। না না তুই ওঠ, মাণিক আমার, উহুনে আগুন দিয়ে চায়ের জলটা,

রূপকথা

চড়িয়ে দে। আমার একটু চোখ লেগে গিছিল। বলি ইয়ারে, আইসক্রীমটা ঠিক করেছিস ত? কাটলেটের মাছ আর মাংস দিয়ে গেছে ত—?

বিজ্ঞা। হ্যাঁ—

বেণী। তাহলে আর আলস্টি করিসনে বাবা আমার, উঠে পড়। এই বেলা গোটাকতক ভেঙ্গে রাখ, তখন গরম করে দিলেই হবে। নইলে ভিড়ের সময় যুগিয়ে উঠতে পারবিনে। ঢাকাই পরটাগুলো—?

বিজ্ঞা। যাচ্ছি খুড়ো, অত তাড়া কিসের! আজ তোমার বেশি খন্দের হবে না।

বেণী। (বিরক্ত হইয়া) ঐ তোমার ভারি দোষ বিজ্ঞে, বড় কথা কাটস। হোটেল করে করে আমার দ্যাড়ি পেকে গেল, তুই আমাকে শেখাতে এসেছিস আজ খন্দের হবে কিনা। বলি, আজ শনিবার সেটা খেয়াল আছে?

বিজ্ঞা। আছে, কিন্তু আজ ব্যারাকপুরে রেস আছে সেটাও যে ভুলতে পারছি না খুড়ো।

বেণী। হাতের রেসের নিকুচি করেছে—রোজ রেস রোজ রেস!—অচ্ছা রেসের দিন ছোড়াছুড়ি আসে না কেন বলতে পারিস?

বিজ্ঞা। রেসে হেরে গিয়ে ভয়ানক মনমরা হয়ে পড়ে কিনা খুড়ো তাই আসে না। তখন আমার কাটলেটও আর মুখে রোচে না।

বেণী। জুগিয়াস মনে ঝরিয়ে দিলি। তা মাছ মাংস কম করে নিয়েছিস ত?

বিজ্ঞা। হ্যাঁ—সেজ্ঞ ভেবো না—

বেণী। (উঠিয়া আসিয়া বিজ্ঞাধরের চিবুক স্পর্শ করত চুশন করিয়া) ভালা মোর বাপ রে। সোনারচাঁদ ছেলে। তোর কাছে মিথ্যা বলবো না বিজ্ঞে, হোটেল আমি ঢের করেছি কিন্তু কপাল খুলল আমার তোর পয়ে। আজ-কাল তোর তৈরী কাটলেট আর ঢাকাই পরটা খেতে ছোড়াছুড়ির ভিড় দেখি আর ভাবি, এমন দিনও আমার গেছে যখন কারখানার উড়ে মিস্ত্রিদের ভাত বেঁধে খাইয়ে আমার দিন কেটেছে। তখন দিনান্তে পাঁচ গণ্ডা পয়সা আমার বাঁচত। ঝাড়া-হাত-পা বাঁড়ি মনিষ্টি বলেই পেরেছিলুম, নইলে মাগছেলে নিয়ে জ্ঞাঞ্জাল হয়ে পড়লে কি পারতুম না এই বুড়ো বয়সে তোর কল্যাণে দুটো পয়সার মুখ দেখতে পেতুম?

বিজ্ঞা। (পা নামাইয়া বসিয়া) তবেই বল খুড়ো, আমি না হলে তোমার কিছুই হত না?

বেণী। কিছু না রে বাবা, কিছু না। এই যে সব ভাল ভাল চেয়ার, টেবিল, আশুবা, এত টাকা ভাড়া দিয়ে শহরের মাঝখানে দোকান—এসব স্বপ্নই রয়ে যেত। ‘ত্রিবেণী-সঙ্গম’ কেবল তোর পয়ে।

বিজ্ঞা। খুড়ো, এই জগ্গেই তোমায় এত ভালবাসি। অগ্ন মন্দির হলে আমাকেই বোঝাতে চেষ্টা করত যে তার পয়ে আমার ‘কপাল খুলেছে’। ভুলেও মানত না যে আমার কোন কৃতিত্ব আছে, পাছে আমার দেমাক বেড়ে যায়, বেশি মাইনে চেয়ে বসি।

বেণী। দূর পাগল! ভুল বোঝালে কি ভবি ভোলে রে? তোর আমার কাছে যতদিন থাকবার ততদিন থাকবি, তারপর যেদিন কাজ ফুরবে সেদিন কারণে-অকারণে আপনিই চলে যাবি। তোকে আমি ধরেও আনিনি, ধরে রাখতেও পারব না। কেউ কি তা পারে? দুনিয়ার এই নিয়ম।

বিজ্ঞা। র’সো খুড়ো তোমার দর্শনশাস্ত্র পরে শুনবো। এইবার চট করে একটা উননে আগুন দিয়ে আসি।

বিজ্ঞাধর প্রস্থান করিল। ঘরের এককোণে একটি কাঠের ছোট টেবিল ও টুল রাখা ছিল; টেবিলের উপর বেণীমাধবের ক্যাশবাক্স। এইখানে বসিয়া তিনি খদ্দেরের নিকট পয়সা গ্রহণ করেন। কসি হইতে চাবি বাহির করিয়া বেণী ক্যাশবাক্স খুলিয়া একটি পুস্তক বাহির করিলেন, তারপর টুলের উপর বসিয়া পাঠ করিতে লাগিলেন।

খেলো হাঁকার উপর কলিকু বসাইয়া ফু দিতে দিতে বিজ্ঞাধর প্রবেশ করিল।

বিজ্ঞা। (হাঁকা বেণীমাধবকে দিয়া) এই নাও টানো।—আবার সেই ‘শিহরণ-সিরিজ’ বার করেছে? এটা কি দেখি—ওঃ একেবারে গুদামে গুমখুন। (উচ্চহাস্য) আচ্ছ খুড়ো, এগুলো তোমার ভাল লাগে?

বেণী। তা লাগে বাবা, মিথ্যে বলব না। তোর মত পেটে বিজ্ঞে ত নেই, ইংরেজী খবরের কাগজটা পর্বস্ত পড়তে পারি না। তাই এই সব বইয়ে বিলিভী মেমসাহেবদের কেছা পড়ে একটু আনন্দ পাই।

বিজ্ঞা। আমার পেটে বিজ্ঞে আছে তুমি জানলে কোথেকে খুড়ো?

বেণী। জানি রে বাবা জানি, ও কি আর চেপে রাখা যায়। আজকাল লেখাপড়া শিখে গেরস্তর ছেলেদের এই দুর্দশাই ত হয়েছে। আমি কত সোনার চাঁদ ছেলেকে রাস্তায় রাস্তায় আলুর চপ, গরম ফুলুরি ফেরি করতে দেখেছি।

লজ্জায় ভদ্রলোকের ছেলে বলে পরিচয় দিতে চায় না, হাঁটু পর্যন্ত কাপড় তুলে পিরান গায়ে দিয়ে ছোটলোক সেজে বেড়ায়। তুইও সেই দলের। কিন্তু এত লেখাপড়া শিখেও এমন রাঁধতে শিখুলি কোথেকে সেইটেই বুঝতে পারি না।

বিজ্ঞা। তা জানো না খুড়ো? ভারতবিখ্যাত পীরবাবুটির নাম শোনো নি কখনও? দেড়শ টাকা তাঁর মাইনে, রাজা-রাজড়া তাঁর হাতের হোসেনী কাবাব খাবার জন্তে লাগায়িত। এ হেন পীর মিঞা হচ্ছেন আমার গুরু। দুটি বছর তাঁকে মাইনে দিয়ে রেখে—ওর নাম কি—তাঁর পায়ের কাছে বসে রান্না শিখেছি। রান্নার এন্সাইক্লোপিডিয়া ব্রিটানিকা তিনি—শুকুনি থেকে পেঁয়াজের পরমাত্র পর্যন্ত সব রান্নার হুনরী—সকাল বেলা তাঁর নাম স্মরণ করলেও পুণ্য হয়। (উদ্দেশ্যে প্রণাম) ভাগ্যে তাঁর কাছে শিখেছিলুম, নইলে আজ আমার কি দুর্দশাই না হত খুড়ো!

বেণী। আচ্ছা বিজ্ঞে, তোকে একটা কথা জিজ্ঞেস করি। এই তিনমাস আমার কাছে আছিস, একদিনের তরেও ত তোকে বাড়ি যেতে দেখলুম না? তোর বাড়ি কোথায়—বাপ, মা, ভাইবোন সব আছে ত? তাদের একবার খোঁজখবর নিস না কেন? খালি দেখতে পাই, মাঝে মাঝে একখানা চিঠি'বার করে বিড় বিড় করে পড়িস। বলি, বাড়ি থেকে বগড়া-কাঁটি করে পালিয়ে আসিস নি ত?

বিজ্ঞা। ওসব কথা ছাড়ান দাও খুড়ো। আমার তিনকুলে কেউ নেই, তোমার মত ঝাড়া-হাত-পা লোক। তাই ত তোমার সঙ্গে জুটে গেছি। রতনেই রতন চেনে কিনা। তুমি এখন তোমার গুদোমে গুমখুন আরম্ভ কর, আমি একবার ওদিকটা দেখি। এখনই হয়ত লোক এসে পড়বে।

বিজ্ঞাধর রান্নাঘরের ভিতর প্রস্থান করিল। বেণী হ'কা টানিতে টানিতে পুস্তকে মনোনিবেশ করিলেন। কিছুক্ষণ পরে বিজ্ঞাধর ফিরিয়া আসিয়া হঠাৎ 'বলিল,—খুড়ো, একটা গল্প শুনবে? তোমার শিহরগ-সিরিজের সবচেয়ে ভাল গল্প।

বেণী। (বই মুড়িয়া) বলবি? আচ্ছা তবে তাই বল্। অনেক ভাল ভাল ইংরিজী বই পড়েছিস সেই থেকে একটা বল্ শুনি। এমন এমন গল্প বলিস বিজ্ঞে ঘেন শুনতে শুনতে গায়ে কাঁটা দিয়ে ওঠে।

বিজ্ঞা। আচ্ছা বেশ। (গলা স্বাক্ষর করিয়া) এক রাজপুত্র ছিল—অর্থাৎ কিনা—

বেণী। (করণ ভাবে) ওরে, এ যে রূপকথা আরম্ভ করলি বিত্তা। আমার কি আমার রাজপুত্রের কোটালপুত্রের গল্প শোনবার বয়স আছে!

বিত্তা। রূপকথা নয়, তবে কতকটা আবৃত্তি উপস্থাপনের মত বটে। আচ্ছা রাজপুত্রকে না হয় ছেড়ে দিলুম,—ধর এক মস্ত বড়মামুষের ছেলে।

বেণী। নাম কি?

বিত্তা। (মাথা চুলকাইয়া) নাম? মনে কর—রণেন্দ্র সিংহ। কেমন জমকালো নাম কিনা? তোমার ‘গুদামে গুদাম’—এ এমন নাম আছে?

বেণী। না,—তারপর বল—

বিত্তা। কি আশ্চর্য খুড়ো, এতদিন লক্ষ্য করিনি! কিন্তু আমাদের সাধারণ বাঙালীর ঘরে সময় সময় এমন এক একটা নাম বেঁচিয়ে পড়ে যা ‘হুর্গেশনন্দিনী’, ‘জীবনপ্রভাত’ খুঁজলেও পাওয়া যায় না। ‘রণেন্দ্র সিংহ’ শুনলে মনে হয় না যে, নামটা একখানা আনকোরা ঐতিহাসিক উপস্থাপন থেকে পেড়ে এনেছে? অথচ—সে যাক, এখন গল্পটা শোনো। এই রণেন্দ্র সিংহের অনেক টাকা; বাপু-মা ভাই-বোন কেউ নেই। বয়স পঁচিশ ছাব্বিশ—চেহারা মোটের উপর মন্দ নয়, অসুস্থ ছেলেপুলে অঙ্ককারে দেখলে ডিরিয়ে ওঠে না। তার বিয়ে হয়নি, কারণ বাপ বিয়ে দেবার আগেই মারা গেছেন। রাজধানীতে সাতমহল বাড়িতে একলা থাকে, কারুর তোয়াক্কা রাখে না। যেন একটি ছোটখাট নবাব।

এ হেন রণেন্দ্র সিংহ একদিন এক মেয়ে-ইন্ডুলের গুরুমার সঙ্গে—খুড়ি—এক ঘুঁটে কুড়ুনী মেয়ের সঙ্গে প্রেমে পড়ে গেল। ঘুঁটে কুড়ুনী মেয়ে দেখতে ঠিক একটি রজনীগন্ধার কুঁড়ির মত। বলি, রজনীগন্ধার কুঁড়ি দেখেছ ত?

বেণী। দেখেছি রে বাপু, হগ সাহেবের বাজারে ফুলের দোকানে। তুই বলে যা না।

বিত্তা। রণেন্দ্র সিংহ সেই রজনীগন্ধার কুঁড়ির প্রেমে হাবুডুবু খেতে লাগল। শেষে তার এমন অবস্থা হল যে, মেয়ে-ইন্ডুল না হয়ে যদি ছেলে-ইন্ডুল হত তাহলে পোড়ো সেজে ইন্ডুলে ভর্তি হয়ে পড়তেও সে বিধা করত না—ঐ: যা! কি বলতে কি বলে ফেলছি খুড়ো, আমার মাথাটা গুলিয়ে গেছে। ঘুঁটে কুড়ুনী মেয়ের কথা বলতে কেবলি গুরুমার কথা বলে ফেলছি—

বেণী। তা হোক, আমার বুঝতে একটুও কষ্ট হচ্ছে না। তুই বলে যা।

বিত্তা। যা হোক, অনেক বুদ্ধি খেলিয়ে রণেন্দ্র সিংহ শেষে মেয়েটির সঙ্গে ভাব করলে। মেয়েটির নাম—ধর, মঞ্জুবা। দুজনের মধ্যে বেশ ভাব হল। ক্রমে

রোজ সন্ধ্যাবেলা মেয়েটির কুঁড়ে ঘরে ছুজনের দেখা হতে লাগল। হাদি-গল্প, গান, চা-চকোলেটের ভিতর দিয়ে বন্ধুত্ব বেশ প্রগাঢ় হয়ে উঠল। দূর থেকে দেখেই রণেন্দ্র সিংহ যাকে ভালবেসেছিল, এত কাছে পেয়ে তার প্রেমে একেবারে ডুবে গেল। নিজের বলে তার আর কিছু রইল না।

এমনি ভাবে মাস দুই কাটবার পর রণেন্দ্র সিংহ একদিন মঞ্জুরা কাছে বিয়ের প্রস্তাব করলে। মঞ্জুরাণীর মুখখানি লাল হয়ে উঠল,—এক মুহূর্তে রজনীগন্ধার কুঁড়ি ডালিমফুলের কুঁড়িতে পরিণত হল। তারপর কিছুক্ষণ মাথা হেঁট করে থেকে বললে—‘না।’ রণেন্দ্র সিংহের বুকের রক্ত থেমে গেল, সে জিজ্ঞাসা করলে,—‘কারণ জানতে পারি কি?’

মঞ্জুরা বললে,—‘চিঠিতে জানাব।’

খালি বুক নিয়ে রণেন্দ্র সিংহ তার সাতমহল বাড়িতে ফিরে এল।

পরদিন মঞ্জুরার চিঠি এল। সে লিখেছে—সে গরিব মেয়ে, বড়মামুষের ছেলেকে বিয়ে করতে পারবে না। এমন কি, বিয়ে করতেই তার ঘোর আপত্তি! তবে যদি ভগবান এখনও তাকে টাকা দেন তখন সে যাকে ভালবাসে তাকে বিয়ে করবে—নচেৎ বিয়ে-থাওয়ার কথা ঐ পর্যন্ত!

চিঠি পড়ে আহ্লাদে রণেন্দ্র সিংহের বুক নেচে উঠল; সে তখনই ছুটল উকিলের বাড়ি। উকিলকে দিয়ে এক দলিল তৈরি করালে। নিজের স্বাবর-অস্বাবর সম্পত্তি, নগদ টাকাকড়ি যা ছিল সব ঐ ঘুঁটেকুড়ুনী মেয়ের নামে দান-পত্র করে দিলে। তারপর দানপত্র হাতে করে সন্ধ্যাবেলা মেয়েটির বাড়ি গিয়ে হাজির হল।

বাড়িতে ঢোকবার আগেই রণেন্দ্র সিংহ দেখতে পেল, দোতলার জানালার সামনে দাঁড়িয়ে মঞ্জুরাকে দুহাতে জড়িয়ে ধরে কে একজন তাকে চুমু খাচ্ছে। জানলা দিয়ে তাদের কোমর পর্যন্ত দেখা গেল। যে লোকটা চুমু খাচ্ছে তার সফ লিক্লিকে চেহারা, ঘাড়ে ছাঁটা চুল, গায়ে কোট-শোয়েটার। রণেন্দ্র সিংহ তার মুখ দেখতে পেল না। পা টিপে টিপে চোরের মত বাড়ি ফিরে গেল।

সে রাত্তিরটা রণেন্দ্র সিংহ ঘুমোতে পারলে না। পরদিন সকালে উঠে রেজিষ্ট্রি করে দানপত্রটা ঘুঁটেকুড়ুনী মেয়েকে পাঠিয়ে দিয়ে সে দুর্গা বলে বেরিয়ে পড়ল।

বেণী। সব দিয়ে দিলি? দানপত্রটা ছিঁড়ে ফেললি না? দূর আহাম্মক!

বিজ্ঞা। রণেন্দ্র সিংহটা ঐ রকম আহাম্মক ছিল, সব দিয়ে দিলে। ভাবলে

টাকা এপলেই যখন মেয়েটা যাকে ভালবাসে তাকে বিয়ে করতে পারবে তখন তাই করুক।

বেণী। হাঁদাগোবিন্দ রণেন্দ্র সিংগির কি দশা হল?

বিজ্ঞা। কি জানি। হাঁদাগোবিন্দদের যা হয়ে থাকে তাই হয়েছে ঝোঁধ হয়। পথে পথে টো টো করে ঘুরে বেড়াচ্ছে।

বেণী। আর মেয়েটা?

বিজ্ঞা। সে এখন বিয়ে-খা করে সুখে স্বচ্ছন্দে ঘরকন্না করছে আর মাতালটার লাথি-ঝাঁটা খাচ্ছে। এতদিনে রণেন্দ্র সিংহের টাকাগুলো প্রায় শেষ করে এনেছে।

বেণী। মাতাল টাকা উড়িয়ে দিয়েছে,—এত খবর তুই জানলি কি করে?

বিজ্ঞা। এর আর জানাজানি কি? এত দিব্য চোখে দেখতে পাচ্ছি।

বেণী। (বহুক্ষণ হুঁকায় টান দিয়া শেষে দীর্ঘ নিশ্বাস ফেলিয়া) তোর গল্প একদম বাজে, শেষের দিকে মন একেবারে খিঁচড়ে যায়। তবু চেয়ে আমার শিহরণ-সিরিজ ঢের ভাল, শেষ পাতায় নায়ক-নায়িকা চুমু খেয়ে মনের সুখে ঘরকন্না করে। (সহসা হুঁকা রাখিয়া উঠিয়া বিজ্ঞাধরের স্বন্ধে হাত রাখিয়া) তবে কি জানিস রে বাবা, মরদের বাচ্চা—কিছুতেই দমতে নেই। কোথাকার ঘুঁটে-কুড়ুনী মেয়ে নিজের মাথা খেয়ে ফিরে চাইলে না বলে কি প্রাণটাকে তাচ্ছিল্য করে নষ্ট করে ফেলতে হবে? আবার দেখবি, কত রাজার মেয়ে ঐ রণেন্দ্র সিংগির জন্তে হাত বাড়িয়ে দাঁড়িয়ে আছে। ইহুলের মাস্টারনী কদর বুঝলে না বলে কি মণিযুক্তোর দাম কমে যাবে! দেখিস, ঐ রণেন্দ্র সিংগির একদিন রাজকন্তার সঙ্গে বিয়ে হবে।

বিজ্ঞা। তা যদি হতে পারত খুড়ো তাহলে ত কোন কথাই ছিল না। কিন্তু দুঃখের কথা কি বলব তোমাকে, রণেন্দ্র সিংহটা এমনি আত্মন্যক যে ঐ ঘুঁটে-কুড়ুনী মেয়ে ছাড়া আর কাউকে চায় না। রাজকন্তার ওপর তার একটুও নজর নেই।

বেণী। বিজ্ঞে, যা বাবা তুই কাটলেট ভাজগে বা। আর বুড়োমানুষকে দুঃখ দিসনে। তোর গল্প আর আমি শুনতে চাই না।

এই সময় দোকানের সামনে একটি মোটর আসিয়া থামিল। বেণী উকি মাখিয়া দেখিয়া তাড়াতাড়ি দেয়ালে টাঙানো একটি কালো রঙের গলবন্ধ কোট।

পরিধান করিতে করিতে বলিলেন,—বিচ্ছে, লীগগির যা ইউনিফর্ম পরে।
খন্দের আসতে শুরু করেছে।

বিজ্ঞান রান্নাঘরের ভিতর প্রস্থান করিল।

বহির্দ্বার দিয়া একটি তরুণীর প্রবেশ। সুন্দরী ভদ্রী, চোখে বিষাদের ছায়া। পায়ে হাই-হীল সোয়েড জুতা, ফিকা গোলাপী রঙের মোজা; পরিধানে দামী সিল্কের বেগুনী রঙের শাড়ি ও ব্লাউজ। হাতে একগাছি করিয়া সোনার চুড়ি। বাম কব্জিতে একটি গিনির মত পাতলা স্ক্রু ঘড়ি। গলায় প্রাচীনামের সুরু হারে একটি হীরার লকেট ঝুলিতেছে। কানে কোন অলঙ্কার নাই। মাথার চুল ঈষৎ কক্ষ, এলো খোপার আকারে জড়ানো।

বেণী। (সহর্ষে হাত ঘষিতে ঘষিতে) আহুন না লক্ষ্মী আহুন, এই চেয়ার-টিতে বসুন।—এখনও ফাশুন মাস শেষ হয়নি, এরি মধ্যে কি রকম গরম পড়ে গেছে দেখছেন? পাখাটা খুলে দেব কি?

তরুণী ক্রান্ত ভাবে চেয়ারে বসিয়া পড়িলেন; বেণী পাখা খুলিয়া দিলেন।

বেণী। (হাত ঘষিতে ঘষিতে) তা আপনাদের জ্ঞান কি ফরমাস দেব বলুন ত? চা? কোকো? না এ গরমে চা কোকো চলবে না। ঘোলের সরবৎ? চকোল্টে ড্রিক? আইসক্রীম? যা চাইবেন তাই তৈরী আছে। আমি বলি, এক গেলাস বরফ দেওয়া ঘোলের সরবৎ খেয়ে শরীর ঠাণ্ডা করে নিন, তারপর দুখানা ক্রীম কেক—কিনা যদি ইচ্ছা করেন, দুটো চিংড়ি মাছের কাটলেট—

তরুণী। চা দিন এক পেয়লা—

বেণী। চা? যে আজ্ঞে, তাই দিচ্ছি। এ সময় চায়ে খুব তেষ্ঠা নাশ করে বটে। ওরে বিচ্ছে, অর্ডার নিয়ে যা—

অদ্ভুত ইউনিফর্ম পরিয়া বিজ্ঞান রান্নাঘরের প্রবেশ।

নিয়াদে চুড়িদার পায়জামা, উদ্বর্ণাঙ্গে জরির কাজকরা নীল রঙের ফতুয়া, মাথায় হাঁড়ির মত আকৃতি-বিশিষ্ট এক টুপি। এই ইউনিফর্ম বিজ্ঞান রান্নাঘরের স্বকল্পিত সৃষ্টি।

তরুণীর সম্মুখবর্তী হইয়া বিজ্ঞান ভীষণ মুখবিকৃতি করিতে আরম্ভ করিল।

তরুণী অগ্নমনস্ক ভাবে হাতের উপর চিবুক ও টেবিলের উপর কতুই রাখিয়া বসিয়া ছিলেন—কিছু লক্ষ্য করিলেন না।

বেণী। (বিজ্ঞানকে একটা গুপ্ত জেলা দিয়া নিম্নস্বরে) ও কি, অমন করে দাঁত মুখ খিঁচুচ্ছিস কেন? অর্ডার নে।

বিজ্ঞা। (বিকট স্বরে) কি চাই ?

তরুণী চমকিয়া উঠিলেন ; অবাক হইয়া কিছুক্ষণ বিজ্ঞাধরের দিকে তাকাইয়া রহিলেন। বিজ্ঞাধর পূর্ববৎ মুখভঙ্গী করিতে লাগিল।

তরুণী। (অধর দংশন করিয়া) চা চাই—একটু তাড়াতাড়ি। আমাকে এখনই বারাকপুর রেসে যেতে হবে।

বিজ্ঞাধর পিছু হটিয়া প্রস্থান করিল।

বেণী। দু-মিনিটের মধ্যে এসে পড়বে—সব তৈরী আছে। তা শুধু চা কি ঠিক হবে ? সেই সঙ্গে দুটো কাটলেট—বিজ্ঞার হাতের কাটলেট এ অঞ্চলে বিখ্যাত—একবার মুখে দিলে আর ভুলতে পারবেন না।

তরুণী। (ঈষৎ হাসিয়া) আচ্ছা, আনতে বলুন—

বেণী। (মনোপথ্যের উদ্দেশ্যে) এক পেয়লা চা, দুখানা কাটলেট, জ্বলদি ! (তরুণীর দিকে ফিরিয়া) মাঠাকরুন এর আগে কখনও 'ত্রিবেণী-সঙ্কমে' পায়ের ধুলো দেন নি, নইলে আগেই বিজ্ঞার কাটলেট অর্ডার দিতেন। কলকাতায় যত ভল-ভাল তরুণী আছেন সবাই এখানে পায়ের ধুলো দিয়ে থাকেন। অন্তত হুগুয়া একবার বেণী-খুড়োর হোটেলে আসাই চাই। তাঁদেরই দয়ায় বেঁচে আছি।

তরুণী। আমি কলকাতায় থাকি না। কখনও কখনও আসি।

বেণী। রেস খেলতে এসেছেন বুঝি ? আজকাল অনেক মেয়েরা বাইরে থেকে আসেন—

তরুণী। না, রেস খেলতে নয়, রেসে যাচ্ছিলুম অল্প কাজে,—আপনিই বুঝি এই রেস্টোরাঁর মালিক ?

বেণী। আজ্ঞে হ্যাঁ, আমি মালিক বটে তবে বিজ্ঞাই সব করে ; আমি শুধু পয়সা কুড়োই।

তরুণী। আপনার ঐ চাকরটির নাম বিজ্ঞা ? ও কি বাঙালী ?

বেণী। বাঙালী বই কি, আসল বাঙালী। কয়েতের ছেলে। কিন্তু ওর নাম বিজ্ঞা নয়, [গলা খাটো করিয়া] ও মস্ত বড়মানুষ ছিল—নানান ফেরে পড়ে এখন গরিব হয়ে গেছে, তাই হোটেলে চাকরি করছে। ওর বাড়ি বোধ হয়—

চা ও কাটলেটের প্লেট লইয়া বিজ্ঞাধর প্রবেশ করিল এবং হঠাৎ প্রচণ্ড ভাবে উপযুপরি হাঁচিতে আরম্ভ করিল। বেণী ফিরিয়া দেখিলেন বিজ্ঞাধর গলা

রূপকথা

ও মাথার চারিপাশে একটা কম্ফর্টর জড়াইয়া আরও অল্পত আকৃতি ধারণ করিয়াছে।

বেণী। (কাছে গিয়া জুন্ধ ও বিরক্ত ভাবে) এসব তোর কি হুমুশীর্বিজে ? গলায় কম্ফর্টার জড়িয়েছিল কেন, অত হাঁচ্চিস কেন ?

বিজ্ঞা। (বেণীর কানের কাছে মুখ লইয়া গিয়া) খবরদার খুড়ো, একটা কথা বলেছ কি এক কামড়ে তোমার কানটি কেটে নেব, একেবারে ভুবনের মানী হয়ে যাবে। ষা করছি করতে দাও—কথাটি কোথো না।

বেণী বিহ্বল হতবুদ্ধি হইয়া দাঁড়াইয়া রহিলেন। বিজ্ঞা চা ও কাটলেট তরুণীর সম্মুখে রাখিল।

বিজ্ঞা। আমি বিজ্ঞে, আমায় যদি হয়েছে—হাঁচ্ছি,—হাঁ—চ্ছি—

তরুণী। সর্বনাশ! আমার চায়ে হেঁচে দাওনি ত ?

বিজ্ঞা। না—না—চায়ে আমি হাঁচি না—হাঁ—চ্ছি—

তরুণী। কিন্তু চা একেবারে তৈরি করে নিয়ে এলে কেন ? আমি যে চায়ে চিনি খাই না।

বিজ্ঞা। খেয়ে দেখুন, চায়ে চিনি নেই—

(হাঁচিতে হাঁচিতে প্রস্থান)

(তরুণী এক চুমুক চা পান করিয়া অঙ্গুলি-সঙ্কেতে বেণীকে ডাকিলেন, বেণী নিকটে আসিলেন।)

তরুণী। দেখুন, আপনার এই চাকরটি বোধ হয় পাগল।

বেণী। (মাথা নাড়িয়া) না পাগল ত ছিলা না, তবে আজ হঠাৎ কেমন-ধায়া হয়ে গেছে। (গলা খাটো করিয়া) আমার কান কামড়ে নেবে বলে ভয় দেখাচ্ছিল।

তরুণী। সে কি ! তবে ত একেবারে উন্মাদ !

বেণী। না উন্মাদ নয়, এই খানিকক্ষণ আগে পর্যন্ত বেশ সহজ ভাবে কথা কইছিল। ওর কিছু একটা হয়েছে—

তরুণী। যদি উন্মাদ না হয় তা হলে নিশ্চয় অন্তঃসারী, নৈলে আমি চায়ে চিনি খাই না জানলে কি করে !

বেণী। (চিন্তিতভাবে) সত্যিই ত ! জানলে কি করে ?—বিজ্ঞে, এদিকে আয়—

তরুণী। থাক, ওকে ডাকবার দরকার নেই। ভাল 'ওয়েটার'রা সাধারণত

অন্তর্ধারী হয়ে থাকে—ওতে আশ্চর্য হবার কিছু নেই। (তা পান করিতে করিতে) আচ্ছা আপনার দোকানে ত অনেক লোক আসে যায়, আমি একজন লোককে খুঁজে বেড়াছি, তার সন্ধান দিতে পারেন? তারি খোঁজে আজ রেসকোর্সে যাচ্ছিলুম, সেখানে অনেক লোক যায়, যদি তার দেখা পাই।

বেণী। (সম্মুখের চেয়ারে উপবেশন করিয়া) কি রকম লোক তুমি খুঁজছ মাঠাকরুণ তার বর্ণনাটা একবার দাও ত শুনি। তার নাম ধাম চেহারার একটা আন্দাজ দাও, দেখি যদি বেরিয়ে পড়ে।

তরুণী। নাম জ্ঞেনে বিশেষ সুবিধে হবে না, কারণ সম্ভবত সে ছদ্মনামে বেড়াচ্ছে। যা হোক, কাজ চালানোর জগে ধরে নেওয়া যাক যে তার নাম—
রণেন্দ্র সিংহ।

বেণী। কি নাম? রণেন্দ্র সিংহ?

তরুণী। মনে করুন রণেন্দ্র সিংহ। কেন, এ ধরনের নাম কি আপনি আগে শুনেছেন নাকি?

বেণী। হঁ, শুনেছি বলেই মনে হচ্ছে, তবে লোকটাকে যে চিনি সে কথা এখনো জোর করে বলতে পারছি না। লোকটির আর সব পরিচয়?

তরুণী। দেখুন, লোকটির পুরো পরিচয় দিতে গেলে একটা গল্প বলতে হয়। আপনার এই চাকরটির মত তারো একটু পাগলামির ছিট আছে।

ইতিমধ্যে বিস্তারিত হামাগুড়ি দিয়া আসিয়া তরুণীর চেয়ারের পিছনে বসিয়াছিল এবং একাগ্রমনে কথাবার্তা শুনিতেছিল।

বেণী। বল মা লক্ষ্মী তোমার গল্প, আজ দেখছি আমার রূপকথা শোনবার পালা।

তরুণী। রূপকথা! হ্যাঁ, ঠিক বলেছেন। আমার গল্প রূপকথার মতই আশ্চর্য। তবে শুনুন,—একটি গরিবের মেয়ে ছিল। ধরুন তার নাম—
মঞ্জুষা—

বেণী। হঁ ধরেছি, বলে যাও মা লক্ষ্মী—

তরুণী। মঞ্জুষা গরিবের মেয়ে, পরের গলগ্রহ হয়ে অনেক দুঃখ পেয়ে সে মাহুত হয়েছিল। তাই যখন সে বড় হয়ে নিজের পায়ে দাঁড়াতে শিখলে তখন মনে মনে প্রতিজ্ঞা করলে আর কখনো কারুর গলগ্রহ হবে না; যদি কোনদিন অনেক টাকা পায় তবেই বিয়ে করবে নচেৎ চিরদিন কুমারী থাকবে। ফিল্ড

অনেক টাকা পাবার কোনো আশাই তার ছিল না, কারণ, ছোট ছোট মেয়েদের কথ শিথিয়ে সে নিজের গ্রাসাচ্ছাদন উপার্জন করত। তাই চিরদিন দিসি বাবা হয়ে থাকবার সম্ভাবনাই ছিল তার বেশি।

কিন্তু ইঠাৎ একদিন এক রাজপুত্র কোথা থেকে এসে মঞ্জুয়ার সঙ্গে ভাব করতে আরম্ভ করে দিলে—তার নাম রণেন্দ্র সিংহ। এরই কথা আপনাকে বলছিলাম। বাইরে থেকে লোকটিকে সহজ মানুষ বলে মনে হয় কিন্তু ভেতরে ভেতরে সে পাগল। মঞ্জুয়ার সঙ্গে তার খুব ভাব হয়ে গেল, দুজনের রোজই দেখা হ'তে লাগল। তার সম্বন্ধে মঞ্জুয়ার মনের ভাব কি রকম হয়েছিল তা আমি বলতে পারি না, কিন্তু মনের ভাব যাই হোক, কোন অবস্থাতেই যে সে তার প্রতিজ্ঞা ভুলবে তাতে তিলমাত্র সন্দেহ ছিল না। তাই রণেন্দ্র সিংহ যেদিন তাকে বিয়ে করতে চাইলে সেদিন সে রাজী হল না। পরদিন মঞ্জুয়া রাজপুত্রকে চিঠি লিখে জানিয়ে দিলে কেন সে তাকে বিয়ে করতে পারবে না। চিঠি পেয়ে এই রাজপুত্র এক অদ্ভুত কাজ করলে, নিজের ধনরত্ন রাজ্যপাট সমস্ত মঞ্জুয়ার নামে দানপত্র করে দিয়ে কোথায় নিরুদ্দেশ হয়ে গেল।

বেণী। তারপর ?

তরুণী। তারপর আর কি ? মঞ্জুয়া পাগলা রাজপুত্রকে দেশ-দেশান্তরে খুঁজে বেড়াচ্ছে—

বেণী। হঁ। একটা কথা জিজ্ঞাসা করি, মেয়েটা রাজপুত্রের টাকাকাড়ি সব নিলে ?

তরুণী। ই্যা নিলে।

বেণী। নিতে তার একটুও বাধা না ? হাত পুড়ে গেল না ?

তরুণী। না হাত পুড়ে গেল না। তার অধিকার ছিল বলে সে নিয়েছিল, নইলে নিত না।

বেণী। কি অধিকার ?

তরুণী। (কিছুক্ষণ নীরব থাকিয়া হেঁট মুখে) বোধ হয় ভালবাসার অধিকার।

বেণী। বুলুম না।

তরুণী। (মুখ তুলিয়া) যাকে মঞ্জুয়া ভালবাসে, যাকে মনে মনে স্বামী বলে বরণ করেছে তাঁর সম্পত্তিতে তার অধিকার নেই কি ?

বেণী। (কিছুক্ষণ স্তম্ভিত হইয়া থাকিয়া) কিন্তু—কিন্তু—আর একটা

কথা, মেয়েটি কি আর একজনকে বিয়ে করেনি? একটা মাতাল লম্পট বদমায়েসকে—

তরুণী। মিথ্যে কথা। মঞ্জু তার কুনারী-হুঁয়ার সমস্ত ভালবাসা নিয়ে তার রাজপুত্রকে খুঁজে বেড়াচ্ছে। ভগবান তাকে অনেক টাকা দিয়েছেন, সে এখন ইচ্ছে করলেই বিয়ে করতে পারে। কিন্তু সে তার রাজপুত্র ছাড়া আর কাউকে চায় না।

বিজ্ঞা। (সহসা সম্মুখে আসিয়া)। কিন্তু যে লিক্লিকে' চেহারার, ছাঁটী চুল, সোয়েটার-পর্য লোকটাকে মঞ্জু দোতলার সামনে দাঁড়িয়ে চুমু খাচ্ছিল, সে লোকটা তবে কে?

তরুণী। মিথ্যে কথা, মঞ্জু আজ পর্যন্ত কোনো পুরুষের চুমু খায়নি—

বিজ্ঞা। তবে সে কে?

তরুণী। সে আমার বন্ধু রমলা। আমরা দুজনে এক ইস্কুলে পড়াতুম। রমলার চুল শিঙ্গল করা—

বিজ্ঞা। অ্যা! (ললাটে করাঘাত করিয়া) উঃ, মঞ্জু—(তরুণীর হস্তধারণের চেষ্টা করিল)।

তরুণী। (বেণীকে) আপনার চাকর ত ভারি অসভ্য—মেয়েমানুষের হাত ধরে!

বেণী। (হুক্কর করিয়া) বিজ্ঞে, শীগগির হাত ছেড়ে দে বেয়াদব—

বিজ্ঞা। (কম্ফর্টর ও টুপি খুলিতে খুলিতে) খুড়ো, জলদি ভাগো, রান্নাঘরে গিয়ে ঘোলের সবৎ খাও গৈ, নইলে দুটো কানই তোমার কান্নাড়ে শেষ করে দেব—কিছু থাকবে না (খুড়ো পশ্চাৎপদ)—মঞ্জু, কখন চিনতে পারলে?

মঞ্জু। (বাপ্পাচ্ছন্ন চোখে হাসিয়া) দেখবামাত্রই। মুখবিকৃতি করে কি আমাকে ফাঁকি দিতে পারো? জান না, দাঁত খিঁচিয়ে কেউ কেউ নিজের সত্যিকার পরিচয় দিয়ে ফেলে!

রণেন্দ্র। মঞ্জু, বড্ড ভুল করে ফেলেছি—সত্যিই আমি পাগল—

মঞ্জু। কি বলে বিশ্বাস করলে? এতটুকু আস্থা নেই? এই ভালবাসা?

রণেন্দ্র। মঞ্জু, এইবারটি মাপ কর। বল ত খুড়োর টেবিলের ওপর দুশো বার নাকথৎ দিচ্ছি।

মঞ্জু। থাক। একে ত পাগল, তার ওপর যদি নাকটাও ঘষে মুছে যায়, (চুপি চুপি) তাহলে আমি কি নিয়ে ঘর করব?

রণেন্দ্র। (মঞ্জুকে নিকটে টানিয়া) 'মঞ্জু, এখনি বলছিলে আজ পর্যন্ত কোনো পুরুষের চুমু খাওনি। তা—সে ক্রটি এইবেলা সংশোধন করে নিলে হত না ?

বেণী। এই, খবরদার ! বুড়ো মাহুষের সামনে বেয়াদবি কোরো না, আমাকে আগে বাম্বাঘরে য়েতে দাও। (যাইতে বাইতে ফিরিয়া) কিন্তু বিচ্ছে, তুই ত তোর রাজকন্ঠে নিয়ে আজ নয় কাল চলে যাবি, এ বুড়োর কি দশা হবে ?

রণেন্দ্র। (বেণীর ঐর্ষি চাপড়াইয়া) ভেবো না খুড়ো, আমিও যে পথে ভুমিও সেই পথে। মঞ্জুর অনেক টাকা, আমাদের দুজনকে অনায়াসে পুষতে পারবে।

বাহিরে বহু মোটর আগমনের শব্দ শোনা গেল।

বেণী। (উকি মারিয়া দেখিয়া) ঐ রে ! সব ছোড়াছুঁড়িগুলো একসঙ্গে এসে পড়েছে। কিছু যে তৈরী নেই—কি হবে বিচ্ছে ?

রণেন্দ্র। কুছ পুরোয়া নেই খুড়ো, আজ আমরা দুজনে কাজ করব,—মঞ্জু তৈরি করবে আমি পরিবেষণ করব। কি বল মঞ্জু—আ্যা ? মনে কর এটা তোমার আইবুড়ো ভাতের ভোজ।

মঞ্জু সলজে ঘাড় নাড়িল।

একদল তরুণ-তরুণীর কল-কোলাহল করিতে করিতে প্রবেশ। সকলের উপবেশন ও ষাণ্ডপানীর ফরমাস দান।

হঠাৎ একজন তরুণ এক হাতে এক গোছা নোট তুলিয়া ধরিয়া আন্দোলিত করিতে করিতে গান ধরিল। আর সকলে, কেহ গলা মিলাইয়া কেহ বা হাতে তাল দিয়া যোগ দিল :

বেরার ভাগ্যে ছিঁড়েছে আজ সিকে

—ট্রা—লা—

খুড়ো ডিয়ার খুড়ো !

ইচ্ছে হচ্ছে নাচি দিক্‌বিদিকে—ট্রা—লা—

খুড়ো ডিয়ার খুড়ো !

বিচ্ছে কোথায়, নিয়ে আয় সরবৎ—

খুড়ো, বসে থেকো না জড়বৎ,

ঘোড়দৌড়ে জিতেছি আজ পাঁচ কড়া

পাঁচ সিকে—

খুড়ো ডিয়ার খুড়ো !

খেয়ে বেদম সিংড়ির কাটলেট

আইস ক্রীমে ভরিয়ে নিয়ে পেট

বিয়ে করবো আজ রাত্তিরেই প্রাণের

প্রেমসীকে

খুড়ো ডিয়ার খুড়ো !

যবনিকান!

গ্রন্থি-রহস্য

গোদার মতন এমন সচরিত্র এবং গভীর প্রকৃতির বানর আমি আর দেখি নাই। ইহার একটা কারণ এই হইতে পারে যে, গোদা বাঃনাদেশে বানর নয়। শুনিয়াছি, জ্ঞাত্রা কি বোনিও কি ঐ রকম একটা দ্বীপ তাহার জন্মস্থান।

গোদাকে বানর না বলিয়া অতি-বানর বলা চলে। শুধু তাহার স্বভাব-চরিত্রের জ্ঞান নয়, তাহার চেহারাটাও সাধারণ বানরের তুলনায় প্রকাণ্ড সোজা হইয়া দাঁড়াইলে, তাহার খাড়াই পাঁচ ফুটের কম হইত না। গায়ে জোরও ছিল অমানুষিক, তিন স্তরের লোহার ছড়্ দুই হাতে বাকাইয় দু'ভাঁজ করিয়া দিতে পারিত।

কিন্তু গোদার গুণগ্রাম ব্যাখ্যা করিবার আগে তাহার মালিক শশধর-বাবুর কথা বলা উচিত। শশধরবাবু সম্বন্ধে এমন অনেক কথা আমি জানি-যাহা আর কেহ জানে না; পনরো বছর ধরিয়া আমি তাঁহার পারিবারিক চিকিৎসক ছিলাম। পারিবারিক চিকিৎসক কথাটা বোধ হয় ঠিক হইল না কারণ শশধরবাবুর পরিবারের মধ্যে তিনি স্বয়ং এবং তাঁহার বানর গোদা ছাড়া আর কেহ ছিল না।

শশধরবাবু আদৌ দরিদ্র ছিলেন। তারপর পঁচিশ বছর বয়সে তিনি এক ভয়ঙ্কর প্রতিজ্ঞা করেন যে, পঞ্চাশ লক্ষ টাকা উপার্জন না করিয়া তিনি সংসারধর্ম কিছুই করিবেন না। অতঃপর ত্রিশ বছর কাটিয়া গিয়াছে। শশধর-বাবু নানাবিধ ব্যবসা করিয়া ধনী হইয়াছেন, কলিকাতার সবচেয়ে-মূল্যবান

পাড়ায় বাগান-ঘেরা বাড়ি করিয়াছেন। কিন্তু বিবাহাদি করেন নাই। তিনি মিস্ত্রী এবং মিষ্টভাষী লোক কিন্তু বাজারে তাঁহার ছুঁদাম ছিল। পরশ্রব্য সম্বন্ধে তাঁহার নাকি তিলমাত্র বিবেকবুদ্ধি নাই। তাঁহার সমধর্মী ব্যবসায়ীরা সকলেই তাঁহাকে ভয়ে ভক্তি করিত এবং আড়ালে শশধরবাবু না বলিয়া বিষধরবাবু বলিত।

শশধরবাবুর বয়স এখন পঞ্চাশ বছর। বছর চারেক আগে তিনি কোথা হইতে গোদাকে আনিয়া বাড়িতে পুষিলেন। গোদা তখনও পূর্ণবয়স্ক হয় নাই, কিন্তু তাহার আকৃতি দেখিয়া পাড়া-পড়শীর তাক লাগিয়া গেল। তবু কেহই বিস্মিত হইল না। শশধরবাবুর মত বাহাদুরের একক অবস্থা তাহার টিয়াপাখী পোষে, কুকুর বেড়াল পোষে, শশধরবাবু বানর পুষিয়াছেন, ইহাতে বিস্ময়ের কী আছে? ইহার মধ্যে যে বহুদূরদর্শী বিষয়বুদ্ধি থাকিতে পারে, তাহা কাহারও মাথায় আসিল না।

গোদা কিছুদিন শিকলে বঁধা রহিল, তারপর শশধরবাবু তাহাকে ছাড়িয়া দিলেন। বাড়ির সর্বত্র তাহার গতিবিধি, কিন্তু সে কোনও প্রকার দৌরাঙ্গা করিল না, একটা কাঁচের ঘাস পর্যন্ত ভাঙিল না। বাগানেও সে যথেষ্ট ঘুরিয়া বেড়ায়, কিন্তু কখনও গাছের একটা পাতা ছেঁড়ে না। বানরের এইরূপ আদর্শ চরিত্র দেখিয়া সকলে মুগ্ধ। ক্রমে শশধরবাবু তাহাকে এ-বাড়ি ও-বাড়ি বাতায়ত করিতে শিখাইলেন। আমাকে ডাকিবার প্রয়োজন হইলে গোদার হাতে চিঠি দিয়া আমার কাছে পাঠাইতেন। গোদা আসিয়া ঘরের কড়া নাড়িত, ঘর খুলিলে চাকরের হাতে চিঠি দিয়া গম্ভীর মুখে বেকিতে বসিয়া থাকিত। তারপর চিঠির উত্তর লইয়া মনমুহুর পদে ফিরিয়া যাইত।

গোদার কার্যকলাপ প্রথমটা পাড়ায় খুবই উত্তেজনার সৃষ্টি করিয়াছিল কিন্তু ক্রমে তাহা সহিয়া গেল। গোদা পরিচিত দশজনের একজন হইয়া দাঁড়াইল।

এইভাবে দিন কাটিতেছে, শশধরবাবু একদিন সন্ধ্যাবেলায় আমাকে ডাকিয়া পাঠাইলেন। গোদা চিঠি লইয়া আসিয়াছিল, তাহার কাঁধে হাত রাখিয়া রাস্তায় বাহির হইলাম। শশধরবাবুর বাড়ি আমার বাড়ি হইতে মিনিট পাঁচেকের পথ।

শশধরবাবু একাকী ড্রয়িং রুমে আমার জন্ত অপেক্ষা করিতেছিলেন, আমরা

ঐ বশ, করিলে বলিলেন,—‘এই যে ডাক্তার, এস। গোদা, তুই ঐ কোণের চেয়ারে বোস্ গিয়ে।’

গোদা মুখে অমায়িক গান্ধীর্ষ লম্বা কোণের চেয়ারে বসিল। শশধরবাবু তখন সোফায় আমার পাশে উপবিষ্ট হইলেন। লক্ষ্য করিলাম তাঁহার মুখে-চোখে একটা চাপা উত্তেজনা, পঞ্চান্ন বছরের শুষ্ক শরীরেও যেন এই উত্তেজনার আমেজ লাগিয়াছে। তিনি গলায় ‘গিট্কারি দিয়া একটু হাসিলেন, বলিলেন,—‘একটা সুখবর আছে। আজ ‘থেকে কাজকর্ম ছেড়ে দিলাম। এবার’ সংসারধর্ম করব।’

বুঝিলাম, এতদিনে তাঁহার জীবন-ব্রত উদ্ঘাটিত হইয়াছে। তিনি পঞ্চাশ লক্ষ টাকা রোজগার করিয়াছেন। আমি তাঁহার মুখের পানে চাহিলাম। শীর্ণ গাল-বসা মুখ, চোখের কোলে চামড়া কুঞ্চিত হইয়াছে, মাথার কাঁচা-পাকা চুলগুলি সংখ্যালঘু হইয়া মস্তকের লজ্জা নিবারণ করিতে পারিতেছে না। বুনা চেহারা। কাজকর্ম হইতে অবসর লইবার উপযুক্ত সময় বটে। কিন্তু সংসারধর্ম! জীবনের তিন ভাগ ব্যবসা-বাণিজ্যে কাটাইয়া এই শরীরে নূতন করিয়া সংসার পাতা চলে কি?

মুখে মামুলি অভিনন্দন জানাইয়া বলিলাম—‘তা বেশ তো, ভালই। আপনার এত টাকা ভোগ করবার লোক চাই তো!’

তিনি বলিলেন,—‘শুধু তাই নয়, নিজেরও তো ভোগ করা চাই। তোমাকে ডেকেছি, আমার শরীরটা ভাল করে পরীক্ষা করবে। শরীর অবস্থা ভালই আছে। তুমি তো জানোই, রোগ-টোগ আমার কিছু নেই। তবে—’

তাঁহার মনের কথা বুঝিলাম। পরীক্ষা করিয়া দেখা গেল শরীরে ব্যাধি কিছু নাই বটে, কিন্তু সর্বাঙ্গীণ ক্ষয়ক্ষতি দেখা দিয়াছে। এ বয়সে তাহা অস্বাভাবিক নয়। কাশিয়া বলিলাম,—‘হ্যাঁ—তা—শরীর তো বেশ ভালই। তবে সংসারধর্ম করার ধকলও তো আছে—আপনার অভ্যাস নেই—’

শশধরবাবু বলিলেন,—‘তোমার কথায় বুঝেছি। আমি এর জগ্রে তৈরী ছিলাম। তবে শোনো, আমি মতলব করেছি ভিয়েনায় যাব।’

‘ভিয়েনা!’

‘হ্যাঁ, ভরোনক্ চিকিৎসার কথা জানো তো?’

‘ভরোনক্ চিকিৎসা! ওঃ—’

‘আমার সন্দেহ ছিল, তাই গোদাকে পুবেছি। ওকে সঙ্গে নিয়ে যাব।
—সস্তায় ভাল জিনিস হবে। বুঝেছ?’

চোখের তুলি খসিয়া পড়িল। শশধরবাবু প্রকৃতির নিকট পরাজিত হইবেন না, তাই চার বছর ধরিয়া গোদাকে পুষ্টিতুছেন! এখন ভিয়েনায় গিয়া গোদার গ্যাণ্ডু নিজের দেহে কলম লাগাইবেন, গোদার যৌবন আত্মসাৎ করিয়া নিজে যুবক হইবেন। তাহার বৈষয়িক দূর-দর্শিতা দেখিয়া মুগ্ধ হইয়া গেলাম।

শশধরবাবু ডাকিলেন,—‘গোদা, এদিকে আস।’

গোদা তৎক্ষণাৎ পাশে আসিয়া দাঁড়াইল। তিনি তাহার কাঁধে হাত রাখিয়া আমার পানে চাহিয়া হাসিলেন, বলিলেন, ‘কেমন হবে মনে হয়?’

আমি ডাক্তার, গ্রন্থি-বদল বিজ্ঞানসম্মত চিকিৎসা। স্বতরাং সায় দিতে হইল। গোদাকে লক্ষ্য করিলাম, সে সপ্রসন্নভাবে আমাদের মুখের পানে চাহিতেছে, যেন আমাদের আলোচনার মর্মান্বসন্ধান করিবার চেষ্টা করিতেছে। কিন্তু সে বানর, আমাদের কুটিল অভিসন্ধি বুঝিল না।

নিখাস ফেলিয়া বলিলাম,—‘গোদা কিন্তু বাঁচবে না। তখনি তখনি মরবে না বটে, কিন্তু দু’চার মাসে শুকিয়ে মরে যাবে।’

শশধরবাবু বলিলেন,—‘সে কথাও ভেবেছি। আমার গ্যাণ্ডু তো ফেলাই যেতো, ওর গায়ে বসিয়ে দেব। তাতে কিছুদিন টিকবে।’

হয়তো টিকিবে এবং মাংসের গ্রন্থি বানরের গায়ে বসাইলে কিরূপ ফল হয়, তাহারও একটা পরীক্ষা হইবে। পরীক্ষার ফল যে কিরূপ অদ্ভুত দাঁড়াইবে, তাহা তখনও জানিতাম না। শশধরবাবুকে নমস্কার করিয়া এবং গোদার সঙ্গে শেক্ছাণ্ড করিয়া চলিয়া আসিলাম।

তারপর শশধরবাবু গোদাকে লইয়া ভিয়েনা গেলেন এবং মাস কয়েক পরে ফিরিয়া আসিলেন।

দেখা করিতে গেলাম। ফটকের কাছে গোদা বসিয়া আছে। তাহার চেহারার কোনও তারতম্য দেখিলাম না; মুখ তেমনি গম্ভীর। আমার পানে কপিশ-পিঙ্গল চোখ তুলিয়া একবার চাহিল। মনে হইল তাহার চোখে একটা প্রচ্ছন্ন বিজ্ঞপ ঝিলিক মারিয়া উঠিল।

বাড়ির বারান্দায় শশধরবাবু ছিলেন। চেহারার সত্যই উন্নতি হইয়াছে; বয়স দশ বছর কম বলিয়া মনে হয়। আমি সহাস্তে বলিলাম,—‘এই যে, দিব্যি উন্নতি হয়েছে দেখছি।’

অতঃপর তিনি ধেরূপ ব্যবহার করিলেন, তাহাতে স্তম্ভিত হইয়া গেলাম। তিনি আরক্ত নয়নে বলিলেন,—‘উন্নতি হয়েছে। তুমি আমার সর্বনাশ করেছ। তুমি যদি মানা করতে তাহলে একজি আমি করতাম না। যাও—বেরোও। আর যদি আমার বাড়িতে পা দাও, মার খেতে হবে।’ বলিয়া কটকের দিকে অঙ্গুলি নির্দেশ করিলেন।

হতভম্ব হইয়া ফিরিয়া আসিলাম। মাথার মধ্যে এককাকী দুশ্চিন্তা তাল পাকাইতে লাগিল। এ কী অভাবনীয় পরিবর্তন! শশধরবাবু হাসিমুখে মাহুষের গলায় ছুরি দিতে পারেন, কিন্তু কটু কথা বলিতে আজ পর্যন্ত তাঁহাকে কেহ শোনে নাই। তবে কি হিতে বিপরীত হইয়াছে? গোদার তেজালো গ্রন্থি শশধরবাবুর বুড়া শরীরে প্রবেশ করিয়া সমস্ত ওলটপালট কন্নিয়া দিয়াছে? কোন্ দিক হইতে তাঁহার সর্বনাশ হইয়াছে?

এই ঘটনার কয়েকদিন পর হইতে পাড়ায় অভূত ব্যাপার ঘটিতে আরম্ভ করিল। একদিন সকালবেলা আমার ডিস্‌পেন্সারিতে গিয়া দেখি রাত্রি জানালা ভাঙিয়া কেহ ঘরে ঢুকিয়াছিল, ঔষধের শিশি, দ্রোতল সমস্ত ভাঙিয়া তচ নচ্ করিয়া দিয়াছে। প্রায় পাঁচ হাজার টাকার ঔষধাদি ছিল।

এমন অর্থহীন ধ্বংসলীলার কাহার কী লাভ? শশধরবাবুর উপর ঘোর সন্দেহ হইল। তিনি আমার উপর চটিয়াছেন, তার উপর বানরের গ্রন্থি তাঁর শরীরে আছে। হয়তো এই সর্বনাশের কথাই তিনি বলিয়াছিলেন। বানরের গ্রন্থি তাঁহার স্বভাবকে বানরের ন্যায় করিয়া তুলিয়াছে।

তারপর আরও কয়েকটা বাড়িতে উপযুপরি অম্লরূপ ব্যাপার ঘটিয়া গেল। অজ্ঞাত চোর রাত্রিকালে জানালা ভাঙিয়া বাড়িতে প্রবেশ করে এবং জিনিসপত্র ভাঙিয়া-চুরিয়া চলিয়া যায়; কখনও সোনারূপার দ্রব্য চুপি করিয়া লইয়া যায়।

পাড়ায় হৈ হৈ পড়িয়া গেল। পুলিশে খবর দেওয়া হইল। পাড়ার ছেলেরা লাঠি-দোঁটা লইয়া রাত্রি পাড়া পাহারা দিতে লাগিল।

ইহা যে শশধরবাবুর কীর্তি, তাহা আমার দৃঢ় বিশ্বাস জন্মিয়াছিল। কিন্তু একথা কাহাকেও বলিবার নয়। বলিলে কেহ বিশ্বাস করিবে না, উপরন্তু শশধরবাবু হয়তো মানহানির মোকদ্দমা আনিবেন।

আরও কয়েক দিন কাটিল। তারপর হঠাৎ একদিন চোর ধরা পড়িয়া গেল। বিশ্বয়ের উপর বিশ্বাস! চোর শশধরবাবু নয়, গোদা! আমাদের নিরীহ শাস্ত্র-

শিষ্ট গোদা, ঘে-গোদা বিনা অমুমতিতে যাচ্ছের একটা পাতা পর্যন্ত ছিঁড়িত না, সে এই কাণ্ড করিয়া বেড়াইতেছে।

আমার হিসাবের গোড়াতেই গলদ ছিল। বুঝিলাম, গোদার নিষ্পাপ শরীরে শশধরবাবুর দুই গ্রন্থি প্রবেশ করিয়া এই অনর্থ ঘটাইয়াছে, গোদাকে দুর্জয় চোর করিয়া তুলিয়াছে। গোদা বানর, তাই এত শীঘ্র ধরা পড়িয়া গেল, শশধরবাবু ত্রিশ বছরেও ধরা পড়েন নাই।

শশধরবাবু যে জামার উপর চটিয়াছিলেন, তাহার প্রকৃত কারণ বুঝিতেও বাকি রহিল না। তিনি বৃদ্ধ বয়সে জীবন সন্তোষ করিতে চাহিয়াছিলেন, কিন্তু গোদার শুদ্ধ-সাত্বিক গ্রন্থি তাঁহার দেহে প্রবিষ্ট হইয়া উন্টা ফল দিতে আরম্ভ করিয়াছিল, আশাহত শশধরবাবুর সমস্ত আক্রোশ আমার উপর পড়িয়াছিল।

কিন্তু এখন বোধ হয় আমার উপর আর তাঁহার আক্রোশ নাই। যত দিন যাইতেছে, ততই তাঁহার আধ্যাত্মিক উন্নতি হইতেছে। তিনি নাকি বিবাহ করিবেন না, সংস্কারের সঙ্কল্প ত্যাগ করিয়াছেন। শুনিতেছি তিনি যোগ অভ্যাস আরম্ভ করিয়াছেন, শীঘ্রই শ্রীমৎ হুম্মানদাস বাবাজী নামক সাধুর নিকট মন্ত্রদীক্ষা গ্রহণ করিবেন।

গোদার জন্ত কিন্তু বড় দুঃখ হয়। পুলিশ তাহাকে ধরিয়া লইয়া গিয়া লোহার খাঁচায় পুরিয়া রাখিয়াছে, আর শশধরবাবু তাহার গ্রন্থি চুরি করিয়া ব্রহ্মলাভ করিবেন! এর চেয়ে অবিচার আর কি হইতে পারে?

আধিদৈবিক

পুলিনবিহারী পালের নাম অল্প লোকেই জানে। অথচ তাঁহার মত প্রগাঢ় পণ্ডিত সর্বশাস্ত্রবিশারদ জানী পুরুষ বাংলাদেশে আর দ্বিতীয় আছে কিনা সন্দেহ। দেশী ও বিদেশী বিশ্ববিদ্যালয়ের খেতাব তাঁহার এত ছিল যে তিনি ইচ্ছা করিলে নিজের নামের পিছনে ময়ূরপুচ্ছ রচনা করিতে পারিতেন। জ্ঞানস্বর্ণের পাকা সড়কের কথা ছাড়িয়া দিই, সমস্ত গলিঘুজির সহিত তাঁহার ঘনিষ্ঠ পরিচয় ছিল; অতিবড় গুঢ় বিচার আলোচনা করিয়াও কেহ তাঁহাকে ঠকাইতে পারিত না। কেবল একটা বিজ্ঞা তাঁহার ছিল না—মানুষ হইতে কি

করিয়া, তৈল বাহির করিতে হয় তাহা তিনি শিখিতে পারেন নাই। এই জন্যই বোধ করি কলিকাতা বিশ্ববিদ্যালয় তাঁহার খোঁজ রাখে না।

ছেলেবেলা হইতেই তাঁহার সহিত আমার পরিচয় ছিল; ভক্তিমত্তে তাঁহাকে পুলিন্দা বলিয়া ডাকিতাম। বিপদে আপদে অর্থাৎ বিজ্ঞাঘটিত কোনও সঙ্কটে পড়িলে তাঁহার শরণাপন্ন হইতাম। কখনও নিরাশ করেন নাই, তাঁহার ভাস্বর বুদ্ধির প্রভাব মনের সমস্ত সংশয় ঘুচাইয়া দিয়াছেন। মানুষ হিসাবে হয়তো সহজ ও স্বাভাবিক বলা যায় না, সাধারণে তাঁহাকে প্লাম্বেয়ালী বলিলে। কিন্তু এমন পরিপূর্ণরূপে আত্মস্থ, একান্তভাবে নিরভিমান মানুষ আর দেখি নাই। বিবাহাদি করেন নাই; পয়সার পিছনে দৌড়িবার মত মানসিক দীনতা যেমন তাঁহার ছিল না, পয়সার প্রয়োজনও তেমনি খুব কম ছিল। উচ্চ অঙ্গের দুই একটা ইংরেজী ও মার্কিন পত্রিকাতে জ্ঞানগর্ভ প্রবন্ধ লিখিয়া কিছু কিছু টাকা পাইতেন, তাহাতেই তাঁহার অনাড়ম্বর একক জীবন চলিয়া যাইত।

বছর দুই পুলিন্দাকে দেখি নাই; মাঝে মাঝে ডুব মারা তাঁহার অভ্যাস। একদিন খবর পাইলাম, তিনি কলিকাতার উপকণ্ঠে বঙ্গ-লাইনের একটি জনপদে বাস করিতেছেন এবং একাগ্রচিত্তে বাংলা ভাষাতত্ত্বের গবেষণা করিতেছেন। বিস্মিত হইলাম না, কারণ অকস্মাৎ ডুব মারিয়া অকস্মাৎ অগ্রত্যাশিত স্থানে আবির্ভূত হওয়া পুলিন্দার পক্ষে অত্যন্ত স্বাভাবিক কার্য।

একদিন বৈকালে তাঁহার সহিত দেখা করিতে গেলাম। অনেকদিন তাঁহাকে দেখি নাই সেজগৎও বটে, তা ছাড়া আরও একটা কারণ ছিল। কয়েক মাস হইতে একটা আধ্যাত্মিক সংশয় আমার মনকে পীড়া দিতেছিল; বোধ করি ত্রিশের কোঠা পার হইলে সকলেরই এইরূপ হয়। আধ্যাত্মিক সংশয়টি আর কিছুই নয়, সেই আদিম সংশয়—জন্মান্তর আছে কিনা, মরিবার পর আত্মা থাকে কিনা, ভূতপ্রেত আছে কিনা। প্রাচীন মুনি ঋষি অবতারগণের সহিত আধুনিক মুনি ঋষি ও চিন্তাবীরগণের এ বিষয়ে এত অধিক মতবৈধ যে মনটা একেবারে গুলাইয়া গিয়াছিল। খাচার ধরা পড়া ইঁদুরের মত আমার বুদ্ধি একবার এদিক একবার ওদিক ছুঁটাছুঁটি করিতেছিল কিন্তু কোনও দিকেই পথ খুঁজিয়া পাইতেছিল না। এইরূপ মানসিক সঙ্কটের মধ্যে পুলিন্দার খবর পাইয়া ভাবিলাম তাঁহার কাছেই যাই, এ সমস্তের একটা বুদ্ধিগ্রাহ্য সন্তোষজনক সমাধান যদি কেহ দিতে পারে তো সে পুলিন্দা।

তাঁহার আন্তানায় উপস্থিত হইয়া দেখিলাম ছোট্ট স্টেশনের নিকটে প্রকাণ্ড

এক তামাকের গুলামে তিনি বাস করিছেন। দ্বিতল বাড়ির উপরতলার তামাকের পাতার বস্তা ঠালা আছে, নিচের তলার দুটি ঘর লইয়া পুলিন্দা থাকেন। উপরতলার সহিত তাঁহার কোকুও সঘন্য নাই, অধিকাংশ সময়ই উপরতলার বস্তা থাকে।

এই দুই বৎসরে পুলিন্দার বয়স যে বাড়িয়াছে তাহাতে সন্দেহ নাই। তাঁহার মাথাটি স্বভাবতই ডিম্বাকৃতি; লক্ষ্য করিলাম, ডিম্বের উপর হইতে চুল ঝরিয়া গিয়া শীর্ষস্থানটি বেশ চক্চকে হইয়াছে; নাকের উপর একজোড়া ‘চালশে’র চশমা বসিয়াছে। কিন্তু স্বভাব বিন্দুমাত্র বদলায় নাই; তেমনি মেঝের মাদুর পাতিয়া চারিদিকে পুঁথি কাগজপত্র ছড়াইয়া বসিয়া আছেন। আমাকে চশমার উপর দিয়া দেখিয়া সাগ্রহেই আহ্বান করিলেন, ‘এই যে এসেছ।’ এবং এক টিপ নশ্র লইয়া সঙ্গে সঙ্গে ভাষাতত্ত্বের আলোচনা শুরু করিয়া দিলেন।

বলিলেন,—‘ত্যাখো, বাংলা ভাষাটা দিন দিন বড় দুর্বল হয়ে পড়ছে—আর সে তেজ নেই, ধমক নেই, বড় বেশি বিনয়ী বড় বেশি মিহি হয়ে যাচ্ছে। ঐ যে আমাদের সাহিত্যে ব্রাহ্ম সংস্কৃতি ঢুকেছিল এটা তারই ফল। এমন দিন ছিল যখন বাঙালী রেগে গেলে দু’চারটে গরম গরম কথা বলতে পারত, শব্দের তাল ঠুকে বহ্বাক্ষরীক করতে পারত; কিন্তু এখন বাঙালীকে জুতো পেটা করলেও তার মুখ দিয়ে গোড়ানি আর কাংরানি ছাড়া আর কোনও আওয়াজ বেরবে না। বেরবে কোথেকে? ভাষার সে হুকার, শব্দের সে দাঁপট থাকলে তো! বাঙালী জাতটাও তাই দিন দিন মিইয়ে যাচ্ছে যেদিয়ে যাচ্ছে। বাঙালীকে আবার চান্স করে তুলতে হলে নতুন নতুন জোরালো শব্দ আমদানি করতে হবে—সংস্কৃত ইংরিজি ফারসী পুস্তকে যেখানে যত জবরদস্ত শব্দ আছে সব বাংলা ভাষার পেটের মধ্যে পুরে দিয়ে তাদের হজম করাতে হবে। ত্যাখো, বাংলা ভাষাটা অপভ্রংশের ভাষা। অপভ্রংশের দোষ এই যে, সে শব্দকে মোলায়েম ক’রে ফেলে, সহজ ক’রে ফেলে। ও আর চলবে না। এখন থেকে ইয়া বড় বড় গোঙ্গা গোঙ্গা মৌলিক শব্দ ব্যবহার কর। নৈলে নিস্তার নেই।’

অমি ক্রীণভাবে আপত্তি করিলাম—‘কিন্তু ক্রমাগত সাধু ভাষায় কথা বলা—’

পুলিন্দা বলিলেন—‘তুমি একটি পুঙ্খব।’

চমকিয়া বলিলাম—‘সে কি?’

‘তিনি বলিলেন—‘মানে যাঁড়। আমার কথাটা ভাল করে বোঝো—’

অতঃপর দুই ঘণ্টা ধরিয়া বঙ্গগীর শিরোধর্মনীতে নূতন রক্ত সঞ্চারের প্রসঙ্গ চলিল; বাংলা ভাষা তথ্যব্যাঙালীর যে নিদানকাল উপস্থিত হইয়াছে এবং অচিরাত্ নাদব্রহ্মরূপী বিষ-বটিকা প্রয়োগ না করিলে রোগীর কোনও আশাই নাই একথা পুলিন্দা অত্যন্ত মজবুতভাবে প্রমাণ করিয়া দিলেন। উদ্বিগ্নভাবে শ্রবণ করিলাম। কিন্তু নিজের ব্যক্তিগত প্রশ্নটি ভুলি নাই; তাই অন্ধকার হইয়া গিয়াছে দেখিয়া তিনি যখন আলো জ্বালিতে উঠিলেন, তখন আমি তাক বুঝিয়া আমার আধ্যাত্মিক সমস্যাটি পেশ করিয়া দিলাম।

পুলিন্দা আলো জ্বালিয়া আবার মাতুরে আসিয়া বলিলেন; নাকের মধ্যে ডবল-টিপ নস্ট্রুসিয়া দিয়া সজলনেত্রে বলিলেন,—‘ভূত প্রেত-আত্মা পরমাত্মা পরলোক জন্মান্তর অসিদ্ধ—কারণ প্রমাণাভাব।’

এইভাবে আলোচনা আরম্ভ করিয়া পুলিন্দা ধীরে ধীরে অগ্রসর হইলেন; ক্রমে প্রসঙ্গ জমিয়া উঠিল; আমিও মুগ্ধ হইয়া গুনিতে লাগিলাম। সমস্ত যুক্তি-প্রমাণের উল্লেখ করিবার স্থান নাই; কিন্তু যুক্তির ধাপে ধাপে প্রমাণের সোপান রচনা করিয়া তিনি শেষ পর্যন্ত আমার বুদ্ধিকে যে স্থানে লইয়া উপনীত করিলেন সেখানে ভূতপ্রেত নাই জন্মান্তরও নাই। দেখা গেল আসলে ওগুলি বাসনাপ্রণোদিত অসীক ভাবনা—wishful thinking! চার্বাক হইতে বাট্‌রাও রাসেল পর্যন্ত সমস্ত মনোবীর উক্তি তাঁহার যুক্তিকে সমর্থন করিল—শরীরই সর্বস্ব, মন-বুদ্ধি-আত্মা সমস্তই দেহের বিকার মাত্র, সুতরাং শরীর নাশ হইলে আর কিছুই থাকে না। ভ্রমীভূতশ্রু-দেহশ্রু পুনরাগমনঃ কুতঃ?

রাত্রি অনেক হইয়া গেলেও আলোচনার শেষে মনে বেশ শান্তি অনুভব করিলাম; যাহোক তবু পাকা রকম একটা কিছু পাওয়া গেল। আত্মার দেহবিমুক্ত স্বতন্ত্র অস্তিত্ব যদি নাই থাকে তবে সে সম্বন্ধে নিঃসন্দেহ হওয়া ভাল। ছ’নোকায় পা দিয়া জীবনযাত্রা নির্বাহ করার কোনও মানে হয় না।

আর একদিন আসিব, বলিয়া উঠিয়া দাঁড়াইয়াছি কঠাৎ মাথার উপর ভীষণ দুম্‌দাম্‌ শব্দে চমকিয়া উঠিলাম; যেন উপরের গুদাম ঘরে অনেকগুলো পালোয়ান যৌথভাবে মল্লযুদ্ধ শুরু করিয়া দিয়াছে। উপরে কেহ থাকে না শুনিয়াছিলাম,

তামাক পাতার আড়তে মাহুষের খাকা সম্ভবও নয়; তবে এত ব্যস্তে কাহারো বন্ধ ঘরের মধ্যে এমন দুর্দান্ত ছুরন্তপনা আবৃত্ত করিয়া দিল ?

বিস্মিতভাবে প্রশ্ন করিলাম—‘ও কী ?’

পুলিন্দা নিশ্চিতভাবে নাকের চশমা খাটপ পুরতে পুরিতে বলিলেন—
‘ও কিছু নয়। এংগারোটা বেজেছে তো! রোজ ব্যস্তে ঐ রকম হয়। ওপরে কয়েকটা ভূত আছে, তারাই এই সময় দাপাদাপি করে।’

শুভিত হইয়া ঝাড়াইয়া রহিলাম। উপরে দাপাদাপি চলিতে লাগিল। বিমূঢ় হইয়া ভাবিতে লাগিলাম, উপরের ঘরে সত্যি যদি ভূতের পাল কুস্তি লড়িতেছে তবে এতক্ষণ ধরিয়া কী শুনিলাম ?

পুলিন্দা বলিলেন—‘ভয়ের কিছু নেই, ওরা কোনও অনিষ্ট করে না। দশ মিনিট পরে সব চূপচাপ হয়ে যাবে।’

আমি বলিয়া উঠিলাম,—‘পুলিন্দা! সত্যিই ওরা ভূত ? আপনি বিশ্বাস করেন ?’

তিনি বলিলেন—‘হ্যাঁ, আমি খুব ভাল করে অহুসন্ধান করেছি, জ্যান্ত জীব হতে পারে না। ইদুর বেড়াল তামাকের ধার ঘেঁষে যাবে না, আর মাহুষও নয়। সুতরাং ভূতই বটে।’

‘কিন্তু—কিন্তু—এতক্ষণ ধরে এই যে আপনি প্রমাণ করলেন—’

পুলিন্দা বলিলেন—‘তুমি একটি ইর্দম—মানে হাঁদা। প্রমাণের সঙ্গে বিশ্বাসের সম্বন্ধ কি ? ভূত আছে এটা হ্যামশাস্ত্রমতে প্রমাণ করা যায় না, তাই ব’লে বিশ্বাস করব না ? ঐ যারা ওপরে ছটোপাটি করছে ওরা কি প্রমাণের তোয়াক্কা রাখে ? জেনে রাখো, যুক্তির সঙ্গে বিশ্বাসের কোনও সম্পর্ক নেই। আচ্ছা রাত হয়েছে, আজ এস তাহলে—’

উপরে ভূতের নৃত্য চলিতে লাগিল। আমি চলিয়া আসিলাম।

গভীর রাত্রে টেবিলের উপর ঝুঁকিয়া বাসিয়া উপজ্ঞানধান। লিখিতেছিলাম। টেবিলের এক কোণে মোমবাতিটা গলদ্রব হইয়া জলিতেছিল। হঠাৎ চোখ তুলিয়া দেখি প্রেত সম্মুখে আসিয়া দাঁড়াইয়াছে।

কলম রাখিয়া দৃঢ়স্বরে বলিলাম,—‘আমি পারব না।’

প্রেত কাতর চক্ষে আমার পানে চাহিয়া রহিল; মিনতিভরা স্বরে বলিল,—
‘আপনি দয়া না করলে আমার আর উপায় নেই। মেয়েটা নষ্ট হয়ে যাবে।
পাড়ার ছোড়াগুলো তার পেছনে লেগেছে।’

প্রেতের কণ্ঠস্বর ঘষা-ঘষা; গ্রামোফোন রেকর্ডে গান শুরু হইবার আগে
যে রূপ শব্দ হয় অনেকটা সেইরকম। আমি বিরক্ত হইয়া বলিলাম,—‘তা
আমি কি করব? আপনি অথচ কারুর কাছে যান না।’

প্রেত বলিল,—‘আর কার কাছে যাব? সবাই চোর। আপনি দয়া
করুন।’

ভূতের কথায় মনটা একটু নরম হইল। সত্য বটে আমি দেনার দায়ে
লুকাইয়া আছি, কিন্তু তবু চুরি যে করিব না—এ বিশ্বাস ভূতেরও আছে।
বলিলাম,—‘আচ্ছা, আপনি ঐ মেয়েটাকে কিম্বা তার বাপকে আপনার
কথা বললেই পারেন, তারা নিজের ব্যবস্থা নিজেই করবে। আমাকে কেন?’

প্রেত একটি গভীর নিশ্বাস ফেলিল; মোমবাতির শিখা একটু নড়িয়া
উঠিল। সে বলিল,—‘চেষ্টা কি করিনি? আমাকে দেখেই ভয়ে হাউমাউ ক’রে
উঠল। তারপর বাড়িতে রোজা ডেকে ঝাড়িয়েছে। ওদিকে আমার আর যাবার
উপায় নেই।’

রাত্রি প্রায় শেষোটা। আমি ফুৎকারে বাতি নিভাইয়া বিছানায় গিয়া
শয়ন করিলাম। প্রেত সঙ্গে সঙ্গে আসিয়া তক্তপোশের পাশে বসিল, করুণস্বরে
বলিল,—‘দয়া করুন। আপনার কল্যাণ হবে।’

বড় বিপদে পড়িয়াছি।

আমি একজন সাহিত্যিক। বাজারে নাম হইয়াছে; কিন্তু নাম হইলেই
সাহিত্য-বাজারে টাকা হয় না। কলে, একদিন বাহারা বন্ধু ছিলেন তাঁহারা

মহাজন হইয়া দাঁড়াইয়াছেন ; আমাকে দেখিলেই মুখ ভার করেন, কিছা তাগাদা করেন ।

বন্ধুত্বের দাক্ষিণ্য যখন একেবারে শুষ্ক হইয়া গেল তখন স্থির করিলাম কলিকাতা হইতে অন্তত কিছু দিনের জ্ঞাত গাশাটাকা দিব । ভাগ্যক্রমে একজন প্রকাশক একটি উপন্যাস লেখার বরাত দিলেন ; কিছু দাননও আদায় করিলাম । সেই দাননের টাকা লইয়া কলিকাতা হইতে সরিয়া পড়িয়াছি এবং পশ্চিমবঙ্গের একটি শহরে জীর্ণ খোলার ঘর ভাড়া লইয়া বাস করিতেছি । উপন্যাস শেষ না হইলে ফিরিব না ।

আমার খোলার ঘরের জানালা ভাঙা ; খাপরার ছাউনীও নিরবচ্ছিন্ন নয় । আসবাবের মধ্যে কীটদষ্ট তক্তপোশ, নড়বড়ে টেবিল ও একটি টুল । ঘনি ঘরটি ভাড়া দিয়াছেন তিনি পাশেই পাঁচিল-ঘেরা মস্ত বাড়িতে থাকেন, মহাজনী কারবার আছে । এ দ্রুতে মহাজনী কারবার কিছা পুস্তক-প্রকাশকের ব্যবসা না করিতে পারিলে বাঁচিয়া স্থখ নাই । মহাজন নিকুঞ্জবাবুর চোখ দুটি বড় সন্ধিগ্ন ; এক মাসের ভাড়া আগাম লইয়া থাকিতে দিয়াছেন । অল্প দূরে একটি সস্তা ভোজনালয় আছে, সেইখানেই আহারাদির ব্যবস্থা করিয়াছি ।

প্রথম তিনদিন বেশ নির্বিঘ্নে কাটিয়া গেল । উপন্যাস লুপ্ত করিয়া দিয়াছি ; খোলার ঘরে যে উপদেবতার যাতায়াত আছে তাহা জানিতে পারি নাই । চতুর্থ দিন রাত্রে আলো নিভাইয়া শয়ন করিলাম । আমার অভ্যাস, বিছানায় শুইয়া একটি বিড়ি সেবন না করিলে নিদ্রা আসে না । দেশলাই জালিতেই চোখে পড়িল কে একজন তক্তপোশের পাশে বসিয়া আমার পানে একদৃষ্টে চাহিয়া আছে । দু'টা আগ্রহ-ভরা চোখ—

চমকিয়া বলিয়া উঠিলাম,—‘কে ?’

সঙ্গে সঙ্গে মূর্তিটা মিলাইয়া গেল ।

আবার দেশলাই জালিলাম । কেহ নাই । ভাবিলাম তুল দেখিয়াছি । অনেকক্ষণ ধরিয়া লিখিলে এমন হয় ; চোখের ভ্রান্তি ।

বিড়ি পান করিয়া ঘুমাইয়া পড়িলাম । আমার শ্রম্য দুর্বল নয় ; ভূতের ভয় করি না । ভূত থাকে থাক, তাহাকে ভয় করিবার কোনও কারণ নাই ; ভূতের চেয়ে মৃতদেহকেই ভয় বেশি ।

পরদিন সকালে রাত্রির কথা আমার মনেই রহিল না । সারাদিন উপন্যাস লিখিলাম । উপন্যাসে প্রেমের প্রগতি দেখাইতেছি । আমার হিরো একেবারে

নিম্নতম স্তর হইতে আরম্ভ করিয়াছে; এক মেথর-কত্তার প্রতি অবৈধভাবে আঁকুট হইয়া তাহাকে পৈশাচ বিবাহ করিবার চেষ্টা করিতেছে। (পৈশাচ বিবাহের প্রকৃত অর্থ জানিতে হইলে অভিনয় দেখুন)। কাহিনী বেশ জমিয়া উঠিয়াছে।

তারপর রাত্রে ষথারীতি তক্তপোশে শয়ন করিয়া বিড়ি সেবনপূর্বক ঘুমাইবার উপক্রম করিলাম। কিন্তু ঘুমাইতে হইল না; হঠাৎ চট্কা ভাঙিয়া শুনিলাম, ঘষা-ঘষা গলায় কে বলিতেছে,—‘ঘুমোলেন নাকি?’

অন্ধকারে কিছু দেখা গেল না; কিন্তু মনে হইল যিনি প্রশ্ন করিলেন তিনি তক্তপোশের পাশে বসিয়া আছেন। কিছুক্ষণ নীরব থাকিয়া বলিলাম,—‘আপনি কে?’

উত্তর হইল,—‘কি বলে পরিচয় দেব? যখন বেঁচে ছিলাম তখন নাম ছিল নন্দুলাল নন্দী।’

বলিলাম,—‘খাসা নাম। আপনি তাহলে প্রেত?’

•প্রেত বলিল,—‘হ্যাঁ। কিন্তু আপনি ভয় পাবেন না—আমার কোনও বদ্ মতলব নেই।’

আমি একটা হাই তুলিয়া বলিলাম,—‘বদ্ মতলব থাকলেও আপনি আমার কোনও অনিষ্ট করতে পারবেন না—আপনি তো হাওয়া।—তবে আমি ভয় পেয়ে নিজে নিজের অনিষ্ট করতে পারি বটে।’

প্রেত নিখাস ফেলিয়া বলিল,—‘তা বটে।’

মনে পড়িল দেশলায়ের বাজটা মাথার শিয়রেই আছে। সেই দিকে হাত বাড়াইয়া বলিলাম,—‘আমার সঙ্গে কিছু দরকার আছে কি?’

প্রেত বলিল,—‘দরকার এমন কিছু নয়। কথা কইবার লোক পাই না—আপনি স্বজাতি—তাই—’

দেখিলাম প্রেতের অবস্থা আমারই মতন; সম্ভবত বন্ধুদের নিকট টাকা ধার লইয়াছে। বিছানায় উঠিয়া বসিয়া দেশলাই জালিতে উত্তত হইয়াছি, সে বলিল,—‘দেশলাই জালবেন?’

‘কেন, আপনার আপত্তি আছে?’

‘হঠাৎ আলো জাললে একটু অস্ববিধে হয়।’

‘তবে থাক। কাল আপনার চেহারাকটা লহমার জন্তে দেখেছিলাম, ভাল ঠাहर করতে পারিনি। তা থাক।’

কিছুক্ষণ চুপচাপ। ভাবিলাম, বেচারী কথা কহিবার লোক পায় না, স্বজাতি পাইয়া আলাপ করিতে আসিয়াছে, আমার কিছু বলা-কহা দরকার।

‘আপনি কি কাছেপিঠে কোথাও থাকেন

‘পাশে পাঁচিল-ঘেরা বাগানে পুরোনো নিমগাছ আছে, তাতেই থাকি।’

‘তাই নাকি? আপনিও নিকুঞ্জবাবুর ভাড়াটে? কত ভাড়া দিতে হয়?’

• প্রেত রসিকতা বুঝিল না, বলিল,—‘বাড়ি বাগান একদিন আমারই ছিল। আমার প্রপৌত্রের কাছে নিকুঞ্জ পাল কিনেছে।’

‘বটে! আপনার প্রপৌত্র বেঁচে আছেন বুঝি?’

‘হ্যাঁ। তার অবস্থা বড় খারাপ হয়ে গেছে—’

‘প্রপৌত্র! তাহলে আপনি আন্দাজ আশী-নব্বই বছর আগে ছিলেন?’

‘সিপাহী যুদ্ধের সময় আমি ছিলাম। মুজুদির কাজে পয়সা করেছিলাম; ভেবেছিলাম সাতপুরুষ ব’সে থাকবে—কিন্তু—’

প্রেতের কথা শেষ হইল না। আমি অভ্যাসবশত অন্তমনস্কভাবে একটি বিড়ি মুখে দিয়া ফগ করিয়া দেশলাই জালিলাম। প্রেতের ত্রুস্ত চকিত চেহারা-খানা ক্ষণেকের জন্ত দেখা গেল; তারপর সে হাওয়ায় মিলাইয়া গেল।

আবার হয়ত আসিবে ভাবিয়া কিছুক্ষণ বসিয়া বিড়ি টানিলাম। কিন্তু প্রেত আর আসিল না। তারপর কয়েক রাত্রি তাহার দেখা পাই নাই।

এদিকে আমার উপন্যাস দ্রুত অগ্রসর হইয়া চলিয়াছে। হিরো এখন এক রজক-কন্ডার কৌমার্যহানির উত্তোগ করিতেছে। এর পর আসিবে গোপ-কন্যা। স্থির করিয়াছি, এইভাবে ধাপে ধাপে তুলিয়া হিরোকে এক ঠিক ঠিক সঙ্গীত সহিত বিবাহ দিয়া ছাড়িব। উপন্যাসের নাম রাখিয়াছি—স্বর্গের সিঁড়ি।

সেদিন রাত্রে আহারাদির পর বাতি জালিয়া লিখিতে বসিয়াছিলাম। খুব মন লাগিয়া গিয়াছিল, সময়ের হিসাব ছিল না। মনোজগতে নিরন্তর ভ্রমণ করিতে করিতে হঠাৎ পা পিছলাইয়া স্থূল জগতে ফিরিয়া আসিলাম। দেখি, টেবিলের অপর পারে দাঁড়াইয়া প্রেত মিটিমিটি হাসিতেছে।

আজ প্রেতকে প্রথম ভাল করিয়া দেখিলাম। সূক্ষ্ম মূর্তি; তবু চেহারার মধ্যে অস্পষ্টতা কিছু নাই। গায়ে ফিতা-বাঁধা মেরজাই, মেটে-মেটে রং, সরু পাকানো গৌর; চোখদুটি সজাগ ও প্রাণবন্ত। বয়স আন্দাজ পঞ্চাশ। নিতান্তই সেকালের বাঙালী চেহারা।

প্রেত বলিল,—‘কি লেখেন এত?’

বলিলাম,—‘উপভাস।’

‘সে কাকে বলে ? আমাদের সময় তো ছিল না।’

উপভাস কী তাহা বুঝাইয়া দিলে প্রেত সাগ্রহে বলিল,—‘ও—গোলে বকাগুলির গল্প—রূপকথা ! তা বলুন না, শুনি।’

সংক্ষেপে গল্পট। বলিলাম : শুনিয়া ভূত বলিল,—‘ছি ছি।’

বলিলাম,—‘ছি ছি বললে চলবে কেন ? এ না হলে বই কাটে না। যাহোক, ক’দিন আসেননি যে ?’

প্রেত বলিল,—‘আপনি অভূত লোক। অত্ন লোক ভূত দেখলে আঁৎকে ওঠে, আপনি গ্রাহ্যই করেন না।’

বলিলাম,—‘সে-রাত্রে আচম্কা দেশলাই জ্বলেছিলাম তাই রাগ হয়েছিল বুঝি ?’

‘রাগ নয়—চমকে গিয়েছিলাম। চমকে গেলে আর শরীর ধারণ করা যায় না।’

খাতা টানিয়া লইয়া বলিলাম,—‘আচ্ছা, আজ আপনি আহ্নন, পরিচ্ছেদটা শেষ করতে হবে। মাঝে মাঝে আসবেন, গল্প সজ্জ করিয়াবে।’

‘আচ্ছা।’—প্রেত চলিয়া গেল।

তারপর প্রেত প্রায় প্রতি রাত্রেই আসে ; কিছুক্ষণ গল্পগুজব হয়, তারপর ‘আহ্নন’ বলিলেই হাওয়ায় মিলাইয়া যায়। এ আমার শাপে বর হইয়াছে। এখানে আসিয়া মাহুষ প্রতিবেশীর সহিত ইচ্ছা করিয়াই আলাপ পরিচয় করি নাই ; তৎপরিবর্তে যাহা পাইয়াছি তাহা মোটেই অবাঞ্ছনীয় নয়। প্রেতের সঙ্গে যতটুকু ইচ্ছা মেলামেশা করি, সঙ্গ-পিপাসা মিটিলেই তাহাকে চলিয়া যাইতে বলি, সে চলিয়া যায়। মাহুষ প্রতিবেশীকে এত সহজে তাড়ানো যাইত না। ‘ঘণ্টা ৮’রে থাকেন তিনি সংপ্রসঙ্গ আলোচনায়।’

আমার ভূতই ভাল।

একদিন ভূত জিজ্ঞাসা করিল,—‘আচ্ছা, আপনি সংসার করেছেন ?’

বলিলাম,—‘সংসার ? মানে, বিয়ে ? সর্বনাশ, একলা শুতে ঠাই পায় না শরদাকে ডাকে। ও কাঁথিটি আমাকে দিয়ে হবে না।’

ভূত একটু হাসিল। কিছুক্ষণ যেন অশ্রমনস্ক থাকিয়া হঠাৎ বলিল,—‘দেখুন আপনার সঙ্গে এ ক’দিন মেলামেশা করে বুঝেছি আপনি সজ্জন—চোর-ছাঁচড় নয়। আমি অনেকদিন থেকে আপনার মতন একজন মাহুষ খুঁজছি। আমার একটি অহুরোধ আছে, আপনাকে রাখতে হবে।’

ভূত-ভবিষ্যৎ

ভূত বে নিছক আমার সঙ্গ-লাভের জন্য নয়, একটা মৎসব লইয়া আমার কাছে ঘোড়া-খুরি করিতেছে তাহা এতদিন বুঝিতে পারি নাই। বোঝা উচিত ছিল; যুদ্ধশ্রম প্রেতাত্মা বিনা প্রয়োজনে কাহারও সহিত ঘনিষ্ঠতা করিবে, মনে করাও অন্তায়।

সতর্ক ভাবে বলিলাম,—‘কি অহুরোধ?’

ভূত তখন টেবিলের উপর কছুই রাখিয়া নিজের ও বংশের ইতিকথা বলিতে আরম্ভ করিল। আন্দাজ করিলাম কাঁকড়াবিছার ল্যাজে যেমন হল থাকে, অহুরোধটা আছে গল্পের শেষে।

নন্দহুলাল নন্দী ইস্ট ইণ্ডিয়া কোম্পানীর সাহেবদের সঙ্গে ব্যবসা করিয়া প্রচুর উপার্জন করিয়াছিল। জমিদারী বাগান খেত বালাখানা সবই হইয়াছিল। তাহার যখন তিন্ময় বছর বয়স তখন সিপাহী-বিত্রোহের গুণ্ডগোল আরম্ভ হইল। এদিকে যুদ্ধ-বিগ্রহের সম্ভাবনা বিশেষ ছিল না; কিন্তু যাহার টাকা আছে তাহার আশঙ্কার শেষ কোথায়? একদা গভীর রাত্রিকালে নন্দহুলাল একটি পিতলের ঘুটিতে একশত মোহর পুরিয়া বাগানের নিমগাছ-তলায় পুতিয়া রাখিল। আর সবই যদি যায়, একশত আকবরী মোহর তো বাঁচিবে।

ম্যাটিনীর হাঙ্গামা এদিকে আসিল না বটে, কিন্তু অরাজকতার সময়, হঠাৎ একদিন নন্দহুলালের বাড়িতে ডাকাত পড়িল। নন্দহুলালের হৃৎযন্ত্র দুর্বল ছিল, সে বেবাক হার্টফেল করিয়া আমরা গেল। ডাকাতেরা লুটপাট করিয়া চলিয়া গেল। তারপর ক্রমে দেশ ঠাণ্ডা হইল; শান্তি শৃঙ্খলা ফিরিয়া আসিল।

নন্দহুলাল হিসাবী লোক ছিল। তাই তাহার আমলে ‘চাল’ বেশি বাড়িতে পায় নাই। তাহার পুত্র যশোদাহুলালের আমলে বাবুয়ানি বাড়িল; আগে দোল-দুর্গোৎসবের সময় হরিকীর্তন কথকতা হইত, এখন বাঈ নাচ দেখা দিল। তারপর শুভ পুত্র ব্রজহুলাল আসিয়া বিলাসিতার চরম করিয়া ছাড়িয়া দিল; জুস্তায় মুক্তার ঝালর লাগাইয়া, বাজীজীর পল্টন পুথিয়া, ‘একশ’ টাকার নোটের ঘুড়ি উড়াইয়া সে যখন পৃথিবী হইতে বিদায় লইল তখন লক্ষ্মীও বিদায় লইয়াছেন। বাকি আছে শুধু বাগান-ঘেরা টাড়িখানা।

ব্রজহুলালের পুত্র গোপীহুলাল নিরীহ মায়াবী। বাপের ভুস্তাবশিষ্ট এঁটো পাতায় যত দিন পারিল চালাইল; শেষ পর্যন্ত তাহাকে বাড়ি বিক্রয় করিতে হইল। তারপর গত বিশ বছর ধরিয়া গোপীহুলাল বাড়ির বিক্রয়মূল্য লইয়া এবং সামান্য কাজকর্ম করিয়া অতি দীন ভাবে সংসার চালাইতেছে। তাহার

জীৱ মৃত্যু হইয়াছে; একমাত্র কল্যায় বয়স একশ, কিন্তু এখনও তাহার বিবাহ হিতে পারে নাই। উপরন্তু কয়েক বৎসর বাবং তাহাকে ছরন্ত হাঁপানী রোগে ধরিয়াছে।

কাহিনী শেষ হইলে জিজ্ঞাসা করিলাম,—‘আপনার প্রপৌত্র মানে গোপী-চুলালবাবু এখানেই থাকেন?’

প্রেত বলিল,—‘হ্যাঁ, বেনে পাড়ার এক ধারে একটা ভাঙা বাড়িতে পড়ে আছে। তারও বেশি দিন নয়, তাকে কালে ধরেছে। আর তো কিছু নয়, গোপীচুলাল ম’লে মেয়েটা ভেসে যাবে।’ বলিয়া করুণ নিশ্বাস ফেলিল।

সন্দেহ হইল প্রেত বুঝি ঘটকালি করিতেছে। মনকে দৃঢ় করিয়া বলিলাম,—‘দেখুন আমি আগেই বলেছি বিয়ে করবার মত অবস্থা আমার নয়। আপনিও অহরোধ করবেন না।’

প্রেত তাঁড়াতাড়ি বলিল,—‘না না, ও অহরোধ করছি না। আমি বল-ছিলাম, আপনি যদি দয়া ক’রেন, মোহরগুলো গোপীচুলালের কাছে পৌছে দেন তাহলে সে মেয়েটার বিয়ে দিয়ে মরতে পারে।’

অবাক হইয়া বলিলাম,—‘মোহরের ঘটি কি এখনও নিমতলায় পোতা আছে নাকি?’

প্রেত বলিল,—‘হ্যাঁ। মরার আগে কাউকে ব’লে যেতে পারলাম না; যেমন পুতেছিলাম তেমনি পোতা আছে। তাই তো নিমগাছ ছাড়তে পারি না।’

কিছুক্ষণ স্তম্ভিত হইয়া বসিয়া রহিলাম। আশ্চর্য এই যে ভূতের কথায় তিলমাত্র অবিশ্বাস জন্মিল না। একশত আকবরী মোহর! আকবরী মোহরের দাম কত জানি না কিন্তু বর্তমান কালে একশত মোহরের দাম দশ হাজার টাকার কম হইবে না।

ক্ষীণকণ্ঠে বলিলাম,—‘এত সোনা! এর দাম যে অনেক।’

ভূত বলিল,—‘সেইজন্তেই তো কাউকে বিশ্বাস করতে পারিনে। এক আপনি ভরসা।’

চমকিয়া উঠিলাম,—‘আমি! আমি কি করব।’

ভূত মিনতির স্বরে বলিল,—‘ঘটিটা খুঁড়ে বার করতে হবে। বেশি খুঁড়তে হবে না, হাত ঝানেক খুঁড়লেই পাওয়া যাবে—’

‘কিন্তু খুঁড়বে কে? আমি?’

ভূতের চক্ষু নীরবে অহনয় জানাইল। আমি চটিয়া বলিলাম,—‘বেশ ভূত

তো আপনি। ও বাগান এখন নিঃকুঞ্জ পালের দখলে, সে আমাকে খুঁড়তে দেবে কেন? আর আমিই বা তাকে বলব কি? বলব, মশায়, আপনার বাগানে মোহর পোতা আছে তাই খুঁড়তে এসেছি?’

কুন্তু বলিল,—‘না না আপনি দিনের বেলা যাবেন কেন? দুপুর রাত্রে চুপি চুপি পাঁচিল ডিঙিয়ে—নিমগাছটা বাড়ি থেকে অনেক দূরে, বাগানের এক কোণে—রাত্রে বাগানে কেউ থাকবে না—’

আমি বিড়ি ধরাইবার উপক্রম করিয়া বলিলাম, ‘মাপ করবেন, আমার ঘারা হবে না। রাত্রিবেলা পরের বাগানে যদি ধরা পড়ি, ঠাংয়ে দড়ি পড়বে। নিঃকুঞ্জ পাল এমনিতেই আমাকে সন্মোহের চক্ষে দেখে। আমি পারব না।’

দেশলাই জালিলাম।

তারপর কয়রাত্রি উপযুপরি ভূতের সঙ্গে ঝুলোঝুলি চলিল। আমি অটল, ভূতও নঃছোড়বান্দা। আমি যত বলি—‘পারব না’, ভূত ততই বলে—‘দয়া করুন’। যে-রাত্রির দৃশ্য লইয়া আরম্ভ করিয়াছি, তাহার পরও কয়েক রাত্রি কাটিয়া গেল। কত দেশলাই জালিয়া ভূতকে তাড়াইবার চেষ্টা করিলাম। কিন্তু ভূতের এখন দেশলাই অভ্যাস হইয়া গিয়াছে, কিছুক্ষণের জন্ত অদৃশ্য হইয়া গেলেও আবার ফিরিয়া আসে এবং কাতর কণ্ঠে বলে,—‘দয়া করুন। সদ্বংশের মেয়ে, নষ্ট হয়ে যাবে।’

আমার অবস্থা সঙ্গীন হইয়া উঠিল। রাত্রে ঘুম নাই; সারারাত্রি ভূতের সঙ্গে তর্ক করিতেছি। উপগ্রাস লেখা বন্ধ হইয়া গিয়াছে। একদিন মরীয়া হইয়া বলিলাম,—‘বেশ, রাত্রি আছি। কিন্তু আমাকেও মোহরের ভাগ দিতে হবে।’

ভূত মুচ্ছুদ্বি; সে ক্ষণেক বিবেচনা করিয়া বলিল,—‘বেশ, আপনি পাঁচ পারসেন্ট দালালী পাবেন। পাঁচখানা মোহর আপনার।’

অতঃপর আর ‘না’ বলিবার উপায় রহিল না। পাঁচখানা মোহর, মানে পাঁচশত টাকা। পাঁচশত টাকার জন্ত অতি বড় হুঃসাহসিক কাজ করিবেন না এমন সাহিত্যিক কয়জন আছেন? আমার হুঃখ এই যে বাকি পঁচানব্বইটি মোহর হজম করিতে পারিব না। শেটের দায়ে কুৎসিত উপগ্রাস লিখি বটে, কিন্তু চুরি করিতে পারিব না। তাছাড়া, চুরি করিয়া যাইব কোথায়, নন্দমূল্য মুচ্ছুদ্বির হাত এড়াইব কি করিয়া?

রাত্রি আড়াইটার সময় প্রত্যেক অল্পগামী হইয়া বাহির হইলাম। আকাশে কৃষ্ণপঙ্কশ এক ফালি চাঁদ ছিল, তাহারই আলোয় পাঁচিল টপকাইয়া নিঃকু

পালের বাগানে ঢুকিলাম। ভূত দেখিয়া বাহা হয় নাই তাহাই হইল, বুকের ভিতর ছদ্ম নাম শব্দ হইতে লাগিল।

ভূত দেখাইয়া দিল, এক স্থানে কয়েকটা কৌদাল শাবল খন্ডা পড়িয়া আছে। একটা খন্ডা তুলিয়া লইলাম। ভূত পথ দেখাইয়া নিমগছ-তলায় লইয়া গেল। নিমগছ-তলায় একটা স্থানে অঙ্গুলি নির্দেশ করিয়া ভূত কোমরে হাত দিয়া দাঁড়াইয়া তদারক করিতে লাগিল, আমি খুঁড়িতে আরম্ভ করিলাম। চারিদিকে নিশুতি, কোথাও সাড়াশব্দ নাই; মনে হইল আমিও মাহুষ নই, কোন স্বপ্নসঙ্কল সৃষ্টি জগতের বাসিন্দা।

আধঘণ্টার মধ্যে ঘটি লইয়া নিজের ঘরে ফিরিয়া আসিলাম। ঘটির গায়ে সবুজ রঙের কলঙ্ক, কিন্তু ভিতরে একশত নিষ্কলঙ্ক আকিববী মোহর বকমক করিতেছে।

ভূত আত্মাভিমানসূচক একটা জ্ঞপ্তী করিয়া বলিল,—‘কি বলেছিলাম!’

আমার গায়ে তখন কালঘাম ঝরিতেছে। ফন্স করিয়া দেশলাই জ্বালিয়া আমি একটা বিড়ি ধরাইলাম। ভূতকে বেশি আত্মারা দেখিয়া ভাল নয়।

পরদিন সকালবেলা আবার ঘটি খুলিয়া দেখিলাম, স্বপ্ন নয় মায়া নয় মতিভ্রম নয়, সত্যই একশত মোহর। তাহার মধ্যে হইতে পাঁচটি সরাইয়া রাখিয়া বাকি পঁচানব্বইটি পুঁটুলিতে রাখিয়া লইয়া বাহির হইলাম। আর দেরি নয়। সোনার মোহ বড় মোহ; বেশিক্ষণ কাছে রাখিলে হয়তো লোভ সামলাইতে পারিব না।

বেনে পাঁড়ার একপ্রান্তে গোপীদুলালের বাড়ি খুঁজিয়া বাহির করিলাম। নোনা-ধরা চটা-ওঠা বাড়ি; তাহার সম্মুখে কঁকড়া-চুলো একটি ছোকরা শিশু দিতে দিতে পায়চারি করিতেছে। আমি দ্বারের কড়া নাড়িতেই ছোকরা আমার পানে অপান্ন-দৃষ্টি নিষ্ক্ষেপ করিয়া সরিয়া পড়িল।

একটি মেয়ে আসিয়া দ্বার খুলিয়া দিল; তারপর অপরিচিত ব্যক্তি দেখিয়া একটু ভিতর দিকে সরিয়া গিয়া নতনেত্র দাঁড়াইল, স্থলিত স্বরে বলিল,—‘কাকে চান? বাবা বাড়ি নেই।’

বুঝিলাম গোপীদুলালের আইবুড় মেয়ে। গায়ে রঙ ফরসা, মুখখানি নরম ও স্নেহী। সর্বাঙ্গে ভরা যৌবন। কিন্তু চোখেমুখে আতঙ্ক, যেন নিজের যৌবনের ভয়ে সর্বদা ত্রস্ত-চকিত হইয়া আছে। পরিধানে বোধ করি বাপের একখানা অধমলিন ধুতি; গায়ে ব্রাউজের অভাব ঢাকা দিবার জুতা আঁচলটা বুকের উপর দুইফের করিয়া জড়ানো।

আমার কণ্ঠ যেন কে চাপিয়া ধরিল। গলা কাড়া দিয়া বলিলাম, 'এটা কি গোপীচন্দ্রলালবাবুর বাড়ি?'

'হাঁ।'

'তিনি বাড়ি নেই? কখন ফিরবেন?'

'হাসপাতালে গেছেন। ফিরতে বোধ হয় দেড়ি হবে।'

'ও—' আমি একটু চিন্তা করিয়া বলিলাম,—'তাঁর সঙ্গে আমার বিশেষ দরকার ছিল। আমি ওবেলা আবার আসব। তাঁকে ব'লে দিও।'

মেয়েটি চকিতে চোখ তুলিল।

'আচ্ছা।'

আমার খোলার ঘরে ফিরিয়া গিয়া একটার পর একটা বিড়ি টানিতে লাগিলাম। মাথা গরম হইয়া উঠিল; দুই বাঙুলি বিড়ি নিঃশেষ হইয়া গেল। ভয়-চকিত ঘোবন, হুঃসহ অসহায় ঘোবন, আপনার মাংস হরিণীর বৈদ্রী—

ভূতের সঙ্গে পরামর্শ করিতে পারিলে ভাল হইত। কিন্তু ভূত দিনের বেলা আসে না।

অপরাত্নে আবার গেলাম। এবার দালালীর মোহর পাঁচটিও লইয়া গেলাম। মেয়েটি দ্বার খুলিয়া দিল। বলিল,—'বাবার শরীর বড় খারাপ, দেখা করতে পারবেন না। কী দরকার আপনার? তাহার ঠোঁট কাঁদিয়া উঠিল।

হঠাৎ জিজ্ঞাসা করিলাম,—'তোমার নাম কি?'

জাঁস-বিস্ফারিত চোখ তুলিয়া হৃষকণ্ঠে সে বলিল,—'কমলা।'

আমি বলিলাম,—'কমলা, তোমার বাবাকে বল, আমার কাছে তাঁর কিছু টাকা পাওনা আছে, তাই দিতে এসেছি।'

ঘরের ছায়াঙ্ককার হইতে সে বিহ্বল চক্ষে আমার পানে চাহিল, তারপর ছায়ার মত অদৃশ্য হইয়া গেল। কিছুক্ষণ পরে ফিরিয়া আসিয়া বলিল,—'আজ্ঞে।'

গোপীচন্দ্রলালবাবু বিছানায় অর্ধোপবিষ্ট হইয়া হাঁপাইতেছিলেন। অকালবৃদ্ধ জীর্ণ মাংস, চোখে উৎকর্ষ-ভয়া ক্লান্তি। আমি পাশে বসিলে বলিলেন,—'আপনাকে—? টাকা পাওনা আছে মনে পড়ে না তো।'

আমি বলিলাম,—'টাকার কথা পরে বলব। এখন আমার একটা প্রস্তাব আছে। আমি আপনার স্বজাতি, ভদ্ৰসন্তান। আপনার মেয়েকে বিয়ে করতে চাই।'

গোপীহুলাল দিশাহারা হইয়া গেলেন। আমি বিস্তারিতভাবে নিজের পরিচয় দিলাম; তাঁহার হাঁপানি যেন আরও বাড়িয়া গেল। শেষে বলিলেন,—‘কমলার বিষয়ে দিতে পারব এ আমার আশার অতীত। আমার তো পয়সা নেই।’

‘আছে, বৈকি! এই যে—’ বলিয়া আমি পুঁটুলি খুলিয়া একশত মোহর তাঁহার সম্মুখে ঢালিয়া দিলাম।

...

...

...

কমলাকে বিবাহ করিয়াছি। শস্তুর মহাশয় কিন্তু টিকিলেন না, বিবাহের পরদিনই মারা গেলেন। আকস্মিক ভাগ্যোন্নতি তাঁহার সহ্য হইল না।

কলিকাতায় ফিরিয়া আসিয়া বন্ধুদের ঋণ শোধ করিয়াছি; পুস্তক-প্রকাশকের ব্যবসা ফাঁদিবার আয়োজন করিতেছি। উপগ্রাস্থানা ছিঁড়িয়া ফেলিয়াছি। এবার একখানা রোমান্স-ভরা ভদ্র উপগ্রাস ধরিব; বাহা পড়িয়া কমলা লজ্জা পাইবে না।

নন্দহুলালের সহিত আর একবার মাত্র দেখা হইয়াছিল। আমি বলিয়াছিলাম,—‘কেমন, খুশি হয়েছেন তো?’

নির্লজ্জ প্রেত চোখ টিপিয়া মুচকি হাসিয়াছিল। ‘দালালী একটু বেশি নিয়েছ’, বলিয়া অদৃশ্য হইয়া গিয়াছিল।

ভূতের কুপায় আমার ভবিষ্যৎ এখন বেশ উজ্জ্বল।

পরীক্ষা

বিনায়ক বহুর ড্রয়িংরুম।

রাত্রিকালে বিদ্যুৎবাতির আলোয় ঘরটি অতি সুন্দর দেখাইতেছে। কিকা সর্বজ্ঞ রংয়ের দেয়াল; নূতন আধুনিক গঠনের আসবাব। তিনটি আলোর বাল্ব ঘরে বিভিন্ন স্থানে থাকিয়া ঘরটি প্রায় ছায়াহীন করিয়া তুলিয়াছে।

ঘরের দুইপাশে দুইটি দ্বার, একটি ভিতরে এবং অন্যটি বাহিরে যাইবার পথ। ঘরের তৃতীয় দেয়ালের মাঝখানে ইংলণ্ডের যষ্ঠ জর্জের সোনালী ক্রোমে বাঁধানো একটি প্রতিকৃতি শোভা পাইতেছে।

বিনায়ক বহু ডিনার শেষ করিয়া ড্রয়িংরুমে আসিয়া বসিয়াছে এবং একটি কোঁচে প্রায় চিং হইয়া শুইয়া একখানি ইংরেজী উপগ্রাস পড়িতেছে।

তাহার পরিধানে ঢিলা পায়জামা ও পাঞ্জাবীর উপর একটি সিকের ড্রেসিং গাউন।

বিনায়কের বয়স ত্রিশের নিচেই, সে এখনও অবিবাহিত। তাহাকে সুপুরুষ বলা চলে। গৌরবর্ণ দীর্ঘ দেহ, মাথায় ছোট করিয়া ছাঁটা কৌকড়া চুল; মুখের লালিত্যের সঙ্গে এমন একটা পরিমার্জিত হঠকারিতার ভাব মিশ্রিত আছে যে, তাহাকে চালিয়াং বলিয়া মনে হয় এবং তাহার নৈতিক চরিত্র সম্বন্ধেও খটকা লাগে। উপরন্তু সে তরুণীদের সঙ্গে অভ্যস্ত ঘনিষ্ঠভাবে মিশিতে পারে; তরুণীরাও কেন জানি না, তাহার প্রতি একটু বেশি মাত্রায় আকৃষ্ট হন। এই সব কারণে শহরে তাহার কিছু বদনাম রটিয়াছে।

বিনায়ক সরকারী ইঞ্জিনীয়ার; মাস দুই পূর্বে সে পশ্চিমবঙ্গের এই সমৃদ্ধ শহরে বদলি হইয়া আসিয়াছে এবং স্থানীয় অভিজাত সমাজের তরুণীমহল বিশেষ চাকল্যের সৃষ্টি করিয়াছে।

নিবিষ্ট মনে বই পড়িতে পড়িতে বিনায়ক অগ্রমনস্কভাবে চোখ তুলিতেছিল এবং ঈষৎ জ্বকুটি করিয়া শূন্যে তাকাইতেছিল, যেন তাহার মনের মধ্যে অল্প কোনও চিন্তা ঘোরাঘুরি করিতেছে। একবার সে বই রাখিয়া উঠিল; ঘরের কোণে একটি ক্ষুদ্র আলমারি ছিল, তাহার ভিতর হইতে বোতল ও পেগ বাহির করিয়া পেগ পূর্ণ করিয়া লইয়া আবার আসিয়া বসিল। বই পড়িতে পড়িতে মাঝে মাঝে পেগে চুমুক দিতে লাগিল।

বাহিরের দিকের দরজা দিয়া একটি উর্দিপয়া ফিটফট খানসামা প্রবেশ করিল; তাহার হাতে জার্মান সিল্ডারের রেকাবের উপর একখানি চিঠি। খানসামা নিঃশব্দে প্রভুর সম্মুখে রেকাব ধরিল। বিনায়ক চিঠি তুলিয়া লইয়া খাম ছিঁড়িয়া পড়িল। তাহার জ্ঞ একটু উঠিল। সে একবার ঘড়ির দিকে তাকাইল; পাশের টেবিলে বৃদ্ধদের ছায় কাঁচে ঢাকা সুন্দর একটি টাইমপীস, ত্রাহাত্রে দশটা বাজিয়া পচিশ মিনিট হইয়াছে। বিনায়ক চিঠিখানি ড্রেসিং গাউনের পকেটে রাখিল, পেগ তুলিয়া লইয়া খানসামার দিকে না তাকাইয়াই বলিল,—‘তুমি এখন যেতে পার, তোমাকে আর দরকার হবে না।—হ্যাঁ, সদর দরজা বন্ধ করবার দরকার নেই।’

খানসামা ‘জী’ বলিয়া প্রস্থান করিল।

বিনায়ক পেগে একটি ক্ষুদ্র চুমুক দিয়া রাখিয়া দিল; একটি জয়পুরী কোটার মধ্য হইতে সিগারেট লইয়া ধরাইয়া ঘরময় পায়চারি করিতে লাগিল। তারপর

ঘরের মাঝখানে দাঁড়াইয়া পকেট হইতে চিঠি বাহির করিয়া অস্থূলকণ্ঠে পড়িল—

“বিনায়কবাবু, আপনার সঙ্গে আমার জরুরী কথা আছে—আজ রাত্রি সাড়ে দশটার সময় আমি আসব—সে সময় যেন কেউ না থাকে—

ইতি—মণিকা নন্দী।”

বিনায়কের মুখ দেখিয়া তাহার মনের ভাব কিছুই বোঝা গেল না। সে চিঠি মুড়িয়া পকেটে রাখিল, তারপর সিগারেটে একটা টান দিয়া সেটা আশ্-ট্রেতে ফেলিয়া পেগ তুলিয়া লইল।

পেগ টোটার কাছে তুলিয়াছে এমন সময় বহির্দ্বারের ওপার হইতে জীকণ্ঠের আওয়াজ আসিল,—‘বিনায়কবাবু, আসতে পারি।’

বিনায়ক ক্ষণেক দ্বারের পানে চাহিয়া রহিল, তারপর পেগ নামাইয়া রাখিয়া হস্তমুখে অগ্রসর হইয়া গেল।

বিনায়ক : এস মণিকা।

মণিকা ঘরে প্রবেশ করিল। তাহার আবির্ভাবে ঘরটুকু যেন ঝলমল করিয়া উঠিল। মণিকা শুধু হৃন্দরী নয়, তাহার মুখে চোখে বুদ্ধি ও চিত্তবলের এমন একটি প্রভা আছে যে তাহা তাহার দৈহিক সৌন্দর্যকে আরও ভাস্বর করিয়া তুলিয়াছে। মণিকার বয়স কুড়ি বছর, তাহার কবরীতে যুগ্মফুলের মালা, পরিধানে চাঁপা রঙের একটি সূক্ষ্ম বেনারসী শাড়ি, কর্ণে কণ্ঠে মণিবন্ধে মক্তার লঘু অলঙ্কার উজ্জ্বল যৌবনের ছটা বিচ্ছুরিত করিয়া সে যখন বিনায়কের সম্মুখে আসিয়া দাঁড়াইল তখন মনে হইল, সেকালে রাজকন্যা বুঝি এমনি ভাবেই চোপ ধাঁধাইয়া স্বয়ংবর-সভায় আবির্ভূত হইতেন।

মণিকার অধরে একটু হাসি লাগিয়া আছে; বিরাগ ও অমুরাগ অবিলম্বে-ভাবে মিশিয়া গেলে বোধ করি মেয়েদের মুখে এইরূপ হাসি দেখা দেয়। মণিকা বলিল, ‘আমার চিঠি পেয়েছিলেন?’

বিনায়ক পকেট হইতে চিঠি বাহির করিয়া ধরিল, মণিকাকে দেখিয়া তাহার বুক যে গুরুগুরু করিতেছে তাহা তাহার মুখ দেখিয়া বোঝা গেল না।

বিনায়ক : সেকালের পণ্ডিতগুলো ঠিক ধরেছিল। জীজ্ঞাতির চরিত্র আর পুরুষের ভাগ্য—কখন কী ঘটবে বলা যায় না। আমার ভাগ্য যে ইঠাৎ এত প্রসন্ন হয়ে উঠেছে তা দশটা বেজে পঁচিশ মিনিটের আগে জানতে পারিনি। তাই সামাজিক ভ্রমবেশ পরবার সময় পেলুম না।

মণিকা এই ক্রটি-স্বীকারের কোনও উত্তর না দিয়া চিঠিখানি লইয়া নিজের রাউজের মধ্যে রাখিল।

মণিকা : এটার আর বোধ হয় আপনার দরকার নেই ?

বিনায়ক মুখ টিপিয়া হাসিল।

বিনায়ক : না। তা ছাড়া তোমার চিঠি আমার কাছে না থাকাই ভাল। সাবধানের মার নেই। কিন্তু যাক, তোমার সম্বন্ধনা করা হয়নি। এস—বোসো—

মণিকাকে সোফায় বসাইয়া সিগারেটের জয়পুরী বাস্‌মুটা তাহার সম্মুখে খুলিয়া ধরিয়া বিনায়ক বলিল, ‘নাও।’

মণিকা একবার বাস্‌মুটার দিকে তাকাইল, একবার বিনায়কের মুখের পানে তাকাইল, তারপর শাস্তকণ্ঠে বলিল,—‘আমি সিগারেট খাই না। আপনার পরিচিতা মহিলারা সকলেই বুঝি সিগারেট খান ?’

বিনায়ক : সকলেই নয়। তবে কয়েকজন আছেন যারা এক টানে একটা আন্ত সিগারেট পুড়িয়ে ছাই করে দিতে পারেন। কিন্তু তুমি যখন ধূমপান কর না তখন অন্য কোনও পানীয়ের ব্যবস্থা করি! চা—? কফি—? সববৎ—?

মণিকা পেগের দিকে কটাক্ষপাত করিল।

মণিকা : আমার জন্তে ব্যস্ত হবেন না, বরং আপনি যা খাচ্ছিলেন সেটা শেষ করে ফেলুন।

বিনায়ক : আমি—? ওঃ!

অধঃপূর্ণ পেগ হাতে তুলিয়া লইয়া বিনায়ক হাসিল।

বিনায়ক : তুমি যা ভাবছ তা নয়, আমি মাতাল নই। মাঝে মাঝে ডিনারের পর একটু পোর্ট খাই, শরীর ভাল থাকে। তুমিও ইচ্ছে করলে খেতে পার। মেয়েদের পোর্ট খেতে বাধা নেই।

মণিকা : ধন্যবাদ। পোর্ট আর ব্র্যান্ডি-হইন্ডির মধ্যে কি তফাৎ তা বোঝবার অভিজ্ঞতা আমার নেই। স্ততরাং ওটা থাক।

বিনায়ক পেগ নিঃশেষ করিয়া প্রাথিত্য দিল।

বিনায়ক : বেশ, তোমার যেমন ইচ্ছে। আমার অতিথি-সংস্কারের ক্রটি হচ্ছে কুত্বতে পারছি, কিন্তু উপায় কি ?

সে কৌচের অন্য প্রান্তে বসিল। মণিকা ঘরের চারিদিকে একবার সঙ্গ্রহশংস দৃষ্টি বুলাইল; রাজার ছবির উপর দৃষ্টি পড়ায় তাহার ভ্রূ কঁপিত হইল।

মণিকা : আপনি খুব সৌখীন লোক দেখছি। কিন্তু রাজার ছবি কেন ?
ওতে আপনার ড্রয়িংরুমের শোভা আরও বেড়েছে বলে মনে হয় ?

বিনায়ক : না। ওটা ভেক।

মণিকা : ভেক ?

বিনায়ক : হ্যাঁ। ইংরেজের চাকরির করতে হলে ওটা দরকার হয়।

মণিকা : (দ্বিধা তীক্ষ্ণকণ্ঠে) আমার বাবাও ইংরেজের চাকরি করেন, এ
জেলার দণ্ডমুণ্ডের কর্তা তিনি। কিন্তু তিনি তো ঘরে রাজার ছবি
টান্জাননি !

বিনায়ক : তবে কার ছবি টাঙিয়েছেন ?

মণিকা : কারুর নয়। বাবার ঘরে কোনও ছবিই নেই।

বিনায়ক : আমার ঘরে কিন্তু অণ্ড ছবি আছে।

মণিকা : (চারিদিকে চাহিয়া) কৈ—কোথায় ? দেখছি না তো !

বিনায়ক : এস আমার সঙ্গে—দেখাচ্ছি।

সে উঠিয়া রাজার ছবির দিকে গেল, মণিকাও তাহার অনুবর্তিনী হইল।
বিনায়ক ছবির ফ্রেমের উপর একটা বোতাম টিপিতেই রাজার ছবি উল্টাইয়া
গিয়া তাহার স্থানে মহাত্মা গান্ধীর ছবি দেখা দিল। মণিকা কিছুক্ষণ বিস্ময়ে
নির্বাক হইয়া তাকাইয়া রহিল, তারপর একটু অপ্রতিভভাবে হাসিল।

মণিকা : ভুলে গেছলুম আপনি ইঞ্জিনিয়ার। বেশ কল বানিয়েছেন—

সে ফিরিয়া গিয়া কোঁচে বসিল।

মণিকা : কিন্তু এতে একটা কথা প্রমাণ হল।

বিনায়ক : কী প্রমাণ হল ?

মণিকা : প্রমাণ হল যে আপনার ভেতরে এক বাইরে আর। আপনি
সাদা লোক নন।

বিনায়ক : (হাসিয়া) এতে আশ্চর্য হবার কী আছে। পৃথিবীতে সাদা
লোক ক'টা পাওয়া যায় ? তুমি আজ যে ভাবে আমার সঙ্গে দেখা করতে এসেছ
তার মধ্যেও তো লুকোচুরি রয়েছে।

মণিকার মুখ একটু লাল হইল, সে তীক্ষ্ণ দৃষ্টিতে বিনায়কের মুখের পানে
চাহিল।

মণিকা : লুকোচুরি কিছু নেই। আমি আপনাকে কয়েকটা কথা জিজ্ঞাসা
করতে এসেছি।

বিনায়ক : বেশ তো। কিন্তু সেজন্য এই রাতে একলা আমার দরকার ছিল কি ? অন্তত তোমার ছোট ভাই শঙ্কু সঙ্গে এলে কোন দোষ হত না।

মণিকা যেন একটু অস্বস্তি অনুভব করিল, একবার চকিত চক্ষে বাহিরের দ্বারের পুনে তাকাইল, তারপর একটু তাড়াতাড়ি বলিল,—‘একলা আমার দরকার ছিল। আমার কথা গোপনীয়। এ বাড়িতে আর কেউ নেই তো?’

বিনায়ক : কেউ না। শ্রেফ তুমি আর আমি।

বিনায়ক আড়চোখে মণিকার পানে তাকাইল। মণিকার মুখে ক্ষণেকের জন্য শঙ্কর ছায়া পড়িল; তারপরই সে সোজা হইয়া বলিল, তাহার চক্ষু প্রচ্ছন্ন উত্তেজনায় প্রথর হইয়া উঠিল। বিনায়ক তাহা লক্ষ্য না করিয়া বাস্তব হইতে সিগারেট লইতে লইতে প্রশ্ন করিল,—‘আপত্তি নেই ? খেতে পারি ?’

মণিকা : স্বচ্ছন্দে।

সিগারেট ধরাইয়া বিনায়ক কৌচের পাশে বসিল, কয়েকটা ধোঁয়ার আংটি ছাড়িয়া বলিল,—‘এবার তোমার গোপনীয় প্রশ্ন আরম্ভ হোক।’

মণিকা বিনায়কের পানে তাকাইল না, দেয়ালে মহাত্মার ছবির উপর দৃষ্টি নিবদ্ধ রাখিয়া ধীরে ধীরে বলিল,—‘আজ সকালে আপনি বাবার সঙ্গে দেখা করতে গিয়েছিলেন?’

বিনায়ক : হাঁ।

মণিকা : আমার সঙ্গে বিয়ের প্রস্তাব করেছিলেন ?

বিনায়ক : করেছিলুম।

‘চক্ষিতে বিনায়কের দিকে উজ্জ্বল দৃষ্টি ফিরাইয়া মণিকা বলিল,—‘বিয়ের প্রস্তাব করবার কী যোগ্যতা আছে আপনার?’

সিগারেটের ছাই সমুপর্ণে অ্যাশ-ট্রেতে ঝাড়িয়া বিনায়ক নীরসকণ্ঠে বলিল—‘যোগ্যতার পরিচয় তো আজ সকালে তোমার বাবার কাছে দিয়েছি। আমি সঙ্গারী ইঞ্জিনীয়র, বর্তমানে চার শ’ টাকা মাইনে পাই; ‘ভবিষ্যতে মাইনে আরও বাড়বে। আমার স্বাস্থ্যও বেশ ভাল—’

মণিকা : (অধীরভাবে) আমি ও যোগ্যতার কথা বলছি না। বিয়ে করবার নৈতিক যোগ্যতা আপনার আছে কি ?

বিনায়ক : কথাটা একটু পরিষ্কার করে না বললে বুঝতে কষ্ট হচ্ছে।

মণিকা : বিনায়কবাবু, যে কুমারী আপনাকে বিয়ে করবে, সে আপনাকে কান্না নৈতিক পবিত্রতা আশা করতে পারে, একথা আপনি স্বীকার করেন ?

বিনায়ক : নিশ্চয় স্বীকার-করি। শুধু তাই নয়, আমি বিশ্বাস করি, যে-
পুরুষের নৈতিক পবিত্রতা নেই তার বিয়ে করা উচিত নয়।

মণিকা : কিছুক্ষণ স্থিরমনে বিনায়কের পানে চাহিয়া রহিল।

মণিকা : তাহলে আপনি বিয়ে করতে চান কোন্ সাহসে ?

বিনায়ক : (গম্ভীরস্বরে) আমার সে দাবী আছে।

মণিকা : অবিশ্বাসের তীক্ষ্ণ হাসি হাসিয়া উঠিল।

মণিকা : বিনায়কবাবু, আপনি নিজেকে যতটা সাধু বলে প্রমাণ করতে চান, সত্যি আপনি ততটা সাধু নন। আজ আমি নিজের চোখে আপনাকে মদ খেতে দেখেছি। তা ছাড়া শহরে আপনার অল্প বদনামও আছে—

বিনায়ক : অদম্ভব নয়, বদনাম কার না হয় ? কিন্তু মদের কথা যে বললে, আগেই বলেছি আমি মাতাল নই, নিয়মিত মদ খাই না—

মণিকা : প্রমাণ করতে পারেন ?

বিনায়ক : (হাসিয়া) একথা প্রমাণ করা যায় না। মহাত্মা গান্ধীও প্রমাণ করতে পারেন না যে তিনি লুকিয়ে মদ খান না ; ওটা তাঁর চরিত্র থেকে অনুমান করে নিতে হয়। তোমার কথাই ধরো। আজ তুমি একলা লুকিয়ে আমার বাড়িতে এসেছ। লোকে যদি মনে করে তুমি রোজ রাতে আমার বাড়িতে আসো, সেকথা কি সত্য হবে ?

মণিকা : আচ্ছা ও কথা ভেড়ে দিলুম। কিন্তু আপনি যে স্বীকৃতির সঙ্গে খুবই ভালবাসেন একথা অস্বীকার করতে পারেন ?

বিনায়ক হাসিয়া উঠিল, দম্ভাবশেষ সিগারেট অ্যাশ-ট্রে'র উপর ঘষিয়া নিভাইয়া বলিল—‘কি মুন্সিল, অস্বীকার করতে যাব কোন্ দুঃখে ? স্বীকৃতির সঙ্গে যদি ভালই না বাসব, তাহলে তোমাকে বিয়ে করতে চাই কেন ?’

মণিকার দৃষ্টি ক্রুদ্ধ হইয়া উঠিল।

মণিকা : হেসে ওড়বার চেষ্টা করবেন না। দু’ মাস হল আপনি এ শহরে এসেছেন, এর মধ্যে আপনার সব কীর্তি প্রকাশ হয়ে পড়েছে।—অমিতা সেনের সঙ্গে আপনার কী সম্পর্ক তা সবাই জানে।

বিনায়কের মুখ সহসা কঠিন হইয়া উঠিল।

বিনায়ক : না, কেউ জানে না। অমিতার সঙ্গে আমার কী সম্পর্ক—তা শুধু আমি জানি আর অমিতা জানে।

মণিকা : সত্যি ? খুব গোপনীয় সম্পর্ক বুঝি ? আমরা জানতে পারি না ?

বিনায়ক : অমিতা আমার ভাবী ভ্রাতৃবধূ। তোমরা জান না, আমার ছোট ভাই বিলেত গেছে। অমিতা তাকে ভালবাসে।

মণিকা খতমত খাইয়া গেল।

মণিকা : ও, তা ভাই যদি হয়, তাহলে এত লুকোচুরির কি দরকার ?

বিনায়ক : লুকোচুরির কারণ অমিতার বাবা এ বিয়ের বিরুদ্ধে, তিনি জাতের বাইরে মেয়ের বিয়ে দিতে চান না।

মণিকার দৃষ্টি নত হইল, কিন্তু তখনি আবার সে চোখ তুলিল।

মণিকা : আচ্ছা, সে যেন হল। মেয়ে-স্কুলের টিচার মিসেস রমা গাঙ্গুলীর সঙ্গে আপনাদের সখ্যতা কি রকম ?

বিনায়ক : তিনি আমার বান্ধবী।

মণিকা : (মুখ টিপিয়া) বান্ধবী। ও কথাটার অনেক রকম মানে হয়।

বিনায়ক ক্ষণেক গভীর হইয়া রহিল, তারপর দ্রব্য ভৎসনার স্বরে বলিল—
'মণিকা, আমার সখ্যে তুমি যা ইচ্ছে ভাবতে পার, কিন্তু একটি শুদ্ধচরিত্রা নিষ্ঠাবতী বিধবা মহিলা সখ্যে ও রকম ইঙ্গিত করলে অপরাধ হয়।'

মণিকার মুখে লজ্জার রক্তিমাজা ফুটিয়া উঠিল; কিন্তু সঙ্গে সঙ্গে তাহার মেরুদণ্ডও শক্ত হইয়া উঠিল। ক্ষণেক নীরব থাকিয়া সে দ্রব্য তির্যক্বে বলিল,
'আর হাদপাতালের লেডি ডাক্তার মিস মল্লিকা? তিনিও কি শুদ্ধচরিত্রা নিষ্ঠাবতী মহিলা? তাঁর সঙ্গেও তো আপনাদের খুব ঘনিষ্ঠতা।'

বিনায়কের চোঁটের কোণে একটু হাসি খেলিয়া গেল।

বিনায়ক : শ্রীমতী মল্লিকার সঙ্গে আমার সম্পর্ক একটু অল্প ধরনের। শিকারের সঙ্গে শিকারীর যে ঘনিষ্ঠতা, তাঁর সঙ্গে আমার ঘনিষ্ঠতাও সেই রকম। ভুল বুঝো না; তিনি শিকারী—আর আমি শিকার। ভাগ্যক্রমে এখনও অক্ষত শরীরে আছি।

মণিকা হঠাৎ উঠিয়া দাঁড়াইল; বিনায়কও সঙ্গে সঙ্গে উঠিল। মণিকা অস্থিরভাবে ঘরের এটা-ওটা নাড়িয়া ঘুরিয়া বেড়াইতে লাগিল, যেন কিছুতেই তাহার মনের অসন্তোষ দূর হইতেছে না।

বিনায়ক : কি হল! আর কোনও প্রশ্ন বুঝে পাচ্ছ না ?

মণিকা : ক'টা বেজেন্সি আমি এবার খুঁজি যাব।

ঘড়ি দেখিবার জন্য ঘনিষ্ঠ গিছন ফিরিতেই মণিকা এক অদ্ভুত কাজ করিল, মদের শূণ্য পেগাস তাহার হাতের কাছেই ছিল, কিন্তু হস্ত-

সঞ্চালনে তাহা মেঝেয় ফেলিয়া দিল। বন্বন্ব করিয়া কাঁচ ভাঙার শব্দ হইল এবং প্রায় সঙ্গে সঙ্গে বিদ্যুৎবাতি নিভিয়া ঘর অন্ধকার হইয়া গেল। অন্ধকারের ভিতর হইতে মণিকার উচ্চকিত কণ্ঠস্বর আসিল,—‘ঐ যাঃ! এ কী হল! আলো নিভে গেল! বিনায়কবাবু?’

বিনায়ক : কোনও ভয় নেই। মাঝে মাঝে এমন হয়—পাওয়ার হাউসে কোন গোলমাল হয়ে থাকবে। তুমি যেমন আছ তেমনি দাঁড়িয়ে থাকো, নইলে পায়ে কাঁচ ফুটে যেতে পারে। আমি পাশের ঘর থেকে মোমবাতি নিয়ে আসছি।

মণিকা : না না, আপনি কোথাও যাবেন না, আমার ভয় করবে।

বিনায়কের হাসির শব্দ শোনা গেল।

বিনায়ক : আচ্ছা আমি দেশলাই জালছি।

সে ফস করিয়া দেশলাই জালিল। অন্ধকার কিন্তু সম্পূর্ণ দূর হইল না, ছ’জনকে আবছায়াভাবে দেখা গেল। মণিকা সেই অস্পষ্ট আলোকে সাবধানে পয় ফেলিয়া আবার কোঁচে আসিয়া বসিল। দেশলাই-কাঠি নিভিয়া গেল।

মণিকা : আপনার কাঁচের গ্লাসটা ভেঙে ফেললুম—

বিনায়ক : কি করে ভাঙল?

মণিকা : কি জানি অসাবধানে হাত লেগে গিছিল।

বিনায়ক আবার দেশলাই জালিল। দেখা গেল, তাহার মুখে একটু বাকী হাসি লাগিয়া আছে।

বিনায়ক : মদের গ্লাস ভাঙার মধ্যে হয়তো নিয়তির কোনও ইঙ্গিত আছে।

মণিকা : তা জানি না। আপনি অত দূরে দাঁড়িয়ে রইলেন কেন? কাছে আসুন, আমার যে ভয় করছে।

বিনায়ক মণিকার কাছে গিয়া বসিল। দেশলাই নিঃশেষ হইয়া নিভিয়া গেল।

মণিকা : আমার হাত ধরুন।

বিনায়ক : হাত ধরলে দেশলাই জ্বলবে কি করে?

মণিকা : দেশলাই জ্বলতে হবে না।

কিছুক্ষণ নীরব। বিনায়ক মণিকার হাত ধরিয়া আছে কিনা অন্ধকারে তাহা দেখা গেল না।

বিনায়ক : মণিকা!

মণিকা : কী ?

বিনায়ক : ঘর অন্ধকার—

মণিকা : জানি।

বিনায়ক : তুমি আর আমি ছাড়া বাড়িতে আর কেউ নেই।

মণিকা : হঁ।

বিনায়ক : আমার মত অসাধু লোকের সঙ্গে থাকতে তোমার ভয় করছে না ?

মণিকা : না।

বিনায়ক : তোমরা অদ্ভুত জাত। সাথে পণ্ডিতেরা বলেছেন—

মণিকা : পণ্ডিতদের কথা শুনতে চাই না।

বিনায়ক : বেশ, চল তাহলে তোমাকে বাড়ি পৌঁছে দিয়ে আস।

মণিকা : না। আলো জ্বললে বাড়ি যাব।

বিনায়ক : আলো কখন জ্বলবে ঠিক নেই। আজ রাত্রে না জ্বলতেও পারে।

মণিকা কথা বলিল না। ক্ষণেক পরে বিদ্যুৎবাতি যেমন হঠাৎ নিভিয়া গিয়াছিল তেমনি হঠাৎ জলিয়া উঠিল। দেখা গেল, দুইজনে পাশাপাশি কোঁচের উপর বসিয়া আছে, মণিকার ডান হাত বিনায়কের বাম মুষ্টির মধ্যে আবদ্ধ।

মণিকা বিনায়কের মুখের পানে চাহিয়া মধুর আনন্দোচ্ছ্বাস হাশিল, তারপর, উঠিয়া দাঁড়াইয়া নম্র কুহক-কোমল স্বরে বলিল,—‘এবার আমি বার্ডি নাই ?’

বিনায়কও উঠিয়া দাঁড়াইল।

বিনায়ক : তুমি আজ আমাকে অনেক জেরা করেছে। আমার একটু প্রশ্নের জবাব দেবে ?

মণিকা : কি প্রশ্ন ?

বিনায়ক : আমি ভাগ্যবান কিম্বা হতভাগ্য সেটা জানাবে কি ?

মণিকা বিনায়কের দিকে পিছন ফিরিয়া দাঁড়াইল, মুখ টিপিয়া একটু হাসিল।

মণিকা : তুমি ভাগ্যবান কিনা জানি না, কিন্তু আমার ভাগ্য মন্দ নয়।

বিনায়কের মুখ উদ্ভাসিত হইয়া উঠিল, সে মণিকার সম্মুখে গিয়া তাহার হাত নিজের হাতে তুলিয়া লইল।

বিনায়ক : আর তোমার মনে সন্দেহ নেই ?

মণিকা : না।

বিনায়ক : (হাসিয়া) অঙ্ককারের পরীক্ষায় পাশ করেছি তাহলে ?

মণিকা : হাঁ। (চমকিয়া) আঁ, কি বললে ? অঙ্ককারের পরীক্ষা ! তুমি—
তুমি বুঝতে পেরেছ ?

বিনায়ক : তা পেরেছি—

মণিকা : কী করে বুঝলে ?

বিনায়ক : খুব সহজে। তুমি যখন হাত দিয়ে গ্লাসটা ফেলে দিলে তখন আমি ঘড়ির দিকে তাকিয়ে ছিলাম, ঘড়ির কাঁচে সবই দেখতে পেলুম। তারপরই আলো নিভে গেল। বুঝতে দেরি হল না যে, গেলাস ভাঙার শব্দটা সঙ্কেত, তোমার যে সহচরটি বাইরে দাঁড়িয়ে আছেন তিনি বারান্দায় মেন্স্ সুইচ বন্ধ করে দিলেন। সহচরটি বোধ হয় শঙ্কু—না ?

মণিকা নীরব বিস্ময়ে ঘাড় নাড়িল।

বিনায়ক : এর পরে তোমার এই রাস্তিরে আমার সঙ্গে দেখা করতে আসার প্র্যাকটিক্যাল পরীক্ষার হয়ে গেল : অঙ্ককারে আমি কোনও অসভ্যতা করি কিনা তাই পরীক্ষা করতে চাও। যখন বুঝতে পারলুম তখন পরীক্ষায় পাশ করা আর শক্ত হল না।

মণিকার মুখ আবার সংশয়াকুল হইয়া উঠিল।

মণিকা : কিন্তু—কিন্তু—আমার সন্দেহ তো তাহলে গেল না ! তুমি যদি জেনে-শুনে—

বিনায়ক হাসিয়া তাহাকে কাছে টানিয়া লইল।

বিনায়ক : একটু সন্দেহ থাকা ভাল। কবি বলেছেন—‘ক্ষুদ্র হৃদয়ের প্রেম একান্ত বিশ্বাসে হয়ে আসে জড় মৃতবৎ, তাই তারে মাঝে মাঝে জাগায়ে তুলিতে হয় মিথ্যা অবিশ্বাসে।’* কিন্তু মণিকা, আমি যদি সত্যিই অসভ্যতা করতুম ? শঙ্কু এসে অবশ্য আমাকে উত্তম-মধ্যম দিত। কিন্তু তুমি কী করতে ?

মণিকার মুখ কঁাদো কঁাদো হইয়া উঠিল।

মণিকা : কী আর করতুম, তোমাকেই বিয়ে করতুম। তুমি কি আমার কিছু রেখেছ ? আমার নিজের ইচ্ছে বলে কি কিছু আছে ?

দু'হাতে দু'খ ঢাকিয়া মণিকা কাঁদিবার উপক্রম করিল। স্নেহে আমন্দে বিনায়কের মুখ কোমল হইয়া উঠিল। সে মণিকার চুলের উপর একবার লঘুস্পর্শে হাত ব্লাইয়া উচ্চকণ্ঠে ডাকিল—‘ওহে শত্ৰু, ভেতরে এস।’

অঠারো বছরের ছোটপুট বলবান যুবক শত্ৰু একটি হকি-ষ্টিক হাতে লইয়া প্রবেশ করিল এবং প্রসন্নমুখে দস্ত বিকশিত করিল।

বিনায়ক : শত্ৰু, তোমার বোনকে শীগগির বাড়ি নিয়ে যাও। আর বেশি দেরি করলে আমার কল্যায় রটে যাবে।

ভক্তিবাজন

মাতালকে ভক্তি-শ্রদ্ধা করিবার প্রথা আমাদের দেশে নাই। বরঞ্চ মাতালের প্রতি কোনও প্রকার সহানুভূতি দেখাইলে বন্ধু-বান্ধব সম্বন্ধ হইয়া ওঠেন, গৃহিণীর চোখের দৃষ্টি তীক্ষ্ণ হয়। বস্তুত মত্ত পান করা যে অতিশয় গহিত কার্য, বোধহয় প্রদেশে বাস করিয়া তাহা অস্বীকার করিতে পারি না। কিন্তু তবু আমার প্রতিবেশী ব্রাগাঞ্জা সাহেবকে যে আমি সম্প্রতি ভক্তি-শ্রদ্ধা করিতে আরম্ভ করিয়াছি, সত্যের অহরোধে তাহাও মানিয়া লইতে আমি বাধ্য।

ব্রাগাঞ্জা একজন গোয়ালি পিঙ্গ। এদেশে গোয়ানী ষ্ট্যানর সাধারণত ঐ শ্রমায় অভিজিত হইয়া থাকে। ব্রাগাঞ্জার চেহারাটি যেমন প্যান্ট লুনপরা গজপতি বিছাদিগঞ্জের মতন, মাছুষটিও অতিশয় শান্তশিষ্ট ও নিবিরোধ। আমার বাড়ির পাশে একটা খোলার ঘরে বাস করিত এবং মোটরমিস্ত্রীর কাজ করিত। আমি কখনও তাহাকে শাদা-চক্ষু অবস্থায় দেখি নাই; সর্বদাই তাহার গোলাপী চক্ষু দুটি ঢুলুঢুলু। আমার সঙ্গে দেখা হইলে কোমল হাস্য করিয়া কপালে হাত ঠেকাইত। দুনিয়ার কাহারও সহিত তাহার অসম্ভাব আছে এমন কথা শুনি নাই; মাতাল অবস্থাতেও সে কাহারও সহিত ঝগড়া করিত না। আবার কাহারও সহিত অতিরিক্ত মাখামাখিও ছিল না। সে আপন মনে মদ খাইত এবং বানচাল মোটরের তলায় প্রবেশ করিয়া ঠুকঠাক করিত।

গত মহাযুদ্ধের সময় বোধহয় শহরে মাছুষের যে জোয়ার আসিয়াছিল

তাহাঁ বোম্বাই শহরকে আকর্ষণ পূর্ণ করিয়া উপকণ্ঠেও প্রবাহিত হইয়াছিল। আমি থাকি উপকণ্ঠে। এতদিন বেশ নিবিবিলি ছিলাম, আমার বাড়ির সামনে রাস্তার ওপারে খোলা মাঠ পড়িয়া ছিল। ক্রমে সেখানে দুটি-একটি টিনের চালা বা ঘর দেখা দিতে আরম্ভ করিল।

একদিন দেখিলাম আমার বাড়ির ঠিক সম্মুখে কোনও এক ব্যবসায়িক-সম্পন্ন ব্যক্তি এক চায়ের দোকান খুলিয়া সাইনবোর্ড লট্কাইয়া দিয়াছে— শ্রীবিলাস হিন্দু হোটেল। নিতান্তই দীনহীন ব্যাপার; টিনের চালার নীচে কয়েকটি বানিশহীন কাঠের টেবিল ও লোহার চেয়ার। কিন্তু খন্দের জুটিতে বিলম্ব হইল না। এদিকে তখন মার্কিন গোরার ভিড়। দেখিলাম, শাদা সিপাহীরা লোহার চেয়ারে বসিয়া অগ্ন্যবদনে চা ও চিড়েভাজা খাইতেছে। দোকানদার লোকটী রোগাপটকা ছিল, দেখিতে দেখিতে খোদার খাসী হইয়া উঠিল।

সাহেবদের দেখাদেখি দেশী-খন্দেরও অনেক জুটিয়াছিল। কিন্তু ব্রাগাজাকে কোনও দিন দোকানে ঢুকিতে দেখি নাই। চায়ের মতন নিরামিষ নেশায় তাহার রুচি ছিল না।

তারপর একদিন মহামুদ্র শেষ হইল। সাহেব সিপাহীরা ক্রমে ভারতরক্ষা-রূপ নিঃস্বার্থ কর্তব্য শেষ করিয়া দেশে ফিরিয়া গেল। শ্রীবিলাস হোটেলের চায়ের ব্যবসাতেও ভাটা পড়িল।

কিন্তু ব্যবসায়ে ভাটা পড়িলে ব্যবসায়ীর প্রাণে বড়ই আঘাত লাগে; তখন সে মরীয়া হইয়া আবার ব্যবসা জঁকাইবার নানা ফন্দি-ফিকির বাহির করিতে থাকে। একদিন লক্ষ্য করিলাম, শ্রীবিলাস হোটেলের স্বত্বাধিকারী গ্রামোফোন কিনিয়াছে এবং তাহাতে লাউড-স্পীকার লাগাইয়া তারস্বরে তাহাই বাজাইতেছে।

প্রথমটা বিশেষ বিচলিত হই নাই। সিনেমার বর্ণসঙ্কর গান আমার ভালই লাগে; তাহাতে 'বিশুদ্ধ রাগ-রাগিণীর উচ্চ গান্ধীর্ষ না থাক, প্রাণ আছে, চঞ্চলতা আছে। তাহাই বা আজকাল কোথায় পাওয়া যায়? কিন্তু যখন দেখিলাম, দোকানদার মাত্র দুই-তিনটি রেকর্ড কিনিয়াছে এবং সেগুলি একটির পর একটি ক্রমান্বয়ে বাজাইয়া চলিয়াছে, তখন মন চঞ্চল হইয়া উঠিল। সঙ্গীত ভাল জিনিস; কিন্তু সকাল পাঁচটা হইতে রাত্রি বারোটা পর্যন্ত যদি একই সঙ্গীত বারম্বার শুনিতে হয়, তাহা হইলে স্নায়ুমণ্ডলের অবস্থা বিপজ্জনক হইয়া পড়ে।

পাশ্চাত্য (সভ্যতা) মনুষ্যজাতিকে 'অনেক নব নব আবিষ্কার দান করিয়াছে, তন্মধ্যে সবচেয়ে গুরুতর দান বোধ হয়—যান্ত্রিক শব্দ। শতবর্ষ পূর্বেও পৃথিবীতে এত শব্দ ছিল না। মেঘগর্জনই তখন শব্দের চূড়ান্ত বলিয়া মনে হইত। এখন মানুষ যন্ত্রের সাহায্যে এমন শব্দ সৃষ্টি করিয়াছে যাহার কাছে বজ্রপাতও কপোত-কুজন বলিয়া মনে হয়। লাউড্-স্পীকার যুক্ত গ্রামোফোনও এইরূপ একটি শব্দ-যন্ত্র। 'এতটুকু যন্ত্র হ'তে এত শব্দ হয়, দেখিয়া বিশ্বের লাগে বিষম বিস্ময়।' শুধু বিস্ময় নয়, মানুষ এই শব্দের আক্রমণে কেমন যেন জব্বব্ব হইয়া গিয়াছে।

শরীরের একই স্থানে যদি ক্রমাগত হাত বুলানো হয় তাহা হইলে প্রথমটা বেশ আরাম লাগে কিন্তু ক্রমে অসহ্য হইয়া ওঠে। গান শোনাও তেমনি। প্রত্যহ প্রত্যুষ হইতে মধ্যরাত্রি পর্যন্ত নিরবচ্ছিন্ন একই গান শুনিতে শুনিতে জায়মগুনী বিদ্রোহ করে। প্রাণ ছটকট করে; ইচ্ছা করে কোথাও ছুটিয়া পলাইয়া যাই।—কিন্তু যাহারা শহরের বাসিন্দা তাঁহাদের পক্ষে এ-জাতীয় অভিজ্ঞতা নূতন নয়; স্তবরাং বিশদ বর্ণনা নিম্নয়োজন।

মরীয়া হইয়া একদিন দোকানদারকে গিয়া বলিলাম, 'বাপু, চায়ের দোকান করেছ তা এত গান বাজনার কী দরকার?'

দোকানদার এক গাল হাসিয়া বলিল, 'শেঠ, গ্রামোফোন কেনার পর আমার খন্দের বেড়েছে।'

দেখিলাম কথাটা মিথ্যা নয়; অনেকগুলি গলায়-কমাল-ইন্দা হাফি-শার্ট-পর্যন্ত ছোকরা বলিয়া চা খাইতেছে ও টেবিল বাজাইতেছে। বলিলাম, 'তা খন্দেরকে গান শোনানোই যদি উদ্দেশ্য হয় তবে আশ্চর্য বাজাও না কেন? পাড়ার লোকের কান ঝালাপাল্য ক'রে কি লাভ?'

সে বিস্মিত হইয়া বলিল, 'কেন, আপনি কি গান ভালবাসেন না? এ দেশের লোক কিন্তু খুব গান ভালবাসে।'

চলিয়া আসিলাম। লোকটা আমাকে সঙ্গীত-রস-বঞ্চিত দাষণ্ড মনে করিল তাহাতে ক্ষতি নাই; কিন্তু সে যে আমার অহরোধে গ্রামোফোন বন্ধ করিয়া ব্যবসার ক্ষতি করিবে এমন সম্ভাবনা দেখিলাম না।

পুলিশে খবর দিব কিনা ভাবিতে লাগিলাম। এদেশে আইনকাহ্ন নিশ্চয় একটা কিছু আছে; যন্ত্র-সঙ্গীতের উৎপীড়ন হইতে নিরীহ মানুষকে রক্ষা করিতে সঙ্গীতের এমন আইন কি নাই? হয়তো আছে; কিন্তু পুলিশ কিছু

করিয়ে কি? এদেশের পুলিশের সে রোয়াব নাই, গাভীও নাই, দাপট নাই। রাস্তার ধারে যে-সব হলদে শামলাপরা কন্সটেবল দেখিয়াছি তাহারা মনে সম্মম উৎপাদন করে না; তাহাদের দেখিলে ইয়াকি দিবার ইচ্ছা হয়, নালিশ জানাইবার ইচ্ছা হয় না। আমি যদি নালিশ করি, পুলিশ হয়তো মিঠেভাবে একটু মুচকি হাসিবে। তাহাতে আমার কী লাভ?

এইভাবে মাসখানেক চলিল। আয়ু বলিয়া শরীরে যাহা ছিল ছিঁড়িয়া-খুঁড়িয়া জট পাকাইয়া গিয়াছে; মস্তিষ্কের মধ্যে চাতক, পাখীর কাত্বানির মতো একটা ব্যাকুলতা পাকাইয়া পাকাইয়া উর্ধ্বে উঠিতেছে। ডাক্তারেরা যাহাকে নার্ভাস ব্রেক-ডাউন বলেন সেই অবস্থায় পৌঁছিতে আর বিলম্ব নাই। এমন সময়—

পরিজ্ঞাপায় সাধুনাং—ইত্যাদি।

ত্রাণকর্তা যে কত বিচিত্ররূপে সম্ভবামি হন তাহা বলিয়া শেষ করা যায় না। অপার তাঁহার মহিমা।

ব্রাহ্মি সাড়ে ন'টার সময় একদিন বাড়ির সমস্ত বিদ্যুৎবাতি নিভিয়া গিয়াছিল। এত রাত্রে কোথায় মিজী পাইব; ব্রাগাঞ্জার কথা মনে পড়িল। সে মোটর-মিজী, নিশ্চয় বিদ্যুৎ সম্বন্ধে জানে শোনে। তাহাকে ডাকিয়া পাঠাইলাম।

সন্মুখের হোটেলে তখন উদ্দাম সঙ্গীত চলিয়াছে—‘পহেলি মোহরত কি রাত!’ অন্ধকারে প্রথম প্রণয়-রজনীর উল্লাস যেম আরও গগনভেদী মনে হইতেছে।

ব্রাগাঞ্জা আসিয়া পাঁচ মিনিটের মধ্যে আলো জালিয়া দিল। বিশেষ কিছু নয়, একটা ফিউজ খুঁড়িয়া গিয়াছিল। আমি ব্রাগাঞ্জাকে একটি টাকা দিলাম। তৈলাক্ত হাসিতে তাহার মুখ ভরিয়া উঠিল; কপালে হাত ঠেকাইয়া সে বলিল, ‘থ্যাঙ্ক ইউ স্যার।’

দ্বার পর্বস্ত গিয়া সে একবার থামিল; একটু ইতস্তত করিয়া বলিল, ‘স্যার, এই গান শুনতে আপনার ভাল লাগে?’

লক্ষ্য করিলাম, তাহার ঢুলুঢুলু চক্ষের মধ্যে ফুলঝুরির ফুলকির মতন একটা আলো ঝিকমিক করিতেছে। বলিলাম, ‘ভাল লাগে! অতিষ্ঠ হয়ে উঠেছি। তুমিও তো দিনরাত শুনছ, তোমার ভাল লাগে?’

ব্রাগাঞ্জা মাথাটি দক্ষিণ হইতে বামে আন্দোলিত করিতে করিতে বলিল, ‘না, ভাল লাগে না।’

ব্রাগাঞ্জা ফিলিয়া গেল। নিজের ঘরে গেল না; এত রাতে অপ্রত্যাশিত একটি টাকা পাইয়াছে, বোধ হয় মদের সন্ধানে গেল। শুদিকে গান চলিয়াছে।
—‘লারে লাপ্পা লারে লাপ্পা—’

রাত্রি সাড়ে দশটা। শুইতে গিয়া কোনও লাভ আছে কিনা, ভাবিতেছি এমন সময় শ্রীবিলাস হোটেলে রৈ রৈ মার মার শব্দ হইয়া গ্রামোফোনটা মধ্যপথে থামিয়া গেল; তৎপরিবর্তে চীৎকার চেঁচামেচি হুমদাম শব্দ আসিতে লাগিল।

ছুটিয়া রাস্তায় বাহির হইলাম। দেখি, হোটেলে দক্ষযজ্ঞ বাধিয়া গিয়াছে। তফাৎ এই যে দক্ষযজ্ঞে অনেকগুলো ভূত যজ্ঞ পণ্ড করিয়াছিল, এখানে একা ব্রাগাঞ্জা। সে একেবারে ক্ষেপিয়া গিয়াছে; তাহাকে দেখিয়া সেই নিরীহ নির্বিরোধ ব্রাগাঞ্জা বলিয়া চেনা শক্ত। গ্রামোফোনটাকে মাটিতে আছড়াইয়া ফেলিয়াছে তাহার উপর তাণ্ডব নৃত্য করিতেছে, টেবিল চেয়ার পেয়ালা গেলাস যাহা সম্মুখে পাইতেছে তাহাই ধরিয়া আছাড় মারিতেছে। আর গভীর গর্জনে বলিতেছে—‘ড্যাম্ লারে লাপ্পা—টু হেল্ উইথ গিলি গিলি গিলি—ডেভিল্ টেক্ পহেলি মোহকব্ কি রাত……’

রাস্তায় দাঁড়াইয়া ছই চক্ষু ভরিয়া দেখিতে লাগিলাম। হোটেলের মালিক ও তাহার সাঙ্গেপাঙ্গ ঘরের কোণে দাঁড়াইয়া ঐকতানে চেঁচাইতেছে; কিন্তু এই দুর্দান্ত মাতালকে বাধা দিবার সাহস তাহাদের নাই।

মদমত্ত অবস্থায় পরের সম্পত্তি নাশ করীর অপরাধে ব্রাগাঞ্জার জেল ও জরিমানা হইল। জেল খাটিয়া আসিয়া ব্রাগাঞ্জা পূর্ববৎ মোটর মেরামত করিতেছে; যেন কিছুই হয় নাই। কিন্তু শ্রীবিলাস হোটেলের গ্রামোফোন বাজনা বন্ধ হইয়াছে। ব্রাগাঞ্জা নাকি দোকানের মালিককে ইসারায় জানাইয়াছে যে, আবার গ্রামোফোন বাজিলে আবার সে দক্ষযজ্ঞ বাধাইবে।

ব্রাগাঞ্জাকে আমি ভক্তি করি, তাহা যাই বলুন। মাঝে মাঝে ক্ষেপিয়া যাইবার সাহস বাহার আছে সে আমাদের সকলেরই নমস্কার।

একদিন তাহাকে ডাকিয়া তাহার হাতে পাঁচটি টাকা দিয়া বলিলাম—‘সেদিন তুমি আমার বিদ্যুৎবাতি মেরামত করে দিয়েছিলে তার জন্তে তোমাকে উচিত পুরস্কার দিই নি। এই নাও।’

১২২

শরদিন্দু বন্দ্যোপাধ্যায়ের সরস গল্প

ব্রাপ্তা কপালে হাত ঠেকাইয়া সলজ্জ মিটিমিটি হাসিল। সে মাতাল হইলেনও নির্বোধ নয়।

‘ধ্যাক ইউ স্যর।’

সম্প্রতি মদ্য-নিবারণী আইন জারি হইয়াছে; কিন্তু সেজ্ঞা ব্রাপ্তার আটকায় না।

যশ্চিন্দ দেশে

বোম্বাই শহরটি যে প্রকৃতপক্ষে একটি দ্বীপ, একথা অবশ্য সকলেই জানেন। কিন্তু এই দ্বীপকে অতিক্রম করিয়া একটি বৃহত্তর বোম্বাই আছে, পীনাকী রমণীর আর্টসাঁট পোশাক ছাপাইয়া উদ্ভূত দেহভাগের মত বাহা বাহিরে প্রসারিত হইয়া পড়িয়াছে।

বৈজ্ঞানিক রেলের লাইন ও মোটর রাস্তা দুইই পাশাপাশি বোম্বাই হইতে বাহির হইয়া সমুদ্রের খাঁড়ি উত্তীর্ণ হইয়া উত্তর দিকে অনেকদূর পর্যন্ত গিয়াছে। এই পথের ধারে ধারে এক মাইল আধ-মাইল অন্তর ছোট ছোট জনপদ—বোম্বাইয়ের তুলনায় তাহাদের আয়তন সিকি-দুয়ানির মত। এখানে যাহারা বাস করেন, প্রভাত হইতে না হইতেই তাঁহারা খাচ্ছায়েষী পাখীর মত ঝাঁক ঝাঁপিয়া বোম্বাই অভিমুখে যাত্রা করেন, আবার সন্ধ্যাবেলা কলরব করিতে করিতে বাসায় ফিরিয়া আসেন। মেঘেরা বৈকাল বেলা বাহারে থলি হাতে করিয়া বাজার করিতে বাহির হন; উচ্চ-নীচ ধনী-নির্ধন নাই, সব মেঘেরাই সজী-বাজারে গিয়া আলু, শাক, কাঁকড় ভাজি ক্রয় করেন; তারপর তাঁহাদের মধ্যে যাহারা তরুণী, তাঁহারা ক্ষুদ্র রেলওয়ে স্টেশনে গিয়া বেঞ্চেতে বসিয়া নিজ নিজ ‘শেঠ’এর প্রতীক্ষা করেন। শেঠ আসিলে দু’জনে গল্প করিতে করিতে গৃহে ফিরিয়া যান।

তারপর সন্ধ্যা উত্তীর্ণ হইলে দেখা যায়, পথের দুই ধারে বাড়ির সম্মুখস্থ অন্ধকার বারান্দায় কাঠের পিঁড়িযুক্ত দোলা দুলিতেছে; অদৃশ্য মিথুনের হাসি-গল্পের মুহূ আওয়াজ ভাসিয়া আসিতেছে, কচিং কোমল কণ্ঠের, গান অন্ধকারকে মধুর করিয়া তুলিতেছে। নিবিড় ঘনীভূত জীবনের স্পন্দন—আজ আমাদের এই দোলাতেই দু’জন কুলাবে।

কিন্তু বৃহত্তর বোম্বাইয়ের এই দৈনন্দিনে জীবন-যাত্রার সহিত আমার গল্পের কোনও সম্বন্ধ নাই।

বোম্বাইয়ের সমুদ্রকূল বহুদূর পর্যন্ত অসংখ্য ভাড়া পোর্তুগীজ্ ঘাঁটি দ্বারা কীর্ণ; এককালে তাহারা যে এই উপকূল বাহুবলে দখল করিয়া বসিয়াছিল, তাহার প্রচুর চিহ্ন এখনও সমুদ্রের ধারে ধারে ছড়ানো রহিয়াছে। প্রব্র-জিজ্ঞাসুর পক্ষে এই ভগ্ন ইট-পাথরের স্ত পগুলি বিশেষ কৌতূহলের বস্তু।

বৈজ্ঞানিক রেল-লাইনের প্রায় শেষ প্রান্তে একরূপ একটা বড় পোর্তুগীজ্ দুর্গের ভগ্নাবশেষ দেখিতে গিয়াছিলাম। অতি ক্ষুদ্র স্থান, দিনের বেলা একান্ত জনবিরল। দুই চারিটি দোকান, এক-আধটি ইরাণী হোটেল, পোস্ট অফিস—এই লইয়া একটি লোকালয়; পোর্তুগীজ্ শক্তির গলিত শব্দেহু জীবন্ত লোকালয়ের পাশে পড়িয়া যেন তাহার উপরেও মুমূর্ষার ছায়া ফেলিয়াছে।

শুনা যায় রাত্রি গভীর হইলে এই ভাড়া দুর্গের চারিপাশে নানা বিচিত্র ব্যাপার ঘটিতে আরম্ভ করে। জীবন্ত মানুষ সে-সময় কেহ ঘরের বাহির হয় না; যদি কেহ একান্ত প্রয়োজনের তাড়নায় ঐ দিকে যায়, অকস্মাৎ বহু ঘোড়ার সমবেত খুবধনি তাহাকে উচ্চকিত করিয়া তোলে, যেন একদল ঘোড়সওয়ার ফৌজ পাশ দিয়া চলিয়া গেল। দৈবক্রমে দুর্গের আরও নিকটে গিয়া পড়িলে সহসা অন্ধকার স্তম্ভশীর্ষ হইতে পোর্তুগীজ্ সাম্রাজ্য কড়া হুকুম আসে—‘Halt ! Quem vai la !’

কিন্তু ভাড়া পোর্তুগীজ্ দুর্গের ভৌতিক ভয়াবহতার সহিত আমার কাহিনীর কোনও সম্বন্ধ নাই।

দুপুর বেলা বোম্বাই হইতে যাত্রা করিয়াছিলাম। সঙ্গী বা দিগদর্শক লইবার প্রয়োজন হয় নাই; যে মারাঠী বন্ধুর গৃহে কয়েকদিনের অতিথিরূপে আবিভূত হইয়াছিলাম তিনি ট্রেনে তুলিয়া দিয়া রাস্তা-ঘাটের বিবরণ বলিয়া দিয়াছিলেন।

দ্বিপ্রহরের পূর্বেই গন্তব্যস্থানে পৌঁছিয়াছিলাম কিন্তু দুর্গ পরিক্রমণ শেষ করিতে অপরাহ্ন হইয়া গেল। চায়ের তৃষ্ণা যথাসময়ে আবিভূত হইয়া মনটিকে চঞ্চল করিয়া তুলিয়াছিল; একটু ক্ষণও যে পায় নাট এমন নয়।

তাড়াতাড়ি স্টেশনের দিকে ফিরিতে ফিরিতে ভাবিতেছিলাম, মনের মত খান্ত পানীয় এই নগণ্য স্থানে পাওয়া যাইবে কি না; হয় তো বোম্বাই না পৌঁছানো পর্যন্ত কুচ্ছ সাধন করিতে হইবে। এমন সময় চোখে পড়িল রাস্তার ধারে ক্ষুদ্র একটি ঘরের মাথায় প্রকাণ্ড সাইন-বোর্ড টাঙানো রহিয়াছে—ইন্সট ইণ্ডিয়া হোটেল।

আমিও ইন্সট ইণ্ডিয়ার লোক, অর্থাৎ ভারতবর্ষের পূর্ব কোণে থাকি; তাই বোধ হয় নামটা ভিতরে ভিতরে আমাকে আকর্ষণ করিল। অজ্ঞাত স্থানে নিম্নশ্রেণীর হোটেলের খান্ত পানীয় উদরস্থ করা হয় তো সমীচীন হইবে না; তবু মনে মনে একটু কৌতুক অনুভব করিয়া ভাবিলাম,—দেখাই যাক না; চা যদি উপাদেয় নাও হয় গরম জলে নেশার পিত্তরক্ষা হইবে!

ছোট্ট ঘরে কয়েকটি টিনের টেবিল চেয়ার সাজানো; লোকজন কেহ নাই। পিছনের ঘর হইতে দুইটি স্ত্রী পুরুষের কণ্ঠস্বর আসিতেছিল; আমার সাড়া পাইয়া পুরুষটি বাহির হইয়া আসিল।

বৈটে দোহারা মজবুত গোছের লোকটি, রঙ ময়লা তামাটে ধরনের; পার্শী ও ইরাণী ছাড়া ভারতবর্ষের যে কোনও জাতি হইতে পারে। বয়স আন্দাজ বত্রিশ-তেত্রিশ। আমার সম্মুখে আসিয়া দুর্বোধ্য অথচ বিনীত ভাষায় কি একটা প্রশ্ন করিল।

ইংরেজীর আশ্রয় লইতে হইল। এ দেশের পনেরো আনা লোক ইংরেজী বুঝিতে পারে এবং দায়ে ঠেকিলে কষ্টেস্টে ইংরেজী বলিয়া বক্তব্য প্রকাশ করিতেও পারে।

বলিলাম—‘চা চাই ন’

লোকটি ডাইনে বাঁয়ে ঘাড় নাড়িল—অর্থাৎ ভাল কথা; তারপর মোটের উপর শুদ্ধ ইংরেজীতে বলিল,—‘কত চা চাই?’

বুঝিতে না পারিয়া তাহার মুখের পানে তাকাইয়া রহিলাম। সেও বোধ হয় বুঝিল আমি এ অঞ্চলে নূতন লোক, তাই ব্যাপারটা বুঝাইয়া দিল—এখানে এক পয়সায় সিকি পেয়ালা, দুই পয়সায় আধ পেয়ালা, তিন পয়সায় তিন পোয়া এবং চার পয়সায় পরিপূর্ণ এক পেয়ালা চা পাওয়া যায়; আমি যেটা ইচ্ছা ফরমাস করিতে পারি। তারপর আমার বিলাতী বেশভূষার দিকে দৃষ্টিপাত করিয়া বলিল—‘যদি কফি চান ভাল কফি দিতে পারি।’

এ দেশের লোক চায়ের চেয়ে কফি বেশি পছন্দ করে তাহা জানিলাম;

কিন্তু চায়ের সঙ্গে আমার নাড়ীর যোগ, কফি কদাচিৎ এক-আধ পেয়ালা খাইয়াছি। বলিলাম,—‘না, চা আনো।’

লোকটি পূর্ববৎ ভাইনে-ব্যায়ে ষাড় নাড়িয়া পিছনের ঘরে প্রবেশ করিল। আমি একটা চেয়ারে বসিয়া পড়িলাম। নেপথ্যস্থিত ঘরটা বোধহয় হোটেলের রান্নাঘর; সেখান হইতে অবোধ্য ভাষায় স্ত্রীপুরুষের কথাবার্তা ও হাসির আওয়াজ আসিতে লাগিল।

‘অচিরাত্ চা অর্শিয়া পড়িল। ধূমায়িত পেয়ালায় একটা চুমুক দিয়া বলিলাম—‘আঃ!’ চায়ে দুধের অংশ বেশি এবং চায়ের পাতার সঙ্গে অগ্ন্যাত্ত স্নগন্ধি মশলাও আছে। তবু স্বাদ ভালই লাগিল।

এই সময়, কেমন করিয়া জানি না, লোকটি আমাকে চিনিয়া ফেলিল। গরম চা পেটে পড়ার প্রতিক্রিয়া স্বরূপ বোধ হয় গুন্ গুন্ করিয়া একটা খাট্টি বাংলা স্ত্রীর ভাঁজিয়া ফেলিয়াছিলাম; লোকটি উদ্বেজনা-প্রথর চক্ষে আমার পানে চাহিল। তারপর টেবিলের উপর দুই হাত রাখিয়া পরিষ্কার বাংলা ভাষায় বলিল,—‘আপনি বাঙালী?’

উভয়ে পরস্পর মুখের পানে পরম উদ্বেগভরে তাকাইয়া রহিলাম। বিশ্বয়কর ব্যাপার! বাঙালীর ছেলে এতদূরে আসিয়া হোটেল খুলিয়া বসিয়াছে! দুর্বোধ্য ভাষায় অনর্গল কথা বলিতেছে! ‘হাঁ’ বলিতে ডাহিনে-ব্যায়ে শিরঃসঞ্চালন করিতেছে।

কিষ্কা—বাঙালী বটে তো?

বলিলাম,—‘হ্যাঁ।—আপনি?’

লোকটি একগাল হাসিয়া সম্মুখের চেয়ারে বসিয়া পড়িল; তাহার আহ্লাদ ও বিশ্বয়ের অবধি নাই। আনন্দোচ্ছল কণ্ঠে এক গঙ্গা কথা বলিয়া গেল—‘হাঁ, আমিও বাঙালী মশায়। কিন্তু কি রকম চিনেছি তা বলুন!—আচ্ছা, এদিকে নতুন এসেছেন—না? বুঝছি রুইল, দেখতে এসেছিলেন। উঃ—কদিন যে বাঙালীর মুখ দেখিনি!—বসেতে বাঙালী আছে বটে—কিন্তু—! আপনার নিবাস কলকাতাতেই তো? আমিও কলকাতার লোক মশায়—আদ বাসিন্দা—’

সে হঠাৎ লাফাইয়া উঠিল।

সাঁড়ান—শুধু চা খাবেন না। খাবার আছে—বাংলা খাবার। (একটু লজ্জিত ভাবে) বড় খেতে ইচ্ছে হয়েছিল, সিঙাড়া আর চম্চম নিজেই তৈরি করেছিলাম। এদিকে তো আর ওসব—’

বলিতে বলিতে দ্রুত পিছনের ঘরে প্রবেশ করিল।

...

...

...

...

অপেক্ষাকৃত প্রকৃতিস্থ হইবার পর তাহার মোটামুটি পরিচয় জানিবে পারিলাম। নাম তপেশচন্দ্র বিশ্বাস; গত সাত বৎসর এইখানেই আছে দোকানের আয় হইতে সংসার নির্বাহ হইয়া যায়; সুখে দুঃখে জীবন চলিতেছে কোনও অভাব নাই। ইহাৎ এতদিন পরে একজন টাটকা স্বজাতীয় লোকের সাক্ষাৎ পাইয়া সানন্দ উত্তেজনায় অস্থির হইয়া উঠিয়াছে।

তপেশ জাতিতে কায়স্থ কিম্বা ময়রা জানিতে পারা গেল না—জিজ্ঞাস করিতে সঙ্কোচ বোধ হইল—কিন্তু চম্‌চম্ ও সিঙাড়া খাসা তৈয়ার করিয়াছে।

আমাদের চায়ের আসর বেশ জমিয়া উঠিয়াছে—এমন সময় বহির্দ্বারের কাছে ৩টি তিনেক যুবতীর আবির্ভাব হইল। এদেশীয় মধ্যবিস্তৃত শ্রেণীর মেয়ে তাহাদের মধ্যে একটি মেয়েদের মত স্মার্ট পরিয়াছে, বাকি দুইটির কাছা দিয় কাপড় পরা। সকলের হাতেই বাজার করিবার থলি; তাহারা ঘরের কাছে দাঁড়াইয়া কলকণ্ঠে ডাকাডাকি শুরু করিল। তপেশ গলা বাড়াইয় দেখিয়া হাসিমুখে কি একটা বলিল; সঙ্গে সঙ্গে ভিতরের ঘর হইতেও সাড় আসিল।

ঘরের ভিতর যে মেয়েটির সহিত তপেশকে কথা কহিতে শুনিয়াছিলাম তাহাকে এতক্ষণে দেখিলাম। সে থলে হাতে করিয়া হাসিতে হাসিতে কথ কহিতে কহিতে বাহির হইয়া আসিল, আমার প্রতি স-কৌতূহল নাতিদীর্ঘ কটাক্ষপাত করিল, তারপর তপেশকে দ্রুতকণ্ঠে কি একটা বলিয়া সখীদের সঙ্গে বাহির হইয়া গেল।

মেয়েটির বয়স কুড়ি বাইশ—নিটোল শরীর; তাহার উপর বস্ত্রাদির বাহুল্য নাই। এ অঞ্চলে ঘাটি বলিয়া একটি জাতি আছে, তাহারা পশ্চিম ঘাটের আদিম অধিবাসী। এই জাতীয় মেয়েদের মত এমন অপূর্ব সূন্দর দেহ-গঠন খুব কম দেখা যায়। ইহারা হাঁটু পর্যন্ত আঁট-সাঁট কাছা দেওয়া রঙীন শাড়ি পরে, শাড়ির কিন্ত কোমরের উর্ধ্বে উঠিবার অধিকার নাই; উর্ধ্বাঙ্গের যৌবনোচ্ছলতাকে কেবলমাত্র একটি সস্তা ছিটের কাপড়ের আঙুরাখার দ্বারা অস্বভাবের সম্বৃত করিয়া রাখে। মাথার পরিপাটি কবরীতে ফুলের ‘বেলী’ জড়াইয়া ইহারা যখন উৎফুল্ল হাসিমুখে পথে-ঘাটে ঘুরিয়া বেড়ায় অথবা ত্বরিতরকারি বা কাঠের বোঝা মাথায় করিয়া হাটে বিক্রয় করিতে যায়, তখন নবাগতের মুখে

তাহাদের এই সহজ জ্ঞেপহীন প্রগল্ভতা একটু বেহায়া মনে হইলেও রসজ ব্যক্তির চোখে মাদুর্ষ বৃষ্টি না করিয়া পারে না।

এই মেয়েটি ঠিক ঐ ঘাটি-জাতীয় কি না জানি না; তবে তাহার ভাব-সাব বেষকাস দেখিয়া সেইরূপই মনে হয়। একটি কালো চকিতনয়না, হরিণীর মত ঘরে প্রবেশ করিয়া আবার ক্ষিপ্ত চরণে ঘর হইতে বাহির হইয়া গেল।

তপেশকে জিজ্ঞাসা করিলাম,—‘এটি কে?’

টেবিলের উপর চোখ নত করিয়া তপেশ একটু অপ্রস্তুত ভাবে বলিল,—‘এ আমার স্ত্রী।’

নিজের স্ত্রীর দৈহিক আকর্ষণ সন্দেহে বাঙালী অতিশয় সতর্ক; মনে হইত আমার সম্মুখে স্ত্রীর এই স্বল্প-বাস আবির্তাবে তপেশ মনে মনে ক্লান্ত হইয়াছে— কারণ আমিও বাঙালী। মনে মনে হাসিয়া প্রশ্ন করিলাম,—‘এখানে বিবাহাদিৎ করেছেন, তা’হলে?’

‘হ্যাঁ, বছর তিনেক হল—’ তারপর যেন বিদ্রোহের ভঙ্গীতে একটু বেশি জোর দিয়াই বলিয়া উঠিল,—‘এরা বড় ভাল—এমন মেয়ে হয় না—। এদের মত এমন—’ বাকি কথাটা সমুচিত ভাষার অভাবে উহা রহিয়া গেল। বুলিলাম বহুবচনটা বাহ্যিক মাত্র, তপেশ স্ত্রীকে ভালবাসে; এবং পাছে আমি তাহার স্ত্রীর সন্দেহে কোনরূপ বিপরীত ধারণা করিয়া বসি তাই তাহার মন পূর্ব হইতেই যুদ্ধোত্ত হইয়া উঠিয়াছে। আমি কথা পাল্টাইয়া দিলাম।

‘এতদিন দেশছাড়া; দেশের সঙ্গে সম্পর্ক তুলেই দিয়েছেন বলুন?’

বাহিরের দিকে তাকাইয়া থাকিয়া তপেশ বলিল,—‘হ্যাঁ, তা ছাড়া আর কি সত্য বছর ওমুখো হই নি, আর বোধ হয় কখনও হবও না। কি দরকার বলুন।’

আমি বলিলাম,—‘তা বটে। আপনার-জন কিম্বা বাড়ি-ঘর-দোর থাকলে তবু দেশে ফেরবার একটা টান থাকে। আপনার বোধ হয়—?’

তপেশ একটু চুপ করিয়া রহিল; তারপর টেবিলের উপর আঙুল দিয়া দাগ কাটিতে কাটিতে বলিল,—‘বাড়ি-ঘর-দোর আপনার-জন—সবই ছিল। তবু একদিন হঠাৎ সব ছেড়ে-ছুড়ে দিয়ে চলে এলুম—’ বলিয়া ঈষৎ ভ্রূকুটি করিয় টেবিলের দিকে তাকাইয়া রহিল।

হয়তো তাহার দেশত্যাগের পশ্চাতে একটা করুণ গার্হস্থ্য ট্রাজেডি লুকাইয়া আছে; এমন তো কতই দেখা যায়, স্ত্রী-বিয়োগ বা ঐ রকম কোনও

নিদাক্ষণ শোকের আঘাতে মাছুষ ঘর ছাড়িয়া বাহির হইয়া পড়ে ; তারপর কালক্রমে বৈরাগ্য ও শোক প্রশমিত হইলে আবার দেশে ফিরিয়া যায় অথবা অন্য কোথাও নৃতন করিয়া সংসার পাতে । তপেশেরও সম্ভবত এই রকম কিছু হইয়া থাকিবে ; তারপর এই হরিণ-নয়না বিদেশিনী মেয়েটির আকর্ষণ-জালে জড়াইয়া পড়িয়া দেশের মায়া ভুলিয়াছে ।

প্রকৃত তথ্যটা জানিবার কৌতূহল হইতেছিল অথচ সোজাসৃজি জিজ্ঞাসা করিতেও কুণ্ঠা বোধ করিতেছিলাম । তাই চায়ে চুমুক দিতে দিতে ঘুরাইয়া প্রশ্ন করিলাম,—‘দেশে বিয়ে-থা করেন নি বোধ হয় ? এখানেই প্রথম ?’

তপেশ আমার পানে চোখ তুলিল ; চোখ দুটাতে বিরাগ ও অসন্তোষ ভরা । প্রথমটা ভাবিলাম, আমার গায়ে-পড়া কৌতূহলের ফলেই সে বিরক্ত হইয়াছে ; কিন্তু যখন কথা কহিল তখন বুঝিলাম, তাহা নয় ; তাহার মুখের উপর যে ছায়া পড়িয়াছে তাহা অতীতের ছায়া । মুখ শক্ত করিয়া সে বলিল,—‘দেশেও বিয়ে করেছিলাম । তিনি হয়তো এখনো বেঁচেই আছেন—মরবার তো কোনও কারণ দেখি না ! শুনবেন কেন দেশ ছেড়েছি ? শোনেন তো বলতে পারি । কিন্তু আগে আর এক পেয়ালা চা এনে দিই, আর গোটা দুই মিষ্টি । কি বলেন ?’

...

তপেশের কাহিনীটা সংক্ষেপে নিজের ভাষায় বলিতেছি ; কারণ তাহার কথায় বলিতে গেলে শুধু যে অযথা দীর্ঘ হইয়া পড়িবে তাই নয়, নানা অবাস্তব কথার মিশ্রণে এলোমেলো হইয়া পড়িবে । তবে তপেশের মনে যে একটু অবচেতনার গোপন গানি ছিল, গল্প বলিতে বলিতে সে যে নিজের সাক্ষাৎ গাহিয়া অবচেতনাকে ধাক্কা দিবার চেষ্টা করিতেছিল, এ কথাটা পাঠকের জানা দরকার, নচেৎ তাহার চরিত্রটা অস্বাভাবিক ও অপ্রকৃতিস্থ বলিয়া ভ্রম হইতে পারে । তপেশ যে একজন অতি সাধারণ সহজ প্রকৃতিস্থ মাছুষ এ কথা অবিশ্বাস করিলে চলিবে না ।

কলিকাতারই কোনও অঞ্চলে তাহার বাস । ছোট্ট একটি নিজস্ব বাড়ি ছিল । বাপ তাহার বিবাহ দিয়াই মারা গিয়াছিলেন, আর কেহ ছিল না । তপেশ আই-এ পর্যন্ত পড়িয়া কোনও মার্চেন্ট অফিসে কেয়ানির চাকরিতে ঢুকিয়াছিল ।

স্বামী-স্ত্রী মাত্র দুইটি প্রাণী ; আর্থিক অভাব ছিল না। কলিকতায় বাসিন্দা, বাড়ি-ভাড়া দিতে না হইলে অতি অল্প খরচে স্বচ্ছন্দে সংসার চালাইয়া লইতে পারে। স্ত্রীটি দেখিতে শুনিতে ভাল। চারি বৎসরের দাম্পত্য জীবনে দুইজনের মধ্যে গুরুতর অসন্তোষ কিছু হয় নাই। ছেলেপুলে হয় নাই বটে, কিন্তু সেজন্য কাহারও মনে দুঃখ ছিল না।

সকালবেলা দৈনিক বাজার করিয়া তারপর যথাসময় আহাৰাদি সারিয়া তপেশ অফিসে বাহির হইত। সে বাহির হইয়া যাইবার ঘণ্টা খানেক পরে শুকো যি কাজকর্ম সারিয়া চলিয়া যাইত। অতঃপর তপেশের স্ত্রী পাড়া বেড়াইতে বাহির হইত। গায়ে একটা সিল্কের চাদর জুড়াইয়া আধ-ঘোমটা দিয়া রাস্তায় নামিত। তারপর এ বাড়িতে গল্প করিয়া, ও বাড়িতে তাস খেলিয়া, বৈকালে তপেশ বাড়ি ফিরিবার কিছুক্ষণ আগে ফিরিয়া আসিত। তপেশ কিছু জানিতে পারিত না।

এমন কিছু দুষ্টীয় আচরণ নয়। একটি অল্পবয়স্ক স্ত্রীলোক সারাটা দ্বিপ্রহর একাকিনী ঘরের মধ্যে আবদ্ধ না থাকিতে পারিয়া যদি পাড়ার অন্যান্য গৃহস্থের বাড়িতে গিয়া অন্যান্য মেয়েদের সঙ্গে খেলা-গল্পে সময় কাটাইয়া আদে, তাহাকে মারাত্মক অপরাধী বলা যায় না। কিন্তু তপেশ যখন একজন প্রতিবেশী বন্ধুর মুখে কথাটা শুনিল তখন তাহার ভাল লাগিল না। ঘরের বৌ রোজ পাড়া বেড়াইতে বাহির হইবে কেন ? তাছাড়া, তাহাকে লুকাইয়া এমন কাজ করা যাহা বাহিরের লোকে জানিবে, এ কেমন স্বভাব ?

* তপেশ বাড়ি আসিয়া বৌকে খুব ধমক-চমক করিল। বৌ মুখ বুজিয়া শুনিল, অস্বীকার করিল না, কোনও কথার জবাব দিল না।

কিন্তু তাহার পাড়া-বেড়ানো বন্ধও হইল না। কিছুদিন পরে তপেশ আবার খবর পাইল ; একটি বন্ধু এই লইয়া একটু মিঠে-কড়া বসিকতাও করিলেন। তপেশের বড় রাগ হইল। এ কি কদর্য নিলজ্জতা ! ঘরের বৌ দু-দণ্ড ঘরে থাকিতে পারে না ! অবশ্য স্ত্রীর নৈতিক চরিত্র সম্বন্ধে কোনও সন্দেহই তপেশের হয় নাই, পাড়ার লোকেও কেহ এরূপ অপরাধ দিতে পারে নাই। কিন্তু তবু তপেশ বৌকে যাহা মুখে আসিল তাহাই বলিয়া চাঁৎকার ও রাগারাগি করিল। বৌ পূর্ববৎ মুখ বুজিয়া শুনিল।

এমনি ভাবে ভিতরে ভিতরে একটা দারুণ অশান্তি দিন দিন বাড়িয়া উঠিতে লাগিল। তপেশ বৌকে অনেক বই মাসিক-পত্রিকা আনিয়া দেয়, যাহাতে ছপু-
২

বেলাটা তাহার গল্পাদি পড়িয়া কাটিয়া যায়, বৌও দু'একদিন বাড়িতে থাকে, তারপর আবার কোন্‌ দুনিবার আকর্ষণের টানে গারে চান্দর জড়াইয়া পাড়া বেড়াইতে বাহির হইয়া পড়ে। আবার বগড়া হয়, তপেশ ঘরে তালা বন্ধ করিয়া রাখিয়া বাইবার ভয় দেখায়, তাহাতেও কিছু ফল হয় না।

পাড়ায় এটা একটা হাসির ব্যাপার হইয়া দাঁড়াইল। বন্ধুরা তামাসা করে—‘কি রে, তোর সেপাই আজ রোঁদে বেরিয়েছিল?’ তপেশ হাসিয়া উড়াইয়া দিবার চেষ্টা করে কিন্তু পারে না—দাঁত কিশ্‌ কিশ্‌ করিতে করিতে ঘরে ফিরিয়া যায়। তাহার মনে হয়, বৌ তাহাকে ইচ্ছা করিয়া পৃথিবীর কাছে হাস্তা-স্পর্শ করিতেছে, তাহার আক্র ইজ্জত কিছুই আর রহিল না।

শেষে নান্নার হইয়া তপেশ বৌকে অতি কঠিন দিব্য দিয়াছিল—‘আর যদি অমন করে বাড়ি থেকে বেরোও, আমার মাথা ধাবে, মরা মুখ দেখবে!’ বৌ কাঠ হইয়া গিয়াছিল, তারপর তাহার পাড়া বেড়ানো বন্ধ হইয়াছিল।

তপেশ মনে একটু শান্তি অনুভব করিতেছিল। বৌয়ের শরীরে আর তো কোনও দোষ নাই। এটা একটা কদ্‌-অভ্যাস মাত্র, একবার ছাড়াইতে পারিলে আর ভাবনা নাই।

মাস খানেক পরে একদিন অফিসে মাহিনা পাইয়া তপেশ সকাল সকাল বাড়ি ফিরিল। বাহিরের দরজা ভজানো; বাড়িতে বৌ নাই।—তাহার মাথার মধ্যে যেন চিড়িক মারিয়া উঠিল; সে শয়ন-ঘরে গিয়া ঢুকিল, সার্বেক আমলের একটা বড় মজবুত তালা ঘরে ছিল; সেটা লইয়া সদর দরজার চাবি দিয়া তপেশ বাহির হইয়া পড়িল। হাওড়া স্টেশনে আসিয়া বম্বের টিকিট কিনিয়া গাড়িতে চাপিয়া বসিল।

সেই অবধি সে দেশছাড়া; বাড়ি অথবা বৌএর কি হইল তাহা সে জানে না, জানিবার ঔৎসুক্যও নাই। পূর্ব জীবনের সহিত সমস্ত সম্পর্ক চুকাইয়া দিয়া সে নূতন করিয়া সংসার পাতিয়াছে।

তপেশের গল্প শেষ হইতে হইতে বেলাও শেষ হইয়া গিয়াছিল। আমি উঠিয়া পড়িলাম। তাহাকে চা জনাবাবাবের দাম দিতে গেলাম, সে কিছুতেই লইল না। বলিল—‘ও কি কথা—আপনি দেশস্থ লোক—। যদি সুবিধে হয় আর একবার আসবেন কিন্তু।’

দরজার কাছ পর্যন্ত পৌঁছিয়া বলিলাম,—‘তৈক তোমার স্ত্রী তো এখনো ফিরে এলেন না?’

তপেশ বলিল,—‘তাড়া তো কিছু নেই, বাজার ক’রে একটু বেড়িয়ে চেড়িয়ে ফিরবে—’ বলিয়াই সচকিতে আমার মুখের পানে চাহিল।

আমি অবশ্য কিছু ভাবিয়া বলি নাই কিন্তু নিরীহ প্রাণের আড়ালে কোনও অজ্ঞাত খোঁচা খাইয়া তপেশ একটু খতমত হইল, তারপর গলায় একটু জোর দিয়া বলিল,—‘এদেশের এই বেওয়াজ—কেউ কিছু মনে করে না।—আচ্ছা নমস্কার।’

ভাল বাসা

যুদ্ধের হিড়িকে বোম্বাই শহরে বাঙালী অনেক বাড়িয়াছে। আগে যত ছিল তাহার প্রায় চতুর্গুন। তিন বছর আগেও বোম্বাইয়ের পথেবাটে গুজরাতী-মারাঠী-পার্শী-গোয়ানিজ মিশ্রিত জনারণ্যে হঠাৎ একটি সিঁদুর-পরা বাঙালী মেয়ে বা ধূতি-পাঞ্জাবী-পরা পুরুষ দেখিলে মন পুলকিত হইয়া উঠিত, ষাটিয়া কথা বলিবার ইচ্ছা হইত। এখন আর সেদিন নাই। এখন পদে পদে হাফ-প্যান্ট-পরা দ্রুতপদচারী বাঙালী যুবকের সঙ্গে মাথা ঠোকাঠুকি হইয়া যায়। বাহারা স্থায়ী বাসিন্দা, তাহারা পূর্ববৎ শহরের উত্তরাঞ্চলে খানিকটা স্থানে বাঙালীপাড়া তৈয়ার করিয়া বাস করিতেছেন; নূতন আমদানী বাহারা, তাহারা শহরের চারিদিকে ছড়াইয়া পড়িয়াছে। কে কোথায় কি ভাবে থাকে তাহার ঠিকানা করা কঠিন। তাহারা যুদ্ধের জোয়ারে ভাসিয়া আসিয়াছে, যখন যুদ্ধ শেষ হইবে তখন আবার ভাঁটার টানে বাংলা দেশের বিপুল গর্ভে ফিরিয়া যাইবে।

গত সাত বৎসর যাবৎ আমিও এ-প্রদেশের স্থায়ী বাসিন্দা হইয়া পড়িয়াছি। তবে আমি বোম্বাই শহরের সীমানার বাহিরে থাকি; বেশি দূর নয়, মাজ আঠারো মাইল। বাড়িটি ভাল এবং পাড়াটি নিরিবিলি; ইলেকট্রিক ট্রেনের কল্যাণে অল্প সময়ের মধ্যে শহরে পৌছানো যায়। কোনও হাঙ্গামা নাই। শহরে থাকার সুখ ও পাড়াগায়ে থাকার শান্তি দুই-ই একসঙ্গে ভোগ করি। বন্ধুরা হিংসা করেন—কিন্তু সে যাক। এটা আমার কাহিনী নয়, খেঁচুর উপাখ্যান।

মাসিকয়েক আগে একটা কাজে শহরে গিয়াছিলাম। গিরগাঁও অঞ্চলের অনাকীর্ণ ফুটপাথুরিয়া ঘাইতে ঘাইতে হঠাৎ দেখি—ঘেঁচু! বিকালবেলার পড়ন্ত রোদে থাক হাফ-প্যান্ট ও হাফ-শাট-পরা কৃষ্ণকায় ছোকরাকে দেখিয়া চিনিতে

বিলম্ব হইল না—আমাদের ঘেঁচুই বটে। তাহার চেহারাখানা এমন কিছু অসামান্য নয় কিন্তু অমন সজ্জার মত খোঁচা খোঁচা চুল এবং তিনকোণা কান আর কাহারও হইতেই পারে না।

ঘেঁচুকে ছেলেবেলা হইতেই চিনি; আমাদের গাঁয়ের ছেলে—বিষ্ণু মাইতির ভাইপো। এখন বয়স বোধ হয় উনিশ-কুড়ি দাঁড়াইয়াছে। ‘যখন তাহাকে শেষ দেখি তখন সে গাঁয়ের মিডল্‌ স্কুলে পড়িত এবং ডাংগুলি খেলিত। চেহারা কিছুই বদলায় নাই, কেবল একটু ঢাণ্ডা হইয়াছে। এই ছেলেটা বাংলাদেশের অজ্ঞ পাড়াগাঁয়ের একটি পক্ষি পানাপুকুরের অতি ক্ষুদ্র পুঁটিমাছের মত ছিপের এক টানে একেবারে বোম্বাইয়ের শুকনা ডাঙায় আসিয়া পড়িয়াছে।

বলিলাম—‘আরে ঘেঁচু! তুই!’

ঘেঁচু একটা ইরাণী হোটেল হইতে মুখ মুছিতে মুছিতে বাহির হইতেছিল, আমার ডাক শুনিয়া ক্ষণকাল বুদ্ধিভ্রষ্টের মত তাকাইয়া রহিল; তারপর লাফাইয়া আসিয়া এক খাম্চা পায়ের ধূলা লইল—

‘বটুকদা!’

তাহার আনন্দবিহ্বলতার বর্ণনা করা কঠিন। হারানো কুকুরছানা অচেনা পথের মাঝখানে হঠাৎ প্রভুকে দেখিতে পাইলে যেমন অসম্মত আনন্দে অধীর ও চঞ্চল হইয়া উঠে, ঘেঁচুও তেমনি আমাকে পাইয়া একেবারে আত্মহারা হইয়া পড়িল—কি বলিবে কি করিবে কিছুই যেন ভাবিয়া পায় না। সে সামান্য একটু তোংলা, কিন্তু এখন তাহার কথা পদে পদে আটকাইয়া বাইতে লাগিল—

‘হাঃ হাঃ! আপনি কী ক’রে আমাকে দেখে ফেললেন? আমিও আপনার ঠিকানা লিখে এনেছিলুম, ককিছু কাগজের চিলতেটা কোথায় হাঃ হারিয়ে গেল। আর কী ক’রে খোঁজ নেব? কেউ একটা কথা বুঝতে পারে না, কিড়ির মিড়ির ক’রে কী বলে আমিও বুঝতে পারি না—এসে অবধি একটা বাঙালীর মুখ দেখি নি। ভাঃ ভাগ্যে দেখা হয়ে গেল—নৈলে তো—’

নিজের কাজ ভুলিয়া ফুটপাথে দাঁড়াইয়াই তাহার সহিত অনেকক্ষণ কথাবার্তা বলিলাম। ছেলেটা ভালমন্সুষ, তাহার উপর বলিতে গেলে এই প্রথম পাড়াগাঁয়ের বাহিরে পা বাড়াইয়াছে। নিজের অবস্থা বর্ণনা করিতে করিতে প্রায় কাঁদিয়া ফেলিল। দিন সাতেক হইল সে বোম্বাই আসিয়াছে, আসিয়াই কোন এক মুক্ত-সম্পর্কিত কারখানায় যোগ দিয়াছে। একটা মাথা শুজিবার আস্তানা খুঁজিতে তাহার প্রাণ বাহির হইয়াছিল, শেষে এক শ্রমী

সহকর্মীর কুপায় একটা চৌলে একটা খোলি পাইয়াছে। সেইখানেই থাকে এবং চৌলের নীচের তলায় একটা নিরামিষ হোটেলে খায়। এখানে আসিয়া অবধি মাছের মুখ দেখে নাই, কেবল ডাঙ্গি কুটি আর তেলাকুচার তরকারি খাইয়া তাহার প্রাণ কণ্ঠাগত হইয়াছে।

বর্ণনা শেষ করিয়া ঘেঁচু সজলনেত্রে বলিল—‘বটুকদা, এদেশের রান্না আমি মুখে দিতে পারি না; খাবারের দিকে যখন তাকাই প্রাণটা ছ হুঃ ক’রে ওঠে। আর কিছু নয়, দুটি ভাত আর মাছের ঝোল যদি পেতুম—’

বলিলাম—‘সে না হয় ক্রমে সংঘে যাবে। কিন্তু তুই যে এখানে একটা মাথা গৌজবার জায়গা পেয়েছিস্ এই ভাগ্যি। আজকাল তাই কেউ পায় না।’

ঘেঁচু বলিল—‘মাথা গৌজবার জায়গা যদি স্বচক্ষে দেখেন বটুকদা, তা হলে আপনারও কান্না পাবে। আসবেন—দেখবেন? বেশি দূর নয়, ঐ মোড়টা ঘুরেই—’

ঘেঁচুর সঙ্গে তাহার বাসা দেখিতে গেলাম। প্রকাণ্ড একখানা চারতলা বাড়ি, তাহার আপাদমস্তক পায়রার খোপের মত ছোট কুঠুরী বা খোলি। প্রত্যেক কুঠুরীতে একটি করিয়া মধ্যবিত্ত পরিবার থাকে; সেই একটি ঘরের মধ্যে শয়ন রান্না সব কিছুই সম্পাদিত হয়। ইহাই বোম্বাইয়ের চৌল। এক একটি বড় চৌলে শতাধিক ভদ্র দরিদ্র পরিবার কাচ্চাবাচ্চা লইয়া বৎসরের পর বৎসর বাস করে। ঐটুকু পরিসরের অধিক বাসস্থান পাওয়া যায় না, বোধ করি ইহারা প্রয়োজনও মনে করে না।

ঘেঁচুর খোলি চৌলের চারতলায়। তিনপ্রস্থ অন্ধকার সিঁড়ি ভাঙিয়া উপরে উঠিলাম। লম্বা সঙ্কীর্ণ বারান্দা এপ্রান্ত ওপ্রান্ত চলিয়া গিয়াছে, তাহারই দুই পাশে সারি সারি ঘরের দরজা। বারান্দায় অসংখ্য ছোট ছোট ছেলেমেয়ে ছুটাছুটি করিয়া খেলা করিতেছে, চীৎকার করিতেছে, কুস্তি লড়িতেছে। প্রত্যেকটি ঘরের কাছে একটি দুটি স্ত্রীলোক মেঝেয় বসিয়া গম বাঁ ভাল বাছিতেছে, নিজেদের মধ্যে হাসিতেছে গল্প করিতেছে। অপরিস্রুত আগন্ধকে কেহ আসিলে ক্ষণেক নিরুৎসাহ চক্ষে চাহিয়া দেখিয়া আবার ভাল বাছায় মন দিতেছে।

বারান্দার একপ্রান্তে ঘেঁচুর ঘর। দেখিলাম, ঘরটি আদৌ ঘর ছিল না, ব্যাল্কনি ছিল। ঘরের চাহিদা বাড়ার সঙ্গে সঙ্গে বুদ্ধিমান গৃহস্থায়ী স্থানটি কতক দিয়া ঘিরিয়া সম্মুখে একটি দরজা বসাইয়া রীতিমত ঘর বানাইয়া ভাড়া

‘হ্যা, হ্যা, পাগড়ী ; বাকে বলে গানের ওপর বিষকোড় ! সেলামী আর
কি ! গভর্নেন্ট আইন করে দিয়েছে বাড়িওয়ালারা ভাড়া বাড়াতে পারবে না,

তাই যদি না দিয়ে মোটা টাকা গোড়াতেই আদায় করে নেয়। এ তো আর ভেতো বাঙালীর বুদ্ধি নয়—গুজরাতী বুদ্ধি।’

ঘেঁচু বলিল—‘ও স্বাধা, অত টাকা কোথায় পাব। মাইনে তো পাই কুলে—’

বলিলাম, ‘না না, সে তোকে ভাবতে হবে না। বাসা যদি জোগাড় করতে পারি, বিনা পাগড়ীতেই পাবি। চেষ্টা করব দাদারে, মানে বাঙালীপাড়ায়। তোমার ভাগ্যে থাকে। তো এক-আধটা ঘর পেলেও পেতে পারি। কিন্তু তুই ভরসা রাখিস নে; মনে ভেবে রাখ এইখানেই তোকে থাকতে হবে। আর একটা কথা বলি, যখন এদেশে এসেছিস তখন এদেশের ভাষাও শিখতে আরম্ভ কর। নৈলে এভাবে কদিন চালাবি?’

কাতরভাবে ঘেঁচু বলিল—‘সে তো ঠাট্টিক কথা বটুকদা, কিন্তু ও কিচিন্ মিটির ভাষা কি শিখতে পারব? ভাষা শুনলে মনে হয় চাল কড়াই দাঁতে ফেলে চিবচ্ছে—’

বলিলাম—‘নতুন নতুন অমনি মনে হয়—ক্রমে সয়ে যাবে। কথায় নলে যশ্বিন্ দেশে যদাচারঃ।’

নিরপরাধ আসামী যেভাবে ফাঁসির আজ্ঞা গ্রহণ করে তেমনিভাবে ঘেঁচু বলিল—‘কেশ, আপনি যখন বলছেন—’

সেদিন ঘেঁচুকে তাহার কাকটরে রাখিয়া ফিরিয়া আসিলাম। স্থির করিলাম অবকাশ পাইলেই দাদারে গিয়া তাহার জ্ঞাত ভাল বাসার খোঁজ করিব। সেখানে অনেক ভদ্রলোক আছেন, তাঁহাদেরই কাহারও পরিবারে একটি আলাদা ঘর টুকুটা মাছের ঝোল ভাত জোগাড় করা বোধ করি একেবারে অসম্ভব হইবে না।

তারপর পাঁচটা কাজে পড়িয়া ঘেঁচুর কথা একেবারে ভুলিয়া গিয়াছি। মনে পড়িল প্রায় দু’হপ্তা পরে। বেচারী নির্বাক্তব পুরীতে ত্রেলাকুচার তরকারি খাইয়া কত কষ্টই না পাইতেছে এবং অসহায় ভাবে আমার পথ চাহিয়া আছে। অল্পতপ্ত মনে সেইদিনই সন্ধ্যাবেলা দাদারে গেলাম। ঘেঁচুর কপাল ভাল; দু’একজনের সঙ্গে কথা কহিয়াই খবর পাইলাম, একটি ভদ্রলোকের বাসায় একটি ঘর শীঘ্রই খালি হইবার সম্ভাবনা আছে—যে বৈতনিক অতিথিটি ঘর দখল করিয়া আছেন তিনি নাকি শীঘ্রই বদলি হইয়া চলিয়া যাইবেন। দ্রুত গিয়া ভদ্রলোককে ধরিলাম। সনির্বন্ধ অহুরোধ বিফল হইল না। বৈতনিক

অতিথিটির চলিয়া যাইতে এখনও হুঁপা-হুঁই দেবি আছে, কিন্তু তিনি বিদায় হইলেই ঘেঁচু তাঁহার স্থান অধিকার করিবে, এ ব্যবস্থা পাকা হইয়া গেল।

ভদ্রলোককে অসংখ্য ধন্যবাদ দিয়া উঠিয়া পড়িলাম। ভাবিলাম ঘেঁচুকে স্বখবরটা দিয়া যাই, সে আশায় বুক বাঁধিয়া এই কয়টা দিন কাটাইয়া দিবে।

ঘেঁচুর চৌলে পৌঁছিতে রাত্রি হইয়া গেল। তাহার কোটরে প্রবেশ করিয়া দেখি সে মেঝের বিছানা পাতিয়া বসিয়া পরম মনোযোগের সহিত একখানা বই পড়িতেছে। আমাকে দেখিয়া সানন্দে উঠিয়া দাঁড়াইল।

‘বটুকদা, আপনি ব’লে গিছলেন, এই দেখুন মারাঠী প্রথম ভাগ আরম্ভ করছি। স্বাপ, এর নাম কি ভাষা, স্ক্রেক্স পাথর আর ইটপাটকেল। হুঃ হুঃ করিতে গিয়ে চোখ ঠিকরে বেরিয়ে আসে। কিন্তু আমিও নাছোড়বান্দা ; যখন ধরেছি, হয় এম্পার নয় ওম্পার।’

হাসিয়া বলিলাম—‘বেশ বেশ ! কিন্তু শিখছিস কার কাছে ? শুধু বই থেকে তো শেখা যায় না।’

‘ঘেঁচু বলিল—‘সে জোগাড় হয়েছে। ৩৭ নম্বর ঘরে থাকে—বেকটরাও ব’লে একজন মারাঠী। বেশ ভদ্রলোক, আমার চেয়ে দু-চার বছরের বড় হবে ; একটু আধটু হিঃ হিঃরিজি বলতে পারে—সে-ই শেখাচ্ছে। রবীন্দ্রনাথের translation পড়েছে কিনা, বাঙালীর ওপর ভারি ভক্তি।’

রবীন্দ্রনাথ, আর কিছু না হোক, বাঙালীর জন্ত ঐটুকু করিয়া গিয়াছেন ; বিদেশে তাঁহার স্বজাতি বলিয়া পরিচয় দিলে খাতির পাওয়া যায়।

যা হোক, ঘেঁচুকে বাসার খবর দিয়া তাহার মাছের-ঝোল ভাত সম্ভোগের আসন্ন সম্ভাবনার আশ্বাস জানাইলাম। সে আহ্লাদে এতই তোংলা হইল। গেল যে তাহার একটা কথাও বোঝা গেল না। অতঃপর সে-রাজে বাড়ি কিরিলাম।

দু’হুঁপা পরে দাদায়ের ভদ্রলোকটি জানাইলেন যে, বাসা খালি হইয়াছে, এখন ঘেঁচু ইচ্ছা করিলেই তাহা দখল করিতে পারে। আবার ঘেঁচুর কাছে গেলাম। তাহাকে তাহার নূতন বাসায় অধিষ্ঠিত করিয়া তবে আমি নিশ্বাস ফেলিয়া বাঁচিব।

সন্ধ্যার পর বাতি জলিয়াছিল। ঘেঁচুর ঘরের কাছে পৌঁছিয়া ধমকিয়া দাঁড়াইয়া পড়িলাম। ঘরের মধ্যে বেশ একটি ছোটখাট মজলিশ বসিয়া গিয়াছে। মেঝের পাতা বিছানার উপর চা এবং এক খাল চিঁড়া চানাবাদাম

ভাজা (এদেশের ভাষায় 'ভাজিয়া') ; তাহাই ঘিরিয়া বসিয়াছে ঘেঁচু এবং একটি মহারাত্রি-মিথুন। পুরুষটি বেঁটে, নিরেট ধরনের চেহারা, বুদ্ধিমানের মত মুখ; নারীটি কুসুমচিহ্নিতললাট, আঁচুসঁচু আঠারো হাত শাড়ি পরা একটি স্নিগ্ধ কমকান্তি যুবতী। চা পান, 'ভাজিয়া' ভক্ষণ ও হাশ্বকৌতুকের ফাঁকে ফাঁকে ভাষা-শিক্ষা চলিতেছে। আর, একটি হাফপ্যান্ট ও হাতকাটা গেঞ্জি পরিহিত দুই বছরের বালক আপন মনে ঘরময় দাপাইয়া বেড়াইতেছে।

আমাকে দেখিত্ত পাইয়া ঘেঁচু একটু সলজ্জভাবে উঠিয়া দাঁড়াইল, তারপর বন্ধুদের সহিত পরিচয় করাইয়া দিল।

‘এই যে আস্ত্রন বটুকদা। ইনি হলেন গিয়ে বেক্টরাও পাটিল, যার কথা আপনাকে বলেছিলুম। আর ইনি হচ্ছেন ওর স্ত্রী হংসাবাই। আর এ যে দেখছেন ছোট্ট মানুষটি, উনি হচ্ছেন এঁদের ছেলে।’

নবপরিচিতদের সহিত নমস্কার বিনিময় করিয়া বিছানার একপাশে বসিলাম। যুবকটি একটু গভীর অল্পভাষী, যুবতীটি সপ্রতিভ মৃদুহাসিনী। মারাঠা মেয়েদের মধ্যে ঘোমটা বা পর্দা কোনকালেই নাই; অনাস্থীয় পুরুষের সহিত স্ফুট মেলামেশার কোনও বাধা নাই। দেখিলাম ঘেঁচু এই নবীন মারাঠা-দম্পতীর বেশ অন্তরঙ্গ হইয়া উঠিয়াছে।

ঘেঁচু শিশুটির গতিবিধি স্নেহদৃষ্টিতে নিরীক্ষণ করিয়া বলিল—‘কী দুষ্ট, যে ঐ ছেলেটা—যাকে বলে আস্ত্র ডাকাত, একেবারে আসল বগী। ওর নাম কি জানেন,—বিঠল! যাকে আমাদের দেশে বিঠলে বলে তাই।’ ঘেঁচু উচ্চকণ্ঠে হাসিয়া উঠিল।

‘কিছুক্ষণ একথা সেকথার পর বলিলাম—‘ঘেঁচু, তোমার নতুন বাসা খালি হয়েছে—কান্নকেই গিয়ে দখল নিতে পার।’

ঘেঁচু হঠাৎ অত্যন্ত অপ্রস্তুত হইয়া তোৎলাইতে আরম্ভ করিল। তাহার তোৎলামি কতকটা শাস্ত হইলে বুঝিলাম সে বলিতেছে—‘আমি এইখানেই থাকি বটুকদা, এখানে মন বসে গেছে। এঁদের সঙ্গে ভাব হয়ে অবধি…… জানেন, আজকাল আমি এঁদের সঙ্গেই স্থাবার ব্যবস্থা করেছি। এঁরা কটি ভাত দুইই খান; মাছ-মাংস অবিশিষ্ট হয় না, কিন্তু ও আমার অভ্যেস হয়ে গেছেন হংসাবৌদি যে কী সুন্দর রাধেন তা আর কী বলব। বড্ড ভাল লোক এঁরা। আমি আর কোথাও যাব না বটুকদা, মিছিমিছি আপনাকে কষ্ট দিলুম—’

শিশু বর্গীটি ইতিমধ্যে ঘেঁচুর ট্রাকের উপর উঠিয়া নাচিতে আরম্ভ করিয়াছিল, ঘেঁচু তাহাকে ধমক দিয়া ডাকিল—‘এই বিটুলে, এদিকে আয়—ইকড়ে ইকড়ে—’

বুঝিলাম, ঘেঁচুর ভাল বাসার আর প্রয়োজন নাই, সে ঐ বস্তাই আরও ঘনিষ্ঠ আকারে লাভ করিয়াছে।

অসমাপ্ত

কয়েক জন নবীন সাহিত্যিক শরৎচন্দ্রকে ঘিরিয়া বসিয়াছিল।

তিনি অধমুদ্রিত নেত্রে গড়গড়ার নলে একটি দীর্ঘ টান দিলেন; কিন্তু পরিমাণ টান দিলেন, সে পরিমাণ ধোঁয়া বাহির হইল না। তখন নল রাখি তিনি বলিলেন—

‘আজকাল তোমাদের লেখায় ‘প্রকৃতি’ কথাটা খুব দেখতে পাই। পরম প্রকৃতি এই করলেন; প্রকৃতির অমোঘ বিধানে এই হল, ইত্যাদি। প্রকৃতি বলতে তোমরা কি বোঝো তা তোমরাই জানো; বোধ হয় ভগবানের না উচ্চারণ করতে লজ্জা হয়, তাই প্রকৃতি নাম দিয়ে একটা নতুন দেবতা তৈরি করে তার ঘাড়ে সব কিছু চাপিয়ে দিতে চাও। ভগবানের চেয়ে ইনি এক কাঠি বাড়ী, কারণ, ভগবানের দয়া-মায়ী আছে, ধর্মজ্ঞান আছে। তোমাদের এই প্রকৃতিকে দেখলে মনে হয়, ইনি একটি অতি আধুনিক বিদ্যুৎ তরঙ্গী—ক্রয়েড পড়েছেন এবং কুসংস্কারের কোনও ধার ধারেন না। মাহুঘের ভাগ ইনি নির্দয় শাসনে নিয়ন্ত্রিত করছেন, অথচ মাহুঘের ধর্ম বা নীতির কোনও তোয়াক্কা রাখেন না।

এই অভ্যস্ত চব্বিশহীন স্ত্রীলোকটির তোমরা নাম দিয়েছ—প্রকৃতি। একে আমি বিশ্বসংসারে অনেক সন্ধান করেছি, কিন্তু কোথাও খুঁজে পাইনি। একটু অন্ধ শক্তি আছে মানি, কিন্তু তার বুদ্ধি-হুঁদী আকেল-বিবেচনা কিছু নেই। পাগলা হাতীর মত তার স্বভাব, সে খালি ভাঙতে জানে, অপচয় করতে জানে। তার কাজের মধ্যে কোনও নিয়ম আছে কি না কেউ জানে না; যদি থাকে তাও তোমাদের ঐ মধ্যাকর্ষণের নিয়মের মত—অর্থাৎ নিয়ম আছে বটে কিন্তু তার কোন মানে হয় না।

চাকর কলিকা বদলাইয়া দিয়া গিয়াছিল, শবৎচক্ষু নলে মুহু মুহু টান দিলেন।

সব চেয়ে পরিতাপের কথা, তোমাদের প্রকৃতি আর্টিস্ট নয়; কিংবা তোমাদের মত আর্টিস্ট। তার সামঞ্জস্য-জ্ঞান নেই, পূর্বাপর-জ্ঞান নেই, কোথায় গল্প আরম্ভ করতে হবে জানে না, কোথায় শেষ করতে হবে জানে না, নোংরামি করতে এতটুকু লজ্জা নেই, মহেশ্বের প্রতি বিন্দুমাত্র শ্রদ্ধা নেই—ছন্নছাড়া নীরস একঘেয়ে কাহিনী ক্রমাগত বলেই চলেছে। একই কথা হাজার বার বলেও ক্লান্তি নেই। আবার কখনও একটা কথা আরম্ভ হতে না হতে ঝপাং করে শেষ করে ফেলেছে। মুঢ়—বিবেকহীন—রসবুদ্ধিহীন—

একবার একটা গল্প বেশ জমিয়ে এনেছিল; ক্লাইম্যাক্সে কাছাকাছি পৌঁছে হঠাৎ ভুল করে ফেলে।

গল্পটা বলি শোনো। গৃহদাহ পড়েছ তো, কতকটা সেই ধরনের; তফাৎ এই যে, এ গল্পটা বলেছিল তোমাদের প্রকৃতি—অর্থাৎ সত্য ঘটনা।

পান-পুকুরের তলায় যেমন পাক, আর ওপরে শ্রাওলা, সমাজেরও তাই। পাক কুলী হোক, তবু সে ফসল ফলাতে পারে; শ্রাওলার কোনও গুণ নেই। নিষ্ফলতার লঘুত্ব নিয়ে এরা শুধু জলের ওপর ভেসে বেড়ায়।

কিন্তু তাই বলে এদের জীবনে তীব্রতার কিছুমাত্র অভাব নেই। বরঞ্চ কৃত্রিম উপায়ে এরা অহুভূতিকে এমন তীব্র করে তুলেছে যে, পঞ্চরংয়ের নেশাতেও এমন হয় না। সত্যিকার আনন্দ কাকে বলে তা এরা জানে না, তাই প্রবল উত্তেজনাকেই আনন্দ বলে ভুল করে; সত্যের সঙ্গে এদের পরিচয় নেই, তাই স্বেচ্ছাচারকেই এরা পরম সত্য বলে ধরে নিয়েছে।

ভূমিকা শুনে তোমরা ভাবছ গল্পটা বুঝি ভারি লোমহর্ষণ গোছের একটা কিছু। মোটেই তা নয়। ইংরেজিতে থাকে বলে চিরন্তন ত্রিভুজ, এও তাই—অর্থাৎ দুটি যুবক এবং একটি যুবতী। সেই স্বরেশ, মহিম আর অচলা।

কিন্তু এদের চরিত্র একেবারে আগাদা! এ গল্পের অচলাটি হৃদয়বী কুহকময়ী ফ্লাদিনী—হৃদয় বলে তাঁর কিছু ছিল কি না তা তোমাদের প্রকৃতি দেবীই বলতে পারেন। ছিল ভোগ করবার অতৃপ্ত তৃষ্ণা আর ছিল ঠমক, ঘোহ, প্রগল্ভতা—পুরুষের মাথা খাওয়ার সমস্ত উপকরণই ছিল।

ওদিকে মহিম ছিল দুর্দান্ত একরোখা গোঁয়ার; যুদ্ধের মরসুমে সে টাকা করেছিল প্রচুর—ধনকুবের বললেও চলে। আর সুরেশ ছিল অত্যন্ত সুপুরুষ, ভয়ানক কুচুটে—কিন্তু অর্থনৈতিক ব্যাপারে মধ্যবিত্ত। টাকার দিক দিয়ে মহিমের সঙ্গে যেমন তার তুলনা হত না, চেহারা দিক দিয়ে তৈমনি তার সঙ্গে মহিমের তুলনা হত না। দু'জনে দু'জনকে হিংসে করত; বাইরে লৌকিক ঘনিষ্ঠতা থাকলেও ভিতরে ভিতরে তাদের সম্পর্কটা ছিল সাপে-নেউলে।

এই তিন জনকে নিয়ে পানা-পুকুরের ওপর ত্রিভুজ রচনা হল। কিন্তু বেশি দিনের জুড়ে নয়। কিছুদিন অচলা এদের দু'জনকে খেলালে, তার পর ঠিক করে নিলে কাকে তার বেশি দরকার। সে কালে কি ছিল জানি না, কিন্তু আজকালকার দিনে যদি কুবের আর কন্দর্প কোনও রাজকন্ঠের স্বয়ংবর-সভায় আসতেন, তাহলে কুবেরের গলাতেই মালা পড়ত, কন্দর্পকে তার ধনুক গুটিয়ে পালাতে হত।

মহিমের সঙ্গেই অচলার বিয়ে হল। সুরেশ বেশ হাসিমুখে পরাজয় স্বীকার করে নিলে; কারণ সে বুঝেছিল, এ পরাজয় শেষ পরাজয় নয়, মুষ্টিযুদ্ধের প্রথম চক্র মাত্র। হয়তো সে অচলার চোখের চাউনি থেকে কোনও আভাস পেয়েছিল।

একটা কথা বলি। প্রেমিকেরা চোখের ভাষা বুঝতে পারে, এমনি একটা ধারণা আছে—একেবারে মিথ্যে ধারণা। প্রেমিকেরা কিছু বোঝে না। স্ত্রীজাতির চোখের ভাষা বুঝতে পারে শুধু লম্পট।

বিয়ের পরে একদিন মহিমের বাগানে চায়ের জলসা ছিল। জমজমাট—জলসা, তার মাঝখানে সুরেশ বললে,—“মহিম, তুমি শুনে সুখী হবে আমি যুদ্ধে যাচ্ছি। তবে নেহাৎ সিপাহী সেজে নয়; ঠিক করেছি পাইলট হয়ে যাব।”

একটু স্নেহ করে মহিম বললে,—“তাই নাকি! এ দুর্মতি হল যে হঠাৎ?”

সুরেশ হেসে উত্তর দিলে,—“হঠাৎ আর কি, কিছুদিন থেকেই ভাবছি। এ যুদ্ধটা তো তোমার আমার মতন লোকের জুড়েই হয়েছে; অর্থাৎ আমার মত লোক যুদ্ধে প্রাণ দেবে, আর তোমার মত লোক টাকার পিরামিড তৈরি করবে।”

মহিমের মুখ গরম হয়ে উঠল, কিন্তু সে উত্তর দিতে পারলে না। সে ভারি একরোখা লোক কিন্তু মিষ্টভাবে কথা কাটাকাটিতে পটু নয়।

আকাশে একটা এৰোপ্লেন উড়ছিল ; তার পানে অলস কটাক্ষপাত কৰে সুরেশ বললে,—“আমার পাইলটের লাইসেন্স আছে কিন্তু প্লেন নেই। তোমার প্লেনটা ধার দাও না—যুদ্ধ ক’রে আসি। যদি ফিৰি প্লেন ফেরৎ পাবে ;” আৰ যদি না ফিৰি, তোমার এমন কিছু গায়ে লাগবে না। বরং নাম হবে।”

রাগে মহিম কিছুক্ষণ মুখ কালো করে বসে রইল, তারপর কড়া একগুঁয়ে সুরে বলি উঠল—“তোমাকে প্লেন ধার দিতে পারি না, কারণ, আমি নিজেই যুদ্ধে যাব ঠিক করেছি।”

বলা বাহুল্য, দু’মিনিট আগেও যুদ্ধে যাবার কল্পনা তার মনের ত্রিসীমানার মধ্যে ছিল না।

মাস দু’ঘের মধ্যে মহিম সব ঠিক-ঠাক করে এৰোপ্লেনে চড়ে যুদ্ধে চলে গেল। যাবার সময় উইল করে গেল, সে যদি না ফেরে অচলা তার সমস্ত সম্পত্তি পাবে।

সুরেশের কিছু যুদ্ধে যাওয়া হল না। বোধ করি, ধারে এৰোপ্লেন পাওয়া গেল না বলেই তার যুদ্ধে প্রাণ-বিসৰ্জন দেওয়া ঘটে উঠল না।

বর্মার আকাশে তখন যুদ্ধের কাড়া-নাকাড়া বাজছে ; বেঁটে বীরেরা হু-হু করে এগিয়ে আসছে। ভারতবর্ষেও গেল-গেল রব। যারা পালিয়ে আসছে তাদের মুখে অদ্ভুত রোমাঞ্চকর গল্প।

মহিম ফ্রন্টে যুদ্ধ করছে। তিন মাস কাটল। এ দিকে মহিমের বাড়িতে প্রায় প্রত্যহই উৎসব চলেছে ; গান-বাজনা নাচ নৈশ-ভোজন। স্বামীর কথা কেবৈ-ভেবে অচলার মন ভেঙে না পড়ে, সে দিকে দৃষ্টি রাখতে হবে তো ! সে দিকে সুরেশ খুবই দৃষ্টি রাখে ; সর্বদাই সে অচলার সঙ্গে আছে। দুপুর রাতে যখন আর সব অতিথিরা চলে যায়, তখনও সুরেশ অচলাকে আগলে থাকে। যে দিন অতিথিদের শুভাগমন হয় না, সে দিন সুরেশ একাই অচলার চিন্তাবিনোদন করে। ক্রমে লোকলজ্জার আড়াল-আবডালও আর কিছু থাকে না, তোমাদের প্রকৃতি দেবী ন্যাপারটাকে নিতান্ত নির্লজ্জ এবং শ্রীহীন করে তোলেন।

যুদ্ধক্ষেত্রে মহিম নিয়মিত চিঠি পায ; বন্ধু-বান্ধবের চিঠি, অচলার চিঠি। বন্ধু-বান্ধবের চিঠিতে ক্রমে ক্রমে নানা রকম ইসারা-ইঙ্গিত দেখা দিতে লাগল। নিতান্ত ভালমাহুষের মত তাঁরা অচলার জীবনযাত্রার যে বর্ণনা লিখে

পাঠন, তার ভিতর থেকে আসল বক্তব্যটা ফুটে ফুটে বেরোয়। মহিম গৌয়ার বটে কিন্তু নির্বোধ নয়; সে বুঝতে পারে। অচলার চিঠিতে মামুলি শুভাকাঙ্ক্ষা ও উদ্বেগের বাঁধা গৎ ছাড়া আর বিশেষ কিছু থাকে না, তাও ক্রমশ এমন শিথিল হয়ে আসতে লাগল যে মনে হয়, ঐ মামুলি বাঁধি গৎ লিখতেও অচলার ক্লান্তিবোধ হয়। মহিমের কিছুই বুঝতে বাকি রইল না। সে মনে মনে গর্জাতে লাগল।

সে ছুটির জন্তে দরখাস্ত পাঠাল, কিন্তু আবেদন রঞ্জুর হল না। যুদ্ধের অবস্থা সঙ্কট; এখন কেউ ছুটি পাবে না।

এই সময় মিত্রপক্ষের এক দল বিমান শত্রুর একটা ঘাঁটির বিরুদ্ধে অভিযান করল; মহিমকে যেতে হল সেই সঙ্গে। তুমুল আকাশ-যুদ্ধ হল। মিত্রপক্ষের কয়েকটা বিমান ফিরে এল, কিন্তু মহিম ফিরল না। তার জলন্ত প্লেনখানা উদ্ধার মত যুদ্ধের আকাশে মিলিয়ে গেল।

মহিমের মৃত্যু-সংবাদ বর্ধন কলকাতায় পৌঁছল, তখন পানা-পুন্ডরের মাল্লখানে টিল ফেলার মত বেশ একটা তরঙ্গ উঠল। কিন্তু বেশি দিনের জ্ঞাত নয়, আবার সব ঠাণ্ডা হয়ে গেল। অচলা কালো রঙের শোক-বেশ পরল কিছু দিনের জ্ঞাত; তার পর মহিমের উইল অনুসারে আদালতের অনুমতি নিয়ে তার সম্পত্তির খাস মালিক হয়ে বসল। সুরেশ এত দিন একটা আলাদা বাড়ি রেখেছিল, এখন খোলাখুলি এসে মহিমের বাড়িতে বাস করতে লাগল। যার টাকা আছে তাকে শাসন করে কে? ছুঁজনে মিলে এমন কাণ্ড আরম্ভ করে দিলে যা দেখে বোধ করি ‘ভেলু’রও লজ্জা হয়।

মহিম কিন্তু মরেনি। তার আহত প্লেনখানা যুদ্ধক্ষেত্র থেকে বহুদূরে এ.স. আসামের জঙ্গলের মধ্যে ভেঙে পড়েছিল। মহিমের চোট লেগেছিল বটে, কিন্তু গুরুতর কিছু নয়। তার পর সে কি করে জঙ্গল থেকে বেরিয়ে আশী মাইল হাঁটা-পথ চলে শেষ পর্যন্ত রেলপথে কলকাতা এসে পৌঁছল, তার বিশদ বর্ণনা করতে গেলে শিশু-সাহিত্য হয়ে দাঁড়ায়। মোট কথা, সে কলকাতা ফিরে এল। সে যে মরেনি এ খবর সে মিলিটারি কতৃপক্ষকে জানাল না; তার বঁচে থাকার খবর কেউ জানল না।

কলকাতায় এসে সে একটা তৃতীয় শ্রেণীর হোটেলে ছদ্মনামে ঘর ভাড়া করে রইল।

সেই দিনই সে সংবাদপত্রে একটা খবর দেখল—মহিমের বিধবা রেজেন্সি

অফিসে হুৱেশকে বিয়ে করেছে; আজ ৰাত্ৰে তাৰ বাড়িতে এই উপলক্ষে ভোজ। শহরের গণ্যমান্য সকলেই নিমন্ত্ৰিত হয়েছেন।

মহিম ঠিক করল, আজ ৰাত্ৰে ভোজ যখন খুব জমে উঠবে, তখন সে গিয়ে দেখা দেবে।

ভেবে দেখো ব্যাপারটা। চরিত্রহীনা স্ত্রী স্বামীর মৃত্যুর দু'মাস যেতে না যেতেই স্বামীর প্রতিদ্বন্দ্বীকে বিয়ে করেছে, প্রতিহিংসা-পরায়ণ স্বামী চলেছে প্রতিশোধ নিতে। পল্ল জমার হয়ে একেবারে চরম ক্লাইমেঞ্জের সামনে এসে দাঁড়িয়েছে। তার পর কি হল বল দেখি?

কিছুই হল না।

মহিম সন্ধ্যার পর নিজের বাড়িতে যাবার জন্য বেই রাস্তায় পা দিয়েছে অমন এক মিলিটারী লরি এসে তাকে চাপা দিলে। তৎক্ষণাৎ মৃত্যু হল; তার মুখখানা এমন ভাবে খেঁতো হয়ে গেল যে, তাকে সনাক্ত করবার আর কোনও উপায় রইল না।

ওদিকে অচলার দাড়ীতে অনেক ৰাত্রি পর্যন্ত ভোজ চলল। গণ্যমান্য অতিথিরা আশী টাকা বোতলের মদ খেয়ে ৰাত্রি তিনটের সময় হৰ্ষধ্বনি করতে বাড়ি ফিরলেন। কত বড় একটা ড্রামা শেষ মুহূর্তে এসে নষ্ট হয়ে গেল, তা তারা জানতেও পারলে না।

তাই বলছিলুম, তোমাণের প্রকৃতি সত্যিকার আর্টিস্ট নয়। ক্লাইমেঞ্জ বোঝে না, poetic justice জানে না—কেবল নোংরামি আর বাজে কথা নিয়ে তার কথরবার। সত্যি কি না তোমরাই বল।

শরৎচন্দ্র নলটা তুলিয়া লইয়া তাহাতে একটা বিলম্বিত টান দিলেন; কিন্তু কলিকাটা গদগদার মাথায় পুড়িয়া পুড়িয়া নিঃশেষ হইয়া গিয়াছিল, ধোঁয়া বাহির হইল না।

ভূতোর চন্দ্রবিন্দু

বিভূতি ওরফে ভূতাকে সকলেই গোঁয়ার বলিয়া জানিত। কিন্তু সে যখন বিবাহ করিয়া বৌ ঘরে আনিল তখন দেখা গেল বোটি তাহার চেয়েও এক কাঠি বাড়া, অর্থাৎ একেবারে কাঠ গোঁয়ার। কাঠে কাঠে ঠোকাঠুকি হইতেও বেশি বিলম্ব হয় নাই।

ছোট শহর, সকলেই সকলকে চেনে। ভূতাকে সকলেই চিনিত এবং মনে মনে ভয় করিত। গ্যাটা-গোঁটা নিরেট চেহারা; কথাবার্তা বেশি বলিত না। টাকাকড়ি সম্বন্ধে তাহার হাত যেমন দরাজ ছিল, তেমনি বিবাদ-বিসংবাদ উপস্থিত হইলে মুখ ফুটিবার আগেই তাহার হাত ছুটিত। বাড়িতে তাহার এক সাবেক পিনী ছিলেন এবং বাজারে ছিল এক কাঠের গোলা; পিসী বাড়িতে ভাত রাখিতেন এবং গোলা হইতে সেই ভাতের সংস্থান হইত। কাঠ কিনিতে আদিয়া যে সব খন্দের দরদস্তুর করিত তাহাদের প্রায়ই শিঠে ঢেলা কাঠ খাইয়া ফিরিতে হইত।

ভূতোর সম্পর্কে 'চন্দ্রবিন্দু' নামক একটি শব্দ খ্যাতিলাভ করিয়াছিল। একবার ফুটবল খেলিতে গিয়া ভূতো প্রতিপক্ষের এক খেলোয়াড়ের পেটে হাঁটুর গুঁতা মারিয়া তাহাকে চন্দ্রবিন্দু করিয়া দিয়াছিল। নেহাৎ খেলা বলিয়াই ভূতোর হাতে দড়ি পড়ে নাই, কিন্তু তদবধি 'ভূতোর চন্দ্রবিন্দু' কথাটা শহরে প্রবচন হইয়া দাঁড়াইয়াছিল। নিজের নামের সম্মুখে চন্দ্রবিন্দু বসিবার ভয়ে ভূতাকে সহজে কেহ ঘাঁটাইত না।

যাহোক, এই সব নানা কারণে ভূতো পাড়ার ছোকরা-দলো চাই হইয়া উঠিয়াছিল। অর্থাৎ পাড়ার ছেলেরা খিয়েটার করিলে খরচের অধিকাংশ সে বহন করিত এবং কাহারও সহিত ঝগড়া হাতাহাতি করিবার প্রয়োজন হইলে সকলে মিলিয়া তাহাকে সম্মুখে আগাইয়া দিত। ভূতোর অবস্থা কিছুতেই আপত্তি ছিল না; বস্তুত মারামারির গন্ধ পাইলে তাহাকে ঠেকাইয়া রাখাই দায় হইত।

ভূতোর বৌয়ের নাম বিবাহের আগে পর্যন্ত ছিল ক্ষান্ত, এখন হইয়াছে পুষ্পরাণী। তাহাকে তব্বী গ্রামা শিখর-দশনা বলা চলে না, কিন্তু স্বাস্থ্য ও বৌবনের গুণে দেখিতে ভালই বলা যায়। মুখখানি গোল, বড় বড় চোখ, গাল

দু'টি উঁচু উঁচু ; শরীরও গোলগাল বেঁটে খাটো, দেখিলে বেশ মজবুত বলিয়া বোঝা যায়। বৌকে ভূতোর বেশ পছন্দ হইয়াছিল, কিন্তু ফুলশয্যার রাত্রে হঠাৎ দু'জনের মধ্যে কারখং হইয়া গেল। কারণ অতি সামান্য। রাত্রে শয়ন করিতে গিয়া ভূতো হৃদয়ের উদারতা বশত প্রস্তাব করিয়াছিল বধু-খাটের ডান পাশে শয়ন করুক, কারণ ডান পাশের জানালা দিয়া বাতাস আসে। ক্ষান্ত কিন্তু ডান দিকে শুইতে দৃঢ় ভাবে অস্বীকার করিয়াছিল। দু'জনেই গোঁয়ার ; ভূতো যতই জোর দিয়া হুকুম করিয়াছিল, ক্ষান্ত ততই মাথা নাড়িয়াছিল ; ফল কথা, ভূতোর উদারতা সে-দিন সার্থক হয় নাই, ক্ষান্ত শেষ পর্যন্ত বাঁ পাশেই শুইয়াছিল। বিপরীত দিকে মাথা করিয়া শুইলেই সমস্যার সমাধান হইতে পারিত, কিন্তু গোঁয়ার বলিয়া কেহই কথাটা ভাবিয়া দেখে নাই।

সে রাত্রে বিছানায় শুইয়া শুইয়া ভূতোর ইচ্ছা হইয়াছিল, গলা টিপিয়া বৌকে চন্দ্রবিন্দু করিয়া দেয় ; কিন্তু জীজ্ঞাতির গায়ে হাত তোলা অভ্যাস ছিল না বলিয়া তাহা পারে নাই, কেবল মনে মনে তর্জন গর্জন করিয়াছিল। সকালে উঠিয়াই সে পাশের ঘরে নিজের পৃথক শয়নের ব্যবস্থা করিয়াছিল এবং বৈয়ের সঙ্গে কথা বন্ধ করিয়া দিয়াছিল। পিসী সমস্তই লক্ষ্য করিয়াছিলেন কিন্তু তিনি কাহারও কথায় থাকিতেন না ; বিশেষত চন্দ্রবিন্দু হইবার ভয় তাহারও ছিল, তাই তিনি দেখিয়া-শুনিয়াও বাড়ি নিষ্পত্তি করেন নাই। তাহার পুর ছয়-সাত মাস কাটিয়াছে কিন্তু ভূতোর পারিবারিক পরিস্থিতি পূর্ববৎ আছে।

ক্ষান্তর মুখ দেখিয়া তাহার মনের কথা ধরা যায় না। সে কান্নাকাটি করে নাই, বাপের বাড়ি ফিরিয়া যাইতে চাহে নাই ; বরঞ্চ ভূতোর সংসারটি পিসীর হস্তে হইতে নিজের হাতে তুলিয়া লইয়াছিল। ভূতোর জীবনযাত্রা সেজ্ঞা কিছুমাত্র পরিবর্তিত হয় নাই। সে সকালবেলা চা খাইয়া গোলায় চলিয়া যাইত, দুপুর বেলা আশিয়া স্নানাহার করিয়া খানিক নিদ্রা দিত, তারপর আবার গোলায় যাইত। রাত্রে ফিরিয়া আহার করিয়া পুনরায় নিদ্রা দিত। ক্ষান্ত নামক একটি মানুষ যে বাড়িতে আছে তাহা সে লক্ষ্যই করিত না। ক্ষান্তও বিশেষ করিয়া নিজেকে ভূতোর লক্ষ্যবস্ত্ত করিয়া তুলিবার চেষ্টা করিত না।

ভূতোর বিবাহ-ব্যাপারটা যে ভাল উৎসাহ নাই, এ কথা তাহার দলের সকলেই অনুমান করিয়াছিল এবং মনে মনে খুশি হইয়াছিল। সকলের মনেই ভয় ছিল, বিবাহের পর বৌয়ের খপ্পরে পড়িয়া ভূতো দলাদলি ছাড়িয়া দিবে— এমন তো কতই দেখা যায়। পুরুষের বহিমুখী মন দাম্পত্য জীবনের স্বাদ

পাইয়া অন্তর্মুখী হয়। কিন্তু দেখা গেল ভূতো নিবিকার; বরং তাহার দাঙ্গা করিবার স্পৃহা আরও বাড়িয়া গেল। এক দিন সে এক খাদ্যস্ত কাঠ-ক্রেতার মুখে ঘৃষি মারিয়া তাহার দাঁত ভাঙিয়া দিল; কিন্তু ক্রেতার দাঁতেও বিষ ছিল, ভূতোর হাত কাটিয়া গিয়া বিপর্যয় ফুলিয়া উঠিল। ডাক্তার আসিয়া 'ওষধ, ফোমেন্ট, ব্যাণ্ডেজ ইত্যাদির ব্যবস্থা করিলেন; কয়েক দিন ভূতাকে বাড়িতেই আবদ্ধ থাকিতে হইল। ক্ষান্ত তাহার বথারীতি পরিচর্যা করিল কিন্তু দু'জনের মধ্যে একটি কথাও বিনিময় হইল না।

এই ভাবে চলিতে লাগিল। ভূতো সারিয়া উঠিয়া আবার গুণ্ডামি আরম্ভ করিল। সে কদাচিৎ বাড়িতে থাকিলে দলের ছেলেরা তাহাকে ডাকিয়া লইয়া যাইত। এক দিন ছপুৰ বেলা ভূতো ঘুমাইতেছিল, ছেলেরা একেবারে তাহার ঘরে আসিয়া উপস্থিত।

—‘ভূতোদা, দিন দিন অরাজক হয়ে যাচ্ছে। তুমি একটা কিছু না করলে আর তো পাড়ার মান থাকে না।’

জানা গেল, মানিক নামক দলের একটি ছেলে এক বিলাতী কুকুর ছানা পুষিয়াছিল। কুকুরছানাটিকে সে সমস্তে বাঁধিয়া রাখিয়াছিল, কারণ বাঁধিয়া না রাখিলে কুকুরের রোথ কমিয়া যায়। কিন্তু আজ সকালে কুকুর-শাবক দড়ি কাটিয়া পলায়ন করিয়াছিল এবং মুক্তির আনন্দে একেবারে বড়িপাড়ায় উপস্থিত হইয়াছিল। অতঃপর বড়িপাড়ার নৃশংস ছোঁড়ারা তাহাকে ধরিয়া ল্যাজ ও কান কাটিয়া ছাঁড়িয়া দিয়াছে।

মানিক প্রদীপ্ত কণ্ঠে বলিল,—‘এ কুকুরের কান কাটা নয় ভূতোদা, আমাদের পাড়ার কান কেটে নিয়েছে ওরা। এর জবাব তুমি যদি না দাও—’

কাতিক বলিল,—‘বড়িপাড়ার ছোঁড়াগুলোর বড় বাড় বেড়েছে, ধরাকে সরা দেখছে। সে-দিন থিয়েটার করেছিল, লোকে একটু ভাল বলেছে কি না, অমনি আর মাটিতে পা পড়ছে না; যেন ভাল থিয়েটার আর কেউ করতে পারে না! তুমি যতক্ষণ ওদের একটাকে ধরে চন্দ্রবিন্দু না ক’রে দিচ্ছ ততক্ষণ ওরা টিট হবে না ভূতোদা।’

ভূতো উঠিয়া দাঁড়াইয়া বলিল—‘হঁ।’ এবং লংক্লেথের পাঞ্জাবীটা গলাইয়া লইয়া দলবল সহ বাহির হইয়া গেল। ক্ষান্ত পাশের ঘর হইতে সমস্তই দেখিল, শুনিল, কিন্তু মুখ টিপিয়া রহিল। কেবল তাহার বড় বড় চক্ষু দুটি অনেকক্ষণ ধরিয়া আপনার মনে জ্বলিতে থাকিল।

এবার ব্যাপার কিছু বেশি দূর গড়াইল। ভূতোর গোলাতেই সাধারণত দলের আড্ডা বসে, কিন্তু পূর্বোক্ত ঘটনার পরদিন সকালে ভূতোর বাড়িতে দল জমিয়াছিল; মহা উৎসাহে সকলে বিগত দিনের ঘটনা আলোচনা করিতেছিল ও চা খাইতেছিল; এমন সময় থানার সব-ইন্সপেক্টর পরেশবাবু দেখা দিলেন। ছেলের দল তাঁহাকে দেখিয়া নিমেষ মধ্যে কোথায় অন্তর্হিত হইয়া গেল। পরেশবাবু খুব খানিকটা উচ্চহাস্য করিলেন, তার পর উপবেশন করিয়া কহিলেন, 'বিভূতিবাবু, আপনার নামে অনেক কথা আমাদের কানে এসেছে কিন্তু উড়ো খবর বলে আমরা কান দিইনি। এবার কিন্তু একটু বাড়াবাড়ি হয়ে গেছে। ও-পাড়ার রতন থানায় সানা লেখাতে এসেছিল। আপনি কাল তাকে চড় মেয়েছিলেন, ফলে সে আর কানে শুনেতে পাচ্ছে না।'

ভূতী বলিল, —'বেশ তো, করুক না মামলা। চড় মারার জন্তে পাঁচ টাকা জরিমানা বৈ তো নয়।'

পরেশবাবু বলিলেন, —'রতন যদি সত্যিই কালা হয়ে যায় তাহলে দু'-বছর ম্যাদ পর্যন্ত অসম্ভব নয়।' তিনি উঠিয়া দাঁড়াইলেন, —'বাহোক, আপনি ছুটু-বজ্জাত লোক নয়, তাই আপনাকে সাবধান করে দিয়ে গেলাম। ব্যাপারটা আমি চেপে দেবার চেষ্টা করব, কিন্তু ভবিষ্যতে আপনি একটু মাথা ঠাণ্ডা রেখে চলবেন। নাচাবার লোক দুনিয়ায় অনেক আছে; কিন্তু যে নাচে পায়ে খিল ধরে তারই।'

পরেশবাবুর উপদেশের ফলেই হোক অথবা উপলক্ষের অভাবেই হোক, অতঃপর কিছু দিন ভূতো শান্তশিষ্ট হইয়া রহিল। ইতিমধ্যে সরস্বতী-পূজা আগুইয়া আসিতেছিল; ভূতোর দল সরস্বতী-পূজার সময় থিয়েটার করে, উত্তোগ-আয়োজন পুরা দমে আরম্ভ হইয়াছিল। রাত্রে ভূতোর গোলায় একটা চালার নিচে মহলার আসর বসে। ভূতোর অবশ্য অভিনয় করিবার সখ নাই, কিন্তু সে অভিনেতাদের চা তামাকের ব্যবস্থা করিতে সারাক্ষণ সেইখানেই থাকে এবং প্রয়োজন হইলে গানের মহলার সঙ্গে একটু আধটু মন্দিরা বাজায়। আর্টের সঙ্গে ভূতোর সম্পর্ক ইহার বেশি নয়।

নিদিষ্ট দিনে মহা ধুমধামের সহিত থিয়েটার হইল। অভিনয় কিন্তু শত্রুপক্ষ ছাড়া আর কাহাকেও বিশেষ আনন্দ দান করিতে পারিল না। দৈব দুর্বিপাকের উপর কাহারও হাত নাহি, অভিনয়ের মাঝখানে সীনের দড়ি যদি হঠাৎ ছিঁড়িয়া যায়, হারমোনিয়ামের মধ্যে ইঁদুর ঢোকে এবং কাটা সৈনিক স্টেজের মেঝের

উপর পিপীলিকার যৌথ আক্রমণে হঠাৎ লাফাইয়া উঠিয়া ‘বাপ রে’ বলিয়া পলায়ন করে, তাহা হইলে অভিনয় জমিবে কি করিয়া? শত্রুপক্ষ সদলবলে দেখিতে গিয়াছিল, তাহার প্রাণ ভরিয়া হাততালি দিল। ভূতোর দলের মনে আর সুখ রহিল না।

ব্যাপার এইখানেই শেষ হইয়া যাইতে পারিত, কিন্তু মফঃস্বলের শহরে এক রাত্রি থিয়েটার হইলে সাত দিন ধরিয়া তাহার প্রভাব চলে। পরদিন দুপুর বেলা বক্তৃতাভার কয়েকটা ব্যাডা ছেলে ভূতোর গোলায় সম্মুখে উপস্থিত হইল এবং রাস্তায় দাঁড়াইয়া নানা প্রকার টিটকারি কাটিতে লাগিল। ভূতো গোলায় ছিল না, অভ্যাসমত বাড়ি গিয়াছিল, কিন্তু গতরাত্রের অভিনেতাদের মধ্যে কয়েক জন মজ্জিভঙ্গ ভাবে সেখানে বসিয়া ছিল। বাছা বাছা বচনগুলি তাহাদের কাণে বাইতে লাগিল। কাটা ঘায়ে হুনের ছিটের মত তাহাদের সর্বাঙ্গ জ্বলিতে লাগিল।

কিন্তু ভূতো নাই, এই দুমুখ শিশুপালগুলোকে শাস্ত করিবে কে? কিছুক্ষণ অন্তরে অন্তরে জলিয়া কাতিক তাহার অমুজ গণেশকে বলিল,—‘গণশা, চুপি চুপি গিয়ে ভূতোদা’কে খবর দে তো। আজ সব মিঞাকে চন্দ্রবিন্দু করিয়ে তবে ছাড়ব—’

গণেশের বয়স কম, গায়ে জোরও আছে, সে বলিল,—‘কিন্তু আমরাও তো পাঁচ জন আছি—ওদের ধরে আচ্ছা করে ঠুকে দিলেই তো হয়—’

কাতিক চোখ পাকাইয়া বলিল,—‘পাকামি করিস্নি গণশা। যার কর্ম তাকে সাজে। ঠুকে দেবার হলে আমরা এতক্ষণ দিতুম না! যা শীগগির ভূতোদা’কে খবর দে—আমরা ততক্ষণ ঘাপটি মেরে আছি। খবর দিয়েই তুই ফিরে আসবি কিন্তু।’

ধমক খাইয়া গণেশ নিঃশব্দে খিড়কি দিয়া বাহির হইয়া গেল। ওদিকে শিশুপালদের বাক্যবাণ তখন স্তরে স্তরে আরও শাণিত ও মর্মভেদী হইয়া উঠিয়াছে।

ভূতোর মনও আজ ভাল ছিল না। আহাযাদির পর সে বিছানায় শুইয়া ছিল কিন্তু ঘুমায় নাই। এমন সময় গণেশ ছুটিতে ছুটিতে আসিয়া—‘ভূতোদা, তুমি শীগগির এস, বক্তৃতাভার চ্যাংড়ারা এসে গোলায় সামনে দাঁড়িয়ে আমাদের গালাগাল দিচ্ছে—’ বলিয়াই ছুটিয়া চলিয়া গেল, তখন ভূতোর বুকের খিক-খিকি আগুন একেবারে দাউ-দাউ করিয়া জলিয়া উঠিল। এমন একটি

স্বযোগেরই সে প্রতীক্ষা করিতেছিল। সে আজ দেখিয়া লইবে—বত্তিপাড়ায় চন্দ্রবিন্দুর পল্টন তৈয়ার করিবে!

তড়াক করিয়া শয্যা হইতে উঠিয়া সে একটা ব্যাপার গায়ে জড়াইয়া লইল, তার পর ঘরের দিকে পা বাড়াইয়া থমকিয়া দাঁড়াইয়া পড়িল। কাস্ত কখন অলক্ষিতে ঘরে প্রবেশ করিয়াছে এবং দ্বার বন্ধ করিয়া ঘরে পিঠ দিয়া দাঁড়াইয়াছে।

দুশুটা এতই অপ্রত্যাশিত যে, ভূতো রাগ ভুলিয়া কিছুক্ষণ সবিম্বয়ে তাকাইয়া রহিল; তার পর গভীর ভ্রুকুটি করিয়া ঘরের কাছে আসিল। স্বামী-স্ত্রীতে ফুলশয্যার পর প্রথম কথা হইল। ভূতো বলিল, ‘পথ ছাড়।’

কাস্তর মুখ কঠিন, ডাগর চোখ আরও বড় হইয়াছে; সে ঘাড় নাড়িয়া বলিল,—‘না, তুমি যেতে পাবে না।’

নারীজাতির এই অসহ স্পর্ধায় ভূতো স্তম্ভিত হইয়া গেল, সে চাপা গর্জনে বলিল,—‘সব বলছি!’

কাস্ত চোয়াল শক্ত করিয়া বলিল,—‘না, সব না।’

ভূতোর আর সহ হইল না, সে রুঢ় ভাবে কাস্তকে হাত দিয়া সরাইয়া দ্বার খুলিবার চেষ্টা করিল। কাস্তও ছাড়িবার পাত্রী নয়, সে পরিবর্তে ভূতাকে সবলে এক ঠেলা দিল।

এই ঠেলার জগ্ন ভূতো যদি প্রস্তুত থাকিত তাহা হইলে সম্ভবত কিছুই হইত না কিন্তু সে কাস্তর শরীরে এতখানি শক্তির জগ্ন প্রস্তুত ছিল না; অতক্ৰিষ্ট ঠেলায় বেসামাল ভাবে দু’পা পিছাইয়া গিয়া সে বেবাক ধরাশায়ী হইল। কাস্ত ঘন ঘন নিশ্বাস ফেলিতে লাগিল, তাহার আজ গোঁ চাপিয়াছে ভূতাকে কিছুতেই বাহিরে যাইতে দিবে না। তাই, ভূতো আবার ধড়মড় করিয়া উঠিবার উপক্রম করিতেছে দেখিয়া সে ক্ষুধিত ব্যাত্রীর মত তাহার বৃকের উপর ঝাঁপাইয়া পড়িল।

...

...

...

ওদিকে বত্তিপাড়ার দল দীর্ঘকাল একতরফা তাল ঠুকিয়া শেষে ক্লাস্ত ভাবে চলিয়া গেল। গোলাব মধ্যে কার্তিকের দল মুখ কালি করিয়া বসিয়া রহিল। গণেশ অনেকক্ষণ ফিক্রি আসিয়াছে কিন্তু ভূতোর দেখা নাই। শেষে আর হস্তিা থাকা নিরর্থক বুঝিয়া কার্তিক গা-ঝাড়া দিয়া উঠিয়া দাঁড়াইল, তিন

স্বপ্নে কহিল,—‘ভূতোদা’রই স্বপ্ন চাড়া নেই তখন আমাদের কিসের গরজ! চল বাড়ি যাই।’

কার্তিক ভাইকে লইয়া চলিয়া গেল, কিন্তু বাকি তিন জন গেল না, তিন হাঁটু এক করিয়া বসিয়া রহিল। দীর্ঘকাল চিন্তার পর মাণিক বলিল,—‘খবর পেয়েও ভূতোদা এলো না—এর মধ্যে কিছু ইচ্ছে আছে।’ জানা দরকার।—‘যাবি ভূতোদা’র বাড়ি?’

তিন জনে ভূতোর বাড়ি গেল। বাড়ি নিশুন্ধ, কেহ কোথাও নাই। ভূতোর ঘরের দরজা ভিতর হইতে চাপা রহিয়াছে। মাণিক ইতস্তত করিয়া দরজায় একটু চাপ দিল। দরজা একটু ফাঁক হইল।

সেই ফাঁক দিয়া তিন জনে দেখিল, ভূতো-মেঝের উপর চিৎ হইয়া পড়িয়া আছে এবং মাঝে মাঝে ঘাড় তুলিয়া বক্ষ-লীনা ফাঁস্তর মুখে চুখন করিতেছে।

লজ্জায় দিকারে তিন জনে দরজা হইতে সরিয়া আসিল। তাহাদের বীর অধিনায়কের যে এমন শোচনীয় অধঃপাত হইবে তাহা তাহারা কল্পনা করিতেও পারে নাই। অত্যন্ত বিমর্ষভাবে বাড়ি ফিরিতে ফিরিতে তাহারা ভাবিতে লাগিল,—ভূতো এত দিনে নিজেই চন্দ্রবিন্দু হইয়া গিয়াছে।

মুখোস

পৃথিবীর অধিকাংশ মানুষই যে মুখে মুখোস পরিয়া ছদ্মবেশে ঘুরিয়া বেড়াইতেছে, এই গুঢ় তত্ত্বটির প্রতি সাধারণের সতর্ক মনোযোগ আকর্ষণ করা প্রয়োজন। আমি আপাতত মাত্র চারিটি চরিত্র নমুনাশ্রুণ সর্বসমক্ষে হাজির করিতেছি, আশা করিতেছি এই চারিটি ভাত টিপিলেই হাড়ির খবর আর কাহারও অবদিত থাকিবে না।

অর্ধশতাব্দীকাল পৃথিবীতে বাস করা সত্ত্বেও নরেশবাবু শরীরটিকে দিব্য তাজা রাখিয়াছিলেন, চুলও ঘাচা পাকিয়াছিল তাহা ধর্তব্যের মধ্যে নয়। তাহার সৌম্য সুদর্শন চেহারাখানি দেখিলে তাহাকে একটি পরম শুদ্ধাচারী স্ববি বলিয়া মনে হইত। অবশ্য গোঁফদাড়ির হাঙ্গামা ছিল না, তিনি প্রত্যহ সমস্তে ক্ষৌরকার্য করিতেন; সূচিকণ মুণ্ডিত মুখমণ্ডল একটি স্নিগ্ধ সাহসিক হাসি সর্বদাই ক্রীড়া করিত। চোখের চাহনীতে এমন একটি স্বপ্নাতুর সুন্দর-

চলিত আবেশ লাগিয়া থাকিত যে, মনে হইত তাঁহার প্রাণপুরুষ পৃথিবীর ধূলামাটি হইতে বহু উর্ধ্বে জিগুগাতীত তুরীয়ানন্দে বিভোর হইয়া আছে। মোট কথা তাঁহাকে দেখিলে মানুষের মনে স্বতই তাঁহার প্রতি অন্ধাধূর্ণ সম্মানের উদয় হইত।

নরেশবাবু রিবার্জ করেন নাই। সারা জীবন বিদেশে থাকিয়া তিনি ব্যবসাদি দ্বারা ধনোপার্জন করিয়াছেন; এখন বোধ করি ‘পঞ্চাশোর্ধ্বে বনং ব্রজেন’ এই নীতিবাক্য স্মরণ করিয়া ব্যবসা-বাণিজ্য গুটাইয়া দেশে ফিরিয়াছেন, কলিকাতায় একটি বাসা ভাড়া লইয়া বাস করিতেছেন। নিরুদ্ধেগ শান্তিতে জীবনের বাকি দিনগুলি উপভোগ করিবেন ইহাই ইচ্ছা।

বিদেশ হইতে নরেশবাবু একটি অল্পচর সঙ্গে আনিয়াছেন, তাহার নাম বালাবং সিং—সংক্ষেপে বাবা সিং। নামটি যে বিন্দুমাত্র অতীতি নয় তাহা তাহার চহারা দেখিলেই বুঝা যায়। বসন্তের গুটিচিহ্ন আঁকা হাঁড়ির মত একটা মুখ, তাহার মধ্যে ছোট ছোট ধুটতীভরা চক্ষু দুটি সর্বদা ঘুরিতেছে, যেন একটা ছুতা পাইলেই টুটি কামড়াইয়া পরিবে। দেহখানা আড়ো-দীঘে প্রায় সমান। হাঁটু পর্যন্ত লম্বা কালো রঙের পাঞ্জাবী পরিয়া ও মাথায় প্রকাণ্ড পাগড়ী চড়াইয়া সে যখন বুক চিতাইয়া পথ দিয়া হাঁটে, তখন সম্মুখের ভদ্র পথিক অপমানের ভয়ে সশঙ্কে পথ ছাড়িয়া দেয়। বাবা সিং নরেশবাবুর পুরাতন ভৃত্য। সে কোনও কাছ করে না, কেবল বাড়ির সদর দরজার পাশে টুল পাতিয়া বসিয়া থাকে; তাহার অহুমতি না লইয়া তাহাকে ডিঙাইয়া বাড়ির ভিতর প্রবেশ করে এমন সাহস কাহারও নাই। সারাদিন টুলের উপর বসিয়া বধূবা সিং পান চিবায, পানের গাঢ় রস তাহার কন্ম বাহিয়া গড়াইতে থাকে; যেন সে কাঁচা মাংস চিবাইতেছে।

নরেশবাবুর বাড়িটি ছোট, ছিমছাম, দ্বিতল। পাশেই আর একটি ছোট বাড়ি আছে, সেটি একতলা। পুরানো বাড়ি, উপরে কোমর পর্যন্ত পাঁচিল-ঘেরা ছাদ। এই বাড়িতে যিনি বাস করেন তাঁহার নাম দীননাথ। নিরীহ ভাল-মানুষ লোক, সামান্য কেয়ানিগিরি করেন। শীর্ণ কোলকুঁজো ধরনের চেহারা, মোটা চশমার ভিতর দিয়া ষেভাবে পৃথিবীর দিকে তাকান তাহাতে মনে হয় তিনি পৃথিবীকে ভয় করিয়া চলেন। পৃথিবী তাঁহার সহিত সদয় ব্যবহার করে নাই, অবজ্ঞাভূষিত তাঁহাকে চিরদিন পিছনেই ফেলিয়া রাখিয়াছে; তাই তিনিও শামুকের মত সনকোচে নিজেকে নিজের মধ্যে গুটাইয়া লইয়াছেন।

তাহার পরিবারে যে একটি মেয়ে ছাড়া আর কেহ নাই এজ্ঞাতও তিনি মনে মনে ভগবানের কাছে কৃতজ্ঞ, কারণ সামান্য মাহিনা সঙ্গেও তাহার ঘরে অনটন নাই। মেয়ের অবস্থা বিবাহ দিতে হইবে কিন্তু সেজন্য দীননাথ চিন্তিত নন; প্রভিডেন্ট ফণ্ডে যে টাকা জমিয়াছে তাহাতে মেয়ের বিবাহ দেওয়া চলিবে।

মেয়েটির নাম অমলা। বয়স পঁতেরো বছর; একবার তাহার উপর চোখ পড়িলে আবার ফিরিয়া দেখিতে ইচ্ছা করে। নূতন যৌবনের দুর্নিবার বহিমুখিতা পাকা ভালিমের মত তাহার সারা দেহে যেন ফাটিয়া পড়িবার উপক্রম করিতেছে, চোখে মুখে চঞ্চল প্রগল্ভতা। অমলা নিজের রূপ-যৌবন সম্বন্ধে সম্ভবত অচেতন নয়; সে চোখ বাঁকাইয়া তাকায়, মুখ টিপিয়া হাসে, খোলা ছাদে ছপুয় বেলা চুল এলো করিয়া চুল শুকায়। রাস্তায় একটু উচু শব্দ হইলে সে ছুটিয়া গিয়া ছাদের আলিসার উপর বৃক পর্যন্ত ঝুঁকিয়া নিচে রাস্তার পানে তাকাইয়া দেখে; তাহার গায়ের কাপড় সব সময় ঠিক থাকে না, অতি তুচ্ছ কারণে অসম্মত হইয়া পড়ে।

নরেশবাবু নিজের দ্বিতলের জানালা হইতে অমলাকে দেখিয়াছিলেন এবং মনে মনে একটি মন্তব্য করিয়াছিলেন। মন্তব্যটি ঋষিজনোচিত কি না বলিতে পারি না, কারণ সেকালের মুনিঋষিরা নারীজাতি সম্বন্ধে মনে মনে কিরূপ মন্তব্য করিতেন তাহার কোনও নজির নাই। কিন্তু সবীজ্ঞোত্তর বাংলা ভাষায় উহা একেবারেই অচল। ‘ছলনা’ শব্দট। অসভ্য ইতরজনের মুখে মুখে অপভ্রষ্ট হইয়া বড়ই বিস্ত্রী আকার ধারণ করিয়াছে।

অমলাও নরেশবাবুকে দেখিয়াছিল। অমলা ছাদে উঠিলেই নরেশবাবু নিজের জানালায় আসিয়া দাঁড়াইতেন; আকাশের পানে এমন মুগ্ধ ভাবে তাকাইয়া থাকিতেন যেন ঐ ছরবগাহ নীলিমার মধ্যে তাহার সাধনার পরম বস্তুকে খুঁজিয়া পাইয়াছেন। মাঝে মাঝে চক্ষু নিচের দিকে নামিত, মুখের হাসিটি আরও মুগ্ধ-মধুর হইয়া উঠিত। অমলার মনে বোধ করি প্রকার উদয় হইত; সে সঙ্কুচিতভাবে গায়ের কাপড় সামলাইয়া, চলনভঙ্গীকে অতিশয় মন্থর করিয়া, পিছনে দু’একটি চকিত দৃষ্টি হানিতে হানিতে নিচে নামিয়া যাইত।

দীননাথ এসবের কিছুই খবর রাখিতেন না। অসুস্থ হইতে ফিরিতে তাহার সক্ষমতা হইয়া যাইত; তাড়াতাড়ি একপেয়লা চা ও কিছু জলখাবার

গলাধঃকরণ করিয়া তিনি বাহিরের ঘরের জানালার পাশে তক্তাপোশে গিয়া বসিতেন, তাক হইতে একটি পেজুইনমার্ক। ইংরেজী ডিটেকটিভ উপক্ৰান্ত পাড়িয়া লইয়া তক্তাপোশের উপর কাত হইয়া শুইয়া পড়িতে আরম্ভ করিতেন। অমল্য আসিয়া তাঁহার সহিত কথা বলিলে তিনি নির্বিচারে ছ' দিয়া বাইতেন, কারণ কথাগুলি তাঁহার এক কান দিয়া প্রবেশ করিয়া সোজা অস্ত্র কান দিয়া বাহির হইয়া বাইত, কণেকের জন্তও মস্তিষ্কের কাছে গিয়া দাঁড়াইত না।

একদিন অমলা বলিল,—‘বাবা, পাশের বাড়িতে নতুন ভাড়াটে এসেছে, তুমি দেখেছ?’

দীননাথ বলিলেন,—‘হঁ।’

অমলা বলিল,—‘আমিও দেখেছি—বোধহয় খুব সাধু লোক। জানালার সামনে দাঁড়িয়ে আকাশের পানে চেয়ে থাকেন—’

‘হঁ।’

‘খি বলছিল ওঁর বাড়ির দরজায় একটা দুৰ্ঘ্মনের মত লোক বসে থাকে, দেখলেই ভয় করে।’

‘হঁ হঁ’ বলিয়া দীননাথ বইয়ের পাতা উল্টাইলেন।

এমনি ভাবে কয়েক হপ্তা কাটিবার পর একদিন সকাল বেলা ছাদে কাপড় শুকাইতে দিতে গিয়া অমলা দেখিল, একটি কাগজের মোড়ক ছাদে পড়িয়া রহিয়াছে। তাড়াতাড়ি মোড়ক খুলিয়া দেখিল, ভিতরে একটি রাঙা টকটকে গোলাপফুল। অমলা চোখ বাঁকাইয়া জানালার দিকে তাকাইল; নরেশবাবু স্নিগ্ধ হাসি-হাসি মুখে আকাশের পানে তাকাইয়া আছেন, তাঁহার গায়ে চাঁপা রঙের একটি সিল্কের কিমোনো সজ্জায়াত তরুণ তাপসের অঙ্গে গৈরিক বসনের মত শোভা পাইতেছে।

ফুলটিকে অমলা পূজার নির্মালা বলিয়া মনে করিল কিনা কে জানে; সে নরেশবাবুর দিকে চোখ তুলিয়া একটু হাসিল, তারপর ফুলের দীর্ঘ আভ্রাণ গ্রহণ করিয়া সেটি খোঁপায় শুঁজিল। নরেশবাবু একবার চক্ষু নামাইলেন এবং মনে মনে একটি মন্তব্য করিলেন। লোহা গরম হইয়াছে বুঝিয়া তাঁহার মুখের হাসি আরও স্বর্গীয় স্বঘনাপূর্ণ হইয়া উঠিল।

...

...

...

অফিসে বড়সাহেবের শাশুড়ী মারা গিয়াছিল, এই আনন্দময় উপলক্ষে অর্ধদিনের ছুটি পাইয়া দীননাথ দ্বিপ্রহরেই বাড়ি ফিরিলেন। পথে আসিতে

একটু ডাব কিনিয়া লইলেন। অমলা ডাব খাইতে চাহিয়াছিল, অমলা চিনি দিয়া ডাবের কচি শাঁস খাইতে ভালবাসে; ডাবের জলটা দীননাথ পান করেন।

বাড়ি আসিয়া দীননাথ ধড়াচূড়া ছাড়িলেন, তারপর দা লইয়া ডাব কাটিতে বসিলেন। অমলা গেলাস চামুচে প্রভৃতি লইয়া কাছে বসিল। ছু'জনের মুখেই হাসি। অমলা বলিল,—‘খুব কচি ডাব, না বাবা?’

দীননাথ ডাবের মাথায় এক কোপ বসাইয়া বলিলেন,—‘হ। তুলতুলে শাঁস বেকাবে। আমাদের একটু দিস।’ অমলা বলিল, ‘আচ্ছা। তুমিও আমাদের একটু জল দিও।’

এই সময় সদর দরজার কড়া নড়িল। বাবার এখনও আসিবার সময় হয় নাই, তবু বি আসিয়াছে মনে করিয়া অমলা দ্বার খুলিতে গেল।

মিনিট ধানেক পরে অমলা ছুটিতে ছুটিতে ফিরিয়া আসিল; তাহার হাতে একটা দশ টাকার নোট ও গোলাপী রঙের একখানা চিঠি। সে কাঁপিতে কাঁপিতে বাপের পাশে বসিয়া পড়িয়া কাঁদিয়া উঠিল,—‘ও বাবা, এ সব কী আখো!’

দীননাথ চিঠি পড়িলেন এবং নোট দেখিলেন; তারপর দা তুলিয়া লইয়া তীরবেগে বাহির হইলেন। বলা বাহুল্য, চিঠিখানি নরেশবাবুর লেখা এবং নোটখানিও তাঁহারই—বাঘা সিং লইয়া আসিয়াছে।

নরেশবাবু দ্বিতলের জানালায় দাঁড়াইয়া দীননাথের সদর দরজা লক্ষ্য করিতেছিলেন। হঠাৎ দেখিলেন, তাঁহার বাঘা সিং উঠিপড়ি করিয়া বাহির হইয়া আসিতেছে, পিছনে দা হস্তে দীননাথবাবু! বাঘা সিং বেশি দূর পলাইতে পারিল না, চৌকাঠে হৌচট খাইয়া ফুটপাথের উপর পড়িয়া গেল; দীননাথ ভালকুত্তার মত তাহার ঘাড়ে লাফাইয়া পড়িলেন।

হেঁ হেঁ কাণ্ড; লোক জমিয়া গেল। দীননাথ বাঘা সিংয়ের বুকের উপর চাপিয়া বসিয়া এলোপাথাড়ি দা চালাইতেছেন। দুঃখের বিষয় তিনি কোথাঙ্গ অবস্থায় দা’টি উটা করিয়া ধরিয়াছিলেন, ধারের দিকটা বাঘা সিংয়ের গায়ে পড়িতেছিল না। সে কিন্তু পরিত্রাণ চীৎকার করিয়া চলিয়াছিল—‘বাপ রে! জানু গিয়া! পুলিশ! মার ডালা!—’

নরেশবাবু পাংশু মুখে জানালা বন্ধ করিয়া দিলেন। কী দুর্দৈব! মেয়েটা তো রাজিই ছিল; কে জানিত মড়া-থেকো বাপটা ইতিমধ্যে বাড়ি ফিরিয়াছে এবং তার এত বিক্রম।

ওদিকে অমলা বিছানায় পড়িয়া কাঁদিতেছিল, বালিশে মাথা ঝুঁজিয়া ফুলিয়া ফুলিয়া কাঁদিতেছিল। এত নোংরা মানুষের মন! তাহার সত্তেরো বছরের নিষ্পাপ জীবনে এমন জঙ্ঘা ব্যাপার কখনও ঘটে নাই। আজ এ কি হইল! মানুষের সঙ্গে চোখোচোখি হইলে সে না হাসিয়া থাকিতে পারে না। ইহা কি মন্দ? তবে কেন লোকে তাহার সম্বন্ধে বা-তা ভাবিবে!

সেকালিনী

হলুদপুরের কবিরাজ শ্রীহরিহর শর্মার কন্যা শৈল আমাদের কাহিনীর নায়িকা। কিন্তু আজকাল গল্পের নায়িকাদের যে-সব অসমসাহসিক প্রগতিপূর্ণ কার্য করিতে দেখা যায় তাহার কিছুই সে পারিবে বলিয়া বোধ হয় না। শৈল নিতান্ত সেকালিনী।

হলুদপুর স্থানটির এক পা শহরে এক পা গ্রামে। তবে সামনের পা শহরের দিকে। গত কয়েক বছরে সে বেশ লম্বা লম্বা পা ফেলিয়া নাগরিক সভ্যতার দিকে অগ্রসর হইয়া চলিয়াছে। এতদূর অগ্রসর হইয়াছে যে, হলুদপুরে দুটি স্কুল পর্যন্ত হইয়াছে—একটি ছেলেদের একটি মেয়েদের। তা'ছাড়া লাইব্রেরী আছে, নাট্য-সমিতি আছে। কিন্তু সেই সঙ্গে শ্রীহরিহর শর্মাও আছেন।

হ'বছর আগে পর্যন্ত হরিহর কবিরাজ হলুদপুরের একমাত্র চিকিৎসক ছিলেন, সারা হলুদপুরের নাড়ী তাঁহার মুঠোর মধ্যে ছিল। মরিতে হইলে হলুদপুরের রোগী হরিহর কবিরাজের হাতে মরিত, বাঁচিতে হইলে তাঁহার হাতেই বাঁচিত। কিন্তু সম্প্রতি তাঁহার একচ্ছত্র আধিপত্যে বিঘ্ন ঘটয়াছে, মেডিক্যাল কলেজের নূতন পাসকরা এক ডাক্তার তাঁহার পাশের বাড়িতে আসিয়া প্র্যাক্টিস্ শুরু করিয়াছে।

• হরিহর কবিরাজ একনিষ্ঠ সেকালে মানুষ। সেকালের সহিত একালের ভেজাল দিয়া একটা বর্ষস্কর জীবন-প্রণালী গঠন করিবার পক্ষপাতী তিনি ছিলেন না; হলুদপুরের ক্রত অগ্রগতি তিনি প্রসন্নতার সহিত গ্রহণ করিতে পারেন নাই। প্রথমটা বাধা দিবার চেষ্টা করিয়াছিলেন, কিন্তু তাহাতে কৃতকার্য না হইয়া শেষে নিঃস্বের গৃহেই সেকালের একটি ঘাঁটি নির্মাণ করিয়াছিলেন। কন্যা শৈল স্কুলে পড়িতে যাইতে পায় নাই; দশ বছর বয়স

হওয়ার সঙ্গে সঙ্গে তাহার ঘরের বাহির হওয়া বন্ধ হইয়াছিল। গৃহিণী হৈমবতী শেমিজ ব্লাউজ পরিতেন না। সংসারে সাবানের পাট ছিল না; প্রয়োজন হইলে মেয়েরা ক্ষার তৈল দিয়া গাত্র মার্জনা করিবে। বেশি কথা কি, বাড়িতে পাথুরে কয়লা চুকিতে পাইত না, চিরাচরিত প্রথা অল্পযায়ী কাঠ-কয়লা ও ঘুঁটের দ্বারা রন্ধনাদি কার্য-নির্বাহ হইত। রাত্রে রেড়ির তেলের প্রদীপ জলিত।

এইরূপ আবহাওয়ার মধ্যে শৈল বাড়িয়া উঠিয়াছিল। স্মৃতির সে যে পরিপূর্ণরূপে সেকালিনী হইবে তাহাতে বিশ্বাসের কিছু নাই। গৃহস্থালীর সকল কর্মে সে নিপুণা হইয়াছিল, এমন কি কবিরাজ মহাশয়ের পাচনাদি রন্ধনেও তাহার যথেষ্ট পটুতা জন্মিয়াছিল; কিন্তু লেখাপড়ার দিক দিয়া ক'জ্ঞানটি পর্যন্ত কেহ তাহাকে শেখায় নাই। মাতা হৈমবতী শক্ত মেয়ে-মাত্র ছিলেন; স্বামীর কঠিন সেকালত্ব সম্বন্ধে মনে মনে তাঁহার সম্পূর্ণ সাহ ছিল কিনা বলা যায় না কিন্তু তিনি ঐকান্তিক নিষ্ঠার সহিত স্বামীর ইচ্ছা পালন করিয়া চলিতেন। শৈল যখন বড় হইয়া উঠিল তখন তিনি সর্বদা তাহার উপর তীক্ষ্ণদৃষ্টি রাখিতে লাগিলেন এবং রাত্রে তাহাকে লইয়া এক শয্যা শয়নের ব্যবস্থা করিলেন। কিন্তু শৈল শেমিজ বা ব্লাউজ পরিবার অল্পমতি পাইল না। কেবল রাঙা-পাড়া শাড়ি পরিয়াই সে যৌবনে উপনীত হইল।

শৈল মেয়েটি দেখিতে ছোটখাট এবং অত্যন্ত নরম; বস্তুত তাহাকে দেখিলে ঐ নরম শব্দটাই সর্বাগ্রে মনে আসে—সে স্বন্দরী কি চলনসই তাহা লক্ষ্যের মধ্যেই আসে না। চোখের দৃষ্টি, মাথার চুল, লালপেড়ে শাড়িতে সম্বন্ধে আবৃত দেহটি—সবই যেন নরম তুলতুলু করিতেছে। স্বভাবটিও তাই; মুখের কথা মুখে মিলাইয়া যায়, নরম হাসিটি কিশলয়-পেলব অধরপ্রান্তে লাগিয়া থাকে। বয়স যদিও ফোল পূর্ণ হইতে চলিল তবু দেখিলে চৌদ্দ বছরেরটি বলিয়া মনে হয়।

তাহার সত্যকার চৌদ্দ বছর বয়স হইতে হরিহর তাহার জ্ঞান পাত্র খুঁজিতে আরম্ভ করিয়াছিলেন; কারণ, যতই সেকেলে হউন, আইন ভঙ্গ করায় তাঁহার আপত্তি ছিল। কিন্তু নানা অনিবার্য কারণে স্পাত্র জোপাড়া হইতে বিলম্ব হইয়াছিল। হরিহর যে-ধরনের স্পাত্র চান, কিশ শতাব্দীর চতুর্থ দশকের বাংলা দেশে সেরূপ পাত্র একান্ত বিরল। তিনি চান সংস্কৃত শিক্ষা-

প্রাপ্ত স্তম্ভদর্শন অবস্থাপন্ন পালটি ঘরের ছেলে। কার্যকালে দেখা গেল, যদি বর মেলে তো ঘর মেলে না, ঘরবর মেলে তো কোণী মেলে না। এইরূপে দেবী হইতে লাগিল।

ইতিমধ্যে আর একটি ব্যাপার ঘটয়া হরিহরের মন হইতে কতাদায়ের চিন্তা কিছু দিনের জন্ত লুপ্ত করিয়া দিল। কলেজে পাস করা ছোকরা ডাক্তার অজয় গান্ধুলী বাহির হইতে আসিয়া যখন তাঁহার পাশের বাড়িতেই ডাক্তারি আরম্ভ করিল তখন হরিহর এইরূপ ব্যবহারকে ব্যক্তিগত শত্রুতা বলিয়া মনে করিলেন। কিন্তু অজয় ছেলেটি অতিশয় বিনয়ী ও বাকপটু। সে আসিয়া প্রথমেই তাঁহার সহিত দেখা করিল এবং এমনভাবে কথাবার্তা বলিল যেন সে হরিহরের অধীনেই আশ্রয় লইতে আসিয়াছে। হরিহর মনে মনে একটু নরম হইলেও অল্পরাগ-বিরাগ কিছুই প্রকাশ করিলেন না। কিন্তু ক্রমে যখন দেখা গেল, হলুদপুরের যে-সব লোক এতদিন তাঁহার উপরেই জীবনমরণের ভার অর্পণ করিয়া নিশ্চিন্ত ছিল তাহারা অধিকাংশই এই নবীন ডাক্তারের দিকে ঝুঁকিয়াছে, তখন হরিহরের অন্তঃকরণ তাঁহার স্বহস্তে প্রস্তুত পাচনের মতই তিক্ত হইয়া উঠিল। কিন্তু করিবার কিছু ছিল না, অগত্যা তিনি জ্বীকে ডাকিয়া বলিলেন,—‘পাশের বাড়িতে বাইরের লোক এসেছে; দক্ষিণ দিকের জানালাগুলো যেন বন্ধ থাকে।’

ফলে বাড়ির দক্ষিণ দিকের তিনটি জানালা বন্ধ হইয়া গেল।

দশ বছর বয়সে শৈলর জীবন যখন বাড়ির চারিটি ধর ও পাঁচিল-ঘেরা উঠানের মধ্যে আবদ্ধ হইয়া পড়িয়াছিল, তখন হইতেই এই জানালা-গুলিই ছিল বহির্জগতের সহিত তাহার প্রধান যোগসূত্র। জানালা দিয়া দক্ষিণের বাতাস আসে, খোলা মাঠের গন্ধ আসে, পাশের বাড়িটাও দেখা যায়; একটু তেরছাভাবে দৃষ্টি প্রেরণ করিলে পথের লোক-চলাচল চোখে পড়ে। নির্জন বিপ্রহরে জানালায় দাঁড়াইয়া শৈল ঘরের সহিত বাহিরের ক্ষণিক সংযোগ স্থাপন করিত। আকাশে লাল নীল রঙের ঘুড়ি উড়িতেছে, পরিষ্কার স্বচ্ছ আকাশে তাহাদের সূতাগুলি পর্যন্ত দেখা যাইতেছে; রাস্তা দিয়া বিচালি-বোঝাই গোরুর গাড়ি নিশ্চিন্ত মন্থরতায় চলিয়া যাইতেছে; পাশের বাড়ির কানিসে একটা পায়রা গুমরিয়া গুমরিয়া কাহার উদ্দেশে অভিমান ব্যক্ত করিতেছে।—রাত্রি শয়নের পূর্বে সে শয়নঘরের জানালাটিতে গিয়া দাঁড়াইত। অন্ধকার ঘর, বাহির হইতে কিছু দেখা যায় না; শৈল

গায়ের • কাপড় একটু আলগা করিয়া জানালার গরাদে ধরিয়া দাঁড়াইত। বাহিরের অন্ধকার ঝাঁঝিপোকাকার ঝড়াবে পূর্ব হইয়া থাকিত, গাছের পাতায় পাতায় জোনাকির পরী-মালা জলিত আর নিভিত; দক্ষিণা বাতাস গায়ে লাগিয়া হঠাৎ গায়ে কাঁটা দিত—

কিন্তু জানালাগুলি যখন বন্ধ হইয়া গেল তখন শৈল দীর্ঘনিশ্বাস ফেলিল না, তাহার মুখের হাসিও স্নান হইয়া গেল না। রাত্রে শয়নের পূর্বে সে কেবল একবার বন্ধ জানালার সম্মুখে গিয়া দাঁড়াইত; পুরানো জানালার তক্তায় একটা চোখ উঠিয়া গিয়া একটি ফুটা হইয়াছিল, সেই ফুটায় চোখ দিয়া সে বাহিরে দৃষ্টি প্রেরণ করিত, তারপর বিছানায় গিয়া শয়ন করিত। মা কাজকর্ম শেষ করিয়া আসিয়া দেখিতেন শৈল ঘুমাইয়া পড়িয়াছে।

সে যাহোক, হরিহর কবিরাজ প্রতিদ্বন্দ্বি-সঙ্ঘর্ষের প্রথম ধাক্কা সামলাইয়া লইয়া আবার যথারীতি কাজকর্মে মনোনিবেশ করিলেন। তিনি দৈবিলেন প্রতিদ্বন্দ্বীর আগমনে তাহার ক্ষতি হইয়াছে বটে, কিন্তু ক্ষতি মারাত্মক নয়। বিশেষত দীর্ঘ একাদিপত্যের সময় তিনি যথেষ্ট সঞ্চয় করিয়াছিলেন। সুতরাং তিনি আবার কল্যায় জগ্নু পাত্রের সন্ধানে মন দিলেন। শৈলর বয়স তখন চতুর্দশী পার হইয়া পূর্ণিমায় পা দিয়াছে।

কয়েকমাস খোঁজাখুঁজির পর কাছেপিঠে হালুইপুর গ্রামে একটি পাত্র পাওয়া গেল। পাত্র ভালই অর্থাৎ হরিহর যাহা চান তাহার বোল আনা না হোক চৌদ্দ আনা বটে। হরিহর বিবাহ স্থির করিয়া ফেলিলেন। মেয়ে দেখাদেখির কোনও কথা উঠিল না, কারণ দুই পক্ষই গোঁড়া—ঠিকুজি কোষ্ঠী যখন মিলিয়াছে তখন অল্প কিছু দেখিবার প্রয়োজন নাই। আশীর্বাদ-পর্বটাও বর যখন বিবাহ করিতে আসিবে তখনই সম্পন্ন হইবে।

আষাঢ়ের শেষের দিকে বিবাহের দিন। উভয় পক্ষই সমস্তই প্রস্তুত, আত্মীয়-কুটুম্বেরা এখনও আসিয়া পৌঁছিতে আরম্ভ করেন নাই, এমন সময় বিবাহের ঠিক সাতদিন আগে একটি ব্যাপার ঘটিল। স্নান করিবার সময় শৈলর হাত পিছলাইয়া জলতরা ঘটি তাহার পায়ে বড়ো আঙুলের উপর পড়িল। আঙুলটা খেঁতো হইয়া নখ প্রায় উড়িয়া গেল। রক্তারক্তি কাণ্ড!

হরিহর অত্যন্ত উদ্ভিগ্ন হইয়া উঠিলেন। বিবাহেব মাত্র সপ্তাহকাল বাকি, এই সময় মেয়েটা এমন কাণ্ড করিয়া বসিল! সাতদিনের মধ্যে ঘা

শুকাইবে বলিয়াও মনে হয় না। ক্ষতযুক্তা কন্যাকে তিনি পাত্রস্থ করিবেন কি করিয়া ?

হরিহর বরপক্ষকে দুর্ঘটনার কথা জানাইলেন এবং বিবাহ কিছুদিন পিছাইয়া দিবার প্রস্তাব করিলেন। বরপক্ষ বিরক্ত হইলেন, হয়তো কন্যার স্বলক্ষণ সম্বন্ধেও সন্দেহ হইলেন। দুইপক্ষে একটু কথা-কাটাকাটি হইল, তারপর বরপক্ষ অপ্রসন্নভাবে জানাইলেন যে তেসরা শ্রাবণ একটি বিবাহের দিন আছে সেই দিনের মধ্যে যদি বিবাহ সম্ভব হয়, তবেই তাঁহারা বিবাহ দিবেন নচেৎ সম্বন্ধ ভাঙিয়া যাইবে; যেখানেই হোক, শ্রাবণ মাসের মধ্যে পাত্রের বিবাহ দিতে তাঁহারা বদ্ধপরিকর।

হরিহর তেসরা তারিখের মধ্যে যা সারাইবার জন্ত উঠিয়া পড়িয়া লাগিলেন। ‘বুড়ির গোপান’ প্রভৃতি ভাষাতে ঔষধ প্রয়োগ করিয়াও যা সারিল না। পায়ের বুড়ো আঙুলের যা সারা সহজ কথা নয়; বিশেষত মেয়েরা খালি পায়ে থাকে, চলিতে ফিরিতে পায়ে হৌচট লাগে, আরোগ্যোন্মুখ যা আবার আউরাইয়া উঠে। তেসরা শ্রাবণ তো এমন অবস্থা হইল যে, শৈলকে শয্যা লইতে হইল। আঙুলের যা বারবার অত্যন্ত আঘাত পাইয়া বিবাহিয়া উঠিয়াছে।

বিবাহের সম্বন্ধ ভাঙিয়া গেল।

শৈলর যা কিন্তু তবু সারে না, মাঝে মাঝে একটু উন্নতি হয়, আবার বাড়িয়া যায়। সারা শ্রাবণ মাসটাই এইভাবে কাটিল। হরিহর ঔষধ প্রয়োগ করিতে করিতে ক্লান্ত হইয়া পড়িলেন। মেয়ে শুকাইয়া এতটুকু হইয়া গেল। হৈমবতীর মাদের-প্রাণ আকুলি-বিহুলি করিতেছিল, শেষে আর থাকিতে না পারিয়া তিনি স্বামীকে বলিলেন,—‘ওগো, যা তো কিছুতেই সারছে না; শেষে কি মেয়েটা জন্মের মত খোঁড়া হয়ে যাবে!—একবার ঐ ডাক্তার ছেলেটিকে খবর দিলে হয় না?’

• হরিহর অনেকক্ষণ মেরুদণ্ড শক্ত করিয়া বসিয়া রহিলেন; তারপর সংক্ষেপে বলিলেন—‘বেশ, খবর পাঠাও।’

খবর পাইয়া অজয় ডাক্তার তৎক্ষণাৎ আসিল। হরিহর কোনও কথা না বলিয়া তাহাকে ভিতরে লইয়া গেলেন; শৈল দালানের মেঝেয় বসিয়া ছিল, নীরবে আহার পায়ের দিকে অঙ্গুলি নির্দেশ করিলেন। অজয় শৈলর পায়ের বন্ধন খুলিয়া ক্ষত পরীক্ষা করিল; শৈল পাশের দিকে মুখ ফিরাইয়া নতনজ্জেরে বসিয়া রহিল।

এতটুকু আইবুড়ো মেয়েকে সন্মম দেখানো অজয়ের অভাগস নাই ; সে স্থানটি টিপিতে, টিপিতে হাসিমুখে জিজ্ঞাসা করিল,—‘কি খুকি, লাগছে ?’

শৈলর মুখ একটু বিবর্ণ হইল ; একবার অধর দংশন করিয়া সে তেমনি পাশের দিকে মুখ ফিরাইয়া রহিল, কেবল মাথা নাড়িয়া জানাইল—না।

অজয় তখন হাইড্রোজেন পেরকসাইড দিয়া ক্ষুণ্ণ, ধোত করিল, তারপর তাহাতে টিকার আয়োডিন ঢালিতে ঢালিতে মুচকি হাসিয়া বলিল,—‘এবার জালা করছে তো ?’

শৈল এবারও মাথা নাড়িয়া জানাইল—না। তাহার মুখখানি কিন্তু আরও একটু পাংশু দেখাইল।

মলম লাগাইয়া ভাল করিয়া পা ব্যাণ্ডেজ করিয়া অজয় উঠিয়া দাঁড়াইল, হরিহরকে বলিল,—‘তিন দিন পরে ব্যাণ্ডেজ খুলবেন, বোধহয় ততদিন শুকিয়ে যাবে। বেশি নড়াচড়া কিন্তু বারণ। খুকি, দৌড়োদৌড়ি কোরো না।’

‘এবার শৈলর মুখের বিবর্ণতা ভেদ করিয়া একটু অরুণাভা দেখা দিল। সে নীরবে একবার অজয়ের দিকে আশ্রিত দৃষ্টি হানিয়া আবার মাথা হেঁট করিল। অজয়ের হঠাৎ মনে হইল মেয়েটাকে সে যতটা খুকী মনে করিয়াছিল বোধহয় ততটা খুকী নয়। সে একটু অপ্রস্তুত হইল।

বাহিরের ঘরে ফিরিয়া আসিয়া হরিহর ট্যাক হইতে দুটি টাকা বাহির করিয়া অজয়কে দিতে গেলেন, অজয় হাত জোড় করিয়া প্রত্যাখ্যান করিল,—‘আমরা দুজনেই ডাক্তার। আপনার কাছ থেকে টাকা নিতে পারি না।’ ধীর পর্যন্ত গিয়া সে ফিরিয়া আসিল—‘একটা কথা এতদিন বলবার সাহস হয়নি, যদি অল্পমতি দেন তো বলি।’

হরিহর ঘাড় নাড়িয়া অল্পমতি দিলেন, অজয় তখন বলিল,—‘আমার মা অনেক দিন থেকে অসুস্থে ভুগছেন। কিন্তু তিনি বিধবা মানুষ, ডাক্তারী গুণে খেতে চান না ; তা ছাড়া আমার গুণে কাজও কিছু হচ্ছে না। এখন আপনি যদি ব্যবস্থা করেন।’

হরিহরের মনের গ্লানি অনেকটা কাটিয়া গেল ; তিনি বৃথিলেন অজয় তাঁহাকে শ্রুণী করিয়া রাখিতে চায় না। বলিলেন,—‘বেশ, আজ বিকেলে আমি তোমার বাড়ি যাব।’

বৈকালে অজয়ের মাকে পরীক্ষা করিয়া হরিহর গুণধের ব্যবস্থা দিলেন—

পাচন, গুলি ও অবলেহ। ঔষধ ব্যবহারের বিধি বুঝাইয়া দিয়া বলিলেন,—‘এক হপ্তা এই চলুক, আশা করি দোষটা কেটে যাবে।’

তিন দিনের দিন শৈলর ব্যাশ্বেজ খুলিয়া দেখা গেল ঘা শুকাইয়া গিয়াছে। ওদিকে অজয়ের মা সপ্তাহকাল ঔষধ সেবন করিয়া দিব্য চাক্ষা হইয়া উঠিলেন।

এইরূপে দুই-পয়সার মধ্যে প্রথম স্বার্থ-সংঘাতের উদ্ভা অনেকটা প্রশমিত হইল, হয়তো পরস্পরের প্রতি একটু শ্রদ্ধাও জন্মিল; কিন্তু উহা বেশিদূর অগ্রসর হইতে পাইল না। স্বার্থের ঠোকাঠুকি যেখানে নিত নৈমিত্তিক, সেখানে আন্তরিক ঘনিষ্ঠতা হওয়া বড়ই কঠিন। হরিহর ও অজয়ের সম্পর্ক দৈতো হাসি ও মিষ্ট কথার পর্যায়ে উঠিয়া আটকাইয়া রহিল।

এদিকে শ্রাবণ মাস ফুরাইয়া ভাদ্র মাস আরম্ভ হইয়াছে। শৈলর শরীরও সারিয়াছে। মাঝে আর দুটি মাস বাকি, অল্পান মাসে মেয়ের বিয়ে দিতেই হইবে। হরিহর আবার সবেগে তত্ত্ব-তল্লাস আরম্ভ করিয়া দিলেন।

কাতিক মাসের শেষে একটি পাত্র পাওয়া গেল, হরিহর আর বিলম্ব না করিয়া দিন স্থির করিয়া ফেলিলেন। পাত্রটি এবার অবশ্য তেমন মনের মত হইল না, হরিহর যাহা চান তাহার আট আনা মাত্র। কিন্তু উপায় কি। মেয়ের বোল বছর বয়স পূর্ণ হইতে চলিল, আর বিলম্ব করা চলে না। আবার বাড়িতে বিবাহের উল্গোগ-আয়োজ্ঞ আরম্ভ হইল।

বিবাহের সাত দিন আগে, দুপুরবেলা হরিহরের উঠানে প্রকাণ্ড উনানের উপর প্রকাণ্ড মাটির হাঁড়িতে কোনও একটি রসায়ন তৈয়ার হইতেছিল। এরূপ ককিরাঙ্গী ঔষধ নিত্যই বাড়িতে তৈয়ার হয়। শৈল একলা দাঁড়াইয়া হাঁড়িতে কাটি দিতেছিল। বহু গাছগাছড়া ও গুড়ের মত একটি বস্তু একত্র মিশ্র হইয়া বেশ একটি স্বর্ণাভ গাঢ় পদার্থে পরিণত হইয়াছে, বড় বড় বুদ্ধ উদ্গীর্ণ করিয়া টগ-বগ করিয়া ফুটিতেছে।

উঠানে কেহ কোথাও নাই, শৈল একাকিনী দাঁড়াইয়া হাতা নাড়িতেছিল এবং মাঝে মাঝে এক হাতা তুলিয়া জ্বাবার হাঁড়ির মধ্যে ছাড়িয়া দিয়া দেখিতেছিল কতখানি গাঢ় হইয়াছে। শীতের রোদ্দ তেমন কড়া নয়, কিন্তু আগুনের আঁচে তাহার মুখখানি রাঙা হইয়া উঠিয়াছিল। আর, নরম ঠোঁটে একটুখানি গোপন মিষ্ট হাসি ক্রীড়া করিতেছিল।

এক হাতা ফুটন্ত পদার্থ তুলিয়া লইয়া শৈল সন্তর্পণে চারিদিকে তাকাইল।

কেহ নাই; মায়ের ঘরের দরজা খোলা রহিয়াছে বটে, কিন্তু তিনি এখন কাঁথা মুড়ি দিয়া একটু ঘুমাইয়া লইতেছেন। শৈল জুমিষ্ট হাসিতে হাসিতে নিজের বা হাতের কজির উপর ফুটন্ত হাতা উপড় করিয়া দিল।

একটা চাপা চীৎকার—! কিন্তু শৈল চীৎকার করে নাই, চীৎকার আসিল ঘরের ভিতর হইতে। হৈমবতী ছুটিতে ছুটিতে বাহির হইয়া আসিলেন। তাহার আর্তোক্তিতে শৈলর বোধ হয় হাত কাঁপিয়া গিয়াছিল, সবটা পদার্থ তাহার কজিতে না পড়িয়া মাটিতে পড়িল।

আগুনখাকীর মত হৈমবতী আসিয়া মেয়ের সম্মুখে দাঁড়াইলেন; তাহার বিস্ফারিত চক্ষুর সম্মুখে শৈল চক্ষু নত করিয়া রহিল। হৈমবতী ঘেঁ সমস্তই দেখিয়াছেন, তাহাতে সন্দেহ নাই; তিনি সহসা কথা খুঁজিয়া পাইলেন না, বল্লারে বাষ্পাধিক্য ঘটিলে যেরূপ শব্দ করিয়া বাষ্প বাহির হয় তিনি সেইরূপ ঘন ঘন নিশ্বাস ফেলিতে লাগিলেন।

তারপর তিনি সহসা শৈলর একটা হাত চাপিয়া ধরিয়া তাহাকে ঘরের দিকে টানিয়া লইয়া চলিলেন। ঘরে গিয়া দ্বার বন্ধ করিয়া শৈলকে খাটে বসাইলেন, একটি তালের পাখা শক্ত করিয়া হাতে ধরিয়া বলিলেন,—‘ইচ্ছে করে গায়ে ঘটি ফেলেছিলি। আবার হাত পুড়িয়েছিস। হারামজাদি, কি চাস তুই বল।’

শৈল উত্তর না দিয়া মায়ের কোলের মধ্যে মাথা গুঁজিল; জ্রুদ্ধা হৈমবতী তাহার পিঠে পাখার এক ঘা বসাইয়া দিলেন।

অতঃপর মাতা ও কন্যার মধ্যে কি হইল তাহা আমরা জানি না। আধঘণ্টা পরে হৈমবতী ঘর হইতে বাহির হইয়া আসিলেন এবং স্বামীর ঘরে গিয়া দ্বার বন্ধ করিলেন।

সন্ধ্যাবেলা হরিহর অজ্ঞয়ের বাড়ি গেলেন। অজ্ঞয় রোগী দেখিতে বাহির হইতেছিল, তাহাকে বলিলেন,—‘তুমি একবার শৈলিকে দেখে যেও, সে আবার হাত পুড়িয়ে ফেলেছে।’

অজ্ঞয় চলিয়া গেল। তখন হরিহর অনেকক্ষণ ধরিয়া তাহার মাতার সহিত কথা কহিলেন।

ইহার পর হলুদপুরের রোগীরা লক্ষ্য করিল, দুই প্রতিদ্বন্দ্বী চিকিৎসকের মধ্যে একটা আশ্চর্য রকমের রফা হইয়া গিয়াছে। অজ্ঞয় রোগীকে বলে—‘আপনার রোগ ক্রমিক হয়ে দাঁড়িয়েছে, আপনি বরং কবিরাজ মশায়কে দেখান।’ হরিহর

নিজের রোগীকে বলেন,—‘তোমার দেখছি চেয়া-কাঁড়ার ব্যাপার আছে; তুমি বাপু অজয়ের কাছে যাও।’

কথাটা এখনও প্রকাশ হয় নাই; কিন্তু অজয়ের সহিত শৈলর বিবাহ স্থির হইয়া গিয়াছে। আগামী মাঘ মাসে বিবাহ। আশা করা যাইতেছে, এবার আর কোনও রকম দুর্ঘটনা ঘটিবে না, সেকালিনী মেয়ে শৈলর বিবাহ নিবিঘ্নেই সম্পন্ন হইবে।

এপিঠ ওপিঠ

তরুণ আই-নি-এস্ সুখেন্দু গুপ্ত প্রেমে পড়িয়াছে; তাহার ইচ্ছাতেই ক্রমে-আঁটা মজবুত হৃদয় নড়বড়ে হইয়া গিয়াছে।

শুধু প্রেমে পড়িলে দুঃখ ছিল না; কিন্তু এই চিন্তাবিকারের সঙ্গে সঙ্গে আর এক উপসর্গ জুটিয়াছে। বিলাতে থাকাকালীন সে ডুবিয়া ডুবিয়া কয়েক টোক জল খাইয়াছিল, সেই অমৃত্যুতাপের জ্বালা আজ তাহার হৃদয় দগ্ধ করিতেছে।

সুখেন্দু ছেলে খারাপ নয়। তবে, মুনীনাথ মতিভ্রমঃ, অতিবড় সাধু ব্যক্তিরও মাঝে মাঝে পাঁ পিছলাইয়া যায়। বিশেষত বিলাতের পথঘাট একটু বেশি পিছল; তাই সুখেন্দুর পদস্থলনকে আমাদের উদার-চর্চা দেখিতে হইবে। আমাদের একটা বদঅভ্যাস আছে, ঐ জাতীয় ক্রটিকে আমরা একটু বড় করিয়া দেখি এবং ক্রমাগত সেইদিকে অঙ্গুলি-নির্দেশ করিতে থাকি। ঐহারা বিলাত ঘুরিয়া আসিয়াছেন তাঁহারা কিন্তু এ বিষয়ে ঢের বেশি সংস্কার-মুক্ত।

যাহোক, সুখেন্দুর মনস্তাপ যে আন্তরিক তাহাতে সন্দেহ নাই। বিলাত হইতে সে গোটা হৃদয় লইয়াই দেশে ফিরিয়াছিল। তারপর তিন বছর কাটিয়াছে; হৃদয় কোনও গোলমাল করে নাই। বাংলাদেশের এক মহকুমায় সগৌরবে রাজত্ব করিতে করিতে অল্প এক মহকুমায় বদলি হওয়া উপলক্ষে কিছুদিনের ছুটি পাইয়া সে কলিকাতায় আসিয়াছিল। এখানে আসিয়াই তাহার হৃদয় হঠাৎ জ্বালাতিলে পড়িয়া গিয়াছে।

যুবতীটির নাম এনা; বাংলা সরকারের একজন মহামান্য অফিসারের

কল্প।' বয়স কুড়ি হইতে বাইশের মধ্যে—তরী, রূপসী, কুহকময়ী—এণা সত্যই স্নানজ্ঞা। সে গভর্নরের পার্টিতে বল্‌নাচ 'নাচিতে পারে, কিন্তু তাহার ব্যবহারে কোথাও প্রগল্ভতার ইসাফা পর্যন্ত নাই; কথা-বার্তায় সে পরম নিপুণ, কিন্তু তাহার প্রকৃতিটি বড় মোলায়েম; সে ইংরেজিতে রসিকতা করিতে পারে, আবার বিজ্ঞাপতি-চণ্ডীদাসের পুস্তকগী গাঁহিয়া চিত্তহরণ করিতেও জানে। দর্পণে সে যে-দেহটি দেখিতে পায় 'জাহা যৌবনের অকলঙ্ক লাভেণ্যে বলমল, কিন্তু দর্পণে যাহা দেখিতে পাওয়া যায় না সেই অন্তরটিকে ত নিবিড় রহস্তের জালে ছায়ায় হইয়া আছে তাহা কে অনুমান করিবে?

প্রথম দৃষ্টি-বিনিময়ের সঙ্গে সঙ্গেই স্বথেন্দু ঘাড় মুচড়াইয়া পড়িয়াছিল, তাহার আর কোনও আশা ছিল না। ওদিকে অপর পক্ষও একেবারে অনাহত অবস্থায় আত্মরক্ষা করিতে পারে নাই। স্বথেন্দু অতি সুপুরুষ এবং অত্যন্ত স্মার্ট; কোনও দিক দিয়াই তাহার যোগ্যতায় এতটুকু খুঁত ছিল না। তাই অন্তরের গহন বনে এণাও বিলক্ষণ ঘা খাইয়াছিল।

তারপর আলাপ যত ঘনিষ্ঠ হইয়া উঠিতে লাগিল, ছ'জনের মধ্যে আকর্ষণও তেমনি দুনিবার হইয়া উঠিল। মুখের কথা যখন সাধারণ আলোচনায় ব্যাপ্ত থাকে, চোখের ভাষা তখন আকাজক্ষায় তুহিত হইয়া উঠে। চোখের ভাষা নীরব হইলে কি হইবে, উহা বুঝিতে কাহারও বিলম্ব হয় না। স্বথেন্দু দেখিতে পায়, এণার নরম চোখ দুটি মিনতিভরা উৎকণ্ঠায় তাহার স্বীকারোক্তির প্রতীক্ষা করিয়া আছে; এণা দেখে, স্বথেন্দুর চোঁটের কাছে কথাগুলি কাঁপিতেছে, কিন্তু তাহারা আবেগের বোধনহারা প্রাচীন বাহির হইয়া আসে না। লগ্নভ্রষ্ট হইয়া যায়। স্বথেন্দু বিরসমুখে অল্প কথা পাড়ে।

এইভাবে কয়েকটা অন্তর্গত অগ্নিগর্ভ দিন কাটিয়া গেল, স্বথেন্দুর ছুটি ফুরাইয়া আসিল।

আর সময় নাই; দুদিন পরেই তাহাকে কর্মস্থলে ফিরিয়া যাইতে হইবে। অথচ যে কথাটি বলিবার জন্ম তাহার অন্তরাঙ্গা আকুলি-বিকুলি করিতেছে, তাহা সে কিছুতেই বলিতে পারিতেছে না। তাহার হৃদয় মন্থন করিয়া অহুতাপের হলাহল বাহির হইয়াছে। ষতবার সে বলিবার জন্ম মুখ খুলিয়াছে ততবার বিবেক আদিয়া তাহার গলা টিপিয়া ধরিয়াছে।

গ্র্যাণ্ড হোটেলে নিজের কক্ষে উদ্ভ্রান্তভাবে পায়চারি করিতে করিতে স্বথেন্দু ভাবিতেছিল, "কী করি! আমি জানি ও আমাকে চায়—কিন্তু—ওকে

ঠকাবো? না না, অনাভ্রাত ফুলের মত ওধ মন, অনাবিক্ত রত্নের মত ওধ দেহ। আর আমি! না—কিছুতেই না।”

মন স্থির করিয়া স্তুথেন্দু চিঠি লিখিতে বসিল। মুখে যাহা ফুটি-ফুটি করিয়াও ফোটে না, কাগজে কলমে তাহা ভালই ফোটে।

“—আমি তোমাকে ভালবাসি।

“একথা জানতে তোমার বাকি নেই। আমিও তোমার চোখের নীরব বার্তা পেয়েছি, বুঝতে পেরেছি তোমার মন। কিন্তু তবু মুখ ফুটে তোমার কাছে বিয়ের প্রস্তাব করতে পারিনি। আমার অপরাধী মন কুণ্ঠায় নীরব থেকেছে।

“তোমাকে আমি ঠকাতে পারব না। যা কোনও দিন কারুর কাছে স্বীকার করিনি, আজ তোমাকে জানাচ্ছি। বিলেতে যখন ছিলুম, তখন একেবারে নিষ্কলঙ্ক জীবন যাপন করতে পারিনি। কিন্তু তখন তো তোমাকে চিনতুম না। ভাবিও নি যে তোমার দেখা পাব।

“ক্ষমা করতে পারবে না কি? শুনেছি ভালবাসা সব অপরাধ ক্ষমা করতে পারে। যদি ক্ষমা করতে পারো, চিঠির জবাব দিও। যদি না পারো—বিদায়। আমার হৃদয় চিরদিন তোমারই থাকবে।”

চিঠি ভাকে পাঠাইয়া দিয়া স্তুথেন্দু হোটেলেই বসিয়া রহিল; সেদিন আর কোথাও বাহির হইতে পারিল না।

পরদিন বিকালে চিঠির উত্তর আসিল।

“—তুমি এসো—শীগগির এসো। দু’দিন তোমাকে দেখিনি।

“তুমি তোমার মনের গোপন কথা বলতে পেরেছ—তাতে আমারও মনের রুদ্ধ কবাট আজ খুলে গেছে। আজ আর আমার লজ্জা নেই; নিজের মন দিয়ে বুঝেছি, ভালবাসা সব অপরাধ ক্ষমা করতে পারে।

“আমিও জীবনে একবার ভুল করেছি। কিন্তু আজ তা মনে হচ্ছে কোন জন্মান্তরের দুঃস্বপ্ন।

“তুমি লিখেছ তুমি আমাকে ঠকাতে পারবে না। আমিও পাবলুম কৈ? আর ক্ষমা! তুমি এসো—তখন ক্ষমার কথা হবে।”

*

*

*

*

উষ্ণ নিশ্বাস ফেলিতে ফেলিতে মেল ট্রেন রাত্রির অন্ধকারে ছুটিয়া চলিয়াছে।

একটি প্রথম শ্রেণীর কামরায় স্নেহু নিজের বাঘে শুইয়া একদৃষ্টে আলোর পানে তাকাইয়া আছে; নির্বাপিত পাইপটা ঠোঁটের কোণ হইতে ঝুলিতেছে।

গভীর রাত্রি; কামরায় আর কেহ নাই।

স্নেহু পাইপটা বালিশের তলায় রাখিয়া স্নইচ্ টিপিয়া আলো নিবাইয়া দিল; তারপর যেন অন্ধকারকে উদ্দেশ্য করিয়াই বলিল, “বাপ! খুব বেঁচে গেছি!”

সন্দেহজনক ব্যাপার

মন্মথ নামক যুবককে প্রেমিক বলিব কিংবা কুচক্রী হত্যাকাশী বলিব, তাহা ঠিক বুঝিতে পারিতেছি না। সে পুঁটু ওরফে তমাললতা দেবীর প্রেমে পড়িয়াছিল তাহাতে সন্দেহ নাই; উপরন্তু পুঁটুর পিতামহ রামদয়ালবাবু যে মন্মথের হাতে পড়িয়াই প্রাণ হারাইয়াছিলেন তাহা এক প্রকার স্বতঃসিদ্ধ। মোটিভ অর্থাৎ ছরভিসন্ধি যে তাহার পুরামাতায় ছিল তাহাও এখন প্রমাণ হইয়া গিয়াছে। পুঁটুর সহিত সে বিবাহের সমস্ত ব্যবস্থা ঠিক করিয়া ফেলিয়াছে।

এরূপ অবস্থায় পাঠক যদি পুলিশে খবর দেন তাহা হইলে অন্তত আমার দিক হইতে কোনও আপত্তি হইবে না।

মন্মথ যে আদর্শ বাঙালী যুবক নয় তাহার প্রমাণ,—সে কুড়ি বছর বয়স হইতে শেয়ার মার্কেটে বেচা-কেনা করিয়া টাকা উপার্জন করিতে আরম্ভ করিয়াছিল; এবং পঁচিশ বৎসর হইতে না হইতেই স্বাবলম্বী, ফন্দিবাজ ও মানবচরিত্রে অভিজ্ঞ হইয়া উঠিয়াছিল; আমরা সকলেই বুঝিতে পারিয়া-ছিলাম যে স্বার্থসিদ্ধি জগৎ তাহার অসাধ্য কাজ নাই। স্তত্রাং মধ্যমনারায়ণ-ঘটিত ব্যাপারটা তাহার স্বেচ্ছাকৃত কি না তাহা লইয়া কোনও প্রশ্নই উঠিতে পারে না।

আসামী পক্ষের উকিল হয়তো প্রমাণ করিবার চেষ্টা করিবে যে মন্মথ ভ্রমক্রমে এই কার্য করিয়াছিল, কিন্তু আসামীর উকিলের কথা কতদূর বিশ্বাস-যোগ্য তাহা আমরা সকলেই জানি।

যা হোক, এখন মামলার হাল বয়ান করা দরকার।

রামদয়ালবাবুর বয়স হইয়াছিল পঁয়ষট্টি বৎসর এবং তাঁহার টাকা ছিল পঁয়ষট্টি লাখ। কথাটা অবিশ্বাস্য—তবু সত্য। তাঁহার পঞ্চাশ বৎসর বয়ঃক্রম-কালে, পুঁটু ব্যতীত আর সকল আত্মীয়-স্বজন পুত্র-পৌত্র মরিয়া গিয়াছিল। এই সকল পুত্র-পৌত্র যে তাঁহার সহিত বেইমানি করিবার উদ্দেশ্যেই মরিয়া গিয়াছে তাহা বুঝিতে পারিয়া রামদয়াল অতিশয় ক্রুদ্ধ হইয়া উঠিয়াছিলেন এবং উহাদের মঙ্গল দেখাইবার জন্তই প্রাণপণে শেয়ার মার্কেটে টাকা উড়াইতে লাগিয়া গিয়াছিলেন। টাকা কিন্তু উড়িল না; ফলে গত পনের বছরের মধ্যে পঁয়ষট্টি লাখ টাকা তাঁহার ব্যাঙ্কে সঞ্চিত হইয়াছিল।

কিন্তু বাঙালী হইয়া এত টাকা রোজগার করিলে ভগবান তাহা সহ্য করিতে পারেন না; রামদয়ালকে আপাদমস্তক রোগে ধরিয়াছিল। অর্থাৎ তাঁহার পায়ে ধরিয়াছিল বাত, এবং মস্তকে রক্তের চাপ বাড়িয়া মাথা ঘুরিতে আরম্ভ করিয়াছিল। তা ছাড়া চোখেও ছানি পড়িয়াছিল, ভাল দেখিতে পাইতেন না।

রামদয়াল সাবেক লোক, কবিরাজী চিকিৎসা করাইতেছিলেন। মস্তকের রক্ত-চাপ কমাইবার জন্ত স্নান তৈল মধ্যমনারায়ণ তৈল সর্বদা মস্তকে মাখিতেন। পদদ্বয়ের বাত-বেদনা অপনোদনের জন্ত মহাতেজস্কর মহামাস তৈল বিমর্দিত করাইতেন, এবং দুই চক্ষুতে ভেবজগুণাক্রান্ত কোনও বৃক্ষের রস দিয়া চক্ষু বন্ধনপূর্বক ধূতরাষ্ট্র সাজিয়া বসিয়া থাকিতেন। তাঁহার সর্বাঙ্গ হইতে গন্ধ-গোকুলের ত্রায় সুরভি নির্গত হইতে থাকিত।

একদা প্রাতঃকালে রামদয়াল নিজ বৈঠকখানায় বসিয়া শটকা টানিতেছিলেন, এমন সময় মন্মথ সেখানে গিয়া উপস্থিত হইল। অধিক বাকাব্যয় না করিয়া সে কাজের কথা পাড়িল। ধূতরাষ্ট্ররূপী রামদয়ালকে বলিল, “শুনৈছি আপনার কাছে এক হাজার ‘গিরি গোবর্ধন’ শেয়ার আছে। বেচে ফেলুন, আমি এক টাকা প্রিমিয়াম্ দিয়ে কিনে নিতে রাজি আছি।”

রামদয়াল বলিলেন, “তুমি কে হে বাপু?”

“আমার নাম মন্মথ মজুমদার। যদি সংপরামর্শ চান, এই বেলা গিরি-গোবর্ধন বেচে ফেলুন; নইলে আপনারই বুক চেপে বসবে।”

রামদয়াল হাঁকিলেন, “পরশুরাম!”

ভিতর দিকের পর্দা সরাইয়া একটি তরুণীর মুখ দেখা গেল; পুঁটু বলিল, “কি বলছ দাছ? পরশুরাম কবিরাজের বাড়ি গেছে।”

রামদয়াল বলিলেন, “বেশ, তুমিই এসো। এই খেঁয়াদব লোকটাকে কান ধরে বার করে দাও।”

পুঁটু ঘরে প্রবেশ করিল; মন্থ ও পুঁটুর দৃষ্টিবিনিময় হইল। মন্থ একটু হাসিল, পুঁটু একটু লাল হইল।

মন্থ খাটো গলায় পুঁটুকে বলিল, “এই যে কান—ধরুন।”

পুঁটু লজ্জা পাইয়া চুপি চুপি বলিল, “দাছ রেগেছেন। এখনই ব্লাডপ্রেসার বেড়ে যাবে। আপনি যান।”

রামদয়াল জিজ্ঞাসা করিলেন, “কান ধরেছ?”

পুঁটু হাসিয়া ফেলিয়া বলিল, “ধরেছি।”

রামদয়াল বলিলেন, “বেশ, এবার বার করে দাও। ফের যদি এ বাড়িতে মাথা গলায়, জুতো-পেটা করব।”

পুঁটু ও মন্থ পাশাপাশি বাহিরের দিকে প্রস্থান করিল। মন্থের মুখ কৌতুকে চটুল, পুঁটুর গাল দুইটি লজ্জায় অরুণাভ।

বাহিরে আসিয়া মন্থ জিজ্ঞাসা করিল, “আপনার নাম কি?”

পুঁটু বলিল, “পুঁ—মানে তমাললতা।”

মন্থ বলিল, “আজ বিকেলবেলা আমি আসব। ‘গিরি-গোবর্ধন’ বিক্রি করে ফেলা যে একান্ত দরকার, এ কথা আপনাকে বুঝিয়ে দেব।”

অতঃপর পাদুকা-প্রহারের সস্তাবনা সম্পূর্ণ অগ্রাহ্য করিয়া মন্থ প্রত্যহ সকাল-বিকাল রামদয়ালের বাড়িতে যাতায়াত করিতে লাগিল।

এই ভাবে মাসাধিক কাল কাটিয়া গেল। রামদয়াল চক্ষু ফেট্টা বাঁধিয়া, মশুকে ঠাণ্ডা তৈল ও পদদ্বয়ে গরম তৈল মালিশ করাইতে লাগিলেন। তাঁহার পারিবারিক জীবনে ও পুঁটুর অন্তর্লোকে যে গুরুতর জটিলতার সৃষ্টি হইয়াছে তাহা জানিতেও পারিলেন না।

একদিন মন্থ পুঁটুকে বলিল, “পুঁটু, গিরি-গোবর্ধন শেয়ার আমার চাই; কারণ, তোমাকে বিয়ে করা আমার একান্ত প্রয়োজন।”

পুঁটু নড়িয়া-চড়িয়া বলিল, দাঁত দিয়া ঠোঁট কামড়াইল, তারপর বলিল, “দাছ তোমার নাম শুনেলে জলে যান।”

মন্থ বলিল, “এর একটা বিহিত করা দরকার। তোমাকে বিয়ে করা এবং গিরি-গোবর্ধন শেয়ার হস্তগত করা আমার জীবনের একমাত্র উদ্দেশ্য।”

পুঁটু বলিল, “হুমানপুরের রাজবাড়িতে স্বামীর বিয়ে ঠিক হয়ে গেছে।”
মন্মথ বলিল, “হুমানপুরকে কলা দেখাব। এসো, দুজনে ঘড়যন্ত্র করি।”
তখন উভয়ে গভীর ঘড়যন্ত্রে লিপ্ত হইল।

পরশুরাম নামক ভৃত্য রামদয়ালবাবুর মস্তকে ও পদদ্বয়ে তৈল মাশিশ করিত। সে হঠাৎ একমাসের ছুটি লইয়া রুগুণা স্ত্রীকে দেখিতে দেশে চলিয়া গেল। তাহার স্থানে যে ভৃত্য নিযুক্ত করিয়া গেল, তাহার নাম নসীরাম। নসীরামের অপর নাম মন্মথ।

নসীরাম অত্যন্ত মনোযোগসহকারে রামদয়ালকে তৈল মর্দন করিতে লাগিল। রামদয়াল সর্বদা চেরখে ফেট্টা বাঁধিয়া থাকিতেন না; মাঝে মাঝে খুলিতেন। নসীরামের চেহারা দেখিয়া তাহার পছন্দ হইল। ছোকরা লেখাপড়াও কিছু কিছু জানে; তাহাকে দিয়া তিনি শেয়ার মার্কেটের রিপোর্ট পড়াইয়া শুনিতেন। কিন্তু দুঃখের বিষয়, নসীরাম আসিয়া অবধি গিরি গোবর্ধন শেয়ারের দাম দিন দিন পড়িয়া যাইতেছে। মন্মথ মজুদার নামক বেয়াদব ছোকরার কান ধরিয়া তাড়াইয়া দেওয়ার জন্ত তিনি অমৃতাপ বোধ করিতে লাগিলেন। কিন্তু তিনি একগুঁয়ে লোক, শেয়ার বিক্রির কথা মুখে উচ্চারণ করিলেন না।

ওদিকে হুমানপুরের রাজবাড়িতে পুঁটুর বিবাহের কথা অনেক দূর অগ্রসর হইয়াছিল। কিন্তু হঠাৎ চিঠিপত্রের আদানপ্রদান একেবারে থামিয়া গেল। ইহার কারণ, রামদয়াল নসীরামকে চিঠি ডাকে ফেলিবার জন্ত দিতেন, নসীরাম তৎক্ষণাৎ তাহা ছিঁড়িয়া ফেলিত, এবং হুমানপুর হইতে যে সপ্ত পত্র আসিত পুঁটু তাহা নিবিকারচিত্তে আত্মসাৎ করিত।

কিন্তু তবু হুমানপুরকে ঠেকাইয়া রাখা গেল না। পঁয়ষট্টি লাখ টাকা রাজারাজড়ার পক্ষেও সামান্য নয়, বিশেষত যদি রাজার সমস্ত রাজস্ব মহাজনের কাছে বন্ধক থাকে।

একদিন হুমানপুরের এক দূত উপস্থিত হইল। সে জানাইল যে, রামদয়ালের পত্নীদি না পাইয়া মর্মান্বিত রাজা স্বয়ং কলিকাতায় আসিতেছেন; কল্যাণী কথাবার্তা পাকা করিয়া ফেলিতে চান। পত্নীদির ব্যাপার শুনিয়া রামদয়াল নসীরামের উপর অতিশয় সন্দেহান হইয়া উঠিলেন।

কিন্তু সেইদিনই দ্বিপ্রহরে তাহার সমস্ত সন্দেহ ভঞ্জন হইয়া গেল।

পুঁটু রামদয়ালের বুকের উপর কানিয়া পড়িয়া বলিল, “দাদু, আমি—
আমি হুমানপুরে বিয়ে করব না।”

রামদয়াল বলিলেন, “কী!”

পুঁটু ফুঁপাইতে ফুঁপাইতে বলিল, “আমি নসীরামকে বিয়ে করব।”

শুনিবামাত্র রামদয়ালের মাথায় রক্ত চড়িয়া গেল। তিনি একটি
হুংকার ছাড়িয়া ডাকিলেন, “নসীরাম!”

নসীরাম নিকটেই ছিল, বলিল, “আজ্ঞে, আমার নাম মন্থথ।”

রামদয়াল আর দ্বিধা না করিয়া অজ্ঞান হইয়া পড়িলেন।

নসীরাম ছুটিয়া গিয়া শিশি হইতে রামদয়ালের মাথায় তৈল ঢালিতে
আরম্ভ করিল। পুঁটু কি করিবে ভাবিয়া না পাইয়া, কানিতে কানিতে
তাহার পায়ে অঁত্র শিশির তৈল মালিশ করিতে লাগিল।

কবিরাজ আসিয়া দেখিলেন, অবস্থা সাংঘাতিক। ঔষধ উল্টা-পাল্টা হইয়া
গিয়াছে; অর্থাৎ পায়ে মধ্যমনারায়ণ ও মাথায় মহামাস মালিশ চলিতেছে।

এই সাংঘাতিক চিকিৎসা-বিভ্রাটের ফলে রামদয়াল সেই রাতেই পরলোক
যাত্রা করিলেন।

* * * *

পরদিন হুমানপুর উপস্থিত হইলে নসীরাম সর্দিনয়ে তাঁহাকে বলিল,
“আপনি আসিবেন শুনে রামদয়ালবাবু মারা গেছেন। এখন আপনি রাজস্ব
ফিরে যেতে পারেন।”

শ্রদ্ধ শেষ হইলে মন্থথ পুঁটুকে সাঙ্গনা দিয়া বলিল, “পুঁটু, দুঃখ ক’রোনা,
ভগবান যা করেন ভালর জ্ঞে। তিনি বেঁচে থাকলে হয়তো আমাদের
দুজনকেই খুন করতেন; কিংবা আমাকে খুন করে তোমাকে হুমানপুরের
সঙ্গে বিয়ে দিতেন। সেটা কি ভাল হ’ত? এদিকে দেখছ তো, গিরি-
গোবর্ধনের শেয়ার চড়চড় করে উঠছে। এখন অশৌচটা কেটে গেলেই...”

মন্থথকে পুলিশে দেওয়া যাইতে পারে কি না আপনারাই বিচার করিয়া
দেখুন। আর কিছু নয়, সে গিরি-গোবর্ধনের নাম করিয়া পঁয়ষট্টি লাখ টাকা
মারিয়া দিবে ইহাই অসহ বোধ হইতেছে।

বৃহৎ বিদ্বানি

বৌভাতের ভোজ শেষ হইয়া বাড়ির লোকের খাওয়া-দাওয়া চুকিতে রাত্রি নাড়ে এগারোটা বাজিয়া গেল। আজই আবার ফুলশয্যা।

ফাস্তন মাস;—অর্ধ-বিশ্বত সুদূর জনশ্রুতির মত বাতাসে এখনো শীতের আঁমছ লাগিয়া আছে। তে-তলার দক্ষিণ দিকের কোণের ঘরটাই নিখিলের শয়নকক্ষ—সেই ঘরেই আজ ফুলশয্যা হইবে। ঘরটি আগাগোড়া ফুল দিয়া সাজানো হইয়াছে। বিছানায় রাশি রাশি শাদা ফুল, মশারির চারিধারে ফুলের মালা লতার মত জড়াইয়া জড়াইয়া উঠিয়াছে। ঘরে দুটি ইলেকট্রিক বাতি আছে—একটা শাদা, অগুটাতে লাল বাল্ব। দুটিতেই ফুলের দল লালিতেছে।

শাদা আলোটা জালিয়া নিখিল দক্ষিণের খোলা জানালার পাশে আরাম-কেদারায় বসিয়া ছিল। চোখের সম্মুখে একটা খবরের কাগজ ধরা ছিল।—বাহির হইতে কেহ আসিয়া হঠাৎ দেখিলে মনে করিত সে বুঝি পড়ায় একেবারে ডুবিয়া গিয়াছে। কিন্তু যিনি রসিক, চক্ৰিশ বছর বয়সে একদা ফাগুনের রাতে যিনি নব-বধূর চরণ-ধ্বনির আশায় উৎকর্ণ হইয়া প্রতীক্ষা করিয়াছেন, তিনি নিখিলের মনের অবস্থা বুঝিবেন। চক্ষুই কাগজে নিবদ্ধ, কিন্তু মন?—হায়, চক্ৰিশ বছরের মন!

অধিকন্তু, বধূটি নিখিলের সম্পূর্ণ অপরিচিতা নয়; চোখে-চোখে হাসিতে হাসিতে একটু আলাপ বহুপূর্বেই হইয়া গিয়াছিল। তিন বছর আগে নিখিলের ছোট বোনের বিবাহের রাত্রে সে প্রথম ললিতাকে দেখিয়াছিল, সেই অবধি—

যে জিনিস তিন বছর ধরিয়া অগ্রহ কামনা করা যায়, পরিপূর্ণ প্রাপ্তির শুভলগ্ন যতই নিকটবর্তী হইতে থাকে, মুহূর্তগুলি ততই যেন অসহ্য বলিয়া মনে হয়। নিখিল কাগজ হইতে মুখ তুলিয়া জানালার বাহিরে তাকাইল; দখিনা বাতাস ক্রমেই যেন উন্মদ হইয়া উঠিতেছে, আর যেন শান্ত হইয়া থাকিতে পারিতেছে না। একটা পাপিয়ার কণ্ঠ পর্দায় পর্দায় উর্ধ্বে উঠিয়া রঙীন আতসবাজির মত ভাঙিয়া ঝরিয়া পড়িল। পিউ কাঁহা! পিউ কাঁহা! পিউ কাঁহা!

বারোটা বাজিল। ঝরের বাহিরে ফিস্‌ফিস্‌ গলার আওয়াজ ও চুড়ি-চাবির

মুহূর্ত কানে যাইতেই নিখিল সূচকিত ভাবে চোখ তুলিয়াই আবার সংবাদ-পত্রে নিবন্ধ করিল।

বড় বৌদিদি বধূর হাত ধরিয়া ঘরে প্রবেশ করিলেন; বলিলেন—‘এই নাও ভাই তোমার জিনিস।’

নিখিল কাগজ রাখিয়া উঠিয়া দাঁড়াইল। বড় বৌদিদি বয়সে তাহার জ্যেষ্ঠা; চিরদিনই নিখিল তাঁহাকে শ্রদ্ধা-সম্ভ্রম করিয়া চলে। সে নীরবে দাঁড়াইয়া রহিল।

বড় বৌদিদি হাসিয়া বধূর হাতটি নিখিলের হাতে ধরাইয়া দিয়া বলিলেন,—‘নাও। এবার আমি চললুম।—একটু সাবধানে কথাবার্তা কোয়ো কিন্তু। সবাই আড়ি পাতবার জন্তে ওৎ পেতে আছে।’ বলিয়া দরজা ভেজাইয়া দিয়া প্রস্থান করিলেন।

বাহিরে অনেকগুলি চাপা গুলার ফিস্‌ফিস্ ও তর্জন শুনা গেল—‘কেন তুমি বলে দিলে—’ বৌদিদি বলিলেন,—‘নে, আর ওদের জ্বালাতন করিস্ নি। অনেক রাত হয়ে গেছে; এখন যে-যার নিজের ঘরে গিয়ে ফুলশয্যা করগে যা।’

নিখিলের একটু দুর্ভাবনা হইল। বাড়িতে গুটি-চারেক নবীনা বৌদিদি আছেন, তাহারা রেয়াৎ করিবেন না; দুটি কনিষ্ঠা ভগিনী—না, তাহারাও আজ কোনো বাধা মানিবে না। তাছাড়া একটি পুত্রতাল্লিশ বছরের শিশু ভগিনীপতি আছেন, তিনি তো আগে হইতেই শাসাইয়া রাখিয়াছেন।

কিন্তু বধূর হাতটি নিখিলের মুঠির মধ্যে। ললিতা কস্তুরবক্ষে সন্নতনয়নে দাঁড়াইয়া আছে,—মাথার অনভ্যন্ত ঘোমটা খসিয়া পড়িতেছে। কপালে, ঠোঁটের উপরে বিন্দু বিন্দু ঘাম। তাহার টানাটানা চোখে কে সুরু করিয়া কাজল পরাইয়া দিয়াছে। অপূর্ব হর্ষাবেশে নিখিলের বুকের ভিতরটা ছুলিয়া উঠিল। এই নারীটি তাহার! সে ললিতার হাতে একটু টান দিয়া অক্ষুট স্বরে বলিল,—‘ললিতা!’

ললিতার চোখ দুটি একবার স্বামীর মুখের পানে উঠিয়াই আবার নামিয়া পড়িল; ঠোঁট দুটি একটু নড়িল,—‘আলো নিবিয়ে নাও।’

বধূর হাত ছাড়িয়া নিখিল উজ্জল আলোটা নিবাইয়া লাল আলো জালিয়া দিল। ঘরটি স্বপ্নময় হইয়া উঠিল। জানালা-পথে দখিনা বাতাস তখন আরো অশান্ত হইয়া উঠিয়াছে।

বধূর কাছে ফিরিয়া আসিতেই বধু একটু হাসিয়া খাটের নিচে আঙুল

দেখাইয়া দিল। নিখিল 'প্রথমটা বুঝিতে পারিল না, তারপর পা টিপিয়া টিপিয়া গিয়া খাটের নিচে উঁকি মারিল। খাটের নিচে বধূর ছুটা বড় বড় তোরঙ্গ ছিল, তাহাদের মাঝখানে একটি বড় পুঁটুলির মত বস্তু দেখিতে পাইল। টিপ করিয়া নিখিল পুঁটুলির গোলাকার স্থানটিতে প্রচণ্ড একটা চপেটাঘাত করিল। সঙ্গে সঙ্গে হামাগুড়ি দিয়া ভগিনীপতি বাহির হইয়া আসিলেন। 'উঃ, শালা বোম্বাই চড় জমিয়েছে রেণ! বলিতে বলিতে ক্ষতবেগে দরজা খুলিয়া পলায়ন করিলেন।

ললিতা হাসি চাপিতে না পারিয়া মুখে আঁচল দিল।

জামাইবাবুকে ঘরের বাহিরে খেদাইয়া দিয়া, দ্বারে খিল দিয়া নিখিল ঘরটা ভাল করিয়া তদারক করিল। ওয়ার্ডরোবের দরজা হঠাৎ খুলিয়া দেখিল ভিতরে কেহ আছে কিনা। আর কাহাকেও না পাইয়া সে নিশ্চিত হইয়া বলিল— 'আর কেউ নেই।'

ললিতার হাত ধরিয়া শয্যার পাশে লইয়া গিয়া বসাইল। ললিতার পা চলে চলে চলে না! ঐ পুষ্পাস্তীর্ণ শয্যাটি চিরজন্মের জন্ত তাহার—আর এই লোকটি—জীবনে মরণে সেও তাহার। তবু পা চলে না—পায়ে পায়ে জড়াইয়া যায়। হায় ষোল বছরের যৌবন! হায় প্রথম-প্রণয়-ভীতি!

বধূর পাশে বসিয়া নিখিল চুপিচুপি জিজ্ঞাসা করিল,— 'শুভদৃষ্টিগু সময় অমুন মুখ টিপে হেসেছিলে কেন বল তো?'

বাহিরের অশান্ত দখিনা বাতাসটা আর শাসন মানিল না—জ্বল করিয়া ঘরের মধ্যে ঢুকিয়া পড়িল। মশারি উড়াইয়া, আলনার কাপড়-চোপড় ছত্রাকার করিয়া, বধূর বসনাঞ্চল এলোমেলো করিয়া থবরের কাগজের কয়েকটা পাতা সঙ্গে লইয়া আকস্মিক দুরন্ত বিপ্লবের মত উত্তরের জানালা দিয়া বাহির হইয়া গেল!—বসন্তের মাতাল বাতাস—নাহি লজ্জা নাহি ত্রাস—আকাশে ছড়ায় অট্টহাস—

পাগলা বাতাসটা চলিয়া গেল—গোলাপী ছায়াময় ঘরটি আবার নিস্তব্ধ হইল। আলোটা দোলনার মত তুলিতে রহিল।

হৃদয়ের এই বিয়কারী উৎপাতে নিখিল মনে মনে একটু বিরক্ত হইল। বধূকে জিজ্ঞাসা করিল,— 'দক্ষিণের জানালাটা বন্ধ করে দেব নাকি?'

ললিতা মাথা নাড়িল,— 'না, থাক।'

নিখিল তখন ললিতার পাশে আরো একটু সরিয়া বসিয়া তাহাকে কাছে টানিয়া আনিয়া মুহূর্তে বলিল,—‘ললিতা!’

ললিতা তাহার বুকের উপর হাত রাখিয়া একটু ঠেলিয়া দিয়া বলিল,—‘ছাড়ো।’

নিখিল ডান হাতে তাহার চিবুক তুলিয়া ধরিয়া বলিল,—‘না, ছাড়বো না।’

এই সময় খুব নিকট হইতে ভারী গলায় কে বলিয়া উঠিল, ‘খবরদার।’

চমকিয়া নিখিল ললিতাকে ছাড়িয়া দিল, ললিতাও জড়সড় হইয়া সরিয়া বসিল।

নিখিল আবার ঘরের চারিদিক ঘুরিয়া দেখিল, খাটের তলাটা ভাল করিয়া পরীক্ষা করিল—কিন্তু কেহ কোথাও নাই। তবে কে কথা কহিল? গলাটা ইচ্ছা করিয়া বিকৃত করিয়াছে—এ জামাইবাবু না হইয়া যায় না। কিষা হয়ত সেজ বৌদিদি—তিনি পরের গলা চমৎকার নকল করিতে পারেন। কিন্তু যিনিই হোন—কোথায় তিনি? দুই জানালা দিয়া উকি মারিয়া দেখিল—কিন্তু সেখানে কাহাকেও চোখে পড়িল না। দরজায় কান পাতিয়া শুনি—কাহারো সাড়া-শব্দ নাই। ব্যর্থ হইয়া সে ফিরিয়া আসিয়া ললিতার পাশে বসিল।

ঠং করিয়া সাড়ে বারোটা বাজিল।

নিখিল বলিল,—‘বোধ হয় শোনবার ভুল—কিন্তু ঠিক মনে হল, কে যেন বললে—খবরদার। তুমি শুনেছিলে?’

ললিতা বুকে ঘাড় গুঁজিয়া চুপ করিয়া রহিল। সেও ‘খবরদার’ শুনিয়াছিল—লজ্জায় লাল হইয়া ভাবিতে লাগিল, নিশ্চয় কেহ দেখিয়া ফেলিয়াছে।

নিখিল আবার তাহাকে কাছে টানিয়া আনিয়া বলিল,—‘ও কিছু নয়।’

ললিতা তাহার হাত ছাড়াইয়া সরিয়া বসিয়া চাপা উৎকণ্ঠার স্বরে বলিল,—‘না না, এক্ষুনি কে দেখতে পাবে।’

নিখিল উঠিয়া গিয়া উত্তরের জানালাটা বন্ধ করিয়া দিল—সে দিকে ছাদ, স্তূতরাং আড়ি পাতিবার সুবিধা বেশি। দক্ষিণ দিক ফাঁকা—সেদিক হইতে কোনো ভয় নাই—তাই সে জানালাটা খোলাই রহিল।

‘এবার আর কোনো ভয় নেই’ বলিয়া অনেকটা নিশ্চিন্ত হইয়া নিখিল ললিতার পাশে আসিয়া বসিল। তাহার একটি হাত তুলিয়া লইয়া আঙুলের ডগায় একটা চুষন করিল। ললিতা হাত কাড়িয়া লইবার চেষ্টা করিল কিন্তু

পারিল না। নিখিল হাত ধরিয়া তাহাকে বুকের কাছে টানিয়া লইয়া বলিল,—
'ছষ্ট্র মি কোরো না, লক্ষী মেয়েটির মত একটি—' বলিয়া মুখের কাছে মুখ লইয়া
গেল। ললিতার তপ্তনিশ্বাস তাহার অধরে লাগিল।

ঠিক এই সময় তেমনি ভারী গলায়—'এই! ও কি হচ্ছে?'—

তড়াক করিয়া লাকাইয়া উঠিয়া নিখিল চারিদিকে চাহিল। শব্দটা কোন্
দিক হইতে আসিতেছে তাহা উৎকর্ণ হইয়া ধরিবার চেষ্টা করিল—কিন্তু আর
কোন শব্দ শুনা গেল না। নিখিলের মনে হইল শব্দটা ঘেন ঘরের ভিতর
হইতেই আসিতেছে—অথচ ঘরের ভিতর কেহ নাই, সে বেশ ভাল করিয়া
দেখিয়াছে।

'নিখিলের বড় রাগ হইল।' বার বার বাধা! কথা যে-ই বলুক, সে নিশ্চয়
তাহাদের কার্যকলাপ দেখিতে পাইতেছে—নচেৎ ঠিক ঐ সময়েই—

একটি মলক্কা বেতের লাঠি হাতে শক্ত করিয়া ধরিয়া নিখিল সম্ভরণে দ্বার
খুলিল—ইচ্ছাটা, সম্মুখে যাহাকে দেখিবে তাহাকেই এক ঘা বসাইয়া দিবে।
কিন্তু কা কস্ম পরিবেদনা! সেখানে কেহই নাই। তবু নিখিল বাহির হইল—
কে বজ্রাতি করিতেছে তাহাকে ধরিতেই হইবে; রনিক লোকটিকে আজ ভাল
করিয়া জঙ্গ করা চাই।

পনের মিনিট বাড়ির চারিদিকে ঘুরিয়া নিখিল হতাশ হইয়া ফিরিয়া
আসিল। বাড়ি নিশুতি—ঘরে ঘরে দ্বার বন্ধ। চাকর দানীয়া, পর্বস্ত সমস্ত-
দিনের ক্লান্তির পর যে যেখানে পাইয়াছে শুইয়া ঘুমাইয়া পড়িয়াছে। বৌদিদি
প্রভৃতির বোধ করি প্রথমে খানিকক্ষণ নিখিলের ঘরের আনাচে কানাচে ঘুরিয়া
'শেষে প্রবলতর আকর্ষণে স্ব স্ব শয়নকক্ষে প্রবেশ করিয়াছেন।

লাঠিটি ঘরের কোণে রাখিয়া দিয়া নিখিল বলিল,—'নাঃ, কাউকে দেখতে
পেলুম না, সবাই ঘুমিয়েছে।' সে আশ্চর্য ও উদ্ভিগ্ন হইয়া ভাবিতে লাগিল—
কি এ! ভৌতিক ব্যাপার? ভেটি লোকুইজ্জম?

ঘড়িতে একটা বাজিল।

তখন নিখিল আবার ললিতার হাতটি নিজের হাতের মধ্যে টানিয়া লইয়া
বসিল। *তারপর, কি ভাবিয়া উঠিয়া গিয়া দক্ষিণের জানালাটাও বন্ধ করিয়া
দিয়া আসিল।

ললিতা মুহূর্তে বলিল,—'শুয়ে পড়লে হত না?'

নিখিল কিন্তু এখনি ঘুমাইতে রাজি নয়। বধূর সহিত নব পরিচয়ের রাত্রি, যখন সবেমাত্র পরিচয়ের স্বত্রপাত হইয়াছে—তখন ঘুম!

নিখিল ললিতার কানের কাছে মুখ লইয়া গিয়া বলিল,—‘এখনি ঘুমবে? আচ্ছা, আগে একটা চুমু দাও, তারপর বিছানায় শুয়ে গল্প করব।’

‘আলো নিবিয়ে দাও।’

‘না—আলো থাক। ললিতা—’ বলিয়া ঠোঁটের কাছে ঠোঁট লইয়া গেল।

পুনরায় সেই গভীর স্বর—‘দাঁড়াও তো মজা দেখাচ্ছি।’

এবার নিখিলের মনটা সতর্ক ছিল। সে কিছুক্ষণ স্থির হইয়া রহিল, তারপর উঠিয়া গিয়া সুইচ টিপিল।

বড় আলোর আকস্মিক তীব্র দীপ্তিতে ঘর ভরিয়া যাইতেই কানিসের উপর হইতে শব্দ হইল,—‘রাধে কৃষ্ণ! রাধে কৃষ্ণ!’

কানিসের দিকে তাকাইয়া নিখিল হঠাৎ হো হো করিয়া হাসিয়া উঠিল। ললিতাও সেদিকে একবার তাকাইয়া বিছানায় উপুড় হইয়া পড়িয়া হাসিতে লাগিল।

একটা পাহাড়ী ময়না কানিসের উপর বসিয়া আছে এবং গভীরভাবে ঘাড় বাকাইয়া তাহাদের নিরীক্ষণ করিতেছে।

নিখিল হাসিতে হাসিতে গিয়া ললিতাকে বিছানা হইতে ধরিয়া তুলিল। ঘরের মাঝখানে দাঁড়াইয়া বধূকে শক্ত করিয়া বুকে জ্ঞড়াইয়া ধরিয়া পাখীটার দিকে কটাক্ষপাত করিয়া বলিল,—‘হতভাগা পাখী! বোধ হয় সেই ঝড়ের সময় কাকুর খাঁচা থেকে পালিয়ে ঘরে ঢুকেছিল। দাঁড়াও ওকে শায়েস্তা করছি।’

এক ঘর আলো—তাহার মাঝখানে স্বামীর একি কাণ্ড! ললিতা তাহার বাহুপাশ হইতে মুক্ত হইবার চেষ্টা করিতে করিতে বলিল,—‘ও কি কয়ছ! ছেড়ে দাও—আলো নিবিয়ে দাও।’

নিখিল বলিল,—‘না—ও বেটা পাখীকে আমি আজ দেখিয়ে দেব যে ওকে আমি গ্রাহ্য করি না। এ যে আমার নিজের স্ত্রী তা বেটাকে বুঝিয়ে দিতে হবে।’ বলিয়া ললিতার ঠোঁটে চোখে কপালে চার পাঁচটা চুষন করিল। ললিতাও বিবশা হইয়া স্বামীর বুকের উপর চক্ষু মুদ্রিয়া পড়িয়া রহিল।

পাখীটা বলিল—‘খবরদার! ও কি হচ্ছে! দাঁড়াও তো—’

নিখিল ললিতার নরম গলার মধ্যে মুখ গুঁজিয়া অর্ধরুদ্ধ স্বরে বলিল,—‘ললিতা, এবার তুমি একটা।’

ললিতার অবশ্য অর্ধে একটু সংজ্ঞা কিরিয়া আসিল। সে বলিল,—
‘আলো নিবিয়ে দাও। দুটোই।’

নিখিল বলিল,—‘কিন্তু পাখীটা যে দেখতে পাবে না!’

‘তা হোক।’

তখন যেখানে দাঁড়াইয়া ছিল সেখান হইতে হাত বাড়াইয়াই নিখিল
সুইচ টিপিয়া দিল। ঘর একেবারে অন্ধকার হইয়া গেল।

‘ললিতা!’

‘কি?’

‘আলো নিবিয়ে দিয়েছি।’

মিনিটখানেক পরে একটি ভারি মিষ্টি ছোট্ট শব্দ হইল।

পাখীটা অন্ধকারে তাহা শুনিতো পাইয়া গম্ভীর স্বরে বলিল,—‘রাধেকৃষ্ণ!’

জটিল ব্যাপার

একটা জটা জুটিয়াছিল।

পরচুলার ব্যবসা করি না; সখের খিয়েটার করাও অনেকদিন ছাড়িয়া
দিয়াছি। তাই, আচম্বিতে যখন একটি পিঙ্গলবর্ণ জটার স্বার্থিকারী হইল
পড়িলাম তখন ভাবনা হইল, এ অমূল্য নিধি লইয়া কি করিব।

কিন্তু কি করিয়া জটা লাভ করিলাম সে বিবরণ পাঠকের গোচর করা
প্রয়োজন; নহিলে বলা-কহা নাই হঠাৎ জটা বাহির করিয়া বসিলে পাঠক
‘স্বভাবতই’ আমাকে বাজীকর বলিয়া সন্দেহ করিবেন। এরূপ সন্দেহভাজন
হইয়া বাচিয়া থাকার চেয়ে উক্ত জটা মাথায় পরিয়া বিবাগী হইয়া যাওয়াও
ভাল।

রবিবার প্রাতঃকালে বহির্দ্বারের সম্মুখে মোড়ায় বসিয়া রোদ পোহাইতে-
ছিলাম। সাঁওতাল পরগনার মিঠে-কড়া ফাস্তুনী রোজ মন্দ লাগিতেছিল না
—এমন সময় এক গ্যাটা-গোঁটা ‘সন্ন্যাসী’ আসিয়া আমার সম্মুখে আবিস্কৃত
হইলেন। ছকার ছাড়িয়া বলিলেন,—‘বম্ মহাদেও। ভিখ্ লাও।

বাঁধাজীর নাভি পূর্ণস্ত সর্পাকৃতি জটা ছলিতেছে, মুখ বিভূতিভূষিত।
তবু ভক্তি হইল না, কহিলাম, ‘কিছু হবে না।’

বাবাজী ঘূর্ণিত নেত্রে কহিলেন,—‘কৈও ! তু য়েচ্ছ্ হ্যায় ? সাধু-সন্ত
নহি মান্তা ?’

বাবাজীর বচন শুনিয়া আপাদমস্তক জ্বলিয়া গেল, বলিলাম, ‘নহি মান্তা ।’
সাধুবাবা অটুহাস্তে পাড়া সচকিত করিয়া বলিলেন, ‘তু বাংগালী হ্যায়—
বাংগালীলোগ ভট্ হোতা হ্যায় !’

আর সন্ত হইল না ; উঠিয়া সাধুবাবার জটা ধরিয়া মারিলাম এক টান ।

কিছুক্ষণ দু-জনেই নির্বাক । তার পর বাবাজী জটাটি আমার হস্তে
রাখিয়া মুণ্ডিত শীর্ষ লইয়া দ্রুত পলায়ন করিলেন । রাস্তায় কয়েক জন লোক
হৈ হৈ করিয়া উঠিল, বাবাজী কিন্তু কোন দিকে দৃকপাত করিলেন না ।

একজন পথচারী সংবাদ দিয়া গেল,—লোকটা দাগী চোর, সূত্ৰপ্রতি জেল
হইতে বাহির হইয়া ভেক লইয়াছে । সে যা হোক, কিন্তু এখন এই জটা
লইয়া কি করিব ? সংবাদদাতাকে সেটি উপহার দিতে চাহিলাম, সে লইতে
সম্মত হইল না ।

হঠাৎ একটা প্ল্যান মাথায় খেলিয়া গেল—গৃহিণীকে ভয় দেখাইতে হইবে ।

বাহিরে প্রকাশ না করিলেও আধুনিকা বলিয়া প্রমীলার মনে বেশ একটু
গর্ষ আছে । গত তিন বৎসরের বিবাহিত জীবনে কখনও তাহাকে সেকলে
বলিবার সুযোগ পাই নাই । নিজেকে সে পুরুষের সমকক্ষ মনে করে, তাই
তাহার লজ্জার বাড়াবাড়ি নাই ; কোনও অবস্থাতেই লজ্জা বা ভয় পাওয়াকে
সে নারীমূলভুলজ্জার ব্যতিক্রম মনে করে ।

তার এই অসঙ্কোচ আত্মস্তরিতা মাঝে মাঝে আমার পৌরুষকে পীড়িত
দিয়াছে, একটা অস্পষ্ট সংশয় কদাচিত মনের কোণে উকি মারিয়াছে—

ভাবিলাম, আজ পরীক্ষা হোক প্রমীলার মনের ভাব কতটা খাঁটি, কতটা
আত্মপ্রতারণা ।

জটা লুকাইয়া রাখিয়া বাড়ির ভিতরটা একবার ঘুরিয়া আসিলাম ।
প্রমীলা বাড়ির পশ্চাদ্বিকের ঘরে বসিয়া আছে । তাহার হাতে একখানা
চিঠি । নিশ্চয় জটা-ঘটিত গুণগোল শুনিতে পায় নাই ।

আমাকে দেখিয়া সে মুখ তুলিয়া চাহিল । মুখখানা গম্ভীর । জিজ্ঞাসা
করিল, ‘কিছু চাই ?’

বলিলাম, ‘না । কার চিঠি ?’

‘বাবার ।’

‘বাড়ির সব ভাল?’

প্রমীলা নীরবে ঘাড় নাড়িল। আমি ‘ঘরময় একবার ঘুরিয়া বেড়াইয়া বুলিলাম, ‘আজ বিকেলে আমার জংশনে যেতে হবে। রাত্রি এগারোটার গাড়িতে ফিরব।’

‘বেশ।’

‘রাত্রে একলাটি বাড়িতে থাকবে, ভয় করবে না তো?’

‘ভয়!’ ঈষৎ ভ্রূ তুলিয়া বলিল, ‘আমার ভয় করে না।’

‘ভাল।’ ঘর হইতে চলিয়া আসিলাম। হঠাৎ এত গাভীর্ষ কেন?

যা হোক, আজ রাত্রেই গাভীর্ষের পরীক্ষা হইবে।

রাত্রি দ্বাড়ে দশটার সময় বন্ধুর গৃহে খানিকটা ছাই লইয়া মুখে মাখিয়া ফেলিলাম; তারপর আলখাল্লা ও জটা পরিধান করিয়া অগ্ন্যায় নিজেকে পরিদর্শন করিলাম।

বন্ধু সপ্রশংসভাবে বলিলেন, ‘খাসা হয়েছে, কার সাধ্য ধরে তুমি দাগাবাজ ভণ্ডসম্মাসী নও। এক ছিলিম গাঁজা টেনে নিলে হত না?’

‘না, অভ্যাস নেই—’ বলিয়া বাহির হইলাম।

নিজের বাড়ির সম্মুখে উপস্থিত হইলাম। দরজা বন্ধ। পিছনের পাঁচিল ডিঙাইয়া ভিতরে প্রবেশ করিলাম।

শয়নঘরে আলো জলিতেছে। দরজার বাহির হইতে উকি মারিয়া দেখিলাম, প্রমীলা আলোর সম্মুখে ইজি-চেয়ারে বসিয়া নিবিষ্টমনে পশমের ক্ষেত্রি বুনিতেছে।

হঠাৎ ঘরে প্রবেশ করিয়া বিকৃত কণ্ঠে বলিলাম, ‘হর হর মহাদেও!’

‘প্রমীলার হাত হইতে শেলাই পড়িয়া গেল, সে ধড়মড় করিয়া উঠিয়া চমকিত কণ্ঠে বলিল, ‘কে?’

আমি খ্যাক খ্যাক করিয়া হাসিয়া বলিলাম, ‘বম্ শব্দ! জয় চামুণ্ডে!’

প্রমীলা বিস্ফারিত স্থির দৃষ্টিতে আমার পানে চাহিয়া দাঁড়াইয়া রহিল, ভয় পাইয়া পলাইবার কোনও চেষ্টা করিল না। তারপর সশব্দে নিশ্বাস টানিয়া বুকের উপর হাত রাখিল। ‘স্বরেশনা, তুমি এ বেশে কেন?’

ভাবচ্যুত থাইয়া গেলাম। স্বরেশনা! আমি পাকা সম্মাসী, আমাকে স্বরেশনা বলে কেন? .

প্রমীলা স্থলিতস্বরে বলিল, ‘স্বরেশনা, আমি তোমাকে চিনতে পেরেছি।

কিন্তু তুমি কেন এলে ?—তোমাকে আমি বলেছিলুম আর আমার কাছে এস না, তবু তুমি এখানে এলে ?’

মাথার মধ্যে বিদ্যুৎ খেলিয়া গেল। স্বরেশ প্রমীলার বাপের বাড়ির বন্ধু, বোধ হয় একটু সম্পর্কও আছে। লোকটাকে আমি গোড়া হইতে অপছন্দ করিতাম; প্রমীলার সঙ্গে বড় বেশি ঘনিষ্ঠতা করিত। কিন্তু সে ঘনিষ্ঠতা যে এত দূর—

ভাড়া গলায় বলিলাম, ‘প্রমীলা—আমি—’

প্রমীলা হুই মূঠি শব্দ করিয়া তীক্ষ্ণ অল্পস্বরে বলিল, ‘না না, তুমি যাও স্বরেশদা, ইহজন্মে আমাদের মধ্যে সব সম্পর্ক ঘুচে গেছে। আগেকার কথা ভুলে যাও। এখন আর আমি তোমার কাছে যেতে পারব না।’

দাঁতে দাঁত চাপিয়া বলিলাম, ‘প্রমীলা, এক দিনের জন্তেও কি তুমি আমাকে ভাল—’

‘বাসত্বম। এখনও বাসি। কিন্তু তুমি যাও স্বরেশদা, দোহাই তোমার— এখনই বাড়ির মালিক এসে পড়বে—সর্বনাশ হবে।’

আমি তাহার কাছে ঘেষিয়া গেলাম কিন্তু সে সরিয়া গেল না, উত্তেজনা-অধীর স্বরে বলিল, ‘যাবে না ? আমার গালে চুণকালি না মাথিয়ে তুমি যাবে না ? তোমার পায়ে পড়ি স্বরেশদা, এখনই সে এসে পড়বে। তবু দাঁড়িয়ে রইলে ? আচ্ছা, এবার যাও—’ সহসা সে আমার ভ্রমলিপ্ত অধরে চূষন করিল— ‘এস !’ আমার হাত ধরিয়া ঘরের বাহিরে টানিয়া লইয়া চলিল। আমি হতভম্বের মত চলিলাম।

খিড়কির দ্বার খুলিয়া দিয়া প্রমীলা বলিল, ‘আর কখনও এমন পাগলামি করো না। যদি থাকতে না পার, চিঠি দিও—ও আমার চিঠি পড়ে না। কিন্তু এমন ভাবে আর কখনও আমার কাছে এস না। মনে রেখ, যত দূরেই থাকি আমি তোমারই, আর কারুর নয়।’

অন্ধকারে তাহার মুখ দেখিতে পাইলাম না, কিন্তু মনে হইল সে উচ্ছ্বসিত কান্না চাপিবার চেষ্টা করিতেছে।

নিজের খিড়কির দরজা দিয়া চুপি চুপি চৌরের মত বাহির হইয়া গেলাম।

*

*

*

কৈচো খুঁড়িতে সাপ বাহির হইল।

কিন্তু তবু, চিরদিন অন্ধের মত প্রতারিত হওয়ার চেয়ে এ ভাল।

প্রমীলার চুশন আমার অধরে পোড়া ঘাঘের মত জলিতেছিল, তাহার কথাগুলো বুকের মধ্যে কাটিয়া কাটিয়া বসিয়া গিয়াছিল। ‘ইহজন্মে আমাদের মধ্যে সব সম্পর্ক ঘুচে গেছে—’ কিরূপ সম্পর্কের ইঙ্গিত এই কথাগুলোর মধ্যে রহিয়াছে? ‘বাসত্ব—এখনও ভালবাসি’—আমার সঙ্গে তবে এই তিন বৎসর ধরিয়া কেবল অভিনয় চলিয়াছে! ‘আমি তোমারই, আর কারুর নয়’—হুঁ, স্বামী শুধু বিলাসের সামগ্রী জোগাইবার যত্ন! উঃ! এই নারী! আধুনিকা শিক্ষিতা নারী!

বন্ধুর গৃহে ফিরিলে বন্ধু জিজ্ঞাসা করিলেন, ‘কি হল? বিড়ম্বা বৌ সন্ধ্যাসী ঠাকুরকে কি রকম অভ্যর্থনা করলে?’

মুখের ছাঁই ধুইতে ধুইতে বলিলাম, ‘ভাল।’

‘দাঁতকপাটি লেগেছিল?’

মনে মনে বলিলাম ‘লেগেছিল, আমার।’

স্থির করিলাম, নাটুকে কাণ্ড ছোরাছুরি আমার জ্ঞান নয়। প্রমীলা কতখানি ছলনা করিতে পারে আজ দেখিব; তারপর তাহার সমস্ত প্রভাবাণা উদ্ঘাটিত করিয়া দিয়া বাড়ি ছাড়িয়া চলিয়া আসিব। ভদ্রলোকে ইহার বেশি আর কি করিতে পারে? ইহার পরও যদি প্রমীলা তাহার আধুনিক কালচারের দর্প লইয়া বাঁচিয়া থাকিতে পারে তো পারুক। রোহিণী-গোবিন্দলালের খিয়েটারী অভিনয় করিয়া আমি নিজেকে কলঙ্কিত করিব না।

বাড়ি গিয়া ঘরের কড়া নাড়িলাম। প্রমীলা আসিয়া দ্বার খুলিয়া দিল। দেখিলাম, তাহার মুখ প্রশান্ত, চোখের দৃষ্টিতে গোপন অপরাধের চিহ্নমাত্র নাই।

সে বলিল, ‘এরই মধ্যে স্টেশন থেকে এলে কি করে? এই তো পাঁচ মিনিট হল ট্রেন এল, আওয়াজ শুনে পেলুম।’

জুতা জামা খুলিতে খুলিতে বলিলাম, ‘তাড়াতাড়ি পাচালিয়ে এলুম—তুমি একলা আছ।’ প্রথমটা আমাকেও তো অভিনয় করিতে হইবে!

‘কিছু খাবে নাকি? দুধ মিষ্টি ঢাকা দিয়ে রেখেছি।’

‘না—খেয়ে এসেছি।’ টেবিলের উপর আলোটা বাড়াইয়া দিয়া চেয়ারে বসিলাম।

‘শোবে না? আলো বাড়িয়ে দিলে যে?’

আমার সমস্ত ইঞ্জিয় তাহার কণ্ঠস্বরে, মুখের ভঙ্গিমায়, দেহের সঞ্চালনে,

১৮২ • শরদিন্দু বন্দ্যোপাধ্যায়ের সরস গল্প

কোন একটা নির্দেশক চিহ্ন খুঁজিতেছিল। কিন্তু আশ্চর্য তাহার অভিনয়, চক্ষের পলকপাতে তাহার মনের কথা ধরা গেল না।—এমনি করিয়াই এত দিন অজ্ঞ করিয়া রাখিয়াছে! উঃ—

বলিলাম, ‘আলো বাড়িয়ে দিলুম তোমার মুখ ভাল করে দেখব বলে।’

সে ঐ বাতকী সহকারে হাসিয়া বলিল, ‘কেন, আমার মুখ এই প্রথম দেখছ নাকি?’

বলিলাম, ‘না। কিন্তু মুখ কি ইচ্ছে করলেই দেখা যায়! আমার মুখ তুমি দেখতে পেয়েছ?’

‘পেয়েছি। এত রাত্রে আর হেঁয়ালি করতে হবে না—শুয়ে পড়।—আমি আসছি।’

পাশের ঘরে গিয়া অতি শীঘ্র বেশ পরিবর্তন করিয়া সে ফিরিয়া আসিল। ‘এখনও শোও নি? শীতও করে না বুঝি! আমি বাপু ছেলেমানুষ, আর দাঁড়াতে পারব না।’ একটু হাসিল।

তার পর আমার হাত ধরিয়া টানিয়া বলিল, ‘ওগো এস, শুয়ে পড়ি।’

এত ঘনিষ্ঠ, এত অন্তরঙ্গ এই কথা কয়টি যে আমার হঠাৎ হোঁকা লাগিল—আগাগোড়া একটা দুঃস্বপ্ন নয় তো?

‘প্রমীলা!’

শঙ্কিত চক্ষে চাহিয়া সে বলিল, ‘কি গা?’

আত্মসম্বরণ করিয়া বলিলাম, ‘না, কিছু নয়। শুয়ে পড়াই যাক, রাত হয়েছে।’

শয়ন করিবার পর কিয়ৎকাল দু-জনেই চুপ করিয়া রহিলাম। পাশাপাশি শুইয়া দুইজন মানুষের মধ্যে কতখানি লুকোচুরি চলিতে পারে ভাবিলে আশ্চর্য হইতে হয়।

হঠাৎ প্রমীলা বলিল, ‘আজ সন্ধ্যার পর কানন বেড়াতে এসেছিল।’

‘কানন?’

‘হ্যাঁ গো—কানন। যাকে বিয়ের আগে, এত ভালবাসতে—এখন মনেই পড়ছে না?’

গম্ভীরভাবে বলিলাম, ‘ভালবাসতুম না, সে আমার ছেলেবেলার বন্ধু!’

‘ঐ হল। সে দু-তিন দিন হল বাপের বাড়ি এসেছে; আজ এ বাড়িতে এসেছিল। তার সঙ্গে অনেক গল্প হল।’

‘কি গল্প হল?’

‘তুমি কবে একবার কালিঝুলি মেখে ভূত সেজে রাতে তার শোবার ঘরে ঢুকেছিলে, সেই গল্প বললে।’

কিছুকাল নীরব থাকিয়া বলিলাম, ‘আর কি বললে?’

‘আরও অনেক গল্প। আচ্ছা, রাত দুপুরে সোমন্ত মেয়ের ঘরে ঢুকেছিলে কেন বল তো?’

‘ভয় দেখাবার জন্তে।’

‘আর কোন মতলব ছিল না?’

মাথায় রাগ চড়িতেছিল। প্রমীলা আমার খুঁত ধরিতে চায় কোন স্পর্ধায়? অথবা ইহাও ছলনার একটা অঙ্গ?

গলার স্বরটা একটু উগ্র হইয়া গেল—‘না। তবে তুমি অল্প কিছু ভাবতে পার বটে!’

‘কেন?’

আমি বিছানার উপর উঠিয়া বসিলাম, ‘প্রমীলা!’

‘কি?’

‘তোমার সুরেশদা এখন কোথায়?’

ক্ষীণস্বরে প্রমীলা বলিল, ‘সুরেশদা!’

‘হ্যাঁ—সুরেশদা—বাকে বিয়ের আগে এত ভালবাসতে—মনে পড়ছে না?’

কিছুক্ষণ স্তব্ধ থাকিয়া প্রমীলা ধীরে ধীরে বলিল, ‘পড়ছে। তাকে বিয়ের আগে ভালবাসতুম, এখনও বাসি।’

স্তম্ভিত হইয়া গেলাম। আমার মুখের উপর একথা বলিতে বাধিল না?

দাঁতে দাঁতে চাপিয়া বলিলাম, ‘তোমার এই সুরেশদা এখন কোথায় আছেন বলতে পার?’

‘পারি। তুমি শুনতে চাও?’

‘বল। তোমার মুখেই শুনি।’

প্রমীলা উর্ধ্বে অঙ্গুলি দেখাইয়া বলিল, ‘তিনি স্বর্গে।’

‘স্বর্গে!—মানে?’

প্রমীলা ভারী গলায় বলিল, ‘আজ সকালে বাবার চিঠি পেয়েছি, সুরেশদা

মারা গেছেন। তুমি স্বরেশদাকে পছন্দ করতে না, তাই তোমাকে বলি নি।’
‘হঠাৎ একটা উচ্ছ্বসিত দীর্ঘনিশ্বাস ফেলিল, ‘স্বরেশদা দেবতার মত লোক ছিলেন,
আমাকে ‘মা’র-পেটের-বোনের চেয়েও বেশি স্নেহ করতেন।’

মাথাটা পুরিকার হইতে একটু সময় লাগিল।

প্রমীলা আমার গায়ে হাত রাখিয়া মুহূর্তান্তে বলিল, ‘এবার ঘুমোও।’
তারপর নিজের কথার পুনরাবৃত্তি করিয়া বলিল, ‘আর কখনও এমন পাগলামি
ক’রো না। মনে রেখ আমি তোমারই, আর কারুর নয়—’

গ্রন্থকার

প্রকাশকের জরুরী তাগিদে সেদিন ন’টা পঁচিশের লোকালে কলিকাতা
বন্দোবস্ত ছিল, সাড়ে দশটা বাজিতে বাজিতে হাওড়ায়
পৌছিয়া কলিকাতার কাজ-কর্ম সারিয়া দেড়টার গাড়িতে আবার বাড়ি ফিরিব।

আমাদের স্টেশনে মাত্র আধ মিনিট গাড়ি দাঁড়ায়; তাই দেখিয়া-শুনিয়া
একটা নির্জন কামরা খুঁজিয়া লওয়া সম্ভব হইল না, সম্মুখে যে ইন্টারকাস
কামরাটা পাইলাম তাহাতেই উঠিয়া পড়িতে হইল। গাড়ি তখন আবার
চলিতে আরম্ভ করিয়াছে।

দুইখানি করিয়া সমান্তরাল বেঞ্চি লোহার গরাদ দিয়া পৃথক করিয়া দেওয়া
হইয়াছে—যাহাতে অনেকগুলো লোকাল প্যাসেঞ্জার একত্র হইয়া কামড়াকামড়ি
না করে। আমি যে কুঠুরীতে ঢুকিয়াছিলাম তাহাতে গুটি চার-পাঁচ ভদ্রলোক
বসিয়াছিলেন। দুই পাশের অগ্র খাঁচাগুলিতেও দু’চারজন করিয়া লোক
ছিলেন। তাঁহাদের চেহারা দেখিয়া এমন কিছু বোধ হইল না যে, ছাড়া পাইলেই
তাঁহারা পরস্পরকে আক্রমণ করিবেন। যাহোক, সাবধানে একটু কোণ
ঘেঁষিয়া বসিলাম।

আমার পাশে বসিয়া একটি প্রৌঢ় গোছের ভদ্রলোক একাগ্রভাবে একখানা
বই গিলিতেছিলেন। অগ্র কোনও দিকে তাঁহার দৃষ্টি ছিল না। ‘বোধ হয়
আবেগের প্রাবল্যেই তাঁহার কাঁচা-পাকা দেড়-ইঞ্চি-চওড়া গৌণ নড়িয়া
উঠিতেছিল, কোটরগত চক্ষু জলজল করিতেছিল। ভারী চোয়াল চিবানোর

ভক্তিতে নাড়িয়া তিনি মাঝে মাঝে গলা দিয়া একপ্রকার শব্দ বাহির করিতে-
ছিলেন—গরু—বু—

কী এমন বই যাহা ভক্তলোককে এত উত্তেজিত করিয়া তুলিয়াছে ?
জিরাকের মত গলা উচু করিয়া বইখানার নাম পড়িলাম—‘নীল রক্ত’। বইখানা
পরিচিত—লেখকের নাম প্রজ্ঞাত রায়। মাস কয়েক পূর্বে বইটি বাহির
হইয়া সাহিত্য-ক্ষেত্রে বিশেষ আন্দোলনের সৃষ্টি করিয়াছিল।

পাশের খাঁচাশইতে এক ভক্তলোক গলা চড়াইয়া জিজ্ঞাসা করিলেন,—
‘প্যারীদা, অত মন দিয়ে কী পড়ছেন ?’

পুস্তকপাঠ-নিরত ব্যক্তিই প্যারীদা। তিনি মুখ তুলিয়া সক্রোধে খ্যাক
খ্যাক করিয়া হাসিলেন, বলিলেন,—‘পদা ছোড়ার কেলেকারি দেখছি ! কী
ল্যাংখাই লিখেছেন ! মরি মরি ! এই বই নিয়ে আবার তুমুল ঝগড়া বেধে গেছে।
বইখানা বিশেষ লাইব্রেরি থেকে এনেছিল। ভাবলুম, দেখি তো পদা কি
লিখেছে। ছেলেবেলা থেকেই ছোড়াকে জানি—আমার শালীর সম্পর্কে
ভাস্করপো হয়।—তা, যে বিত্তে ছবুকুটেছেন সে আর কহতব্য নয়।’

সকলে কৌতুহলী হইয়া উঠিলেন। একজন প্রশ্ন করিলেন,—‘নাম কি
বইখানার ?’

প্যারীদা তাচ্ছিল্য-সূচক গলা-খাংকারি দিয়া বলিলেন,—‘নীল রক্ত’। যেমন
‘নাম, তেমনি বই। আরে, তখন আমার বোঝা উচিত ছিল; পদা আবার বই—
লিখবে ! মেনি-মুখে একটা ছোড়া, তিনবার ম্যাটিক ফেল করেছে—’

আর একজন বলিলেন,—‘নীল রক্ত ! বইখানার নাম শুনেছি বটে—
সৈদিন বোসেদের গুপে বলছিল বইখানা ভাল হয়েছে। গুপে বাংলা বইয়ের
খবর-টবর রাখে। তা লেখককে আপনি চেনেন নাকি ?’

প্যারীদা বলিলেন,—‘বললুম না, আমার শালীর ভাস্করপো।—বাঘ-
আঁচড়ায় থাকে, চালচুলো কিছু নেই। রোগা সিঁড়িঙ্গে হাড়-বের-করা ছোড়া,
মুখে বুদ্ধির নামগন্ধ নেই, কথা কইতে গেলে তিনবার হৌচট খায়—সে আবার
বই লিখবে ! হেসে আর বাঁচিনে !’

গ্রন্থকার শব্দটার মধ্যে কি-একটা সম্মোহন আছে, বিশেষত কেহ যদি
বলে আমি অমুক লেখককে চিনি, তাহা হইলে আর রক্ষা নাই, দেখিতে দেখিতে
সে সকলের ঈর্ষা ও অস্বাদ পাত্র হইয়া উঠে। প্যারীদাও গাড়িমুদ্র লোকের
মনোযোগ আকর্ষণ করিয়া লইলেন।

আম্ন একটি প্রোট ভদ্রলোক গালে একগাল পানদোস্তা পুরিয়া মুহু-মন্ম রোমন্থন করিতেছিলেন, তিনি বলিলেন,—‘প্যারী, তুমি তো দেখছি ছোকরার ওপর বেজায় চটে গেছে। গল্পটা কী লিখেছে খল দেখি—আমরাও শুনি।’

প্যারীদা বলিলেন,—‘লিখেছে আমার মুণ্ড আর তার বাপের পিণ্ডি!’

‘আহা, গল্পটা বলই না ছাই।’

‘গল্প না ঘটা—এক বৃন্দ্যাদী জমিদার-বংশের ছেলের কেচ্ছা। আয়া দেখে হাসি পায়! তোর বাপ তো হল গিয়ে সর্বপোষ্ট-অফিসের পোষ্টমাস্টার—তুই জমিদারের ছেলে কখনও চোখে দেখেছিস যে তাদের কেচ্ছা লিখতে গেলি এঁকেই বলে, পেটে ভাত নেই কপালে সিঁদুর।—আমি যদি ও গল্প লিখতুম তাহলেও বা কথা ছিল। নিজে ছা-পোষা বটে কিন্তু ত্রিশবছর ধরে ছুঁবেলা জমিদারের বৈঠকখানায় আড্ডা দিচ্ছি—তাদের নাড়ী থেকে হাঁড়ি পর্যন্ত সব খবর রাখি।—বলুন তো মশাই?’ বলিয়া প্যারীদা হঠাৎ আমার দিকে ফিরিলেন।

‘পদরীদার কথা শুনিতে শুনিতে কেমন আচ্ছন্নের মত, হইয়া পড়িয়াছিলাম, অগৎটাই মায়াময় বোধ হইতেছিল, চমকিয়া উঠিয়া বলিলাম,—‘সে তো ঠিক কথা, কিন্তু—’

‘কিন্তু টিন্ত নয়—খাটি কথা। লেখার অভ্যাস নেই এই যা, নইলে এমন গল্প লিখতে পারতুম যে, পদার বাবাও ভ্যাবাচ্যাকা খেয়ে যেত।’

পূর্বোক্ত পদ-চর্চণ-রত ভদ্রলোক বলিলেন,—‘কিন্তু গল্পটাই যে তুমি বলছ না হে!’

প্যারীদা বলিলেন,—‘গল্পর কি আর মাথা-মুণ্ড আছে! যত সব উদ্ভট ব্যাপার। শুনতে চাও তো বলছি।’ বলিয়া একবার চারিদিকে দৃষ্টি নিক্ষেপ করিলেন।

আমার একবার সন্দেহ হইল, প্যারীদা গল্পটা সকলকে শুনাইবার জন্যই এতটা তাল ঠুকিতেছিলেন। যাহারা গল্প বলিতে জানে, শ্রোতার মনকে তৈয়ার করিয়া লইতেও তাহার পটু! দেখিলুম, চলন্ত গাড়ির শব্দের ভিতর হইতে প্যারীদার গল্প শুনিবার জন্য সকলেই উৎকর্ষ হইয়া আছে। প্যারীদার মুখের উপর একটা তৃপ্তির ভাব ক্ষণেকের জন্য খেলিয়া গেল। তিনি বলিতে আরম্ভ করিলেন।

শেক্সপীয়রের মত এক একজন প্রতিভাবান লোক আছে, যাহারা পরের

গল্প আশ্রয় করিয়া তাহার চেহারা বদলাইয়া দিতে পারে। দেখিলাম প্যারীদারও সেই শ্রেণীর প্রতিভা। বইখানা কেমন হইয়াছে তাহা বলা আমার পক্ষে সম্ভব নয়—কিন্তু প্যারীদার বলার ভঙ্গীতে গল্প জমিয়া উঠিল। আমি তাহারই কথায় যতদূর সম্ভব সংক্ষেপে গল্পটাকে উদ্ধৃত করিলাম।—

এক মস্ত জমিদার-বংশ; তিনশ' বছর ধরে চলে আসছে। তিন লক্ষ টাকা বছরে আয়, সাতশ'হল বাড়ি, এগারোটা হাতী, বাগ্যানটা ঘোড়া; লাঞ্ছিত সৈয়দ বরকন্দাজ মশাল্চি হুকাবরদার—চারদিকে গিশ গিশ করছে। মোটের উপর, একটা রাজপাট বললেই হয়।

সেকালে জমিদারেরা ভীষণ দুর্দাস্ত ছিল। ডাকাতি, গুমখুন, গাঁ জালিয়ে দেওয়া—এমন কাজ নেই যা তারা করত না। তাদের এক বিধবা মেয়ের নাকি চারিজন খারাপ হয়েছিল—জমিদার জানতে পেরে নিজের মেয়ে আর তার উপপতিকে ধরে এনে নিজের বৈঠকখানা ঘরের মেঝেয় পুঁতে আবাক রাতারাতি মেঝে শান্ন বাঁধিয়ে ফেলেছিল। তাদের অত্যাচার আর দ্বাপটের কত কাহিনী যে প্রচলিত ছিল তার শেষ নেই। আশে-পাশের জমিদারেরা তাদের ঘরের মতন ভয় করত। শোনা যায়, সীমানার এক ঘাটোয়ালের সঙ্গে দখল নিয়ে তকরার হওয়াতে সেই ঘাটোয়ালকে তার বাড়ি থেকে লোপাট করে এনে অমাবস্তার রাত্রে মা কালীর সামনে বলি দিয়েছিল।

আজকাল অবস্থা সে সব আর নেই—তবে রাজপাট ঠিক বজায় আছে। বর্তমান জমিদারের একমাত্র ছেলে, তার নাম অহীন্দ্র। সেই হল গিয়ে এই গল্পের নায়ক। সে রীতিমত ইংরেজী লেখাপড়া শিখেছে, কলকাতায় প্রকাণ্ড বাসা করে থাকে। সে বড় ভাল ছেলে। বড় শাস্ত প্রকৃতি তার—পূর্বপুরুষদের দুর্দাস্ত স্বভাব একটুও পায় নি—সাত চড়ে মুখে রা নেই। চেহারাও চমৎকার—লেখাপড়াতেও ধারালো। এক কথায় যাকে বলে হীরের টুকরো ছেলে।

এই ছেলে লেখাপড়া করতে করতে হঠাৎ এক ব্যারিস্টারের মেয়ের প্রেমে পড়ে গেল। সে ব্যারিস্টারের বাড়িতে যাতায়াত আরম্ভ করলে। ব্যারিস্টারটির বাইরের ঠাট ঠিক আছে; কিন্তু ভেতরে একেবারে ভূয়ো—আকণ্ঠ দেনা। তাঁর মেয়ে মনীষা কিন্তু খুব ভাল মেয়ে; হৃদয়ী শিক্ষিতা

বটে কিন্তু ডে'পো চালিয়াৎ নয়—শাস্ত দীর নয়। সেও মনে মনে অহীন্দ্রকে ভালবেসে ফেললে।

কিন্তু প্রেমের পথ বড়ই কুটিল; এতবড় জমিদারের ছেলেও দেখলে তার প্রিয়তমাকে পাবার পথে হস্তর বাধা। অর্থাৎ, মনীষার আর একটি উমেদার আছে। উমেদারটি আর কেউ নয়—ব্যারিস্টার সাহেবের পাওনাদার। লোকটার বয়স চল্লিশের কাছাকাছি, অবিবাহিত, বিলেত-ফেরৎ এবং টাকা হাঁড়ি। তার নামে মাঝে মাঝে কিছু কানাঘুষোও শোনা যেত—কিন্তু যার অত টাকা, তার নামে কুৎসা কে গ্রাহ্য করে?

ব্যারিস্টার সাহেবের চরিত্র অতি দুর্বল। তিনি মেয়েকে ভালবাসেন বটে কিন্তু পাওনাদারের মুঠোর মধ্যে গিয়ে পড়েছেন। তাই, ইচ্ছা থাকলেও অহীন্দ্রের সঙ্গে মেয়ের বিয়ের সম্ভাবনাটা মনের মধ্যে গ্রহণ করতে পারছেন না। অহীন্দ্রও স্পষ্ট করে কোন কথা বলে না, কেবল আসে-যায়, গল্প করে, চা খায়—এই পর্যন্ত। তার মনের ভাব হয়ত কেউ কেউ বুঝতে পারে, কিন্তু সে মুখ ফুটে কিছু প্রকাশ করে না। এমনি ভাবে ছ'মাস কেটে গেল।

ছ'মাস পরে একদিন কথায় কথায় অহীন্দ্র পাওনাদার বাবুর মনের ভাব জানতে পারলে। তিনি মনীষাকে বিয়ে করতে চান না—বিয়েতে তাঁর ভারি অকুচি—তাঁর মতলব অত্যন্ত রকম। কিন্তু মনীষা ভালমানুষ হলেও ভারি শক্ত মেয়ে, সে ও-সবে রাজি নয়। ব্যারিস্টার সাহেব সবই বোঝেন কিন্তু পাওনাদারকে স্টাভার সাহস তাঁর নেই—তিনি কেবল চোখ বুজে থাকেন। কিন্তু তবু পাওনাদার বাবু স্থবিধা করে উঠতে পারছেন না।

এই ব্যাপার জানতে পেরেও অহীন্দ্র কোন কথা বললে না, চুপ কষ্টে রইল। সে এতই ভালমানুষ যে, পাওনাদার বাবু তার প্রতিদ্বন্দ্বী জেনেও সে কোন দিন তাঁর প্রতি বিরাগ বা বিতৃষ্ণা দেখায় নি। দুজনের মধ্যে বেশ সম্ভাবই ছিল। পাওনাদার বাবু অহীন্দ্রকে গোবেচারি ভ্যাড়াকাস্ত মনে করে ভেতরে ভেতরে একটু কুপার চক্ষেই দেখতেন।

একদিন সন্ধ্যার পর অহীন্দ্র ব্যারিস্টার সাহেবের বাড়িতে এসে দেখলে, মনীষা বাগানে ঘাসের ওপর উপুড় হয়ে শুয়ে কঁদছে। অহীন্দ্র নিশ্চয়ই বাগান থেকে ফিরে চলে এল।

পরদিন বিকেল বেলা অহীন্দ্র পাওনাদার বাবুর সঙ্গে 'নিরিবিলা' দেখা করে বললে,—‘আপনার সঙ্গে একটা ভারি গোপনীয় কথা আছে—কিছু টাকা ধার

চাই। কাজটা কিন্তু খুব চুপি চুপি সারতে হবে—বাবা না জানতে পারেন।’

বড়লোকের ছেলেদের টাকা ধার দেওয়াই পাওনাদার বাবুর ব্যবসা, তিনি খুশী হয়ে বললেন,—‘বেশ তো! আজ রাত্রি দশটার সময় আপনি আমার বাড়িতে যাবেন। কেউ থাকবে না—চাকর-বাকরদেরও সরিয়ে দেব।’

রাত্রি দশটার সময় অহীন্দ্র পাওনাদার বাবুর বাড়িতে পায়ে হেঁটে উপস্থিত হল; দেখলে, গৃহস্থামী ছাড়া বাড়ীতে আর কেউ নেই। তখন হুঁজুে টিকার কথা আরম্ভ হল।

অহীন্দ্র বিশ হাজার টাকা ধার চায়। কিন্তু স্বদের হার নিয়ে একটু কষাকষি চলতে লাগল। অহীন্দ্র বললে সে শতকরা দশ টাকার বেশি স্বদ দিতে পারবে না। পাওনাদার বাবু বললেন তিনি শতকরা পনের টাকার কম স্বদ নেন না। তার কারণ, যারা তাঁর কাছে ধার নেয় তাদের নাম কখনও জানাজানি হয় না—গোপন থাকে। অহীন্দ্র তাঁর কথায় সন্দেহ প্রকাশ করলে। তখন তিনি লোহার আলমারি খুলে অগ্নাজ্ঞ তমস্রক বার করে দেখালেন যে সকলেই শতকরা পনের টাকা হারে স্বদ দিয়েছে।

এই সময় টেবুলের ওপর আলোটা হঠাৎ নিভে গেল। তারপর অন্ধকার ঘরের মধ্যে কি হল কেউ জানে না।

পরদিন সন্ধ্যাবেলা অহীন্দ্র যথারীতি ব্যারিস্টার সাহেবের বাড়ি গিয়ে শুনলে যে, পাওনাদার বাবু হঠাৎ মারা গেছেন। কিসে মারা গেছেন, কেউ বলতে পারলে না। তবে তাঁর চরিত্র ভাল ছিল না, তাই অনেকেই অহুমানু করলে যে, এর মধ্যে স্ত্রীলোকঘটিত কোন ব্যাপার আছে।

এই ঘটনার সাতদিন পরে ব্যারিস্টার সাহেব বুক-পোস্টে একটা কাগজের তাড়া পেলেন। খুলে দেখলেন, কোন অজ্ঞাত লোক তাঁর তমস্রকখানি পাঠিয়ে দিয়েছে।

অতঃপর জমিদারের সুবোধ শাস্ত্র ছেলের সঙ্গে ঋণমুক্ত ব্যারিস্টারের মেয়ের বিয়ে হয়ে গেল। প্রেমিক প্রেমিকার মিলন হল।

পন্নরীদা বলিলেন,—‘শুনলে তো গল্প?’

সকলে চুপ করিয়া রহিল। ট্রেন এতক্ষণ প্রত্যেক স্টেশনে থামিতে থামিতে প্রায় গন্তব্যস্থানে আসিয়া পৌঁছিয়াছিল। বেলুড়ে গাড়ি ধরিতেই, একটি

পুরদিস্তর তরুণ আমাদের কামরায় প্রবেশ করিয়া ক্রমালে সন্তর্পণে গদি ঝাড়িয়া উপবেশন করিল এবং চণ্ডা কালো ফিতার প্রান্তে বাঁধা প্যাশ-নে চশমার ভিতর দ্বিধা আমাদের সকলের দিকে একবার অবজ্ঞাভরে দৃষ্টিপাত করিল।

গাড়ি আবার চলিতে আরম্ভ করিল।

‘নীল রক্ত’ বইখানা প্যারীদা-র হাতেই ছিল; তরুণ এতক্ষণে সেটার নাম দেখিতে পাইয়া মুকুন্দিয়ানা চালে ঈষৎ হাসিয়া বলিল,—‘কেমন পড়লেন বইখানা? ওটা আমার লেখা।’

আমরা সকলে স্তম্ভিত হইয়া তরুণের মুখের পানে তাকাইয়া রহিলাম। প্যারীদা কিয়ৎকালের জ্ঞা একেবারে নির্বাক হইয়া গেলেন, তারপর গর্জন করিয়া উঠিলেন,—‘তোমার লেখা? কে হে তুমি ছোকরা? এ বই পদার লেখা—আমার শালীর ভাস্কর্য্যো পদা।’

তরুণ অবচলিত ভাবে একটু সিগারেট ধরাইয়া বলিল,—‘আপনার শালীর ভাস্কর থাকতে পারে এবং সেই ভাস্করের পদা নামক ছেলে থাকাও অসম্ভব নয়। কিন্তু বইখানা আমার লেখা। আমার নাম—প্রজ্ঞোত রায়।’

গাড়িহীন লোক এই অভাবনীয় ব্যাপার দেখিয়া একেবারে চমৎকৃত হইয়া গেল। যাহারা দূরে যুঁহাচায় ছিল তাহারা দাঁড়াইয়া উঠিয়া একদৃষ্টে তরুণকে নিরীক্ষণ করিতে লাগিল।

তরুণ বলিল,—‘পদা-নামধারী কোন ব্যক্তির বই লেখা সম্ভব নয়।—দেখি বইখানা।’ বলিয়া তরুণ হাত বাড়াইল।

প্যারীদা-র মুখ দেখিয়া বোধ হইল তিনি এখনি বইখানি জানালা গলাইয়া ফেলিয়া দিবেন, কিন্তু লাইব্রেরিকে দেড় টাকা গুনাগার দিতে হইবে এই ভয়েই বোধ হয় তাহা করিলেন না। তরুণ বইখানা লইয়া কয়েক পাতা উন্টাইয়া বলিল,—‘শুনুন, মুখস্থ বলছি—১০৯ পৃষ্ঠায় আছে—“সভ্যতা ও ধর্ম্মভয় মানুষের গায়ে কীণতম পালিশ মাত্র; জীবনের অবিশ্রাম বর্ধণে তাহা উঠিয়া গিয়া ভিতরের প্রকৃত মহত্ত্বমূর্তি কখনও কখনও বাহির হইয়া পড়ে। তখন সেই আদিম সভ্যতালেশবর্জিত নখদস্তাঙ্ক মহত্ত্বমূর্তি দেখিয়া আমরা আতঙ্কে শিহরিয়া উঠি। বুঝিতে পারি না যে, আমাদের সকলের মধ্যেই এই ভয়ঙ্কর মূর্তি লুকাইয়া আছে—প্রয়োজন হইলেই সে ছদ্মবেশ ফেলিয়া বাহির হইয়া আসিবে। অনেকের জীবনেই সে প্রয়োজন আসে না—কিন্তু বাহার আসে,—”